

საქართველოს სსრ მეცნიერებათა აკადემიის



მაცნე

675-ი/
1975 / 2

მც

ისტორიის
არქეოლოგიის
ეთნოგრაფიისა და
სელოუნების ისტორიის
სერია

1 · 1975



ისტორიის, არქეოლოგიის,
ეთნოგრაფიისა და
ხელოვნების ისტორიის
სერია

СЕРИЯ
ИСТОРИИ, АРХЕОЛОГИИ,
ЭТНОГРАФИИ И
ИСТОРИИ ИСКУССТВА

13135



თბილისი
ТБИЛИСИ

1 · 1975

ქ. შატავის საბ. საქ. მხ.
საბჭოთაო რესპუბლიკა
თბილისი



ს ა რ ე ლ ა ქ ც ი ო კ ო ლ ე ზ ი ა : ა. აფაქიძე, ვ. ბერიძე, ვ. გაბაშვილი,
 ი. კაჭარავა (რედაქტორის მოადგილე), რ. კიკნაძე (რედაქტორის მოადგილე),
 გ. მელიქიშვილი (რედაქტორი), ვ. ნიტაია, ლ. ჭილაშვილი

РЕДАКЦИОННАЯ КОЛЛЕГИЯ: А. М. Апакидзе, В. В. Беридзе,
 В. Н. Габашвили, Ю. М. Качарава (зам. редактора), Р. К. Кикнадзе (зам. редактора),
 Г. А. Меликишвили (редактор), Г. С. Читая, Л. А. Чилашвили.

პასუხისმგებელი მდივანი ვ. ვაშიაძე
 Ответственный секретарь Э. Вашиаидзе

რ ე დ ა ქ ც ი ი ს მ ი ს ა მ ა რ თ ი : თბილისი, 380060, კუტუზოვის ქ., № 19
 Адрес редакции: Тбилиси, 380060, ул. Кутузова, 19
 ტელეფონი 37-24-07 телефон

ბელმოწერილია დისაბეჭდად 31.III.75; შეკვ. № 3567; ანაწყოების ზომა 7×12;
 ქალაღდის ზომა 70×108¹/₁₆; ნაბეჭდი თაბაბი 17.68; სააღრიცხვო-საგამომცემლო
 თაბაბი 16.42; უე 01859; ტირაჟი 1500.
 ფასი 1 მან.

*
 გამომცემლობა „მეცნიერება“, თბილისი, 380060, კუტუზოვის ქ., 19
 Издательство «Мецниереба», Тбилиси, 380060, ул. Кутузова 19

*
 საქ. სსრ მეცნიერებათა აკადემიის სტამბა, თბილისი, 380060, კუტუზოვის ქ., 19
 Типография АН Грузинской ССР, Тбилиси, 380060, ул. Кутузова, 19



Handwritten number 22227

შინაარსი

რუსეთის პირველი რევოლუციის 70 წლისთავისათვის

- მ. ჯიჯანიშვილი, დიდი ოქტომბრის გენერალური რეპეტიცია	5
- ნ. ბულგაკოვა, ამიერკავკასიის ბოლშევიკური ორგანიზაციების ბრძოლის ფორმები პარტიის ერთიანობისათვის რუსეთის პირველი რევოლუციის წლებში	14

წერილები

- შ. თეთვაძე, საქართველოს კომუნისტური პარტიის მოღვაწეობა შინაპარტიული დემოკრატიის განვითარებისა და პარტიული დისციპლინის განმტკიცებისათვის (1933—1987 წწ.)	27
- მ. ინაძე, ათენი და აღმოსავლეთ შავიზღვისპირეთი	43
- მ. ითონიშვილი, ამიერკავკასიის ხალხთა საოჯახო უფლის საკითხები საბჭოთა ეთნოგრაფიულ მემკვიდრეობაში	64

ცნობები და შენიშვნები

- მ. ჩიქოვანი, მიწის პრობლემა საქართველოში და კოლხეთის მელიორაციის მნიშვნელობა	82
- ბ. ალასანი, ბასიანის ბრძოლის თარიღისათვის	89
- ნ. შენგელია, იბნ ბიბი ალა ად-დინ ქეიუობადის საქართველოში ლაშქრობის შესახებ	93
- თ. აბაშიძე, ქართულ-სპარსული ორენოვანი საბუთების სასოიურღალთა ხიჯელები	108
- ზ. გიბინიშვილი, ეთნონიმ ჰენიოხის წარმომავლობისათვის	115
- ლ. ჩლაიძე, ქართულ-აღმოსავლური დემონოლოგიური ურთიერთობიდან	125
- ნ. ალადაშვილი, ადრეფეოდალური ხანის ქართული რელიგიების ერთი ჯგუფი	134
- პ. ზაძარაძე, ციხედიდის ნასახლარი	147
- მ. მიწინაშვილი, მოჭიქული კერამიკის განვითარების ძირითადი ეტაპები შუა საუკუნეების საქართველოში	152
- ლ. გაბუნია, ხის საწნახელი	159
- ნ. აბმსაძე, ხელოსნური ორგანიზაციები დასავლეთ საქართველოს ქალაქებში	165

დისკუსია და განხილვა

- მ. ფურცელაძე, თერგდალეულთა მსოფლმხედველობის საკითხისათვის	171
---	-----

კრიტიკა და ბიბლიოგრაფია

- დ. კაციტაძე, მისაღები საქართველოს სოციალურ-ეკონომიური ისტორიისათვის	183
---	-----

ქრონიკა და ინფორმაცია

- მ. სილოგავა, ქართული ეპიგრაფიკული ძეგლები	186
- მ. ჯაფარიძე, გ. ლომთათიძის ხსოვნისადმი მიძღვნილი საშეცნებო სესია	192
- შალვა ამირანაშვილი (ნეკროლოგი)	194

СОДЕРЖАНИЕ

К 70-ЛЕТИЮ ПЕРВОЙ РУССКОЙ РЕВОЛЮЦИИ

М. ДЖИДЖЕЙШВИЛИ, Генеральная репетиция Великого Октября	5
Н. БУЛГАКОВА, Формы борьбы закавказских большевистских организаций за единство партии в годы первой русской революции	14

СТАТЬИ

Ш. ТЕТВАДЗЕ, Деятельность Коммунистической партии Грузии по развертыва- нию внутривнутрипартийной демократии и укреплению партийной дисциплины (1933—1937 гг.)	27
М. ИНАДЗЕ, Афины и Восточное Причерноморье	43
В. ИТОНИШВИЛИ, Вопросы семейного быта народов Закавказья в советской этнографической науке	64

СООБЩЕНИЯ И ЗАМЕТКИ

О. ЧИКОВАНИ, Земельная проблема в Грузии и значение мелиорации Колхиды	82
Г. АЛАСАНИЯ, О дате Басианского сражения	89
Н. ШЕНГЕЛИЯ, Иби Биби о походе Ала ад-Дина Кейкобада в Грузию	93
Т. АБАШИДЗЕ, Союзные грамоты грузинско-персидских двуязычных документов	108
Б. ГИГИНИШВИЛИ, К происхождению этнонима Гениох	115
Л. ЧЛАИДЗЕ, Из грузино-восточных демонологических отношений	125
Н. АЛАДАШВИЛИ, Одна группа грузинских рельефов раннефеодальной эпохи	134
П. ЗАКАРАЯ, Селище Цихеди	147
М. МИЦИШВИЛИ, Основные этапы развития поливной керамики в средне- вековой Грузии	152
Л. ГАБУНИЯ, Деревянная давяльня	159
Н. АБЕСАДЗЕ, Ремесленные организации в городах Западной Грузии	165

ДИСКУССИЯ И ОБСУЖДЕНИЕ

Г. ПУРШЕЛАДЗЕ, К вопросу о мировоззрении Тергдалеульцев	171
---	-----

КРИТИКА И БИБЛИОГРАФИЯ

Д. ҚАЦИТАДЗЕ, Материалы к социально-экономической истории Грузии	183
--	-----

ХРОНИКА И ИНФОРМАЦИЯ

В. СИЛОГАВА, Грузинские эпиграфические памятники	186
В. ДЖАПАРИДЗЕ, Научная сессия, посвященная памяти Г. Ломтатидзе	192
Ш. Я. Амираншвили, (некролог)	194

მამია ჯიჯიშვილი

დიდი ოქტომბრის მანერალური რეპეტიცია

1905—1907 წლების ბურჟუაზიულ-დემოკრატიული რევოლუცია დიდ-მნიშვნელოვანი ეტაპი იყო რუსეთის პროლეტარიატისა და გლეხობის განმათავისუფლებელი ბრძოლის ისტორიაში. რევოლუციამ აამოძრავა რუსეთის იმპერიის მშრომელთა ფართო მასები, მძლავრად შეარყია მეფის თვითმპყრობელობა — მემამულეებისა და კაპიტალისტების ბატონობა. მან პოლიტიკური ცხოვრებისა და თავდადებული რევოლუციური ბრძოლისათვის დარაზმა მსოფლიოს მილიონობით ადამიანი, დასაბამი მისცა ევროპის მუშათა მოძრაობისა და აზიის ჩაგრულ ხალხთა ეროვნულ-განმათავისუფლებელი ბრძოლის აღმავლობას. რევოლუციამ ნათელი ფურცელი ჩაწერა რუსეთის ხალხთა განმათავისუფლებელი ბრძოლის ისტორიაში. „1905 წლის“ გენერალური რეპეტიცია“ რომ არა, — წერდა ვ. ი. ლენინი, — 1917 წლის ოქტომბრის რევოლუციის გამარჯვება შეუძლებელი იქნებოდა¹.

ეს რევოლუცია მოამზადა ქვეყნის სოციალ-ეკონომიური და პოლიტიკური განვითარების მთელმა მსვლელობამ. ცარიზმი, როგორც ცნობილია, დიდად აფერხებდა ქვეყნის საწარმოო ძალების ზრდას, მეცნიერების, ტექნიკის და კულტურის განვითარებას. იგი ახორციელებდა არარუსი ხალხების უხეში ჩაგვრის, ძალდატანებითი რუსიფიკაციისა და ეროვნული კულტურის ჩახშობის, ხალხთა შორის მტრობისა და შუღლის გაღვივების პოლიტიკას. ეროვნულ მხარეებში ცარიზმი არა მარტო ამკვიდრებდა ეკონომიურ ჩამორჩენილობას, არამედ „დედაენის ხმარებასაც კი კრძალავდა და უცოდინარობას უშნადებდა ხალხის მასებს“². მაშასადამე, ჩაგვრის ძირითადი სახეები (მემამულური, კაპიტალისტური და ეროვნული) და თვითმპყრობელობის პოლიციური დესპოტიზმი აუტანელს ხდიდნენ მუშებისა და გლეხების ცხოვრების პირობებს, განსაკუთრებით ამწვაებდნენ და აღრმავებდნენ სოციალურ წინააღმდეგობებს. ყოველივე ამის გამო ჯერ კიდევ XIX საუკუნის 60-იანი წლებიდან, მიუხედავად ბატონყმობის ჭარბი ვადმონაშთებისა, რუსეთში სწრაფად ვითარდებოდა კაპიტალიზმი, ყალიბდებოდა ახალი საზოგადოებრივი ძალა — პროლეტარიატი, მტკიცდებოდა მისი კლასობრივი თვითშეგნება და ორგანიზაციული დარაზმულობა.

XX საუკუნის დამდეგს რუსეთი წარმოადგენდა იმპერიალიზმის ყველა წინააღმდეგობათა საკვანძო პუნქტს, ყველაზე სუსტ რგოლს იმპერიალიზმის მსოფლიო სისტემაში. ამ დროისათვის მსოფლიო რევოლუციური მოძრაობის ცენტრი თანდათანობით გადმოვიდა რუსეთში. 900-იანი წლების მსოფლიო ეკონომიურმა კრიზისმა, რომელიც ფართოდ გავრცელდა რუსეთში, აგრეთვე რუსეთ-იაპონიის ომმა გამოაჩინეს ცარიზმის სიღამპლე, უკიდურესად გაამწვავეს გაბატონებული კლასებისა და მშრომელთა ფართო მასების წინააღმდეგობა, ქელი შეუწყვეს რევოლუციური კრიზისის გაღრმავებას

¹ ვ. ი. ლენინი, თხზულებანი, ტ. 31, გვ. 13.

² ვ. ი. ლენინი, თხზულებანი, ტ. 26, გვ. 402.



კლასობრივ ძალთა ახალი განლაგება რუსეთის სახალხო რევოლუციის ძირეულად განასხვავებდა დასავლეთ ევროპის ბურჟუაზიული რევოლუციებისაგან. ამ რევოლუციაში რუსეთის მუშათა კლასი მსოფლიო ისტორიაში პირველად გამოვიდა როგორც დამოუკიდებელი პოლიტიკური ძალა, სოციალური განთავისუფლებისათვის მებრძოლი ჩაგრული მასების ბელადი. რევოლუციის გამარჯვებით მუშათა კლასი ყველაზე მეტად იყო დაინტერესებული, რადგან მხოლოდ ამ გზით შეეძლო მას მოეპოვებინა დემოკრატიული თავისუფლება, განემტკიცებინა თავისი ორგანიზაციები, შეეძინა მშრომელი მასებისადმი ხელმძღვანელობის ჩვევები და დაეწყო ბრძოლა პოლიტიკური ძალაუფლების დაპყრობისათვის.

მუშათა კლასის ხელმძღვანელ როლს განასახიერებდა ბოლშევიკური პარტია. რომელსაც ჰქონდა მოქმედების მეცნიერულად დასაბუთებული პროგრამა. რევოლუციის წლებში მკაფიოდ გამოვლინდა ბოლშევიკური პარტიისა და მშრომელთა ბელადის ვ. ი. ლენინის, როგორც მარქსიზმის უდიდესი თეორეტიკოსის, როლი. მან დაასაბუთა მიმდინარე სახალხო რევოლუციაში პროლეტარიატის ჰეგემონიის აუცილებლობა. გვიჩვენა რომ, რაც უფრო ფართო და ღრმაა მასების რევოლუციური მოძრაობა, მით უფრო იზრდება პროლეტარული პარტიის როლი და მნიშვნელობა, მისი იდეურ-პოლიტიკური და ორგანიზატორული საქმიანობა. ბოლშევიკურმა პარტიამ ვ. ი. ლენინის იდეების საფუძველზე შეიმუშავა მუშათა კლასისა და ყველა მშრომელის რევოლუციური ბრძოლის სტრატეგია და ტაქტიკა.

მარქსიზმის საგანძურში უდიდესი წვლილია ბურჟუაზიულ-დემოკრატიული რევოლუციის სოციალისტურში გადაზრდის ლენინური თეორია. „დემოკრატიული რევოლუციიდან, — წერდა ვ. ი. ლენინი, — ჩვენ მაშინვე დაიწყებთ გადასვლას და სწორედ ჩვენი ძლიერების, შეგნებული და ორგანიზატორული პროლეტარიატის ძლიერების კვალდაკვალ, დაიწყებთ გადასვლას სოციალისტურ რევოლუციაზე... შუა გზაზე ჩვენ არ შევჩერდებით“³. ახალი ისტორიული ეპოქის მეცნიერულ ანალიზზე დაფუძნებულმა ლენინურმა თეორიამ დასახა რევოლუციური პრაქტიკის ერთადერთი სწორი გზა. ცხოვრებამ სავსებით დაადასტურა ბოლშევიკების მიერ აღებული პოლიტიკური კურსის სისწორე.

მუშათა კლასი დიდი შეუპოვრობით ეწეოდა ბრძოლას ბოლშევიკური პროგრამის განხორციელებისათვის. მან შეასრულა უმნიშვნელოვანესი როლი გლეხობის პოლიტიკურ გათვითცნობიერებასა და მასთან რევოლუციური კავშირის დამყარებაში. „რევოლუციის დროს პროლეტარიატის მასობრივი გაფიცვებისა და შუიარაღებული ბრძოლების შემოქმედებით გაიშალა გლეხთა ფართო მოძრაობა. პირველად ისტორიაში იქმნებოდა მუშათა კლასისა და გლეხობის კავშირი. რუს პროლეტარიატთან და გლეხობასთან ერთად ცარიზმისა და ექსპლუატატორული კლასების წინააღმდეგ იბრძოდნენ უკრაინის, ბელორუსიის, ბალტიისპირეთის, ამიერკავკასიის, შუა აზიისა და რუსეთის სხვა ეროვნული რაიონების მუშები და გლეხები“⁴.

მამასადამე, რუსეთის მუშათა კლასის მძლავრმა საგაფიცო მოძრაობამ უკვე 1905 წლის გაზაფხულზე გამოიწვია „გლეხთა პირველი დიდი, არა მარ-

³ ვ. ი. ლენინი, ობზულებანი, ტ. 9, გვ. 286.

⁴ სკკპ ცენტრალური კომიტეტის დადგენილება „რუსეთის 1905—1907 წლების რევოლუციის 70 წლისთვის შესახებ“ (ვაზ. „კომუნისტი“, № 7, 1975 წ. 9 იანვარი).



ტო ეკონომიური, არამედ აგრეთვე პოლიტიკური მოძრაობის გამოვლიცება⁵, „ეკონომიურ და პოლიტიკურ გაფიცვათა გადახლართვა“⁶, ხოლო გლეხთა შლეღარებამ — ჯარისკაცთა აჯანყებანი, არმიის ერთი ნაწილის შეტაკება მეორესთან. საზოგადოების ამ სოციალური ფენების კლასობრივ ბრძოლად გადასვლის უმთავრეს მეთოდს, ფორმასა და საშუალებას წარმოადგენდა მასობრივი პოლიტიკური გაფიცვა. რუსეთის რევოლუციის ერთ-ერთი თავისებურება მდგომარეობდა იმაში, რომ იგი „თავისი შინაარსით ბურჟუაზიულ-დემოკრატიული იყო, მაგრამ ბრძოლის საშუალებით პროლეტარული“⁷: რევოლუცია იყო ბურჟუაზიულ-დემოკრატიული, რადგან, მიზანს, რომლისთვისაც შექმლო მიედწია საკუთარი ძალებით, შეადგენდა დემოკრატიული რესპუბლიკა, 8-საათიანი სამუშაო დღე, უმსხვილესი თავდაზნაურული მიწების კონფისკაცია. რევოლუცია აგრეთვე იყო პროლეტარული, რადგან, ჯერ ერთი, პროლეტარიატი იყო მისი ხელმძღვანელი, ავანგარდი, და მეორეც, „ბრძოლის სპეციფიკური პროლეტარული საშუალება, სახელდობრ გაფიცვა, წარმოადგენდა მასების ამოძრავების მთავარ საშუალებას და ყველაზე მეტად დამახასიათებელ მოვლენას“⁸.

რუსეთის სახალხო რევოლუცია 1905 წლის 9 იანვრის ამბებით დაიწყო. ამ დღეს პეტერბურგში დახვრიტეს მუშათა მშვიდობიანი დემონსტრაცია. მაგრამ ამით მეფის თვითმპყრობელობამ ვერ შეძლო მუშათა და გლეხთა მასების დაშინება, ქვეყანაში რევოლუციური მოძრაობის ზრდის შეჩერება. მუშათა კლასმა სამოქალაქო ომის გაკვეთილი მიიღო. „პროლეტარიატის რევოლუციურმა აღზრდამ ერთ დღეს ისეთი ნაბიჯი გადადგა, როგორცაც იგი უფერული, ყოველდღიური, დაბეჩავებული ცხოვრების თვეებსა და წლებში ვერ გადადგამდა“⁹. 9 იანვარი რევოლუციური მოძრაობის მძლავრი აღმავლობის ამოსავალი პუნქტი გახდა. მუშათა საპროტესტო გაფიცვებმა მოიცვა მთელი ქვეყანა, ამოძრავდა გლეხობა, მოსწავლე ახალგაზრდობასა და დემოკრატიული ინტელიგენციის ფენებში გაძლიერდა რევოლუციური განწყობილება. რევოლუციამ საერთო-სახალხო ხასიათი მიიღო.

რევოლუციის მსვლელობამ ნათელყო ბოლშევიკების სტრატეგიისა და ტაქტიკის სისწორე, საესებით დაადასტურა ლენინური დებულება პროლეტარიატის ხელმძღვანელი როლის შესახებ რევოლუციურ მოძრაობაში. მუშათა კლასი გამოვიდა როგორც ყველა მშრომელის ძირეული ინტერესების თანმიმდევრული გამომხატველი, საერთო დემოკრატიული მოძრაობის ხელმძღვანელი ძალა. იგი იყო რუსეთის რევოლუციის ერთადერთი ბელადი, რომელსაც შეძლო დაერაზმა რევოლუციური ძალები თვითმპყრობელობაზე იერიშის მისატანად, ბოლომდე შეეყვანა ბურჟუაზიულ-დემოკრატიული რევოლუცია¹⁰. მუშათა კლასის ბრძოლა განსაზღვრავდა რევოლუციის მთელ განვითარებას, მის გაქანებას, ფორმებს. ვ. ი. ლენინი წერდა, „კაცობრიობამ 1905 წლამდე კიდევ არ იცოდა, თუ რა დიდი, რა გრანდიოზული შეიძლება იყოს და იქნება პროლეტარიატის ძალთა დამაბევა, თუ საქმე იმას შეეხება, რომ იბრძოლოს ნამდვილად დიდი მიზნებისათვის, იბრძოლოს ნამდვილად რევოლუციურად“¹⁰.

5 ვ. ი. ლენინი, თხზულებანი, ტ. 23, გვ. 318.
 6 ვ. ი. ლენინი, თხზულებანი, ტ. 23, გვ. 315.
 7 ვ. ი. ლენინი, თხზულებანი, ტ. 23, გვ. 314.
 8 ვ. ი. ლენინი, თხზულებანი, ტ. 8, გვ. 101.
 9 ი. ბ. სტალინი, თხზულებანი, ტ. 2, გვ. 65.
 10 ვ. ი. ლენინი, თხზულებანი, ტ. 23, გვ. 315.



მართლაც, რუსეთის მუშათა კლასმა მეფის თვითმპყრობელობის წინააღმდეგ ბრძოლაში გამოიჩინა უდრეკი სიმტკიცე და მზადყოფნა გაეღო მსხვერპლი თავისუფლებისათვის, სოციალური სამართლიანობისა და პროგრესისათვის. მან ცხადყო, რომ მუშათა კლასის ხელმძღვანელ როლს საზოგადოებაში განსაზღვრავს მისი არა რაოდენობა, არამედ რევოლუციური ენერჯია, პოლიტიკური შეგნება, უნარი რევოლუციის მოკავშირედ მიიმხროს გლეხთა ფართო მასებში. მუშათა კლასის მამაცობისა და გმირობის მაგალითთა მძლავრის საგაფიცო მოძრაობა, განსაკუთრებით კი სრულიად რუსეთის ოქტომბრის პოლიტიკური გაფიცვა, კლასობრივი ბრძოლები პეტერბურგში, ივანოვო-ვოზნესენსკსა და სხვა ქალაქებში, რუსეთის ცენტრსა და განაპირა მხარეებში. არასრული ცნობებით 1905 წლის გაფიცვებში მონაწილეობდა 2 863 173 მუშა, რევოლუციის სამი წლის განმავლობაში საგაფიცო ბრძოლებში მონაწილე მუშათა საერთო რაოდენობის 60,8 პროცენტი¹¹. საგაფიცო მოძრაობის ერთ-ერთი დამახასიათებელი ნიშანი იყო პოლიტიკური და ეკონომიური გაფიცვების შეზამება. სწორედ გაფიცვების ამ ორივე სახეობის მჭიდრო და განუყრელი კავშირი განსაკუთრებულ ძალას აძლევდა მუშათა მოძრაობას.

1905 წლის ოქტომბრის საყოველთაო პოლიტიკური გაფიცვა მიმდინარეობდა ლოზუნგებით: „ძირს თვითმპყრობელობა!“, „გაუმარჯოს დემოკრატიულ რესპუბლიკას!“ გაფიცვის მონაწილეთა რაოდენობამ 2 მილიონს გადააჭარბა. მშრომელი მასების შეტევის გამო მეფის მთავრობა იძულებული გახდა გამოეცა 17 ოქტომბრის მანიფესტი, რომელშიც მოსახლეობას ფარისევლურად აღუთქვამდა სამოქალაქო თავისუფლებას, საკანონმდებლო სათათბიროს მოწვევას. ბოლშევიკები მშრომელ მასებს განუმარტავდნენ, რომ 17 ოქტომბრის მანიფესტი იყო ცარიზმის მორიგი მანევრი და მიზნად ისახავდა ღრთის მოგებას რევოლუციური მოძრაობის წინააღმდეგ რეაქციული ძალების დასარაზმავად. რსდმპ კავკასიის კავშირის თბილისის კომიტეტის 19 ოქტომბრის პროკლამაციაში, რომლის ავტორი იყო ი. ბ. სტალინი, ნათქვამია: „მეფის თვითმპყრობელობა წინ ეღობება ხალხის რევოლუციას, მას უნდა თავისი გუშინდელი მანიფესტით შეაფერხოს ეს დიადი მოძრაობა, — ცხადია, რევოლუციის ტალღები შთანთქავს და შორს გადაისვრის მეფის თვითმპყრობელობას... დაე უფრო მძლავრად დასჭექოს მეხმა, დაე უფრო მძლავრად დაქროლოს ქართველი! გამარჯვების წამი მოახლოვდა!“¹².

მუშათა კლასის ხელმძღვანელობით ფართოდ გაიშალა გლეხთა რევოლუციური მოძრაობა. 1905 წელს მთელ რუსეთში აღრიცხული იყო გლეხთა 3,5 ათასზე მეტი გამოსვლა. განსაკუთრებით მწვავე ფორმები მიიღო გლეხთა ბრძოლამ მემამულეების წინააღმდეგ. 1905—1907 წლებში ბრძოლის ამ ფორმაზე მოდიოდა გლეხთა გამოსვლების საერთო რაოდენობის 75,4 პროცენტი. გლეხთა რევოლუციური ბრძოლების ძირითადი და უმაღლესი ფორმა — ორგანიზებული პოლიტიკური გამოსვლები — მუშათა კლასთან მჭიდრო კავშირში ბოლშევიკური ორგანიზაციების ხელმძღვანელობით — ფართოდ იყო გავრცელებული საქართველოსა და ბალტიისპირეთში. რუსეთის იმპერიის სხვა

¹¹ В. Е. Варзар, Статистика стачек рабочих на фабриках и заводах за трехлетие 1906—1908 гг., СПб., 1910, зб. 6—7.

¹² „რსდმპ კავკასიის კავშირის პროკლამაციები“, თბ., 1955, გვ. 496.



ადგილებში გლეხთა მოძრაობა შედარებით სტიქიურ და ნაკლებად ორგანიზებულ ხასიათს ატარებდა¹³.

გლეხთა რევოლუციური მოძრაობის განვითარებაში დიდი მნიშვნელობა ჰქონდა ბოლშევიკების აგრარულ პროგრამას მემამულეების, საეკლესიო, საზონასტრო და საუფლისწულო მიწების კონფისკაციისა და მთელი მიწის ნაციონალიზაციის შესახებ. ბოლშევიკები ამ მოთხოვნებს მართებულად უკავშირებდნენ მეფის თვითმპყრობელობის დამხობას და დემოკრატიული რესპუბლიკის დამყარებას. ისინი მოუწოდებდნენ გლეხთა ფართო მასებს, განსაკუთრებით სოფლის პროლეტარულსა და ნახევრადპროლეტარულ ფენებს, დაუყოვნებლივ დაეკავებინათ მემამულეთა მიწები, შეექმნათ გლეხთა რევოლუციური კომიტეტები, აქტიურად დაეჭირათ მხარის მუშათა კლასისათვის თვითმპყრობელობის წინააღმდეგ ბრძოლაში.

რუსეთის მუშათა კლასი თავისი რევოლუციური მავალითი მეფის თვითმპყრობელობისა და კაპიტალიზმის წინააღმდეგ საბრძოლველად ალაფრთოვანებდა იმპერიაში მოსახლე ყველა ეროვნების მშრომელ მასებს. პეტერბურგისა და მოსკოვის პროლეტარიატთან ერთად საგაფიცვო ბრძოლების ავანგარდში იღვწენ რიგის, ვარშავის, ლოდისა და ბაქოს მუშები. ეროვნულ რაიონებში გაფართოვდა გლეხთა მოძრაობა. „უმაგალითო გაქანება მიიღო გლეხთა მოძრაობამ საქართველოში. ჩაგრული ხალხების ეროვნულ-განმათავისუფლებელი ბრძოლა სრულიად რუსეთის რევოლუციური მოძრაობის შემადგენელი, განუყოფელი ნაწილი იყო“¹⁴. გლეხთა მოძრაობის განვითარებას ხელს უწყობდა მუშათა კლასისა და მისი ავანგარდის — ბოლშევიკების ფართო საავტორიტარობა-პრობაგანდისტული და ორგანიზატორული მოღვაწეობა, პირველ რიგში ვ. ი. ლენინის ნაშრომების („სოფლის ღარიბებს“, „პროლეტარიატისა და გლეხობის რევოლუციურ-დემოკრატიული დიქტატურა“, „სამი კონსტიტუცია ანუ სამი წესი სახელმწიფო წყობილებისა“ და სხვ.), აგრეთვე პროკლამაციების, ფურცლებისა და სხვა არალეგალური ლიტერატურის გავრცელება. 1905 წლის პირველ ნახევარში რსდმპ კავკასიის კავშირის კომიტეტმა ქართულ, რუსულ და სომხურ ენებზე გამოსცა 19 დასახელების გაზეთი, მოწოდება და ბროშურა, რომლის ტირაჟი აღწევდა 140 ათასამდე ეგზემპლარს. მარტო ავლაბრის არალეგალურ სტამბაში 1905 წლის 8 იანვრიდან 20 ნოემბრამდე არასრული ცნობით დაიბეჭდა 280 ათასამდე ეგზემპლარი გაზეთი, პროკლამაცია და ფურცელი¹⁵. აქ თუ გავითვალისწინებთ ქუთაისის, ჭიათურის, ოზურგეთის, გორის, თელავის, სიღნაღის, ბორჯომისა და საქართველოს სხვა რაიონების არალეგალურ სტამბებში გამოცემული პროკლამაციებისა და ფურცლების რაოდენობას, ნათელი გახდება ის დიდი მუშაობა, რომელსაც ეწეოდნენ საქართველოს ბოლშევიკები რევოლუციური ლიტერატურის შექმნისა და მშრომელთა ფართო მასებში გავრცელებისათვის. რსდმპ კავკასიის კავშირის კომიტეტის საგამომცემლო საქმიანობამ მართებულად დაიმსახურა ლენინური გაზეთის „პროლეტარის“ მაღალი შეფასება¹⁶.

¹³ С. М. Дубровский. Крестьянское движение в революции 1905—1907 гг., М., 1956, гл. 65—66.

¹⁴ „რუსეთის პირველი რევოლუციის ორმოცდაათი წელი (თუხისები)“, თბ., 1955, გვ. 19.

¹⁵ წ. გეგეშიძე, საქართველოს ბოლშევიკური ორგანიზაციების არალეგალური სტამბები, თბ., 1965, გვ. 101.

¹⁶ Газ. „Пролетарии“ № 12, 16 (3) августа 1905 г.



რევოლუციის პირველ თვეებში საქართველოს ბოლშევიკების მიერ გამოცემული პროკლამაციებისა და ფურცლების დიდი ნაწილი მოძღვნილნი ჩუო მუშებისადმი. მარტის მეორე ნახევრიდან მათ სპეციალურად გლეხობისათვის გამოსცეს პროკლამაციები, რომლებშიც სოფლის მშრომელებს განუმარტავდნენ ბოლშევიკური პარტიის აგრარულ პოლიტიკას, მუშათა კლასისა და გლეხობის პოლიტიკური კავშირის განმტკიცების აუცილებლობას, მოუწოდებდნენ შეიარაღებული აჯანყებისაკენ. მაგალითად, 19 მარტის პროკლამაციაში „ქართლ-კახეთის გლეხკაცობას“, ნათქვამია: „გატყდა ძველი დროება. დაირღვა სოფლის მყუდროება. სოფელმაც გააზილა თვალი და ახმაურდა... გურიიდან დაწყებული ქიზიყამდე ყველგან ფეხზე დადგა გლეხკაცობა... მათ წინ მიუძღვიან ქალაქის მუშები, და ასე, სოფლისა და ქალაქის მშრომელნი, ერთ დიდ ჯარად გადაქცეულნი, სასტიკი იერიშით მიდიან „ძველი წესების“ წინააღმდეგ“. პროკლამაცია ხაზგასმით აღნიშნავდა მუშათა კლასის წამყვან როლს და გლეხობას მოუწოდებდა: „გავიმძღვაროთ წინ ქალაქის მუშები და გავყვეთ მათ დემოკრატიული რესპუბლიკებისაკენ. გავყვეთ და მათთან ერთად დავლევოთ საზიზღარი წესები, რომ გზა გავიკაფოთ იმ თანასწორობის ცხოვრებისაკენ, იმ სოციალისტური წესებისაკენ, საითყენაც ასე გადაციცებით მიისწრაფვიან ქალაქის მუშები და ღარიბი გლეხკაცობა“¹⁷.

საქართველოში გლეხთა მოძრაობის განსაკუთრებით ფართო მასშტაბზე გაზეთი „ვპერიოდი“ წერდა: „გურიის გლეხთა მოძრაობა იშვიათი მოვლენაა მსოფლიოს ისტორიაში. ეს გლეხთა ჩვეულებრივი ამბოვნება კი არ არის, არაჲდ სავსებით შეგნებული პოლიტიკური მოძრაობაა, რომელიც მთლიანად უერთდება მთელი რუსეთის პროლეტარიატის შეგნებულ მოძრაობას“¹⁸.

მეფის ხელისუფლება სასტიკ რეპრესიებს მიმართავდა აჯანყების ძირითადი კერების გასანადგურებლად. გლეხთა რაზმები პარტიზანული ბრძოლებით დიდ ზიანს აყენებდნენ დამსჯელი ჯარის ნაწილებს. მთელ რუსეთში გახდა ცნობილი ნასაკირალთან აჯანყებული გლეხობის გამირული ბრძოლა. ამასთან დაკავშირებით რუსეთის გლეხთა კავშირი ეურნალ „მოგზაურის“ რედაქციას წერდა: „სრულად რუსეთის გლეხთა კავშირის, სახალხო მასწავლებელთა და სახალხო განათლების მოღვაწეთა შერეული კრება თავის მშურ სალამს უგზავნის ქართველი ერის ყველა მებრძოლთ, გურულებსაც, რომელნიც რუსეთის მშრომელი ხალხის დიადი განმათავისუფლებელი ბრძოლის სათავეში დგანან. კრება პატივს სცემს ბრძოლებში მოკლულთა ხსოვნას. დახოცილთ დიდება, ცოცხლებს — თავისუფლება“¹⁹.

ამრიგად, მუშათა კლასის რევოლუციური ბრძოლის გავლენითა და სოციალ-დემოკრატიული ორგანიზაციების მოღვაწეობის შედეგად გლეხთა რევოლუციურმა მოძრაობამ საქართველოში, რომელიც თავდაპირველად დაიწყო როგორც აგრარული მოძრაობა, მალე მიიღო პოლიტიკური და შემტევი ხასიათი. ამასთან, სოფლის პროლეტარული და ნახევრადპროლეტარული მასების ბრძოლა წარიმართა არა მარტო მემამულეებისა და თვითმპყრობელობის, არამედ სოფლის ბურჟუაზიის — კულაკობის წინააღმდეგაც. ამის გამო კულაკობა თავიდანვე გამოვიდა რევოლუციური მოძრაობის წინააღმდეგ.

¹⁷ „რსდმპ კავკასიის კავშირის პროკლამაციები“, გვ. 342—346.

¹⁸ Газ. „Вперед“, № 14, 12 апреля (30 марта) 1905 г.

¹⁹ ეურნ. „მოგზაური“, № 40, 1905 წლის 13 ნოემბერი.



საქართველოს
საქართველოს

დეკემბერს დაიწყო მოსკოველი მუშების საყოველთაო პოლიტიკური გაფიცვა, 10 დეკემბერს იგი შეიარაღებულ აჯანყებად გადაიზარდა. მოსკოვის ქუჩებში ათასამდე ბარიადი აღიმართა, გააფთრებული ბრძოლები ცხრა დღეს გაგრძელდა.

მუშათა პოლიტიკურ გაფიცვას და შეიარაღებულ აჯანყებას ადგილი ჰქონდა რუსეთის მთელ რიგ ქალაქებსა (ნიჟნი ნოვგოროდი, დონის როსტოვი ნოვოროსიისკი, კრასნოიარსკი, ჩიტა და სხვ.) და ეროვნულ რაიონებში (უკრაინა, ამიერკავკასია, ფინეთი და სხვ.). 12 დეკემბერს თბილისში საყოველთაო პოლიტიკური გაფიცვა გამოცხადდა. შეიქმნა შეიარაღებული აჯანყების შტაბი, რომელიც წარმართავდა მეზობლი რაზმების მოქმედებას, ნაძალადევისა და დიდუბეში აჯანყებულ მუშათა უთანასწორო ბრძოლას ჯარის ნაწილების წინააღმდეგ. შეუპოვარი რევოლუციური ბრძოლა წარმოებდა გორის, დუშეთის, შორაპნის, თელავის, სენაკის, ლეჩხუმისა და საქართველოს სხვა მაზრებში. აჯანყებული გლეხობა თავგამეტებით ებრძოდა შავრაზმელებს. აჯანყებულები კეტავდნენ მთავრობის დაწესებულებებს, სასამართლოებს, აძევებდნენ მთავრობის მოხელეებს და ფაქტიურად რევოლუციურ წესებს ამყარებდნენ. გლეხთა რევოლუციური კომიტეტები გადაიქცნენ რევოლუციური ხელისუფლების ორგანოებად, რომლებიც სოფლის საჭირობოროტო საკითხებს რევოლუციურად წყვეტდნენ. ამიერკავკასიის რკინიგზის მნიშვნელოვანი ნაწილი აჯანყებული მუშებისა და გლეხების ხელში იყო²².

გ. ი. ლენინი რევოლუციური ბრძოლების, განსაკუთრებით კი დეკემბრის შეიარაღებული აჯანყების გამოცდილების განზოგადებისას საქართველოსა და მთელ კავკასიას ასახელებდა ისეთ მოწინავე მხარეებთან ერთად „სადაც მოძრაობა ყველაზე მეტად გასცდა ძველ ტერორს, სადაც აჯანყება ყველაზე უკეთ არის მომზადებული, სადაც პროლეტარული ბრძოლის მასობრივი ხასიათი ყველაზე მძლავრად და ნათლად გამოხატული“²³.

დეკემბრის აჯანყების დამარცხების შემდეგ ბურჟუაზიულ-დემოკრატიულ რევოლუციაში დაიწყო მეორე პერიოდი, რევოლუციური მოძრაობის თანდათანობითი შენელებისა და რეაქციის გაძლიერების პერიოდი. ბოლშევიკებმა შეცვალეს ბრძოლის თავიანთი ტაქტიკა. ისინი გადავიდნენ ორგანიზებული უკანდახევის, ლეგალური და არალეგალური მუშაობის შეხამების ტაქტიკაზე.

1905—1907 წლების რევოლუციამ უდიდესი გავლენა მოახდინა რუსეთის შემდგომ განვითარებაზე, ღრმა კვალი დატოვა ხალხის შეგნებაში. მან შეგნებული რევოლუციური შემოქმედებისათვის დარაზმა მშრომელთა ფართო მასები. რევოლუციამ ნათელყო მუშათა კლასის წამყვანი როლი თავისუფლებისა და დემოკრატიული გარდაქმნისათვის ბრძოლაში. ლიბერალურ ბურჟუაზიას მან წაართვა მასების ხელმძღვანელობა და „რუსეთის ყველა ჩაგრულ და ექსპლუატირებულ კლასს მოუპოვა უნარი აწარმოონ რევოლუციური მასობრივი ბრძოლა“²⁴. რევოლუციამ „გამართლა მარქსიზმის ყველა ირითადი თეორიული დებულება, სოციალ-დემოკრატიის ყველა არსებითი ლოზუნგი“²⁵. მან დაამკვიდრა ინტერნაციონალური ტრადიციები პროლეტარულ მოძრაობაში, ხაზი გაუსვა რუსეთის იმპერიის ყველა ეროვნების მშრო-

²² „საქართველოს ისტორიის ნარკვევები“, ტ. VI, თბ., 1972, გვ. 232.

²³ გ. ი. ლენინი, თხზულებანი, ტ. 16, გვ. 127.

²⁴ გ. ი. ლენინი, თხზულებანი, ტ. 16, გვ. 486.

²⁵ გ. ი. ლენინი, თხზულებანი, ტ. 10, გვ. 19.

მელთა ერთიანი, ინტერნაციონალური ფრონტის შექმნის მნიშვნელობა, პროლეტარიატის რევოლუციური ბრძოლის უმაღლესი ფორმების (მასობრივი გაფიცვა, შეიარაღებული აჯანყება) განმსაზღვრველ როლს ხაზბთა ფართო მასების დარაზმვაში მეფის თვითმპყრობელობისა და კაპიტალიზმის წინააღმდეგ საბრძოლველად.

რუსეთის პირველ რევოლუციას დიდი საერთაშორისო მნიშვნელობა ჰქონდა. მან უდიდესი ზემოქმედება მოახდინა მსოფლიოს ბევრ ქვეყანაში მუშათა კლასისა და გლეხობის რევოლუციური გამოსვლების ზრდაზე. რუსეთის პროლეტარიატის ბრძოლას მალე შეფასებდა აძლევენდენ საერთაშორისო მუშათა მოძრაობის გამოჩენილი მოღვაწეები ა. ბეზელი, კ. ლიბკნეხტი, რ. ლუქსემბურგი, პ. ლაფარგი და სხვ. კ. ლიბკნეხტმა რუსეთის რევოლუციურ ამბებს უწოდა მობრუნების პუნქტი ევროპის ხალხთა ისტორიაში. იგი გერმანელ მუშებს მოუწოდებდა „დამდგარიყვენენ რუსეთის რევოლუციის დროშის ქვეშ“. რუსეთის ამბების გავლენით 1905 წელს გერმანიაში გაიფიცა 5,8 ათასი მუშა, ოთხჯერ მეტი წინა წელთან შედარებით. ევროპის ბევრ ქვეყანაში პოლიტიკურმა გაფიცებებმა და დემონსტრაციებმა მასობრივი ხასიათი მიიღო²⁶.

1905—1907 წლების რევოლუციამ გამოიწვია კოლონიური აღმოსავლეთის (თურქეთი, ირანი, ჩინეთი და სხვ.) ჩაგრულ ხალხთა ეროვნულ-განმათავისუფლებელი მოძრაობის მძლავრი აღმავლობა. „მსოფლიო კაპიტალიზმმა და 1905 წლის მოძრაობამ, — აღნიშნავდა ვ. ი. ლენინი, — საბოლოოდ გამოაღვიძეს აზია, ასეული მილიონობით დაბეჩავებულმა... მოსახლეობამ გამოიღვიძა ახალი ცხოვრებისათვის და ადამიანის საანბანო უფლებისათვის, დემოკრატიისათვის საბრძოლველად“²⁷.

რუსეთის მუშებისა და გლეხების თავდადებული ბრძოლა აღაფრთოვანებდა აგრეთვე მშრომელთა ფართო მასებს ამერიკის კონტინენტზე. მექსიკის რევოლუციის მონაწილე რომერო ფლორესი ამბობდა: „ბრძოლა, რომელიც მაშინ რუსეთში წარმოებდა, იყო გზის მაშუქებელი ვარსკვლავი. ამ უდიდეს ხალხში ჩვენს იმედს ვხედავდით“²⁸.

ამრიგად, იმპერიალიზმის ეპოქის პირველი სახალხო რევოლუციის „გამოცდილებას მსოფლიო მნიშვნელობა აქვს ყველა პროლეტარულ რევოლუციისათვის“²⁹, თანამედროვე ეტაპზე საერთო დემოკრატიულ, ანტიიმპერიალისტურ მოძრაობაში მუშათა კლასის ხელმძღვანელი როლის უზრუნველსაყოფად. 1905—1907 წლების რევოლუციისაგან ევროპის ქვეყნებში წარმოებული ბრძოლის ფორმათა განსხვავების მიუხედავად, რუსეთის სახალხო რევოლუცია კვლავ „რჩება ევროპის მომავალი რევოლუციის პროლოგად“³⁰.

²⁶ „История Коммунистической партии Советского союза“, т. 1, М., 1966, гл. 235—236.

²⁷ ვ. ი. ლენინი, თხზულებანი, ტ. 19, გვ. 80.

²⁸ „Первая русская революция 1905—1907 гг. и международное революционное движение“, 11, М., 1956, гл. 240.

²⁹ ვ. ი. ლენინი, თხზულებანი, ტ. 31, გვ. 412.

³⁰ ვ. ი. ლენინი, თხზულებანი, ტ. 23, გვ. 332.

წარმოადგინა საქართველოს სსრ მეცნიერებათა აკადემიის ივ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის საქართველოს უახლესი ისტორიის განყოფილებამ

Н. С. БУЛГАКОВА

ФОРМЫ БОРЬБЫ ЗАКАВКАЗСКИХ БОЛЬШЕВИСТСКИХ ОРГАНИЗАЦИЙ ЗА ЕДИНСТВО ПАРТИИ В ГОДЫ ПЕРВОЙ РУССКОЙ РЕВОЛЮЦИИ

Важнейшей закономерностью деятельности и самого существования марксистско-ленинской партии является партийное единство. Оно вытекает из классовой сущности партии, призванной объединить рабочий класс, организовать, направить его действия на борьбу против буржуазии, за социализм и коммунизм. Только являясь союзом единомыслящих и единодействующих марксистов-ленинцев, партия способна объединить широкие слои пролетариата, всех трудящихся и эксплуатируемых на борьбу за революционное преобразование мира.

Идейное и организационное единство, монолитность партийных рядов, высокая сознательная дисциплина всех коммунистов являются нерушимым законом жизни КПСС — записано в ее Уставе¹. Эта оценка — итог многолетней теоретической и организаторской деятельности партии, выковавшей свое единство в борьбе с оппортунизмом.

Одним из важнейших этапов в развитии нашей партии явился период 1905—1907 гг. Здесь, в огне революции, проверялась правильность партийной программы, тактики, организационных принципов большевизма, формировалось, укреплялось, совершенствовалось партийное единство². В эти же годы практика революционной борьбы, жизнь пар-

¹ См. Устав Коммунистической партии Советского Союза. Партиздат, 1974, стр. 5.

² В трудах советских историков, посвященных деятельности РСДРП в годы первой русской революции и предшествующему ей периоду, освещались и вопросы борьбы за партийное единство. Среди них следует выделить работы: М. А. Зотова, «Борьба В. И. Ленина за сплочение местных организаций на позициях большевизма в период между II и III съездами РСДРП». М., 1961; Его же, «Борьба за созыв III съезда РСДРП и местные партийные организации (апрель—январь 1905 г.)», «Вопросы истории КПСС», № 7, 1966; А. С. Зашкильняк «Борьба большевиков за укрепление местных партийных организаций (1904—1905 гг.)». Львов, 1963; Я. Р. Волина, «Борьба В. И. Ленина против оппортунизма за создание и укрепление партии нового типа (1894—1904 гг.)», Пермь, 1965; Н. И. Кузнецова «Из истории ЦК РСДРП и его организационных связей, накануне и в период подъема первой русской революции». М., 1967; В. А. Гринько, Н. А. Митькин, Е. Ф. Соппин, С. С. Шаумян, «Борьба партии большевиков против троцкизма (1903 — февраль 1917)». М., 1968; М. М. Крейдлиной «Деятельность Петербургского комитета большевиков по распространению и пропаганде произведений В. И. Ленина накануне и в ходе первой русской революции (1905—1907 гг.)». Л., 1970; А. Ф. Костина «Ленин — создатель партии нового типа (1884—1904)». М., 1970; И. В. Ярового «Роль большевистской печати в борьбе местных организаций за единство партии и руководство рабочими массами в период революции 1905—1907 гг.». Ростов-на-Дону, 1971; И. М. Авазашвили. Большевистские организации Закавказья в период первой русской революции. Тбилиси, 1972. Однако ни один из авторов не ставил перед собой задачи специально го анализа форм борьбы за партийное единство.

тийных организаций выдвинули формы и методы борьбы за единство партии, вытекавшие из ленинских организационных принципов. Они не только прочно вошли в арсенал большевизма, но и приобрели всеобщий характер. Раскрытию главных из них посвящена данная статья.

I съезд, собравшийся в 1898 г., не дал основ партийного единства; оно, как указывал В. И. Ленин, оставалось только идеей, директивой³.

Грань между партийным и непартийным определили, принятые в 1903 г. на II съезде РСДРП, Программа и Устав партии, резолюции по тактическим вопросам.

Нарушителями партийных решений выступили меньшевики. Начав с бойкота центральных учреждений партии и борьбы за места в них, они захватили партийные центры, создали свои фракционный орган и особую организацию в России, осуществили **тайный нечестный раскол**. Отказом от участия в работе III съезда РСДРП и созывом фракционной конференции в Женеве они оформили раскол и фактически.

Разногласия между меньшевиками и большевиками, а затем и раскол В. И. Ленин рассматривал, как результат острой борьбы двух течений — оппортунистического и революционного в их своеобразной форме, соответствующей определенному периоду русской революции и видел корни расхождений в ее экономическом содержании⁴. Большевизм выражал пролетарскую сущность движения, меньшевизм являлся оппортунистическим, мещанско-интеллигентским крылом. В спорах большевиков и меньшевиков столкнулись два взгляда на партию, принципы ее построения, ее роль в революции, ее программу и тактику. Будет ли партия дисциплинированным, организованным авангардом пролетариата, руководителем его борьбы за решительную победу буржуазно-демократической революции, как пролога революции социалистической (большевики) или ей предоставляется место регистратора событий, арьергарда, уныло плетущегося за классом, уступающего место руководителя в революции либеральной буржуазии (меньшевики). Свои позиции большевики закрепили в решениях созданного по требованию партийных комитетов III съезда РСДРП. Научное обобщение решений съезда, оценка характера, перспектив, движущих сил русской революции, детальная разработка общепартийной политики в ней, критика враждебных пролетариям идей и тактики меньшевизма была дана В. И. Лениным в работе «Две тактики социал-демократии в демократической революции».

Претворяя в жизнь партийные решения, большевики выступали носителями и защитниками партийности в РСДРП, борцами за партийное единство. Разрабатывая и отстаивая большевистские организационные принципы и тактику, партийную программу от нападок оппортунистов, В. И. Ленин, большевики защищали общепартийные интересы, точку зрения революционной социал-демократии вообще. Благодаря этому понятия «большевизм» и «партия» стали равнозначными в сознании организованных рабочих.

Вокруг общепартийного знамени большевики объединяли всех сторонников партии и партийности. Они выявляли взгляды большинства организованных марксистов, закрепляли в определенных решениях высших органов партии.

Для большевистских решений и резолюций, созданных на основе творческого применения революционной теории, на основе учета опыта международного рабочего и социалистического движения и российской

³ В. И. Ленин. Полн. собр. соч., т. 16, стр. 100.

⁴ В. И. Ленин. Полн. собр. соч., т. 13, стр. 396.



специфики, характерны четкость и строгая научность. Они принимались партией для руководства в практической работе. На всем историческом пути большевики действовали на основе партийных законов, бережно, уважительно относились к ним, строго их соблюдали, разоблачали оппортунистов, как нарушителей партийной законности.

В основу борьбы большевиков за партийное единство был положен метод разоблачения оппортунистической сущности меньшевизма. Решалась задача изоляции меньшевистских лидеров и вырывания из-под их влияния социал-демократических рабочих, сплочения пролетарских революционеров на базе революционного марксизма, на почве съездовских решений. Метод породил соответствующие формы борьбы. Большевики раскрывали перед партийными массами политический смысл раскольнических действий меньшевиков. Выдвинутый В. И. Лениным лозунг «Все разногласия на суд партии!» выражал доверие к самостоятельному суждению революционных социал-демократов, осуществление на практике демократизма действия. Этот принцип отражался в уставах местных партийных организаций. Так, § 16 Устава Тифлисской организации РСДРП требовал всякое постановление комитета, кроме конспиративных, немедленно передавать на обсуждение членов партии через посредство районных комитетов. Предложение группы членов партии или района в целом выносилось на обсуждение всей местной организации. Аналогичные пункты имелись в Уставах Кутаисской и Квирильской организаций⁵.

Устав Батумской социал-демократической организации требовал обсуждения организацией, в случае надобности, всякого предложения, представленного пятнадцатью членами партии. Постановлением организации считалось принятое мнение ее большинства⁶.

Местные партийные организации используя, предоставленное им Уставом РСДРП, право автономии, организовывали обмен мнениями, дискуссии, в ходе которых вырабатывался общий взгляд на принципиальные вопросы партийной политики, определялись формы и методы борьбы за ее проведение в жизнь.

Организованные большевиками, дискуссии и обсуждения выявляли сущность и меру партийных разногласий, помогали убедить отсталых и колеблющихся, высвободить из-под влияния оппортунистов обманутых их демагогией товарищей. Однако свобода обсуждения, свобода критики связывалась большевиками с характером этой критики. Большевики решительно выступали против критики, направленной на разрушение, дезорганизацию партии, против попыток оппортунистов организовать бесплодные споры, превращающие партию в дискуссионный клуб, ослабляющие и разлагающие боевой штаб пролетариата.

«Свобода обсуждения, единство действия, — вот чего мы должны добиться»⁷. Эти ленинские слова, сказанные вождем партии после IV съезда РСДРП, подводили итог сделанного большевиками и определяли принципиальные позиции партии в проведении идейной борьбы, в выработке партийного единства, а также ориентировали партийные организации в их практической деятельности.

Дискуссии по вопросам политическим, организационным, теоретическим в годы первой русской революции проводились в партийных кружках и на рабочих собраниях, на митингах и крестьянских сходах, в России и за границей. Ожесточенные споры с меньшевиками вели

⁵ ПАГФ ИМЛ, ф. 8, оп. 3, ед. хр. 62, л. 86, 91—92, 97.

⁶ Там же, ед. хр. 63, л. 72.

⁷ В. И. Ленин, Полн. собр. соч., т. 13, стр. 64.



большевики Грузии. Иногда они проходили на массовых собраниях. В Перевисской общине, например, на сходке присутствовало до 1000 человек, а в с. Мгвимеви — до 1.200⁸. Для ведения дискуссий с меньшевиками в 1905 г. Кавказским Союзным комитетом были выделены И. Сталин, М. Цхакая, М. Бочоридзе, А. Цулукидзе, а также члены Тифлисского комитета и пропагандисты⁹. К семи Чиатурским шахтам партийный комитет прикрепил своих пропагандистов, которым вменялось в обязанность разъяснять, исходя из решений III съезда РСДРП, смысл партийной политики, разоблачать меньшевиков, сплачивать передовых рабочих вокруг партийной организации.

В спорах с меньшевиками приходилось преодолевать, свойственные им, искажение фактов и демагогию, сочетавшиеся с крайним невежеством в теории. Так, на собрание в с. Хидистави (Гурия) меньшевики пришли с целью его срыва. Они не смогли выставить своих представителей знакомых с внутрипартийными разногласиями и прибегли к фальсификации партийных решений, меньшевики договорились до утверждения, что проведение в жизнь Устава, принятого III съездом партии, должно привести к установлению диктатуры Ленина, ибо, по их мнению, предварительным условием установления диктатуры пролетариата является установление диктатуры одного человека¹⁰.

За отсутствием идейных аргументов меньшевики иногда прибегали к прямым хулиганским действиям. Так, в Еатуме они попытались учинить кулачную расправу над большевиками¹¹.

В Тифлисе на собрании, где присутствовали рабочие удельной и свечной фабрик, после поражения в дискуссии меньшевик схватил горящую лампу и хотел бросить в докладчика-большевика. Рабочие выгнали хулигана и двух его сторонников¹².

Меньшевики пытались представить большевиков как узурпаторов-самодержцев, ничего общего не имеющих с рабочими. Какая-то весьма незначительная часть рабочих оказывалась под их влиянием. П. Г. Смилович (Матрена) сообщил в редакцию газеты «Пролетарий» 29 июля (11 августа) 1905 г. об одном собрании тифлиссских меньшевиков, на котором обсуждался вопрос о помощи Бакинской меньшевистской организации. Разбор дел выявил нехватку людей, которых можно было бы направить в Баку. Тогда один из присутствовавших заявил: «Надо послать. Здесь мы боремся в сомодержавием, а там с самодержавием и большинством»¹³.

Такие рассуждения являлись результатом чудовищной, антипартийной по содержанию, пропаганды грузинских меньшевиков, искажавших смысл внутрипартийной борьбы.

Открытые выступления большевиков, прямые и четко аргументированные ответы на вопросы революционной практики, беспощадная остроумная критика меньшевистских измышлений завоевывала на сторону последовательных пролетарских революционеров, на сторону партии большинство организаций.

В выработке общего мнения, определившего общие действия революционеров Закавказья, положительную роль сыграли дискуссии о решениях III съезда РСДРП, о думской тактике. Летом 1905 г. в Грузии

⁸ ПАГФ ИМЛ, ф. 8, оп. 2, ед. хр. 24, л. 87.


⁹ Там же, ед. хр. 2, л. 51.

¹⁰ ЦПА ИМЛ, ф. 25, ед. хр. 438, л. 1—3, об.

¹¹ Там же, ед. хр. 457, л. 2.

¹² ПАГФ ИМЛ, ф. 8, оп. 2, ч. I, ед. хр. 5, л. 155.

¹³ ЦПА ИМЛ, ф. 26, оп. 1, ед. хр. 230, л. 2.





были проведены собрания и конференции с докладами делегатов съезда об его итогах. В принятых резолюциях признавалась законность съезда и выражалась готовность поддержать его решения. Рабочие приглашали большевиков рассказать о разногласиях в РСДРП, хотели выныкнуть глубже в их суть, возмущались дезорганизаторской деятельностью меньшевиков, их стремлением представить разногласия в виде сплетен¹⁴. Большевики проникали в организации, занятые меньшевиками. Они обосновывали необходимость для полной победы революции победоносного вооруженного восстания и принимали меры для организации вооружения народа.

Правильность тактики большевиков подтвердилась в ходе революции, она стала тактикой широких масс. Даже в тех районах, где преобладали меньшевики, противодействовавшие вооруженной борьбе, массы действовали вопреки меньшевистским лидерам, оказывали помощь повстанцам других районов¹⁵. Этому способствовала идейная борьба, проведенная большевиками. Грузинские меньшевики, подобно своим российским собратьям по оппортунизму, отрицали необходимость военной организации и военно-технической подготовки восстания, что нашло свое выражение в решениях их конференции в Женеве.

Одним из вопросов, который дискутировался на собраниях в Грузии был вопрос о членстве в партии. Грузинские меньшевики принимали в РСДРП всех желающих, нарушая тем самым даже мартовскую формулировку первого параграфа Устава, требовавшего признания партийной программы.

В письме в редакцию «Пролетария» 13(26) июля 1905 г. из Имеретико-Мингрельского комитета сообщали, что меньшевики набрали в свои ряды мальчишек и профанов, окрестив их социал-демократами¹⁶. Грузинские меньшевики не изменили своего отношения к приему в партию и после IV съезда РСДРП, когда и они приняли параграф Устава в ленинской формулировке. Газета «Дро» 9 апреля 1907 г. поместила письмо из Гурии, в котором описывалось процедура приема в партию. Достаточно было заявить о своем желании вступить в ряды РСДРП, чтобы стать ее членом, «не зная при этом о жизни партии, ни о ее учении»¹⁷. Когда на одном из собраний присутствовавший большевик указал на необходимость соблюдения требований первого параграфа Устава, вступавший в партию возразил: «Господин, вы говорите о каких-то законах и учении. Но почему все это в отношении меня понадобилось? Вот сидят мои соседи, чем они лучше меня — умом ли, образованностью, красноречием?» — программу мы тоже не знаем», — послышалось на собрании¹⁸. Такой подход к приему в партию со стороны меньшевиков привел к засорению организации случайными, неустойчивыми людьми. С 1906 по 1907 гг. Гурийская организация выросла в 6 раз. Та же газета «Дро» писала, что наличие на 280 дымов до 200 членов партии здесь считается обычным¹⁹.

Большевики и меньшевики в понятие «организованный рабочий» вкладывали разное содержание. На это обращала внимание Н. К. Крупская в письмах в местные комитеты. В то время как меньшевики

¹⁴ ЦПА ИМЛ, ф. 26, оп. 1, ед. хр. 79, 96.

¹⁵ См. Очерки истории Коммунистической партии Грузии — Тбилиси, 1971, стр. 164—165.

¹⁶ ЦПА ИМЛ, ф. 26, оп. 1, ед. хр. 79.

¹⁷ ГФ ИМЛ, ф. 8, оп. 3, ед. хр. 458, л. 38.

¹⁸ ГФ ИМЛ, ф. 8, оп. 3, ед. хр. 458, л. 38.

¹⁹ Там же, л. 39.



к их числу относили всякого, кто ходит на массовки, большевики включали только «входящих в организации»²⁰. В письме в Баку от 12 (25) июня 1905 г. Н. К. Крупская спрашивала о количестве организованных рабочих и о том, какое понятие комитет вкладывает в это определение. Н. К. Крупская сообщала, что «Искра» в качестве рекламы опубликовала статистику, по которой у меньшевиков в 2 раза больше организованных рабочих, чем у большевиков. Особенно чудовищные цифры меньшевики давали по Кавказу²¹. Такая «статистика» являлась результатом проводимого меньшевиками приема, с одной стороны, и махинацией с цифрами — с другой.

Грузинские меньшевики делили членов партии на две категории (рабочие и нерабочие). В резолюции собрания Тифлисской районной рабочей организации и руководящего коллектива РСДРП от 27 марта 1906 г. членство в партии определялось:

а) Членом партии является всякий рабочий, который принимает партийную программу, оказывает партии материальную помощь и приводит в исполнение все решения партии.

б) Членом партии является всякий нерабочий, который принимает партийную программу, оказывает партии материальную помощь и активно действует в партийной организации²².

Таким образом, получалось, что член партии — рабочий выступал только в качестве исполнителя решений, в то время как член партии — нерабочий считался активным деятелем, руководителем организации.

В печати, на собраниях большевики разоблачали меньшевиков, как нарушителей партийного Устава, как дезорганизаторов. В своих действиях они руководствовались требованиями общепартийного Устава, ленинскими организационными принципами. Уставы местных большевистских парторганизаций соответствовали общепартийному. В них обращалось внимание на строгий отбор членов из лучшей, сознательной, организованной части рабочего класса. В рядах самой организации члены РСДРП рабочие и нерабочие пользовались одинаковыми правами и несли обязанности, определенные партийным Уставом. Вместе с тем, выполняя ленинское требование необходимости вовлечения рабочих в комитеты, большевики постоянно готовили кадры партийных организаторов и пропагандистов из среды пролетариата. Вся работа строилась на основе последовательного проведения в жизнь принципов демократического централизма.

В проекте Устава Тифлисской организации (июнь 1906) подчеркивалось, что член партии обязан подчиняться решениям партии в целом и решению большинства данной организации, «привлекать новых членов партии путем распространения идей социал-демократов и вообще действовать в интересах партии»²³.

Большевики постоянно повышали требования к вступающим в партию. В некоторых парторганизациях вводится институт рекомендаций. По Уставу Красноярской организации РСДРП (июль 1906) для вступления в партию требовалось представить не менее 3-х рекомендаций членов организации²⁴.

²⁰ ЦПА ИМЛ, ф. 17, оп. 1, ед. хр. 563.

²¹ ЦПА ИМЛ, ф. 26, оп. 1, ед. хр. 174.

²² ПАГФ ИМЛ, ф. 8, оп. 4, ед. хр. 972, л. 4.

²³ Там же, ед. хр. 967, л. 1.

²⁴ Партийный архив Красноярского крайкома КПСС (ПАКК), ф. 64, оп. 1, ед. хр. 254, л. 1.



По проекту Устава Тифлисского комитета РСДРП прием в партию производился ячейками большинством голосов. Решение утверждалось районным комитетом, постановление которого входило в силу, если оно не было обжаловано в течение 2-х недель в Тифлиссский руководящий комитет. Однако вопрос о приеме мог быть поставлен лишь в том случае, если человек в течение 2-х месяцев был сочувствующим. В это время он знакомился с партийной программой и принимал ее, оказывал материальную поддержку партии, принимал участие в политических выступлениях под руководством партии²⁵. Устав организации подтверждал обязательность тщательного соблюдения ленинского первого параграфа Устава РСДРП.

Действия большевиков Кавказа направлял Союзный комитет, последовательно стоящий на ленинских позициях. Уже в начале августа 1905 г. его представитель сообщал в редакцию «Пролетария» об изменении обстановки в Грузии в пользу большевиков²⁶. Это же подтверждал Д. С. Постоловский. В письмах в партийные центры он указывал, что большинство сознательных рабочих Тифлиса на стороне большевиков²⁷.

Большевики отвоевывали у меньшевиков организации. Так было в Чиатурах²⁸. Резолюцию, оценивающую большевиков, как истинных защитников интересов пролетариата, приняли сельские рабочие Чохатаури. Собрание постановило выйти из организации «меньшинства», «организоваться в особую организацию»²⁹.

Сельская молодежь с Хидистави, после дебатов с меньшевиками, заявили, что истина на стороне «большинства». Поэтому, — сказано в резолюции, — мы порываем с организацией «меньшинства» и организуемся отдельно³⁰. Идейное размежевание с меньшевиками завершилось размежеванием организационным.

В определенных условиях такие действия становятся формой борьбы за партийное единство. Когда убедить инакомыслящих не удается, а они продолжают извращать марксизм, раскалывать организацию, называя себя марксистами, то остается один выход — организационное размежевание с ними. Так поступал В. И. Ленин в 1904—1905 гг., когда в противовес тайному расколу, осуществленному меньшевиками, провозгласил открытый раскол и призвал к созданию «передовской» партии, к разрыву всяких отношений с дезорганизаторами³¹. Такое организационное размежевание с оппортунистами осуществили большевики-ленинцы в Праге в 1912 г.

Лозунг организационного размежевания с явными оппортунистами сочетался с борьбой за объединение всех партийных элементов на строго принципиальной основе. В связи с этим В. И. Ленин резко критиковал примиренчество ЦК РСДРП накануне III съезда партии, выдвинувшего лозунг «Единство во чтобы то ни стало!» Большевики принимали все возможное для возвращения в партию из отколовшейся ее части тех, кто хотел соблюдать ее законы. Выполняя волю партийных комитетов, требовавших восстановления единства РСДРП, В. И. Ленин разработал план и платформу объединения, которые представил в ви-

²⁵ ПАГФ ИМЛ, ф. 8, оп. 4, ед. хр. 962, л. 1.

²⁶ ЦПА, ИМЛ, ф. 26, оп. 1, ед. хр. 255.

²⁷ Там же, ед. хр. 222, л. 2.

²⁸ См. Очерки истории Коммунистической партии Грузии, стр. 123.

²⁹ Газета «Борьба пролетариата» № 2 от 15(28) июля 1905 г.

³⁰ ГФ ИМЛ, ф. 8, оп. 3, ед. хр. 414, л. 30.

³¹ В. И. Ленин. Полн. собр. соч., т. 9, стр. 299.



де проектов резолюций к IV съезду партии³². Однако план объединения РСДРП был сорван меньшевиками.

Выработке партийного единства помогала большевистская пропаганда и агитация, которую также следует рассматривать в качестве одной из форм борьбы за единство партии. Все дело агитации и пропаганды большевики осуществляли с точки зрения подготовки масс к революции, обучая их не одной только книжкой, а участием в повседневной борьбе. Пропагандисты революционной теории одновременно выступали организаторами борьбы масс.

Выясняя ближайшие и конечные цели борьбы, вооружая организационных пролетариев знанием законов общественной жизни и классовой борьбы, партийная пропаганда и агитация должна была помочь наметить формы и методы политической деятельности, выработать единые взгляды русских марксистов, предопределить единство их действий по революционному преобразованию России.

Анализ документов того времени показывает огромный спрос комитетов на работы классиков марксизма и особенно на произведения В. И. Ленина. Партийные комитеты обеих столиц, Одессы, Саратова, Закавказья и других районов России постоянно жаловались на недостаток партийной литературы и требовали ее у партийных центров. Иммертино-Мингрельский комитет в июне 1905 г. в письме в редакцию газеты «Пролетарий» указывал на отсутствие в организациях информации о положении дел в партии и на огромную нужду в работах В. И. Ленина «Что делать?», «Шаг вперед, два шага назад», в органе большевиков — «Пролетарий». Эти материалы нужны, как подчеркивал автор письма, «для разоблачения страшной демагогии меньшевиков, которые игнорируют логические доводы и спекулируют на невежестве масс»³³.

М. Г. Цхакая характеризуя положение в партийных организациях Закавказья, сообщал В. И. Ленину о большой нужде в партийной литературе. На рабочих собраниях обсуждались вопросы о соотношении стихийности и сознательности, о пролетарском движении и др. Рабочие требовали сведений о В. И. Ленине, пропагандисты разыскивали «Что делать?», «Шаг вперед, два шага назад», чтобы подготовиться к дискуссии³⁴.

Г. Паркадзе вспоминал последствии, что в Чиатурском районе Грузии в 1905 г. трудно было найти среди членов партии — рабочего человека, который не изъявлял бы желания видеть автора «Что делать?» Если так трудно встретиться с Лениным, то хоть портрет покажите нам, неужели портрет нельзя достать?» — с упреком говорили рабочие. Когда просьба дошла до Ленина, то он просил передать, что ему не удастся переслать свой портрет и советовал им: представьте себе русского рабочего — это и будет Ленин³⁵.

То же самое наблюдалось и в других районах России.

Ленинские работы учили, убеждали, направляли, вооружали знанием революционной теории и определяли общую политическую линию партии.

Коллективным пропагандистом и агитатором выступала большевистская печать. Газеты «Вперед», «Пролетарий», «Новая жизнь» выполняли роль Центрального Органа РСДРП. Ленинское направление одобряли и поддерживали местные комитеты партии, постоянно требо-

³² В. И. Ленин. Полн. собр. соч., т. 12, стр. 239—270.

³³ ЦПА ИМЛ, ф. 26, оп. 2, ед. хр. 79, л. 3.

³⁴ Там же, ф. 2, оп. 5, ед. хр. 176, л. 5.

³⁵ ПАГФ ИМЛ, ф. 8, оп. 2, ч. 1, ед. хр. 39, л. 146.



вавшие увеличить количество присылаемых экземпляров. Так, в письме из Тифлиса Н. К. Крупской (август 1905 г.) сообщалось о развернувшейся борьбе с меньшевиками и необходимости партийной литературы, в особенности «Пролетария»³⁶.

Газета помогала выяснить суть партийных разногласий. Она печатала руководящие партийные материалы, теоретические статьи, хронику революционных событий. От имени редакции «Пролетария» В. И. Ленин рекомендовал местным комитетам перепечатывать в листках статьи и заметки из ЦО, пересказывать содержание лозунгов, изменяя их сообразно местным условиям³⁷. Проведение в жизнь такой меры давало возможность выяснить правильность лозунгов ЦО, установить единство действий организаций.

В партийную печать рабочие обращались за выяснением непонятных вопросов. Так, газета «Новая жизнь» на запрос двинских товарищей разъяснила на своих страницах тактику партии и рекомендовала им прочесть «Две тактики социал-демократии в демократической революции» В. И. Ленина³⁸.

В годы первой русской революции в разное время легальные большевистские газеты издавались в Москве, Тифлисе, Чите, Красноярске и других городах. Они способствовали распространению ленинских большевистских лозунгов в массах, выработке и укреплению идейного и организационного единства партии, сплочению пролетариата под знаменем РСДРП.

Значительное место в раскрытии идей партии и ее лозунгов в массах занимала листовая пропаганда. В листовках разъяснялись лозунги партии, определялась программа непосредственных действий, разоблачались враждебные пролетариату партии и группы. Они издавались массовым тиражом. Только за октябрь 1905 г. в Красноярске и других городах Енисейской губернии было распространено 42.500 экземпляров листовок³⁹.

Значительная листовая пропаганда проводилась в Закавказье. В листовке, выпущенной Имеретинско-Мингрельским комитетом (июль 1905 г.), разъяснялась непоследовательность политики мелкобуржуазных партий, отражавшая непоследовательность, двойственность мелкой буржуазии. Ей противопоставлялся пролетариат и его партия⁴⁰. В листовках разъяснялись конкретные требования партийной программы.

Листовки разоблачали антипартийные раскольнические действия меньшевиков. Батумский комитет рассказал рабочим о незаконной реорганизации меньшевиками комитета и обвинил их в нарушении партийного Устава. «Наш долг, — писали батумские большевики, — с уважением относиться к требованиям... Устава. Игнорирование партийного Устава, его нарушение отдельными лицами или же организациями является преступлением перед партией»⁴¹. Листовка призывала твердо стоять на страже партийных интересов, ограждать партию от раскола и дезорганизации. «Каждый шаг, направленный к распылению и расколу партии, должен считаться величайшим преступлением»⁴². Листовка

³⁶ ЦПА ИМЛ, ф. 26, оп. 1, ед. хр. 266.

³⁷ В. И. Ленин. Полн. собр. соч., т. II, стр. 321—322.

³⁸ «Пролетарий» № 13, 9(22) августа 1905 г.

³⁹ Государственный архив Красноярского края (ГАКК), ф. 827, оп. 1, ед. хр. 43 л. 37.

⁴⁰ См. Листовки Кавказского Союза РСДРП 1903—1905 г. М., 1955, стр. 381—382.

⁴¹ Там же, стр. 367—328.

⁴² Там же.



звала к объединению революционеров на почве марксизма и партийных решений.

Большевистские прокламации отличались определенностью, четкостью формулировок, конкретностью постановки задач. Это обеспечивало им успех среди рабочих в выработке и проведении в жизнь единой политики.

Огромный размах в годы первой русской революции получила устная пропаганда и агитация. О ее постановке в Петербурге сообщал В. И. Ленин. С. И. Гусев в январе 1905 г.⁴³ Он рассказывал о трех типах кружков, действовавших в городе:

1) Низшие кружки — «летучки» — непостоянного состава и неравномерно собирающиеся. Они устраивались «каждый день по несколько раз в каждом районе». Агитатор произносил одну и ту же речь по определенному вопросу в нескольких местах. Темы выступлений определяла агитационно-пропагандистская коллегия ПК.

2) Кружки среднего типа — постоянного состава и регулярно собирающиеся, работающие по определенной программе.

3) Пропагандистские кружки из лучших рабочих⁴⁴. Широкая агитация, проводимая питерскими большевиками смыкалась с пропагандой, ставящей задачу теоретической подготовки кадров пропагандистов и агитаторов из самых рабочих — активных борцов за партию и партийность.

В Курске к июню 1905 г. действовало 19 кружков, среди них 8 готовили рабочих-организаторов и 1 — пропагандистов⁴⁵. Полностью в руках большевиков сосредоточивались пропаганда и агитация в Иваново-Вознесенске⁴⁶.

Широкая сеть партийных кружков действовала в Закавказье. Кружковая пропаганда была наиболее распространенной формой пропаганды на начальном этапе революции.

Кружки создавались не только среди рабочих, но и среди крестьян, солдат, учащейся молодежи. Исходя из ленинских указаний, Саратовский комитет РСДРП разработал программу занятий в крестьянских кружках, рассчитанную на 5 лекций. В ней ставилась задача дать критическую оценку современного политического строя России, определить расстановку сил, обосновывать необходимость союза рабочего класса с крестьянством и руководящей роли рабочего класса в этом союзе, разъяснить аграрную программу РСДРП и роль партии в революционной борьбе. Борьба пролетариата и крестьянства России рассматривалась как составная часть мирового революционного процесса.

Эта программа была напечатана на страницах «Пролетария», редакция которого рекомендовала ее как полезный материал для обсуждения практической стороны работы в деревне⁴⁷.

Агитационно-пропагандистская работа проводилась большевиками с целью разъяснения партийной программы и тактики, организации единства действий всех отрядов борцов революции.

Однако пропаганда и агитация как в России, так и за границей велась разобщенно. Партийные комитеты потребовали от ЦК РСДРП единообразного плана и направляющих документов⁴⁸.

⁴³ Журнал «Пролетарская революция», 1935, № 2, стр. 27.

⁴⁴ Там же, 1925, № 2, стр. 32.

⁴⁵ ЦПА ИМЛ, ф. 25, оп. 1, ед. хр. 64, л. 1.

⁴⁶ Там же, ед. хр. 72, л. 2.

⁴⁷ «Пролетарий», № 1 от 27 (14) мая 1905 г.

⁴⁸ «Пролетарская революция», 1925, № 7, стр. 36.



Исходя из задач начавшейся революции в России, III съезд РСДРП специальным решением определил задачи большевистской пропаганды и агитации⁴⁹. Он поручил ЦК организовать литературно-пропагандистскую группу для выработки общей программы для кружков и составления применительно к ней популярных брошюр по главным вопросам партийной программы, тактики и организации. В целях помощи местным комитетам было предложено принять меры к созданию разъездных групп агитаторов и пропагандистов.

Такая агитационно-пропагандистская коллегия была создана, возглавил ее И. Х. Лалаянц. Она обсудила вопрос об организации пропаганды на местах и признала необходимым составить две схемы общих пропагандистских программ:

1) Для кружков низшего типа (в 6—7 лекций), состав которых комплектовался из посетителей так называемых «летучек», которые отличались от массовых собраний (массовок) меньшей численностью, большим постоянством состава и известной систематичностью в содержании речей.

2) Для кружков высшего типа (18—20 лекций), состав которых подбирался из лучших членов низших кружков и «вообще из лиц способных и развитых»⁵⁰.

Программа давала минимум знаний, необходимых партийному работнику, по теории, истории, тактике и организации социал-демократии. При проведении занятий пропагандистам рекомендовалось для иллюстраций использовать современный материал. Газета опубликовала так же список литературы, необходимой для подготовки пропагандиста.

На заседании агитационно-пропагандистской коллегии была создана группа разъездных пропагандистов. Ответственным пропагандистом ЦК РСДРП стал Инсаров (И. Х. Лалаянц)⁵¹.

Программы, подготовленные съездом группы литераторов-пропагандистов, образованной при ЦК РСДРП, были первыми общепартийными пропагандистскими программами.

Составленные рекомендации, как и сами программы, явились результатом изучения опыта постановки пропаганды и агитации как в России, так и за границей.

Можно предположить, что ответственному пропагандисту ЦК РСДРП И. Х. Лалаянцу наряду с другими программами была известна программа занятий Тифлисского комитета. Она состояла из десяти разделов, дававших основы марксистско-ленинского мировоззрения. Первая часть программы содержала общие сведения, характеризующие современный капиталистический строй, раскрывала сущность капиталистической эксплуатации, доказывала неизбежность победы социализма, как результата победы социалистической революции. Вторая часть — раскрывала положения марксизма применительно к России. Здесь излагались основные положения программы-минимум РСДРП, история революционного движения в России от выступления декабристов до II съезда партии⁵².

Вся работа пропагандистов, выступавших одновременно и организаторами партийной работы, направлялась партийными комитетами. Так, в апреле 1905 г. в с. Хони на квартире А. Цулукидзе состоялась трехдневная конференция пропагандистов Имеретинно-Мингрельского коми-

49 КПСС в резолюциях и решениях..., ч. I, стр. 83—84.

50 «Пролетарий», № 16 от 14 (1) сентября 1905 г.

51 Сб. Партия в революции 1905 г. Партиздат, 1934, стр. 6.

52 ПАГФ ИМЛ, ф. 8, оп. 1, ед. хр. 874, л. 2—5.

тета. На ней обсуждались вопросы ведения пропагандистской работы, подготовки вооруженного восстания и другие, касавшиеся организации и тактики партии. На основе принятых решений были проведены митинги, в том числе и районный⁵³.

Следующая конференция (съезд) пропагандистов Имеретинско-Мингрельского комитета состоялась в августе 1905 г. Вновь на повестке дня стояли вопросы тактики и организации, они решались с ленинских позиций, на основе постановлений III съезда РСДРП. Конференция решила проводить активный бойкот Государственной думы, приступить к усиленной агитации среди крестьян, призывающей к отказу платить налоги и отбывать воинскую повинность⁵⁴.

Была принята структура социал-демократической крестьянской организации. Основу ее составляли первоначальные кружки из наиболее сознательных и революционно настроенных сельских рабочих, крестьян и полупролетариев. Кружок избирал десятского, который представлял его в следующей инстанции — сельской социал-демократической группе. Сельские группы из десятских избирали сотского, собрание которых составляло общую группу. Представители общих групп (тысяцкие) организовывали революционный районный комитет, который получал права автономной группы после утверждения вышестоящим комитетом⁵⁵.

Эта структура легла в основу строения сельских парторганизаций. Ее подтвердило собрание пропагандистов и организаторов Горийской организации РСДРП (август 1906)⁵⁶. Собрание указало на необходимость привлечения в организации сознательных крестьян с пролетарскими идеями.

Решением конференции предлагалось провести митинги в селах и намечалась их схема. Сохранилась запись: «Разобрать Манифест об учредительном собрании. О демократической республике и вскользь о социализме»⁵⁷.

В постановлении собрания пропагандисты получили практические рекомендации и политическое направление.

Первоначальной формой пропагандистской работы выступали массовые собрания, на которых обсуждались текущие вопросы. Вслед за ними шли массовки и «летучки», где рабочих знакомили с партийной программой-минимум, разбирали текущие политические и внутрипартийные вопросы. Наиболее способные из них выдвигались в социал-демократические кружки. Так в ходе первой русской революции складывались формы партийной агитационно-пропагандистской работы, через которые большевики идейно завоевывали пролетарский авангард и широкие массы пролетариев, выковывали и укрепляли партийное единство.

В связи с реорганизацией всей деятельности партии в условиях развития революции расширился размах и демократизировались формы агитационно-пропагандистской работы. Центр тяжести ее переносится в широкие рабочие аудитории, однако, сохраняются и кружки. Меняется структура пропагандистских органов партии, происходит процесс централизации агитационно-пропагандистской работы.

Спад революции приводит к сокращению размаха пропаганды и агитации. Вместе с тем работа большевиков по политическому воспитанию масс продолжалась, продолжалось их обучение революционной

⁵³ ПАГФ ИМЛ, ф. 8, оп. 2, ч. I, д. 4, л. 184—185.

⁵⁴ Там же, оп. 3, д. 61, л. 103.

⁵⁵ Там же, оп. 3, ед. хр. 61, л. 104.

⁵⁶ Там же, оп. 5, ед. хр. 83, л. 53.

⁵⁷ Там же.



науке марксизма. В письме из Тифлиса (лето 1907 г.) в центральные учреждения партии сообщалось об «умственном голоде», нехватке пропагандистов и организаторов, стремлении рабочих изучать революционную науку. «Та идейная работа, которая ведется, — отмечал автор письма — должна быть отнесена за счет большевиков. С тем количеством сил, которые находятся у них, они делают все, что можно»⁵⁸.

Постановка партийной пропаганды помогала выработке революционного мировоззрения, росту классовой сознательности, формированию единства взглядов марксистов-ленинцев. Каждый шаг пролетарской борьбы, слитый с деятельностью большевиков, сближал массы рабочего класса с партией.

В ходе классовых битв передовые рабочие осваивали марксизм-ленинизм, превращались в сознательных бойцов революции, единомыслящих и единодействующих. Пройдя школу ленинского воспитания, пролетарии России смогли пережить полосу реакции, сохранить и укрепить свои организации, разгромить оппортунистов, подготовиться к революции и победить в ней, завоевать власть и построить развитое социалистическое общество.

Опыт борьбы большевиков за партийное единство, накопленный в период революции 1905—1907 гг., совершенствовался и расширялся в последующие годы, проверялась ходом революционных событий правильность форм и методов борьбы за него.

Практика подтвердила необходимость разоблачения перед массами антипартийной сущности теоретических доводов и пагубности для дела революции практических предположений оппортунистов. Такое разоблачение помогло изолировать оппортунистических лидеров и вырвать из-под их влияния обманутых рабочих. Идейный разгром оппортунистов дополняется организационным размежеванием с ними. Широкое освещение вопросов теории и партийной политики в печати и устной пропаганде, изучение и обсуждение их в сети партийного просвещения, широко поставленная информация способствуют выработке сознательного отношения к политическим вопросам у массы членов партии, точка зрения которых учитывается в принимаемых решениях, выполнение которых — обязанность коммунистов, организующих беспартийных, осуществляющих единство слова и дела.

Формы борьбы за партийное единство, сложившееся еще в годы первой русской революции вошли в жизнь ряда коммунистических и рабочих партий.

Опыт нашей партии по-прежнему является образцом тактики для всех.

⁵⁸ ПАГФ ИМЛ, ф. 8, оп. 3, ед. хр. 63, л. 28.

შოთა თეთვაძე

**საქართველოს კომუნისტური პარტიის მოღვაწეობა
შინაპარტიული დემოკრატიის განვითარებისა და პარტიული
დისციპლინის განმტკიცებისათვის**

(1933—1937 წწ.)

საკავშირო კპ(ბ) XVII ყრილობამ (1934 წლის 26 იანვარი — 10 თებერვალი) სოციალისტური მშენებლობის შემდგომი ამოცანების შემუშავებასთან ერთად მიიღო პარტიის ყველა ორგანიზაციაში ორგანიზაციულ-პარტიული მუშაობის ფორმებისა და მეთოდების შემდგომი სრულყოფის გადაწყვეტილებანი. ყრილობამ გაითვალისწინა მეორე ხუთწლიანი გეგმის შესასრულებლად ორგანიზაციული მუშაობის მზარდი როლი, ყოველმხრივ განიხილა პარტიული მშენებლობის საკითხები და შეიმუშავა ორგანიზაციული ხელმძღვანელობის პოლიტიკური ხელმძღვანელობის დონემდე ამაღლების ღონისძიებათა კომპლექსური პროგრამა ყრილობამ ახალი რედაქციით მიიღო პარტიის წესდება, რომელშიც პირველად შევიდა დემოკრატიული ცენტრალიზმის პრინციპის სრული ფორმულირება. წესდებამ პარტიის თითოეულ წევრზე განმტკიცა უფლება მონაწილეობა მიეღოთ პარტიის პოლიტიკის საქმიან განხილვაში, ამასთან ერთად წესდება მოითხოვდა მკაცრ პარტიულ დისციპლინას, უმცირესობის უმრავლესობისადმი უსიტყვოდ დამორჩილებას, ქვემდგომი ორგანოების მიერ ზემდგომი ორგანოების გადაწყვეტილებათა განუხრელ გატარებას.

პარტიის წესდებაში შეტანილი მთელი რიგი არსებითი ხასიათის ცვლილებები ხელს უწყობდა პარტიული ორგანიზაციების მუშაობის პრაქტიკაში შინაპარტიული დემოკრატიის გაფართოებასა და ცენტრალიზმის განმტკიცებას, იგი მიმართული იყო პარტიული დისციპლინის ამაღლების, პარტიული მასების აქტივობის ზრდისა და სოციალისტური მშენებლობის ამოცანების შესასრულებლად მათი პასუხისმგებლობის ამაღლებისაკენ.

ამ სტატიაში რესპუბლიკის პარტიული ორგანიზაციების მოღვაწეობის კონკრეტული მაგალითებისა და საარჩევო მასალების ფართო გამოყენებით განხორციელებულია და განალიზებულია მეორე ხუთწლიანი პერიოდში საქართველოს კომუნისტური პარტიის გამოცდილება შინაპარტიული დემოკრატიის გაშლისათვის. საქართველოს კომუნისტურმა პარტიამ მიუხედავად ზოგიერთი უარყოფითი მხარეებისა, რაც დაკავშირებული იყო ბერიას საქართველოს კომპარტიის ცენტრალური კომიტეტის მდივნად მუშაობასთან, შინაპარტიული დემოკრატიის ლენინური პრინციპების განუხრელი განხორციელების საფუძველზე მნიშვნელოვან წარმატებებს მიაღწია პარტიული მუშაობის ფორმებისა და მეთოდების შემდგომი სრულყოფის საქმეში.

* * *

საკავშირო კ(ბ) XVII ყრილობის გადაწყვეტილებათა შესასრულებლად საქართველოს კ(ბ) ადგილობრივმა ორგანიზაციებმა ნაყოფიერი მუშაობა გაშალეს შინაპარტიული დემოკრატიის განვითარებისა და კოლექტიური ხელმძღვანელობის გაძლიერებისათვის. შინაპარტიული დემოკრატიის გაშლის მნიშვნელოვანი მაჩვენებელი უპირველეს ყოვლისა იყო პირველად პარტიულ ორგანიზაციებში პარტიული კრებების ჩატარების პრაქტიკის გაუმჯობესება.

რესპუბლიკის პარტიული ორგანიზაციები პარტიული კრებების მომზადებისა და ჩატარებისას განუხრელად ხელმძღვანელობდნენ საკავშირო კ(ბ) ცენტრალური კომიტეტის 1932 წლის 7 აგვისტოს დადგენილებით „საწარმოთა პარტუჯრედების მუშაობის შესახებ“. ამ დადგენილებით ცენტრალურმა კომიტეტმა პარტიის საქალაქო და რაიონულ კომიტეტებსა და პარტიულ უჯრედებს დაავალა გაეთვალისწინებინათ პარტიული კრების მოსამზადებელი მუშაობის ყველა მხარე, უზრუნველყოთ ბოლშევიკური თვითკრიტიკის, შინაპარტიული დემოკრატიის განვითარება და სისტემატურად შეემოწმებინათ მიღებულ დადგენილებათა შესრულების მიმდინარეობა¹.

საკავშირო კ(ბ) ცენტრალური კომიტეტის მითითებათა შესრულებისათვის ბრძოლაში საქართველოს პარტიულმა ორგანიზაციებმა საგრძნობლად გააუმჯობესეს პარტიული კრებების მომზადება და ჩატარება.

პარტიული კრებების მომზადებისა და ჩატარების კარგი გამოცდილება ჰქონდათ თბილისის, ბათუმის, ხაშურის და ჭიათურის სამრეწველო საწარმოთა პირველად პარტიულ ორგანიზაციებს, რომლებიც სისტემატურად იხილავდნენ ადგილობრივი ცხოვრების საკითხებს, წარმოებაში კომუნისტთა ავანგარდულ როლს, პარტიული დისციპლინისა და პარტიული ეთიკის საკითხებს და სხვ.

კომუნისტთა მაღალი აქტივობით ჩატარდა 1933 წლის დეკემბერში პირველადი პარტიული ორგანიზაციების საანგარიშო-საარჩევნო კრებები. საწარმოო კოლექტივები, დამკვერელი მუშები, ინჟინერ-ტექნიკოსები იღებდნენ გადიდებულ ვალდებულებებს გეგმის ვადამდე და გადაჭარბებით შესასრულებლად, შეიქმნა ახალი დამკვერელი ბრიგადები, ფართოდ გაიშალა მუშაობა ტექნიკის დაუფლებისათვის. პარტიული უჯრედების მუშაობისა და კომუნისტთა ავანგარდული როლის შესამოწმებლად შეიქმნა თვითშემოწმებელი ბრიგადები. თბილისში ამ ბრიგადებში მონაწილეობა მიიღო 6500 კომუნისტმა ანუ ორგანიზაციის 46,2 პროცენტმა. საანგარიშო-საარჩევნო კრებებზე კომუნისტთა დასწრება 98 პროცენტს უდრიდა².

პარტიული კრებების მომზადებისა და ჩატარების გაუმჯობესებას ხელი შეუწყო კომუნისტთა კრებების მომზადების საკითხებზე საქალაქო და რაიონული კომიტეტების სხდომებზე ცალკეული პარტიული ორგანიზაციების ანგარიშების მოსმენამ. რესპუბლიკის პარტიულ ორგანიზაციებში პარტიული კრების მომზადების საკითხებს სისტემატურად იხილავდა, აგრეთვე, საქართველოს კ(ბ) ცენტრალური კომიტეტი.

¹ Справочник партийного работника, вып. VIII, 1934, стр. 431.

² იურ. „პარტიული მშენებლობა“, 1934, № 1—2, გვ. 27—28.

პარტიული კრების მომზადებასა და ჩატარების გაუმჯობესებაში დიდი მნიშვნელობა ჰქონდა საკავშირო კპ(ბ) ლენინგრადის საქალაქო კომიტეტის პლენუმის 1935 წლის 29 მარტის დადგენილებას „პარტიულ-ორგანიზაციული და პარტიულ-პოლიტიკური მუშაობის ამოცანების შესახებ“, რომელიც შემუშავებულ იქნა ჩვენი პარტიის ერთ-ერთი მსხვილი ორგანიზაციის გამოცდილებისა და საკავშირო კპ(ბ) ცენტრალური კომიტეტის ყველა ადრინდელ გადაწყვეტილებათა გათვალისწინების საფუძველზე. დადგენილება წარმოადგენდა პარტიულ-ორგანიზაციული მუშაობის გამოცოცხლებისა და კომუნისტთა აქტივობის ამოღებისათვის ბრძოლის კონკრეტულ სახელმძღვანელოს ჩვენი ქვეყნის ყველა პარტიული ორგანიზაციისა და მათ შორის საქართველოს კომუნისტური პარტიისათვის. ეს დადგენილება საკავშირო კპ(ბ) ცენტრალურმა კომიტეტმა დაამტკიცა და გაზეთ „პრავდაში“ 1935 წლის 28 მარტს გამოაქვეყნა. ადგილობრივ პარტიულ ორგანიზაციებს წინადადება მიეცათ გაეთვალისწინებინათ დადგენილებაში მითითებული ნაკლოვანებანი და განუხრებლად ეხელმძღვანელათ მასში დასახული პრაქტიკული მითითებებით.

ლენინგრადის საქალაქო კომიტეტის პლენუმის 1935 წლის 29 მარტის დადგენილება განხილულ იქნა საქართველოს კპ(ბ) საოლქო, საქალაქო და რაიონული კომიტეტების პლენუმებზე, ბიუროს სხდომებზე, პარტიული აქტივის კრებებზე, ხოლო შემდეგ პირველად პარტიულ ორგანიზაციებში. პარტიული კომიტეტების პლენუმებსა და სხდომებზე განხილვის შემდეგ მის შესახებ იმსჯელეს საქალაქო და რაიონული კომიტეტების ინსტრუქტორთა თათბირებზე, სადაც შეიმუშავეს პირველად პარტიულ ორგანიზაციებში აღნიშნული დადგენილების განხილვის კონკრეტული ღონისძიება. პარტიული კრებების ჩატარებას წინ უძღოდა ფართო მოსამზადებელი მუშაობა. წინასწარ იხილავდნენ კრებების ჩატარებასთან დაკავშირებულ ორგანიზაციულ საკითხებს, ყველა კომუნისტმა რამდენიმე დღით ადრე იცოდა კრების დღის წესრიგი. კომუნისტთა კრებებზე მოხსენებებით გამოვიდნენ პარტიის საოლქო, საქალაქო და რაიონული კომიტეტების წევრები.

საკითხის განხილვის პროცესში კომუნისტებმა პარტიულ-აღმზრდელობით და პარტიულ-ორგანიზაციულ მუშაობაში ამხილეს კონკრეტული ნაკლოვანებები. პირველად პარტიულ ორგანიზაციებში განხილვის შედეგები გააანალიზეს და განიხილეს საქალაქო და რაიონული კომიტეტების პლენუმებზე. პლენუმებმა შეიმუშავეს საქმიანი და კონკრეტული ღონისძიება პარტიულ-ორგანიზაციული და პარტიულ-აღმზრდელობითი მუშაობის გასაძლიერებლად.

ლენინგრადის საქალაქო კომიტეტის პლენუმის 1935 წლის 29 მარტის დადგენილების შემდეგ საქართველოს კპ(ბ) საქალაქო და რაიონული კომიტეტები სისტემატურად იხილავდნენ პირველად პარტიულ ორგანიზაციებში პარტიული კრებების მომზადებისა და ჩატარების საკითხებს.

თბილისის სამარეწველო საწარმოთა პარტიული ორგანიზაციები დიდ ყურადღებას უთმობდნენ პარტიული კრების მომზადებას, საკითხის ღრმად შესწავლის მიზნით იქმნებოდა თვითშემოწმებელი ბრიგადები, დადგენილების შემუშავებისათვის კი კომისიები, რომლებიც მაქსიმალურად ითვისებდნენ კომუნისტთა კრიტიკულ გამოსვლებს და წინადადებებს. მიღებული დადგენილების შესრულებაზე დაწესებული იყო მკაცრი კონტროლი. სწორედ ამიტომ იყო, რომ პარტიულ კრებებზე კომუნისტთა დასწრება 96—98

პროცენტს შეადგენდა, ხოლო კამათში მონაწილეობას იღებდა დამსწრე კომუნისტთა 38—40 პროცენტი³.

პარტიული კრებების მომზადებისა და ჩატარების, მიღებულ დადგენილებათა შესრულების შემოწმების გაუმჯობესების შედეგად რესპუბლიკის მთელ რიგ პარტიულ ორგანიზაციებს საშუალება მიეცათ უფრო მტკიცედ განეხორციელებინათ წარმოებაში, კოლმეურნეობაში და დაწესებულებაში თავიანთი ხელმძღვანელობა, მიეღწიათ შინაპარტიული დემოკრატიის თანმიმდევრული განხორციელებისათვის, ფართოდ გაეშალათ კრიტიკა და თვითკრიტიკა, აქტიურად ჩაებათ კომუნისტები პარტიულ ცხოვრებაში. კარგად ორგანიზებულმა პარტიულმა კრებებმა ხელი შეუწყო პარტიული ორგანიზაციების ბრძოლისუნარიანობის ამაღლებას, კომუნისტთა თვითმოქმედებისა და ინიციატივის ზრდას, სოციალისტური მშენებლობის ყველა უბანზე მათი ავანგარდული როლის შემდგომ ამაღლებას.

პარტიის საოლქო, საქალაქო, რაიონული კომიტეტები და პირველადი პარტიული ორგანიზაციები პერიოდულად ისმენდნენ წარმოებაში, კოლმეურნეობაში, დაწესებულებაში კომუნისტთა ავანგარდულ როლს.

1934—1937 წლებში რესპუბლიკის თითქმის ყველა პირველადი პარტიული ორგანიზაციის მუშაობის პრაქტიკაში დაინერგა პარტიულ კრებებზე კომუნისტთა თვითანგარიშების მოსმენა. ამ ანგარიშებში დაწვრილებით იყო გაშუქებული თუ როგორ ასრულებდნენ კომუნისტები პარტიის წესდებით დაკისრებულ მოვალეობებს. 1934 წლის იანვარში ვ. ი. ლენინის ხსოვნის დღეებში ლენინური გაწვევის კომუნისტები დაწვრილებითი ანგარიშით გამოვიდნენ ღია პარტიულ და მუშათა საერთო კრებებზე. გაზეთმა „კომუნისტმა“ ანშლავით — „პირველი ლენინური გაწვევის კომუნისტები აბარებენ პარტიას ათი წლის მუშაობის ანგარიშებს“, გამოაქვეყნა ლენინური გაწვევის კომუნისტთა ფართო თვითანგარიშები.

თბილისის 26 კომისრის რაიონის პირველადმა პარტიულმა ორგანიზაციებმა 1936 წლის მარტსა და აპრილში მოისმინეს 1000-მდე კომუნისტის თვითანგარიში⁴.

კომუნისტთა თვითანგარიშების მოსმენამ საგრძნობლად აამაღლა პოლიტიკური და შრომითი აქტივობა, განამტკიცა პარტიული და საწარმოო დისციპლინა, ხელი შეუწყო საწარმოო გეგმებისა და სოციალისტურ ვალდებულებათა წარმატებით შესრულებას. მაგრამ რესპუბლიკის ზოგიერთ პარტიულ ორგანიზაციაში თვითანგარიშების მოსმენა რიგ შემთხვევაში ფორმალურ ხასიათს ატარებდა და იგი არ იყო დაკავშირებული კომუნისტის ავანგარდული როლის ამაღლებასთან.

შინაპარტიული დემოკრატიის საფუძველზე პარტიული ორგანიზაციების აქტივობის ამაღლებაში დიდი როლი შეასრულა საკავშირო კპ (ბ) ცენტრალური კომიტეტის 1934 წლის 17 დეკემბრის დადგენილებამ „პარტიული აქტივის კრებების შესახებ“, რომლის მიღებაც იმ გარემოებით იყო ნაკარნახევი, რომ ზოგიერთი პარტიული ორგანიზაცია პარტიული აქტივის კრებების რეგულარული მოწვევის ნაცვლად ატარებდნენ პარტიული კომიტეტების გაფართოებულ სხდომებს. ცენტრალურმა კომიტეტმა დაგმო მუშაობის ასეთი

³ პარტიული არქივი (თბ.:ლისი), ჟ. 20, აღწ. 1, ს. 627, ფურც. 2.

⁴ იქვე.

პრაქტიკა და მიუთითა, რომ აღდგენილიყო პარტიული აქტივის კრებების მოწვევა⁵.

საკავშირო კ(ბ) ცენტრალური კომიტეტის ამ დადგენილების შემდეგ პარტიული აქტივის კრებები გადაიქცა პარტიული მუშაობის მუდმივმოქმედ ფორმად, ამაღლდა მათი მნიშვნელობა პარტიული კადრების აღზრდასა და დაწინაურებაში, პარტიული აქტივის მუშაობის გამოცოცხლებაში, ფართო პარტიული მასა ჩააბა პარტიული ორგანიზაციის ყოველდღიურ მუშაობაში. ასრულებდნენ რა ცენტრალური კომიტეტის დადგენილებას რესპუბლიკის პარტიულმა ორგანიზაციებმა გააუმჯობესეს პარტიული აქტივის მუშაობა. პარტიული აქტივის კრებებს სისტემატურად იწვევდნენ საქართველოს კ(ბ) საქალაქო და რაიონული კომიტეტები. პარტიული აქტივის კრებები ბევრ პარტიულ ორგანიზაციაში გადაიქცნენ კომუნისტთა აქტივობისა და თვითკრიტიკის გაშლის, პარტიული ორგანოების მუშაობისადმი კონტროლის განხორციელების ეფექტურ საშუალებად. აქტივის კრებებზე განაზოგადებდნენ კომუნისტთა გამოცდილებას, ავლენდნენ პარტიულ მუშაობაში ნაკლოვანებებსა და შეცდომებს, მიუთითებდნენ მათი გამოსწორების გზებსა და საშუალებებს.

ქალაქის პარტიული ორგანიზაციების ორგანიზაციული და პროპაგანდისტული მუშაობის შემდგომი გააქტიურების მიზნით საკავშირო კ(ბ) ცენტრალურმა კომიტეტმა 1935 წლის 27 მარტს მიიღო დადგენილება „საკავშირო კ(ბ) საქალაქო კომიტეტებში პარტკადრების განყოფილების შექმნის შესახებ“⁶. პარტიის საქალაქო კომიტეტებთან პარტიული კადრების განყოფილების შექმნა შინაპარტიული დემოკრატიის განვითარების, კრიტიკისა და თვითკრიტიკის გაშლის მნიშვნელოვანი ღონისძიება იყო, რადგან მან პარტიული ხელმძღვანელობა დაუახლოვა პარტიულ მასებს და ხელი შეუწყო ახალი კადრების აღზრდასა და დაწინაურებას.

საკავშირო კ(ბ) ცენტრალური კომიტეტის 1935 წლის 27 მარტის დადგენილებით პარტიული კადრების განყოფილება შეიქმნა პარტიის თბილისის საქალაქო კომიტეტთან. პარტიული კადრების განყოფილების შექმნის შემდეგ საგრძნობლად შეიცვალა როგორც საქალაქო კომიტეტის, ისე რაიონული კომიტეტების ინსტრუქტორთა მუშაობის პრაქტიკა. ინსტრუქტორთა მუშაობის ცენტრში იდგა პარტიულ-ორგანიზაციული და პოლიტიკურ-აღმზრდელი მუშაობის საკითხები. საქალაქო კომიტეტის პარტიული კადრების განყოფილებამ დიდი უზრაღდება მიაქცია პირველადი პარტიული ორგანიზაციების კრებების მომზადებისა და ჩატარების პრაქტიკას. საქალაქო კომიტეტი სწავლობდა, განაზოგადებდა და ისმენდა პარტიული კრებების მომზადებისა და ჩატარების დადებით გამოცდილებას⁷.

შინაპარტიული ცხოვრების დემოკრატიზაციის, კომუნისტთა შემდგომი აქტივობისა და თვითშემოქმედების განვითარებაზე დიდი გავლენა მოახდინა საკავშირო კ(ბ) ცენტრალური კომიტეტის 1936 წლის 20 მარტის დადგენილებამ „პარტიის რაიკომების შესახებ იმ სარაიონო პარტიულ ორგანიზაციებ-

⁵ Журн. «Большевик», 1935, № 7, 33 5.

⁶ Журн. «Партийное строительство», 1935, № 7, 33-47-48.

⁷ გაზ. «კომუნისტი», 1935 წლის 18 ივლისი.



ში, სადაც კომუნისტების რაოდენობა მცირეა⁸. ამ დადგენილებების მიღება იმით იყო ნაკარნახევი, რომ ბევრ მცირერიცხოვან რაიონულ პარტიულ ორგანიზაციაში რაიკომის პლენუმის შემადგენლობაში შედიოდნენ მთელი პარტიულ ორგანიზაციის წევრთა ნახევარი და მეტიც, ხოლო რაიკომის ბიუროში — რაიკომის პლენუმის შემადგენლობის ნახევარზე მეტი. ხელმძღვანელ პარტიულ ორგანოთა ამგვარი არასწორი ორგანიზაციის გამო რაიკომის ბიურო ცვლიდა პარტიის რაიკომის პლენუმს, ხოლო პლენუმი, რომელიც იკრებებოდა არარეგულარულად და გაფართოებული შემადგენლობით, რაიონული პარტიული აქტივის კრებებს.

საკავშირო კპ(ბ) ცენტრალური კომიტეტის დადგენილებით დაწესდა მცირერიცხოვანი პარტიული ორგანიზაციების ხელმძღვანელი რაიონული პარტიული ორგანოების არჩევის ახალი წესი: 1. მცირერიცხოვან რაიონულ ორგანიზაციებში რაიონულ კომიტეტებს ირჩევდნენ არა კონფერენციებზე, არამედ კომუნისტთა საერთო პარტიულ კრებებზე; 2. პარტიის ასეთი რაიკომების წევრთა რაოდენობა არ უნდა ყოფილიყო 9 წევრზე მეტი; 3. ეს რაიკომები მიმდინარე მუშაობისათვის რაიკომის ბიუროს არ ირჩევდნენ, არამედ უშუალოდ ხელმძღვანელობდნენ რაიონული პარტიული ორგანიზაციების მთელ მუშაობას და ასრულებდნენ რაიკომის ბიუროს ფუნქციებსაც.

საკავშირო კპ(ბ) ცენტრალური კომიტეტის 1936 წლის 20 მარტის დადგენილების განხორციელებამ უზრუნველყო რიგით კომუნისტებთან რაიკომების მჭიდრო კავშირის დამყარება, პარტიის წევრთა აქტიური მონაწილეობა რაიონული პარტიული ორგანიზაციის მუშაობის მნიშვნელოვანი საკითხების გადაჭრაში, მცირერიცხოვანი რაიონული პარტიული ორგანიზაციების მთელი მუშაობის გამოცოცხლება და ბრძოლისუნარიანობის ამაღლება.

საკავშირო კპ(ბ) ცენტრალური კომიტეტის 1936 წლის 20 მარტის დადგენილების განხორციელებაზე სპეციალურად იმსჯელა საქართველოს კპ(ბ) ცენტრალური კომიტეტის ბიურომ. ბიუროს გადაწყვეტილებით მცირერიცხოვან რაიონულ პარტიულ ორგანიზაციებად მიჩნეულ იქნენ: ყაზბეგის, ქვემო სვანეთის, ლენინგორის, ქედის, თიანეთისა და ხულოს რაიონული კომიტეტები.

მცირერიცხოვანი რაიონული პარტიული ორგანიზაციების მუშაობაში არსებული ნაკლოვანებების გამოსასწორებლად ნაყოფიერი მუშაობა განახორციელეს საქართველოს კპ(ბ) ცენტრალური კომიტეტის ინსტრუქტორებმა, საორგანიზაციო ჯგუფებმა. პარტიის საოლქო, საქალაქო და რაიონული კომიტეტები დიდ ყურადღებას უთმობდნენ მცირერიცხოვან პირველად პარტიულ ორგანიზაციებში პარტიული კრებების ჩატარებასა და ერთეულ კომუნისტთა შორის მუშაობის საკითხებს.

1934—1937 წლებში საქართველოს კპ(ბ) ცენტრალურმა კომიტეტმა, პარტიის საოლქო, საქალაქო, რაიონულმა პარტიულმა კომიტეტებმა და პირველადმა პარტიულმა ორგანიზაციებმა მნიშვნელოვნად გააუმჯობესეს პარტიულ-ორგანიზაციული მუშაობა. საქართველოს კპ(ბ) ცენტრალური კომიტეტი ადგილებზე პარტიული მუშაობის გაძლიერებისა და რაიკომებისადმი

⁸ Журн. «Партийное строительство», 1936, № 8, გვ. 53.



დახმარების გაწევის მიზნით სისტემატურად აგზავნიდა ცენტრალური კომიტეტის საორგანიზაციო და პროპაგანდისტთა ჯგუფებს, სპეციალურ კომისიებს, სახალხო მეურნეობის გადამწყვეტ უბნებზე გამოიყო ცენტრალური კომიტეტის პარტორგანიზატორები.

საქართველოს კპ (ბ) ცენტრალური კომიტეტის ბიურო პერიოდულად იხილავდა პარტიულ-ორგანიზაციული მუშაობის კონკრეტულ საკითხებს. პრაქტიკაში იყო შემოღებული რაიონული კომიტეტების საორგანიზაციო-განყოფილებათა გამგეების დასწრება ბიუროს სხდომებზე და ცენტრალური კომიტეტის საორგანიზაციო თათბირებზე. საგრძნობლად გაუმჯობესდა რაიკომებისადმი ცენტრალური კომიტეტის საორგანიზაციო განყოფილების დახმარება. ადგილებზე ცენტრალური კომიტეტის წევრებისა და პასუხისმგებელ მუშაკთა მიმავრებასთან ერთად ტარდებოდა საწარმოო-დარგობრივი ზონალური თათბირები. ცენტრალურმა კომიტეტმა პრაქტიკაში შემოიღო, აგრეთვე, ცალკეულ საქალაქო და რაიონული კომიტეტებისადმი პირველად პარტიულ ორგანიზაციებში პარტიულ-ორგანიზაციული მუშაობის საკითხებზე სპეციალური მეთოდური წერილების დაგზავნა.

ცენტრალურმა კომიტეტმა შეამოწმა და ბიუროს სხდომაზე განიხილა ადგილობრივი პარტიული ორგანიზაციების პარტიულ-ორგანიზაციული და პარტიულ-პოლიტიკური მუშაობის საკითხები. 1933—1937 წლებში ცენტრალური კომიტეტის ბიურომ მიიღო დადგენილებები საქართველოს კპ(ბ) ახალციხის, ადიგენის, ზემო სვანეთის, თიანეთის, ლაგოდეხის, ტყიბულის, ჩოხატაურისა და სხვა რაიონული კომიტეტების მუშაობაზე⁹. საქართველოს კპ(ბ) ცენტრალური კომიტეტის პლენუმმა 1935 წლის მაისში ყოველმხრივ განიხილა საკითხი „საქართველოს კპ(ბ) ჭიათურის, ქუთაისის და სტალინის ორგანიზაციებში პარტიული მუშაობის შესახებ“ და მიიღო კონკრეტული დადგენილება¹⁰. ამ დადგენილებამ დიდი როლი შეასრულა რესპუბლიკის მთელი პარტიული ორგანიზაციებისა და თითოეული კომუნისტის ავანგარდული როლის ამაღლებაში.

1933—1937 წლებში ჩატარდა საქართველოს კპ(ბ) IX (1934 წლის 10—14 იანვარი) და X (1937 წლის 15—21 მაისი) ყრილობები. ცენტრალური კომიტეტის ანგარიშის ირგვლივ გამართულ კამათში მონაწილეობა მიიღეს პარტიულმა, საბჭოთა, სამეურნეო მუშაკებმა, დამკვრელებმა და სტახანოველებმა¹¹. თავიანთ სიტყვებში დელეგატები ცენტრალური კომიტეტის მუშაობის ღრმა ანალიზს იძლეოდნენ, მიუთითებდნენ პარტიული, საბჭოთა, სამეურნეო ორგანიზაციების მუშაობის არსებით ნაკლოვანებებზე, განაზოგადებდნენ თავიანთ მუშაობის გამოცდილებას. ყრილობებმა შეიმუშავეს რესპუბლიკის პარტიული ორგანიზაციის ძირითადი ამოცანები ეკონომიური და პოლიტიკური ცხოვრების, პარტიულ-ორგანიზაციული და იდეოლოგიური მუშაობის შემდგომი გაუმჯობესების საკითხებზე.

⁹ პარტიული არქივი (თბილისი), ფ. 14, აღწ. 1, ს. 4846, ფურც. 5—6; ს. 4858; ფურც. 17, 20, 133; ს. 4986, ფურც. 170; ს. 5380, ფურც. 126—127; ს. 5382, ფურც. 114; ს. 5900, ფურც. 184 და სხვ.

¹⁰ ქურნ. „პარტიული მშენებლობა“, 1935, № 6—7, გვ. 35—42.

¹¹ საქართველოს კომპარტიის ცენტრალური კომიტეტის ანგარიშის ირგვლივ IX ყრილობაზე კამათში მონაწილეობა მიიღო 43 დელეგატმა, ხოლო X ყრილობაზე 62 დელეგატმა.

ამავე წლებში ჩატარდა საქართველოს კ(ბ) ცენტრალური კომიტეტის მხოლოდ 9 პლენუმი და ბიუროს 202 სხდომა. ტარდებოდა, აგრეთვე, პარტიის საოლქო, საქალაქო და რაიონული კომიტეტების ბიუროს სხდომები, პლენუმები, აქტივის კრებები, რომლებზეც განიხილებოდა რესპუბლიკის ეკონომიური განვითარების, პოლიტიკური, იდეოლოგიური და პარტიულ-ორგანიზაციული მუშაობის აქტუალური საკითხები.

პარტიის საოლქო, საქალაქო და რაიონულმა კომიტეტებმა მნიშვნელოვნად გააუმჯობესეს პირველადი პარტიული ორგანიზაციებისადმი პრაქტიკული დახმარება. მათ შემოღებული ჰქონდათ პირველად პარტიულ ორგანიზაციებზე პარტიული კომიტეტების წევრთა მიმავრება. საოლქო, საქალაქო და რაიონული კომიტეტები სისტემატურად იხილავდნენ პარტიული კრებების ჩატარების შედეგებს, ხოლო საქართველოს კ(ბ) ცენტრალური კომიტეტი განაზოგადებდა პირველადი პარტიული ორგანიზაციებისადმი ცალკეული რაიონების ხელმძღვანელობის გამოცდილებას.

რესპუბლიკაში პარტიულ-ორგანიზაციული მუშაობის გაუმჯობესებისათვის დიდი მნიშვნელობა მოსკოვის, ლენინგრადის, ბაქოს და ჩენი ქვეყნის სხვა ქალაქების პარტიული ორგანიზაციების გამოცდილების დანერგვას. პარტიის საქალაქო და რაიონული კომიტეტები სწავლობდნენ და განაზოგადებდნენ პარტიული მუშაობის მოწინავე გამოცდილებას. საქართველოს კ(ბ) თბილისის კომიტეტის ბიურომ 1935 წლის 14 სექტემბერს განიხილა თბილისის პარტიული ორგანიზაციის მუშაობის მოწინავე გამოცდილების ურთიერთგაზიარების შესახებ. ბიურომ აუცილებლად მიიჩნია, რომ თბილისის კომიტეტი შემოეღო ხელმძღვანელ პარტიულ მუშაკთა თათბირი, რომელიც განაზოგადებდა პარტიული მუშაობის აქტუალურ საკითხებს. თბილისის კომიტეტთან თვეში ერთხელ უნდა მოწვეულიყო პირველადი პარტიული ორგანიზაციების პარტიომის მდივანთა და პარტოროგთა დარგობრივი თათბირები, რომლებიც მოისმენდნენ ძირეულ ხელმძღვანელ პარტიულ მუშაკთა მოხსენებებს, ინფორმაციებსა და სხვ.¹²

პარტიის საოლქო, საქალაქო და რაიონული კომიტეტების ნაყოფიერი მუშაობის შედეგად მნიშვნელოვნად გაუმჯობესდა პირველადი პარტიული ორგანიზაციების მუშაობის შინაარსი, ამაღლდა კომუნისტთა ავანგარდული როლი, განმტკიცდა პარტიული დისციპლინა, კომუნისტები საწარმოო გეგმების შესრულებისათვის ბრძოლის შესანიშნავ მაგალითს გვიჩვენებდნენ. სამრეწველო საწარმოთა პირველადი პარტიული ორგანიზაციები ატარებდნენ პარტიულ ტექნიკურ კონფერენციებს. საკოლმეურნეო პარტიული ორგანიზაციების განმტკიცების შედეგად საგრძნობლად ამაღლდა მუშაობის შინაარსი და მათი როლი კოლმეურნეობათა სამეურნეო-ორგანიზაციულ განმტკიცებაში.

1933—1937 წლებში საქართველოს პარტიული ორგანიზაციების ცენტრში იყო კადრების შერჩევისა და აღზრდის ლენინური პრინციპების განუხრელი გატარება. დიდი ყურადღება ექცეოდა სოფლის ძირეულ პარტიული და საბჭოთა კადრების შერჩევასა და განმტკიცებას, მათი კვალიფიკაციის ამაღლებას.

საქართველოს კომუნისტურმა პარტიამ განახორციელა ღონისძიებანი რესპუბლიკის პარტიული, საბჭოთა და სამეურნეო ხელმძღვანელი კადრების

¹² პარტიული არქივი (თბილისი), ფ. 17, აღწ. 1, ს. 2188, ფურ. 297.



განმტკიცებისათვის, საქართველოს კ(ბ) X და XI ყრილობებს შუა პერიოდში ხელმძღვანელ პარტიულ-საბჭოთა და სამეურნეო სამუშაოზე დაწინაურებულ იქნა 4000-ზე მეტი კაცი¹³.

საკავშირო კ(ბ) XVII ყრილობის შემდეგ საქართველოს კომპარტიის ცენტრალური კომიტეტის ბიურო, პარტიის საოლქო, საქალაქო და რაიონული კომიტეტები დიდ ყურადღებას უთმობდნენ მიღებულ დადგენილებათა შესრულების შემოწმებას. პარტიული კომიტეტები სისტემატურად იხილავდნენ სახალხო მეურნეობის განვითარების, კულტურული მშენებლობის, პარტიულ-ორგანიზაციული მუშაობის საკითხებზე მიღებული თავიანთი დადგენილებების შესრულების მიმდინარეობას.

პარტიისა და საბჭოთა მთავრობის დადგენილებების წარმატებით შესრულებას დიდად შეუწყო ხელი საქართველოს კ(ბ) ცენტრალური კომიტეტის პარტიულ-საბჭოთა კონტროლის ჯგუფმა, რომელიც 1934 წლის მარტში შეიქმნა¹⁴.

1936 წლის 5 დეკემბერს სსრ კავშირის საბჭოების VIII საგანგებო ყრილობამ ერთსულოვნად მოიწონა და დაამტკიცა სსრ კავშირის ახალი კონსტიტუცია, რომელშიც კანონმდებლობით იქნა განმტკიცებული ჩვენს ქვეყანაში სოციალიზმის გამარჯვებანი. მასში აღნიშნული იყო, რომ სოციალისტური სისტემა დამკვიდრდა სახალხო მეურნეობის ყველა დარგში. წარმოების საშუალებათა სოციალისტური საკუთრება საზოგადოების მტკიცე ეკონომიური საფუძველი გახდა. გაფართოვდა და გაღრმავდა სოციალისტური დემოკრატია. ახალი კონსტიტუციის შესაბამისად, რომელიც ადგენდა სსრ კავშირში აზერბაიჯანის, საქართველოსა და სომხეთის საბჭოთა სოციალისტური რესპუბლიკების უშუალო შესვლას გაუქმდა ამიერკავკასიის სოციალისტური ფედერაციული საბჭოთა რესპუბლიკა. ამიერკავკასიის ფედერაციამ უზრუნველყო სოციალიზმის გრანდიოზული გამარჯვებანი აზერბაიჯანსა, საქართველოსა და სომხეთში, განამტკიცა ამიერკავკასიის ხალხთა ურდევევი მეგობრობა, რითაც მთლიანად შეასრულა თავისი დიდი ისტორიული როლი.

საკავშირო კ(ბ) ცენტრალური კომიტეტის 1937 წლის 23 აპრილის დადგენილებით ლიკვიდირებულ იქნა საკავშირო კ(ბ) ამიერკავკასიის სამხარეო კომიტეტი. აზერბაიჯანის, საქართველოსა და სომხეთის კომუნისტური პარტიების ცენტრალური კომიტეტი უშუალოდ დაუმორჩილდნენ საკავშირო კ(ბ) ცენტრალურ კომიტეტს¹⁵. განხორციელებულმა ორგანიზაციულმა ღონისძიებებმა კიდევ უფრო აამაღლა ადგილობრივი პარტიული ორგანიზაციების ინიციატივა და თვითშემოქმედება სამეურნეო და კულტურული მშენებლობის მნიშვნელოვანი საკითხების გადაჭრაში.

საარქივო მასალების ანალიზი მოწმობს, რომ შინაპარტიული დემოკრატის პრინციპების გატარება დიდ ზემოქმედებას ახდენდა პარტიული ორგანიზაციების მოღვაწეობაზე. კოლექტიური ხელმძღვანელობის ლენინურმა პრინციპმა და შინაპარტიულმა დემოკრატია მნიშვნელოვნად შეუწყო ხელი მეორე ხუთწლიანი გეგმის წარმატებით შესრულებას, პირველადი პარტიული

¹³ საქართველოს კომუნისტური პარტიის (ბ) XI ყრილობა, სტენოგრაფიული ანგარიში, საბუღალთო, 1939, გვ. 15.

¹⁴ პარტიული არქივი (თბილისი), ფ. 14, აღწ. 1, ს. 7985, ვერცხ. 63.

¹⁵ ყურნ. „პარტიული მშენებლობა“, 1937, № 8, გვ. 30.



ორგანიზაციებისა და თითოეული კომუნისტის ავანგარდული როლის შესახებ. მაგრამ სახალხო მეურნეობის სოციალისტური რეკონსტრუქციის პერიოდში რესპუბლიკის მთელი რიგი პარტიული ორგანიზაციების მუშაობაში შინაპარტიული დემოკრატიის პრინციპებმა და კოლექტიურმა ხელმძღვანელობამ ვერ ჰპოვა ყოველმხრივი განვითარება და მისი ნამდვილი გამოვლინება. ბერიას საქართველოს კ(ბ) ცენტრალური კომიტეტის პირველ მდივნად მუშაობის წლებში შეინიშნებოდა პარტიული ცხოვრების ლენინური ნორმების დარღვევები და კოლექტიური ხელმძღვანელობის პრინციპების უგულვებელყოფა. ამას მოწმობს საქართველოს კ(ბ) ცენტრალური კომიტეტის პლენუმების, ბიუროს სხდომების არარეგულარული მოწვევა, ბევრი გამოჩენილი და საბჭოთა მუშაკის, აგრეთვე, მეცნიერებისა და კულტურის ზოგიერთი მოღვაწის დაუსაბუთებელი რეპრესიები.

რესპუბლიკაში პიროვნების კულტის გავლენით ფართოდ გავრცელდა ერთპიროვნული ხელმძღვანელობის ყოვლად უვარგისი პრაქტიკა. ძალიან ხშირად ჩქმალადნენ ნაკლოვანებებს და აღამაზებდნენ სინამდვილეს. ბერიასა და მისი დამქაშების კარიერისტულმა მისწრაფებებმა, რეპრესიებმა, გამოიწვია სახალხო მეურნეობის განვითარებისადმი პარტიული ხელმძღვანელობის შესუსტება.

კოლექტიური ხელმძღვანელობის ორგანოს — პლენუმის როლის აშკარა უგულვებელყოფაზე ლაპარაკობს ის ფაქტი, რომ 1933 წელს საქართველოს კ(ბ) ცენტრალური კომიტეტის არც ერთი პლენუმი არ ჩატარებულა, 1934 წელს ჩატარდა 2 პლენუმი, 1935 წელს კი მხოლოდ ერთი. პარტიის საქალაქო და რაიონული კომიტეტებიც აშკარად ამცირებდნენ პლენუმის როლს. არ იცავდნენ მათი მოწვევის ვადებს. პლენუმებზე იხილავდნენ საერთო ორგანიზაციულ საკითხებს, ხოლო შინაპარტიული მუშაობის, სამეურნეო და კულტურული მშენებლობის საკითხებს ნაკლები ყურადღება ექცეოდა.

შინაპარტიული დემოკრატიის დარღვევად უნდა მივიჩნიოთ ის ფაქტიც, რომ მთელ რიგ მნიშვნელოვან სამეურნეო-პოლიტიკურ და განსაკუთრებით კადრების დაწინაურების საკითხებზე არავითარი კოლექტიური მსჯელობა, აზრთა ურთიერთგაზიარება არ სწარმოებდა. იგი ცენტრალური კომიტეტის, საოლქო, საქალაქო და რაიონული კომიტეტების ბიუროს წევრთა ფორმალური შეკითხვის წესით ტარდებოდა. პარტიის ზუგდიდის რაიკომი ბიუროს მოუწვევლად საკითხების 30 პროცენტზე მეტს შეკითხვის წესით წყვეტდა. უხეშად ირღვეოდა კოლექტიური ხელმძღვანელობის ლენინური პრინციპები პარტიის ადიგენის, ბათუმისა და სხვა რაიკომებში¹⁶.

საკავშირო კ(ბ) XVII ყრილობაზე მიღებული წესდებით პირველადი პარტიული ორგანიზაციების, რაიონული და საქალაქო პარტიული კომიტეტების არჩევნები წელიწადში ერთხელ უნდა ჩატარებულიყო, ხოლო სამხარეო, საოლქო კომიტეტების, ნაციონალური კომპარტიების ცენტრალური კომიტეტებისა წელიწადნახევარში ერთხელ. წესდების ამ მოთხოვნას ადგილობრივი პარტიული ორგანიზაციები და მათ შორის საქართველოს პარტიული ორგანიზაციაც არ იცავდნენ. პარტიის საოლქო, საქალაქო, რაიონული კომიტეტებისა და თვით საქართველოს კ(ბ) ცენტრალური კომიტეტის შემადგენლობა 1934 წლიდან 1937 წლამდე არ არჩეულა და არ ჩაუბარებიათ ანგარიშები. არ

¹⁶ ქრნ. „პარტიული მშენებლობა“, 1935, № 1, გვ. 9; 1937, № 3, გვ. 57—58.

ჩატარებულა, აგრეთვე, პირველადი პარტიული ორგანიზაციების საანგარიშო-საარჩევნო კრებები. ამასთან დაკავშირებით ფართოდ გავრცელდა პარტიულ ორგანოებში ხელმძღვანელ მუშაკთა კოოპტაციით შეყვანის გაუმართლებელი და უვარგისი პრაქტიკა. ამის შედეგად ზოგიერთი პარტიული კომიტეტის წევრთა უმრავლესობა კოოპტირებული იყო. მაგალითად, 1937 წელს ბაღდადის (მაიაკოვსკი) რაიკომში იყო 13 არჩეული და 23 კოოპტირებული წევრი, ტყიბულში — 22 არჩეული და 25 კოოპტირებული, ბაშჩიქეთში (დმანისი) — 12 არჩეული და 14 კოოპტირებული, ვალში — 2 არჩეული და 23 კოოპტირებული, სოხუმის რაიკომში — 7 არჩეული და 16 კოოპტირებული. პარტიის თბილისის ორგანიზაციის ორჯონიკიძის რაიკომის ბიუროს 7 წევრიდან და კანდიდატიდან 6 კოოპტაციის წესით იყო შეყვანილი. აჭარის საოლქო კომიტეტის შემადგენლობაში 14 წევრი კოოპტირებული იყო¹⁷. პარტიის ჭიათურის რაიონული კომიტეტის 45 წევრიდან 22 კოოპტაციით იყო შეყვანილი, ხოლო რაიკომის ბიუროს 7 წევრიდან სამი¹⁸. პარტიის ადიგენის, ბათუმის, ზნაურის, ბორჩალოს (მარნეული) და სხვა რაიკომების წევრთა 50—60 პროცენტზე მეტი კოოპტირებული იყო¹⁹.

არჩევითობის პრინციპი კიდევ უფრო აშკარად პირველად პარტიულ ორგანიზაციებში ირღვეოდა. პრაქტიკაში ფართოდ იყო შემოღებული პირველადი პარტიული ორგანიზაციების პარტკომის მდივანთა და პარტორგების დანიშვნა.

საკავშირო კპ(ბ) ცენტრალურმა კომიტეტმა გადაჭრით დაგმო პარტიული ორგანოების ხელმძღვანელობაში შინაპარტიული დემოკრატიისა და კოლექტიურობის ასეთი დარღვევები და განახორციელა მთელი რიგი ღონისძიებანი, რომლებიც მიმართული იყო პლენუმების როლის ამაღლების, პარტიული კომიტეტების ბიუროსა და აპარატის მუშაობის გაუმჯობესებისაკენ.

სსრ კავშირის ახალი კონსტიტუციის მიღება წარმოადგენდა მობრუნების ეტაპს ჩვენი ქვეყნის პოლიტიკურ ცხოვრებაში. ფარული კენჭისყრით საყოველთაო, თანასწორი და პირდაპირი საარჩევნო სისტემის შემოღება უზრუნველყოფდა საბჭოთა დემოკრატიის სრულ განვითარებას, მას არ შეიძლებოდა არ გაეძლიერებინა და გააძლიერა კიდევ ხალხის მასების პოლიტიკური აქტივობა, სახელმწიფო მმართველობაში ჩააბა მშრომელთა ახალი ფენები. ახალი კონსტიტუციის მიღებასთან დაკავშირებით კომუნისტურ პარტიას, როგორც საბჭოთა სახელმწიფოს სისტემაში ხელმძღვანელსა და წარმართველ ძალას შესაბამისად უნდა გარდაეჭმნა შინაპარტიული მუშაობა, რათა ჩვენი ქვეყნის პოლიტიკურ ცხოვრებაში ისტორიული მობრუნების სათავეში ყოფილიყო.

შინაპარტიული დემოკრატია სოციალისტური დემოკრატიის განვითარების ერთ-ერთ მნიშვნელოვან პირობას წარმოადგენს. ამიტომ ამ დარგში დარღვევებს ახალი კონსტიტუციის პრინციპების განხორციელებასთან დაკავშირებით შესაძლო იყო სერიოზული უარყოფითი შედეგები გამოეწვია. სწორედ ამიტომ პარტიის ხელმძღვანელობაში შინაპარტიული ცხოვრების დემოკრა-

¹⁷ საქართველოს კპ აჭარის საოლქო კომიტეტის პარტიული არქივი, ფ. 1, აღწ. 4, ს. 305, ფურც. 117.

¹⁸ პარტიული არქივი (თბილისი), ფ. 89, აღწ. 1, ს. 645, ფურც. 1.

¹⁹ ეურნ. „პარტიული მშენებლობა“, 1937, № 3, გვ. 57.



საქართველოს
კომუნისტური პარტია

ტიზაციისა და კოლექტიურობის განუხრელი გატარების საკითხებმა საკავშირო კ(ბ) ცენტრალური კომიტეტის 1937 წლის თებერვალ-მარტის პლენუმის მუშაობაში ცენტრალური ადგილი დაიკავა. პლენუმმა ა. ა. ჟდანოვის მოხსენებასთან დაკავშირებით მიიღო დადგენილება „პარტიული ორგანიზაციების მომზადება სსრ კავშირის უმღლესი საბჭოს არჩევნებისათვის ახალი საარჩევნო სისტემის მიხედვით და ამის შესაბამისად პარტიულ-პოლიტიკური მუშაობის გარდაქმნა“, რომელშიც აღნიშნა, რომ ზოგიერთ პარტიულ ორგანიზაციაში დაინერგა პარტიის წესდებისა და შინაპარტიული დემოკრატიის დარღვევის გაუმართლებელი პრაქტიკა: არჩევითობას ცვლიდნენ კოოპტაციით, ხელმძღვანელ პარტიულ ორგანოებში ასარჩევი კანდიდატების კენჭისყრა ხდებოდა სიით და არა პერსონალურად, არ იცავდნენ პარტიული ორგანოების არჩევის ვადებს და სხვ. პლენუმმა გააკრიტიკა წესდების ეს უხეში დარღვევები და მიუთითა, რომ „დემოკრატიული ცენტრალიზმის საფუძვლების დარღვევის ყველა ეს ფაქტი ზიანს აყენებს პარტიას...“²⁰.

საკავშირო კ(ბ) ცენტრალური კომიტეტის 1937 წლის თებერვალ-მარტის პლენუმს უდიდესი პოლიტიკური მნიშვნელობა ჰქონდა. იგი პარტიულ ორგანიზაციებს დაეხმარა თავიანთი მუშაობა გარდაქმნათ დემოკრატიული ცენტრალიზმის საფუძველზე, განუხრელად გაეტარებინათ შინაპარტიული დემოკრატია. ცენტრალური კომიტეტის თებერვალ-მარტის პლენუმის გადაწყვეტილებათა განხილვა და შესწავლა საოლქო, საქალაქო, რაიონული პარტიული აქტივის კრებებსა და პირველად პარტიულ ორგანიზაციებში კომუნისტთა მაღალი აქტივობით, მწვავე კრიტიკისა და თვითკრიტიკის ვითარებაში მიმდინარეობდა. თავიანთ გამოსვლებში კომუნისტებმა ერთსულოვნად მოიწონეს პლენუმის გადაწყვეტილებები, ამხილეს პარტიულ-ორგანიზაციულ მუშაობაში არსებული ნაკლოვანებანი და დასახეს მათი გამოსწორების გზები. კომუნისტებმა განსაკუთრებული ყურადღება მიაქციეს პარტიული ორგანოების ანგარიშგება-არჩევნების ჩატარების საკითხებს. პარტიული კრებების რეზოლუციებში პლენუმის გადაწყვეტილებები შეფასებული იყო, როგორც პარტიაში დემოკრატიული ცენტრალიზმის განხორციელების, შინაპარტიული დემოკრატიის განვითარების, პარტიის მოღვაწეობაზე თითოეული კომუნისტის პასუხისმგებლობის ამაღლების ახალი საფეხური.

1937 წლის 19—20 მარტს გაიმართა საქართველოს კ(ბ) ცენტრალური კომიტეტის პლენუმი, რომელმაც მოისმინა და განიხილა ინფორმაცია საკავშირო კ(ბ) ცენტრალური კომიტეტის თებერვალ-მარტის პლენუმის გადაწყვეტილებათა შესახებ. პლენუმმა მიიღო დადგენილება „პირველადი პარტიული ორგანიზაციების პარტკომიტეტების არჩევნების, სარაიონო, საქალაქო და საოლქო პარტკონფერენციების ჩატარებისა და საქართველოს კ(ბ) X ყრილობის მოწვევის შესახებ“²¹.

1937 წლის 21 მარტს გამოქვეყნდა საკავშირო კ(ბ) ცენტრალური კომიტეტის მიმართვა ყველა პარტიული ორგანიზაციისადმი „პარტორგანოების არჩევნების ორგანიზაციის შესახებ“, რომელსაც უდიდესი მნიშვნელობა ჰქონდა მთელი პარტიული მუშაობის გარდაქმნისათვის. მასში მოცემული იყო დახურული (ფარული) კენჭისყრის ჩატარების წესი. მიმართვა მნიშვნელოვანი

²⁰ სკკპ... რეზოლუციებსა და გადაწყვეტილებებში, ნაწ. III, თბ., 1956, გვ. 405.

²¹ ეურნ. „პარტიული მშენებლობა“, 1937, № 6, გვ. 23—24.

პარტიული დოკუმენტი იყო, რომელიც უზრუნველყოფდა ჩვენი პარტიის ორგანიზაციული წყობის სახელმძღვანელო პრინციპის — დემოკრატიული ცენტრალიზმის განუხრელ განხორციელებას.

რესპუბლიკის ხელმძღვანელი პარტიული ორგანოების არჩევნები ჩატარდა 1937 წლის მარტ-მაისში. არჩევნები მიმდინარეობდა პარტიული ორგანიზაციების, კომუნისტების მაღალი აქტივობის, მასებთან მათი კავშირის განმტკიცების, ნაკლოვანებათა კრიტიკისა და თვითკრიტიკის ნიშნით, არჩევნები შინაპარტიული დემოკრატიის პრინციპების ცხოვრებაში პრაქტიკულ განხორციელებად გადაიქცა. პირველადი პარტიული ორგანიზაციების საანგარიშო მოხსენებათა გამო კამათში მონაწილეობა მიიღო 21294 კომუნისტმა ანუ დამსწრეთა 63 პროცენტმა. 3033 პირველადი პარტიული ორგანიზაციიდან 796 პარტიული ორგანიზაციის მუშაობა არადაამაკმაყოფილებლად იქნა მიჩნეული²². პირველადი პარტიული ორგანიზაციების პარტიული კომიტეტების წევრებად აირჩიეს 2807 კაცი, აქედან 784 პირველად იყო არჩეული. სოციალური მდგომარეობით მუშა იყო 1610, გლეხი — 396, მოსამსახურე — 801. არჩეულ იქნა 2439 პარტორგი და 582 პარტკომი. პირველად იყო არჩეული 483 პარტორგი და 101 პარტკომი. პარტორგთა და პარტკომის მდივანთა შორის სოციალური მდგომარეობით მუშა იყო — 1375, გლეხი — 1159 და 487 მოსამსახურე²³.

საარჩევო მასალების ანალიზი მოწმობს, რომ საქართველოს პირველად პარტიულ ორგანიზაციებში დიდი აქტივობის ნიშნით ჩატარდა საანგარიშო-საარჩევნო კრებები, მათ თითქმის ყველა კომუნისტი ესწრებოდა. ფართოდ იყო გაშლილი შინაპარტიული დემოკრატია, ბოლშევიკური კრიტიკა და თვითკრიტიკა. მთელ რიგ პარტიულ ორგანიზაციებში კამათში გამოსვლას თხოულობდა აღრიცხვაზე მყოფი თითქმის ყველა კომუნისტი. საქმიანი და კრიტიკული იყო გამოსვლები იმ კომუნისტებისა, რომლებიც წინათ პასიურად ითვლებოდნენ. მაგრამ საანგარიშო-საარჩევნო კრებების დროს რესპუბლიკის ზოგიერთ პარტიულ ორგანიზაციაში არ იცავდნენ საკავშირო კ(ბ) ცენტრალური კომიტეტის 1937 წლის თებერვალ-მარტის პლენუმის გადაწყვეტილებებს. პარტიის ცალკეული საქალაქო და რაიონული კომიტეტი უხეშად არღვევდა საკავშირო კ(ბ) ცენტრალური კომიტეტის დირექტივას „პარტორგანოების არჩევნების ორგანიზაციის შესახებ“. მაგალითად, ქალაქ ქუთაისის რიგ პარტიულ ორგანიზაციებში უხეშად დაარღვიეს შინაპარტიული დემოკრატია და არჩევნების ჩატარების წესი. ინდუსტრიული მუშევრებისა და „ლიტკომპნუმენის“ პარტორგანიზაციებში არ აირჩიეს დამთვლელი კომისიები, ხმების დათვლა პარტიის საქალაქო კომიტეტის წარმომადგენელმა მოახდინა. მსგავს დარღვევებს ადგილი ჰქონდა რესპუბლიკის სხვა პარტიულ ორგანიზაციებშიც.

ხელმძღვანელი პარტიული ორგანოების არჩევნების დროს დაშვებული შეცდომებისა და დარღვევების გამო საქართველოს კ(ბ) ცენტრალურმა კომიტეტმა, პარტიის საოლქო, საქალაქო და რაიონულმა კომიტეტებმა მთელ რიგ პირველად პარტიულ ორგანიზაციებში გააუქმეს საანგარიშო-საარჩევნო

²² საქართველოს კომუნისტური პარტიის ისტორიის ნარკვევები, თბ., 1971, გვ. 704; ქურნ.

„პარტიული მშენებლობა“, 1937, № 9—10, გვ. 93—94.

²³ პარტიული არქივი (თბილისი), ფ. 14, აღწ. 55, ს. 85, ფურც. 10.



კრებები და არჩევნები ხელმოკრედ დანიშნეს. არჩევნები გაუქმდა: ჩხესტაფონის რაიონში — 29 პირველად პარტიულ ორგანიზაციაში, აჭარაში — 46-ში, აფხაზეთში — 23-ში, ქუთაისში — 11-ში, თბილისის კიროვის რაიონში — 4 პარტიულ ორგანიზაციაში და სხვ.²⁴

რესპუბლიკაში პარტიული ორგანოების არჩევნებისას მტკიცედ იქნა დაცული შინაპარტიული დემოკრატია, ამაღლდა კომუნისტთა აქტივობა და თავისი პარტიული ხელმძღვანელისადმი მომთხოვნელობა. შინაპარტიული დემოკრატიის დამახინჯებათა აღმოფხვრამ და არჩევნების დროს დემოკრატიული ცენტრალიზმის დაცვამ თითოეულ კომუნისტს საშუალება მისცა კიდევ უფრო დიდი პასუხისმგებლობა ეგრძნო თავისი პარტიული ორგანიზაციის წინაშე. პირველადი პარტიული ორგანიზაციების პარტიული კომიტეტების, პარტორგების მუშაობის შესახებ ჩვენ მიერ გაანალიზებული დოკუმენტები მოწმობენ, რომ კომუნისტებმა საქმიანად მოჰკიდეს ხელი პარტიულ-პოლიტიკურ მუშაობაში არსებულ ნაკლოვანებათა გამოსწორებას. გარდა ამისა ეს დოკუმენტები მოწმობენ საანგარიშო-საარჩევნო კრებების ჩატარების მაღალ იდეურ დონეს, პარტიული მასებისა და თითოეული კომუნისტის პოლიტიკურ სიმწიფეს. პირველადი პარტიული ორგანიზაციების საანგარიშო-საარჩევნო კრებებმა გამოავლინა პარტიულ-პოლიტიკური მუშაობის კონკრეტული ნაკლოვანებები და მიღებულ დადგენილებებში დასახეს მათი გამოსწორების გზები. არჩევნების შემდეგ თითოეული ხელმძღვანელი ორგანოს ამოცანა მდგომარეობდა პრაქტიკულად განხორციელებინა ცხოვრებაში მიღებული დადგენილება და კომუნისტთა საქმიანი წინადადებანი, მათ შესაბამისად ახლებურად გარდაიქმნა შინაპარტიული მუშაობა.

საქართველოს კპ(ბ) საოლქო, საქალაქო და რაიონულმა კომიტეტებმა წესად შემოიღეს პირველადი პარტიული ორგანიზაციების საანგარიშო-საარჩევნო კრებებზე მიღებულ დადგენილებათა შესრულების მიმდინარეობის შესახებ იმ პირველადი პარტიული ორგანიზაციების პარტკომების მდივანთა და პარტორგთა მოხსენებების მოსმენა, რომელთა მუშაობა არაადამაკმაყოფილებლად იყო ცნობილი.

პირველადი პარტიული ორგანიზაციების ანგარიშგება-არჩევნების შემდეგ 1937 წლის აპრილ-მაისში ჩატარდა საოლქო, საქალაქო, რაიონული პარტიული კონფერენციები და საქართველოს კპ(ბ) X ყრილობა. ისე როგორც პირველადი პარტიული ორგანიზაციების საანგარიშო-საარჩევნო კრებები, აგრეთვე, პარტიის საოლქო, საქალაქო, რაიონული კონფერენციები და საქართველოს კომპარტიის X ყრილობა ჩატარდა კომუნისტთა გაზრდილი პოლიტიკური აქტივობით. საოლქო, საქალაქო და რაიონულ კონფერენციებს დაესწრო 6438 დელეგატი. კამათში მონაწილეობა მიიღო 2070 დელეგატმა ანუ დამსწრე დელეგატთა ერთმა მესამედმა. კომუნისტები ყოველმხრივ იხილავდნენ ხელმძღვანელ პარტიულ ორგანოებში ასარჩევ კანდიდატურებს. პარტიული კომიტეტების შემადგენლობაში ასარჩევად დასახელებული 4464 კანდიდატიდან ფართულ კენჭისყრამდე აცილება მიეცა 514 კაცს²⁵. საოლქო, საქალაქო და რაიონულ კომიტეტებში აირჩიეს 2522 წევრი, აქედან 643 პირველად იყო არჩეული.

²⁴ ქურნ. „პარტიული მშენებლობა“, 1937, № 9—10, გვ. 61, 96.

²⁵ იქვე, გვ. 94—95.

ახლად არჩეული რესპუბლიკის ხელმძღვანელი პარტიული ორგანიზები უფრო მეტ ყურადღებას უთმობდნენ მშრომელებთან მუშაობას, კადრების შერჩევისა და აღზრდის გაუმჯობესებას, პარტიული და უპარტიო მასების პოლიტიკური აღზრდის საკითხებს.

ამრიგად, ახალი კონსტიტუციის საფუძველზე სსრ კავშირის უმაღლესი საბჭოს არჩევნებისათვის მზადებამ თითოეული პარტიული ორგანიზაციისაგან მოითხოვა შინაპარტიული დემოკრატიის შემდგომი გაშლა, კრიტიკისა და თვითკრიტიკის განვითარება, რათა კომუნისტთა აქტივობა კი არ ჩამქრალიყო, არამედ კიდევ უფრო ყოველდღიურ პრაქტიკულ მუშაობაში გაძლიერებულიყო და განმტკიცებულიყო. შინაპარტიული დემოკრატიის ფართოდ გაშლა, კომუნისტთა აქტივობისა და თვითმოქმედების განვითარება პარტიის თვითმზანი როლი იყო, არამედ იგი წარმოების, კოლმეურნეობის, საბჭოთა მეურნეობის, მტკის-ი, დაწესებულების საქმიანობაზე პარტიული ორგანიზაციის გავლენის ზრდის, სამეურნეო-პოლიტიკური ამოცანების შესასრულებლად პარტიული მასების მობილიზაციის მნიშვნელოვანი საშუალება იყო. შინაპარტიული დემოკრატიის საფუძველზე პარტიულ-პოლიტიკური მუშაობის გარდაქმნამ გააქტიურა პარტიული მასები და ხელი შეუწყო პარტიული მუშაობის გამოცოცხლებას, რესპუბლიკის ყველა რაიონსა და ქალაქში კომუნისტები სსრ კავშირის უმაღლესი საბჭოს არჩევნებისათვის მზადების, სტახანოვური მოძრაობის, მშრომელი მასების პოლიტიკური და შრომითი აღმავლობის სათავეში იდგნენ, მტკიცედ იბრძოდნენ საწარმოო-საფინანსო გეგმების წარმატებით შესრულებისათვის.

ახორციელებდნენ რა საკავშირო კ(ბ) XVII ყრილობის გადაწყვეტილებათა, ცენტრალური კომიტეტის დადგენილებათა და მითითებათა საფუძველზე პარტიული ცხოვრების გარდაქმნას რესპუბლიკის პარტიული ორგანიზაციების უმრავლესობამ უდიდეს წარმატებებს მიაღწია შინაპარტიული დემოკრატიის განვითარების, კოლექტიური ხელმძღვანელობის უზრუნველყოფასა და პარტიულ-ორგანიზაციული დონის ამაღლებაში. მეორე ხუთწლედის წლებში შინაპარტიული დემოკრატიის განხორციელება მიმდინარეობდა მის დარღვევებთან მტკიცე ბრძოლის, კომუნისტთა აქტივობის ამაღლებისა და მასებთან პარტიის კავშირის განმტკიცების მიმართულებით. ამან პარტიულ ორგანიზაციებს საშუალება მისცა დაეძლიათ სიძნელეები და წარმატებით შეესრულებინათ სახალხო მეურნეობის განვითარების მეორე ხუთწლიანი გეგმა.

ამასთან ერთად აუცილებელია აღინიშნოს, რომ პარტიული მასების აქტივიზაცია და შინაპარტიული დემოკრატიის განვითარება უფრო ინტენსიური, ღრმა და ყოვლისმომცველი იქნებოდა, რომ არ ყოფილიყო დაშვებული სერიოზული შეცდომები სოციალისტური დემოკრატიის პრინციპების განხორციელებაში. დარღვეულ იქნა პარტიასა და სახელმწიფო უშიშროების ორგანოებს შორის ურთიერთდამოკიდებულების ლენინური პრინციპები. „ხალხის მტრებთან“ ბრძოლის საბაბით უხეშად ირღვეოდა საბჭოთა დემოკრატია და კანონიერება, ადვილი ჰქონდა დაუსაბუთებელ რეპრესიებს და მათ შორის პარტიის პატიოსან წევრთა მიმართ. მაგრამ კომუნისტური პარტია, მისი ადგილობრივი ორგანიზაციები მიუხედავად პიროვნების კულტისა და სოციალისტური კანონიერების დარღვევებისა მოქმედებდნენ და ვითარდებოდნენ

დემოკრატიული ცენტრალიზმის ლენინური პრინციპებისა და შინაპარტიული დემოკრატიის საფუძველზე. სკკპ ცენტრალური კომიტეტის 1956 წლის 30 ივნისის დადგენილებაში „პიროვნების კულტისა და მისი შედეგების დაძლევის შესახებ“ მითითებულია, რომ პიროვნების კულტის მიუხედავად „კომუნისტური პარტიის ხელმძღვანელობით ხალხის მასების მძლავრი ინიციატივა, რომელშიც ჩვენმა წყობილებამ წარმოშვა, ახორციელებდა თავის დიად ისტორიულ საქმეს, ძლევდა ყველა დაბრკოლებას სოციალიზმის მშენებლობის გზაზე“²⁶. ამიტომ სოციალიზმის მშენებლობის პერიოდში კომუნისტური პარტიის ადგილობრივი ორგანიზაციების მოღვაწეობას, მათ მიერ დაგროვილ მდიდარ გამოცდილებას ჰქონდა და აქვს უდიდესი მნიშვნელობა კომუნისტური პარტიის შემდგომი მუშაობისათვის.

სუბიექტივიზმისა და ვოლუნტარიზმის შეცდომების წლებში ისტორიულ-პარტიულ ლიტერატურაში ადგილი ჰქონდა ცდებს დაეკინებინათ სოციალიზმის მშენებლობის პერიოდში პარტიისა და საბჭოთა ხალხის უდიდესი მუშაობა. ყურადღება იყო გამახვილებული პიროვნების კულტის გამოვლინების უარყოფით მხარეებზე, სოციალისტური კანონიერების დარღვევებზე. ამ პერიოდის ისტორიული სინამდვილისა და ობიექტური შეფასების საწინააღმდეგოდ ყველაფერს „სტალინის პიროვნების კულტის პერიოდს“ უწოდებდნენ. ვინც ასეთ შეფასებას აძლევდა იგი ივიწყებდა ყველაფერს რაც პარტიის ხელმძღვანელობით საბჭოთა ხალხმა განახორციელა. ივიწყებდნენ იმას, რომ ამ პერიოდში პარტია და საბჭოთა ხალხი ი. ბ. სტალინის მოღვაწეობას აფასებდნენ მისი გამოსვლებით, იმ ძირითადად სწორი ამოცანებით, რომლებსაც იგი პარტიისა და ხალხის წინაშე აყენებდა. ამასთან ერთად ეს გამოსვლები გადმოსცემდნენ პარტიის ცენტრალური კომიტეტის აზრს, აშუქებდნენ მისი მოღვაწეობის შინაარსსა და ცენტრალური კომიტეტის მიერ დაყენებულ ამოცანებს.

სკკპ ცენტრალური კომიტეტის 1964 წლის ოქტომბრის ისტორიულმა პლენუმმა, ხოლო შემდეგ პარტიის ცენტრალური კომიტეტის მიერ მიღებულმა მთელმა რიგმა დადგენილებებმა, პარტიის XXIII—XXIV ყრილობების გადაწყვეტილებებმა ბოლო მოუღეს ამგვარ დამახინჯებებს, ხელსაყრელი პირობები შექმნეს კომუნისტური პარტიის მოღვაწეობის ობიექტური გაშუქებისათვის.

²⁶ სკკპ... რეზოლუციებსა და გადაწყვეტილებებში, ნაწ. IV, თბ., 1962, გვ. 302.

ათენი და აღმოსავლეთ შავიზღვისპირეთი

(ძვ. წ. V საუკუნის მეორე ნახევარი)

დასავლეთ საქართველოს ნაქალაქარების არქეოლოგიურმა კვლევა-ძიებამ უკანასკნელ ხანებში მნიშვნელოვნად წინ წასწია ხმელთაშუაზღვისპირეთის ანტიკური ცივილიზაციის ცენტრების, მათ შორის ათენისა და კოლხეთის ურთიერთდამოკიდებულების საკითხის შესწავლა.

კოლხეთის ზღვისპირა ზოლში, ასევე მის შიდა რაიონებში აღმოჩენილი ატიკური კერამიკული ნაწარმის შესწავლის საფუძველზე ამ ურთიერთობაში სადღეისოდ უკვე გამოყოფილია ვაჭრობის აღმავლობისა და დაცემის ცალკეული ეტაპები.

დადგენილია, რომ ძვ. წ. VI ს-ის დასასრულსა და V ს-ის დასაწყისში სპარსელთა მიერ იონიური ცენტრების განადგურების პერიოდში და მის შემდგომ ათენი გარკვეულ უპირატესობას აღწევს კოლხეთთან (ისევე, როგორც შავიზღვისპირეთის დანარჩენ მხარეებთან) ურთიერთობაში¹, რის შედეგადაც მასში წამყვანი ხდება ატიკური ნაწარმის იმპორტი².

ძვ. წ. V ს-ის პირველ ნახევარში ხმელთაშუაზღვისპირეთში შექმნილი რთული პოლიტიკური ვითარების გამო (ბერძენ-სპარსელთა ომები) სავაჭრო ურთიერთობა კოლხეთსა და ათენს შორის შესამჩნევად სუსტდება, ხოლო ძვ. წ. V ს-ის შუახანებიდან მდგომარეობა მკვეთრად იცვლება. ამ დროიდან იწყება ანტიკური სამყაროს კოლხეთთან სავაჭრო-ეკონომიური ურთიერთობის ახალი მძლავრი აღმავლობა და ძვ. წ. V ს-ის მეორე ნახევარსა და ძვ. წ. IV საუკუნეში (ელინისტურ ხანაშდებ) ამ ურთიერთობაში დომინირებული მდგომარეობა ათენს უკავია³.

ეჭვი არ არის, რომ აღმოსავლეთ შავიზღვისპირეთისა და ათენის ურთიერთდამოკიდებულების შესწავლისას არქეოლოგიურ მონაპოვარს, რომელსაც ზემოთ მოტანილი დასკვნები ემყარება, განსაკუთრებული, შეიძლება ითქვას გადამწყვეტი მნიშვნელობა ენიჭება, მაგრამ ჩვენ ხელთაა მეტად საყურადღებო წერილობითი წყაროებიც (თუკიდიდეს, სტრაბონის, პლუტარქეს, იუსტინეს და სხვა ავტორთა ცნობები), რომლებშიაც მართალია პირდაპირ არ არის დასახელებული კოლხეთი, მაგრამ ლაპარაკია პონტოზე, მისი მოსახლეობისა და აქ არსებული ქალაქების ურთიერთობაზე ათენთან. აღნიშნული ცნო-

¹ ოთ. ლორთქიფანიძე, ანტიკური სამყარო და ძველი კოლხეთი, თბ., 1966, გვ. 87.

² ა. კახიძე, საქართველოს ზღვისპირეთის ანტიკური ხანის ქალაქები, თბ., 1971, გვ. 135.

³ ოთ. ლორთქიფანიძე, დასახ. ნაშრომი, გვ. 80; ა. კახიძე, დასახ. ნაშრომი, გვ. 135, 136; მ. ინაძე, სავაჭრო ურთიერთობათა ისტორიიდან კოლხეთში, კავკასიურ-აზოლადმოსავლური კრებული, II, თბ., 1962, გვ. 97—98; М. И. Ингадзе, Причерноморские города древней Колхиды, Тб., 1968, გვ. 199.

ბების დეტალური ანალიზი, რაც ჩვენს სამეცნიერო ლიტერატურაში ჯერ არაის უცდია⁴, დასავლეთ საქართველოს ტერიტორიაზე მოპოვებული არქეოლოგიური მასალის გათვალისწინებით, საშუალებას გვაძლევს ათენისა და კოლხეთის ურთიერთდამოკიდებულების საკითხები უფრო ფართო ისტორიულ ასპექტში განვიხილოთ და ამასთანავე ახსნა მოვუძებნოთ მათი სავაჭრო ურთიერთობის იმ მძლავრ აღმავლობას, რომელსაც არქეოლოგიური მონაცემების თანახმად ძვ. წ. V ს-ის მეორე ნახევარში ჰქონია ადგილი. დასახელებული წყაროების განხილვა გვარწმუნებს, რომ ათენისა და კოლხეთის ურთიერთობის აღმავლობას (ძვ. წ. V ს-ის მეორე ნახევარში) ღრმა პოლიტიკური და ეკონომიური მოვლენები ედო საფუძვლად, რომელთაც თავისი გამომახილი ჰპოვეს მთელ შავიზღვისპირეთში, და შესამჩნევი კვალი დატოვეს მის ცხოვრებაში.

წინამდებარე ნაშრომი სწორედ ზემოაღნიშნული საისტორიო წყაროების დეტალურ ანალიზსა და ამასთან დაკავშირებით წამოჭრილი საკითხების კვლევა-ძიებას ეძღვნება.

ძვ. წ. V ს-ის შუახანებში ათენი თავისი პოლიტიკური და ეკონომიური ძლიერების მწვერვალს აღწევს. იგი გამარჯვებული გამოდის ბერძენ-სპარსელთა ომიდან, რომელშიც ელადის სახელმწიფოთა შორის წამყვან როლს თამაშობდა⁵.

ჯერ კიდევ ომის მსვლელობის დროს ნათელი გახდა, რომ ათენის ძლიერება დამყარებული იყო მისი საზღვაო ძალების უპირატესობაზე⁶, რომ მრავალრიცხოვანი და კარგად აღჭურვილი ფლოტის გარეშე ელადის წინამძღოლი — ათენი ამ ომში გამარჯვებას ვერ მოიპოვებდა.

სპარსეთთან ომის შედეგად გამოირკვა ისიც, რომ ელადასა და ეგეოსის კუნძულებზე მოპოვებული ჰეგემონობის შესანარჩუნებლად ათენისათვის აუცილებელი იყო ზღვაზე უპირატესობის განმტკიცება. ამისათვის მან მოხერხებულად გამოიყენა საზღვაო პოლისებს შორის დელოსში დადებული კავშირი, რომელიც მიზნად ისახავდა მცირე აზიის ქალაქებიდან სპარსელთა განდევნას და ამისათვის ძლიერი ფლოტის შექმნას. დროთა განმავლობაში ათენის ფლოტი საგრძნობლად იზრდება მოკავშირეთა გადასახადების ხარჯზე⁷. სწრაფი ეკონომიური განვითარებისა და უმსხვილეს საზღვაო სახელმწიფოდ გადაქცევასთან ერთად ათენის ხვედრითი წონა დელოსის კავშირში სულ უფროდაუფრო მატულობს. თანდათანობით ათენი ერევა მოკავშირე ქალაქების საშინაო ცხოვრებაში, ახორციელებს მათზე პოლიტიკურ და ეკონომიურ კონტროლს⁸. ათენი ზღუდავს არა მარტო მოკავშირეთა სამხედრო-საზღვაო ძალებს, არამედ საგარეო სავაჭრო ურთიერთობებს, საგრძნობლად ბლაღავს მათ ეკონომიურ ინტერესებს.

⁴ დასახელებული წყაროების ერთ ნაწილს ჩვენ შევვხვით ათენისა და კოლხეთის ურთიერთობის დახასიათებისას ამ რამდენიმე წლის წინ გამოცემულ შრომაში (Причерноморские города древней Колхиды, გვ. 199—204), მაგრამ იმ ხანად ვერ მოხერხდა ვერც ამ ცნობების ყოველმხრივი შესწავლა და ვერც მათი, როგორც საისტორიო წყაროს მთელი სისრულით განაალიზება-შეფასება.

⁵ Her., VII, 139.

⁶ Her., VII, 144; Thuc., I, 74.

⁷ Thuc. I, 19; I, 99.

⁸ И. Б. Брашинский, Новые материалы к изучению экономических связей Ольвии в VI—V вв. до н. э., *Archeologia*, XIX, 1968, Warszawa, 1969, გვ. 56—58.

თუკიდიდეს და პლუტარქეს ცნობების თანახმად, ეკონომიური ინტერესების შეჯახება იწვევს წინააღმდეგობის გამძაფრებას ათენსა და მის მოკავშირე ქალაქებს შორის. მსხვილი სავაჭრო ცენტრების თაზოსის, სამოსის ცდა თავი დაედევნათ ათენის ეკონომიური კონტროლისაგან მარცხით დამთავრდა⁹. მათ ჩამოერთვათ ზომალდები. ამიერიდან ათენის მოკავშირეებს შორის ეკონომიური და პოლიტიკური პრივილეგიები, ისევე როგორც საკუთარი ფლოტით სარგებლობის უფლება, რჩება მხოლოდ ქიოსსა და ლესბოსს¹⁰.

მოკავშირეთა სახსრების გამოყენებისა და მათზე მეთვალყურეობის დაწესებასთან ერთად ათენს საშუალება ეძლევა ძვ. წ. V ს-ის 30-იანი წლების დასაწყისში ხელში ჩაიგდოს სააღებ-მიცემო ურთიერთობანი მთელ აღმოსავლეთ ხმელთაშუაზღვისპირეთსა და პონტოში, და იგი თავის ფართო პოლიტიკურ და ეკონომიურ ინტერესებს დაუქვემდებაროს.

ათენის ლტოლვას მონოპოლიისაკენ მნიშვნელოვნად აძლიერებს ის გარემოებაც, რომ ამ დროს ელადაში ღვივდება ახალი პოლიტიკური კონფლიქტი ორ უძლიერეს გავრთიანებას, ათენისა და პელოპონესის კავშირებს შორის, წინააღმდეგობა, რომელიც სულ უფრო და უფრო მწვავე ხასიათს იღებს და ბოლოს აშკარა საომარ მოქმედებაში გადადის.

ათენის დემოკრატიის მესვეურებს, სახელდობრ პერიკლეს, რომელიც აღებულ ხანაში წარმართავდა ათენის სახელმწიფოს საგარეო პოლიტიკას, კარგად ესმოდა ომის გარდუვალობა. თუკიდიდეს ცნობით, ამას იგი არაერთხელ აღნიშნავდა კიდევ სახალხო კრებებზე გამოსვლის დროს¹¹. პერიკლეს კარგად ესმოდა ისიც, რომ მომავალი ომის ბედი უმთავრესად დამოკიდებული იყო ათენის საზღვაო ძლიერებაზე¹². კარგად აღჭურვილი ფლოტი, რომელიც რაოდენობრივად საგრძნობლად აღემატებოდა მოწინააღმდეგის საზღვაო ძალებს, მისი აზრით, წარმოადგენდა პელოპონესთან ომში გამარჯვების საიმედო საწინდარს¹³.

პერიკლეს პოლიტიკას მხარს უჭერდნენ ვაჭარ-ხელოსანთა წრე და ქალაქის ღარიბი მოსახლეობის ფენები, რომლებიც მჭიდროდ იყვნენ დაკავშირებული საზღვაო საქმესთან.

საჭირო იყო უმოკლეს დროში, ერთგული მოკავშირეების ფულად სახსრებზე დაყრდნობით, უზარმაზარი ფლოტის შექმნა. ერთი მხრივ გემთმშენებლობისათვის საჭირო რესურსების დიდი რაოდენობით შეზიდვა ათენში, მეორე მხრივ კი ფიზიკურად თვალყურის დევნება რათა ეს რესურსები ხელში არ ჩავარდნოდა მოწინააღმდეგე დაჯგუფებას. პელოპონესის ომის დასაწყისისათვის ათენში შექმნილი ეს განწყობილება კარგად აისახა ფსევდო-ქსენოფონტის სახელით ცნობილ ტრაქტატში „ათენის პოლიტია“, რომელსაც, მკვლევართა აზრით, ლიტერატურული დოკუმენტის მნიშვნელობა აქვს¹⁴. ნაშრომში ვკითხულობთ: „თუ რომელიმე ქალაქი მდიდარია გემთსაშენი ხე-

⁹ Thuc., I, 99; I, 100; Flut., Per., 26.

¹⁰ Thuc., I, 19.

¹¹ Thuc., I, 144.

¹² Thuc., II, 13.

¹³ Thuc., II, 143.

¹⁴ [Ксенофонт], Афинская Политика, перевод и примечания С. И. Радцига, წიგნში: Аристотель, Афинская Политика, М., 1937, გვ. 222, 223. მკვლევართა აზრით, ეს ნაშრომი 430—425 წლებში უნდა იყოს დაწერილი.



ტყით, სად გაასაღებს იგი მას, თუ არ მიაღწევს შეთანხმებას იმასთან, ვინც ზღვაზე ბატონობს? (ე. ი. ათენთან. — მ. ი.)... თუ რომელიმე ქალაქი მდიდარია რკინით, სპილენძით, ან სელით, სად უნდა გაასაღოს მან იგი, თუ ამაზე არ დაითანხმა ის, ვინც ზღვაზე ბატონობს? (ე. ი. ათენი. — მ. ი.), ხოლო გემები (ათენისათვის) ხომ სწორედ ამისგან იქმნება. ერთისგან იღებს ხე-ტყეს, მეორისგან რკინას, მესამისგან სპილენძს, მეოთხისგან სელს, მეხუთისგან ცვილს. გარდა ამისა (ათენელები) ნებას არ დართავენ ყოველივე ეს სხვა ადგილას გაიტანონ“...¹⁵ და ა. შ.

მოტიანილი ამონაწერი მოწმობს, რომ აღებულ ხანაში ათენი უკვე ახორციელებს ხე-ტყით და ვეითსაშენი სხვა მასალით ვაჭრობის მონოპოლიას და ყოველმხრივ ცდილობს ამ რესურსების თავმოყრას მხოლოდ ათენში.

ამ მიზანს ემსახურება ათენის მიერ პოზიციების განმტკიცება ხე-ტყითა და სხვა რესურსებით მდიდარ რაიონებში: მაკედონიასა, თრაკიასა და ქალკედონში, აქ ქალაქ ამფიპოლის დაარსება, რომელიც აღნიშნული მხარიდან ათენში ხე-ტყის გატანის ერთ-ერთ ძირითად ბაზად უნდა ქცეულიყო.¹⁶

ამავე ხანებში ათენის განსაკუთრებულ ყურადღებას იპყრობს შავიზღვისპირეთიც, მისი სამხრეთი და აღმოსავლეთი სანაპიროები, საიდანაც შეიძლება არა მხოლოდ საუკეთესო გამძლეობის, მაღალხარისხოვანი და ძვირფასი ჯიშის ხე-ტყის (მუხა, წიფელი, ბუა) ექსპორტირება, არამედ ხომალდმშენებლობისათვის საჭირო ყველა სხვა მასალის (რკინა, სპილენძი, სელი, ტილო, ფისი, ცვილი, კანაფი და სხვ.) გატანა, ან და ხომალდების ადგილზევე დამზადება, რისთვისაც აქ ყველა პირობა არსებობდა¹⁷. რასაკვირველია, პონტოში ათენს მხოლოდ ზემოდსახელებული რესურსები არ აინტერესებდა. სასიცოცხლო მნიშვნელობა ჰქონდა მისთვის ასევე ჩრდილოშავიზღვისპირეთის პურს, რაც არაერთხელ აღნიშნულა რუსულ და უცხოურ სამეცნიერო ლიტერატურაში¹⁸.

პონტოს რესურსების მნიშვნელობის ზრდასთან ერთად ათენი მთელ რიგ ღონისძიებებს მიმართავს თავისი პოზიციების განსამტკიცებლად შავიზღვისპირეთში¹⁹. უპირველეს ყოვლისა, ათენს გადამწყვეტი ზომები მიუღია შავ ზღვაში შესასვლელი სრუტეების შემოსამტკიცებლად. ეს ზომები წარმატებით დაგვირგვინდა. ბიზანტიონი საკმაოდ დიდხანს (439—411 წწ.) ათენის ერთგულ მოკავშირედ დარჩა, ხოლო სრუტეებზე ათენმა დააწესა უმკაცრესი

¹⁵ [Ксенофонт], Афинская Полития, გვ. 270.

¹⁶ Тһис., II, 29.

¹⁷ შავი ზღვის სამხრეთი და აღმოსავლეთი სანაპიროების სიმდიდრეს გემთსაშენი ხე-ტყით არაერთხელ აღნიშნავენ ბერძენი ავტორები: თეოფრასტე (ძვ. წ. IV ს.), რომელიც აზიასი ასეთ მხარედ ასახელებს სინოპსს, ამისოსს და კიტორეს (Theoph., IV, 5, 3, IV, 5, 5), ფლავიუს არიანე (Peripl., 5). ხოლო სტრაბონის გადმოცემით, კოლხეთში მოიპოვებოდა არა მხოლოდ ხე-ტყე, არამედ აქვე ამუშავებდნენ გემთსაშენ ყოველივე სხვა მასალას: სელი, კანაფი, ცვილი და ფისი (Strabo, XI, 2, 17).

¹⁸ И. Б. Буашиевский, Азия и Северное Причерноморье в VI—II вв. до н. э., М., 1963 გვ. 82, 8С. А. I. Zimmer, The Greek Commonwealth, Politics and Economics in fifth century Athens, New-York, 1956, გვ. 368.

¹⁹ პერიკლეს გეგმის თანახმად მომავალ ომში პონტო უნდა გადაქცეულიყო ათენისათვის საარსებოდ აუცილებელი რესურსების მიმწოდებელ საიმედო ბაზად. აქედან სრუტეებით და ზღვით ეს რესურსები პირდაპირ წარიმართებოდა ნავსადგურ პიროსისაკენ, საიდანაც ათენს მიაღწევდა.

კონტროლი²⁰, რის შედეგადაც შავ ზღვაში შესვლის უფლება ენიჭებოდა მხოლოდ ათენის გემებს და მისი ერთგული მოკავშირეების (ქიოსისა და ლესბოსის) ხომალდთა განსაზღვრულ რაოდენობას²¹. ეს იმას ნიშნავდა, რომ სავაჭრო ურთიერთობა შავი ზღვისპირეთთან ამიერიდან ფაქტიურად მთლიანად ათენის განკარგულებაში ექცეოდა და მას ექვემდებარებოდა. მაგრამ წყაროები მოწმობენ, რომ სრუტეებზე პოზიციების განმტკიცება არ აღმოჩნდა საკმარისი და საჭირო გამხდარა გარკვეული, საკმაოდ გადამწყვეტი ზომების მიღება თვით შავი ზღვის სანაპიროებზედაც. ასეთი ზომების მიღება მით უფრო აუცილებელი იყო ათენისათვის, რომ მანამდე, ე. ი. ძვ. წ. V ს-ის შუახანებამდე აღმოსავლეთ ხმელთაშუაზღვისპირეთში შექმნილი რთული პოლიტიკური ვითარების გამო (ბერძენ-სპარსელთა ომები), ათენის კავშირი პონტოსთან, განსაკუთრებით მის სამხრეთ და აღმოსავლეთ სანაპიროსთან, მაინცადამაინც არ იყო მყარი.

აღნიშნულ საკითხთან დაკავშირებით უწინარეს ყოვლისა ყურადღებას იქცევს ახ. წ. I—II სს. ბერძენი ავტორის პლუტარქეს ცნობა პერიკლეს ლაშქრობის შესახებ პონტოში. ეს ცნობა დაცულია „პარალელური ბიოგრაფიების“ იმ ნაწილში, რომელიც პერიკლეს ცხოვრების აღწერილობას შეიცავს.

პლუტარქე მოგვითხრობს: „პერიკლე შევიდა პონტოში დიდი, საუცხოოდ აღჭურვილი ესკადრით, მან გააქეთა ყველაფერი, რაც სჭირდებოდათ (აქ არსებულ) ელინურ ქალაქებს და გამოიჩინა მათდამი კეთილგანწყობილება, ხოლო გარშემო მცხოვრებ ბარბაროს ტომებს, მათ მეფეებსა და დინასტებს მან უჩვენა უდიდესი ძალა, უშიშროება და მამაცობა ათენელთა, რომელნიც დაცურავენ სადაც კი მოესურვებათ და მთელი ზღვა ხელთ უპყრიათ. სინოპელებს მან დაუტოვა 13 ხომალდი ლამახის მეთაურობით და მეომრები ტირანტემესილეოსის წინააღმდეგ, ხოლო როდესაც იგი განდევნილ იქნა თავის მომხრეებთან ერთად, (პერიკლემ) მიიღო სახალხო კრებაზე დადგენილება ათენელთაგან 600 მოხალისეს სინოპეში გაგზავნისა და იქ სინოპელებთან ერთად დასახლების შესახებ. (მათ) უნდა გაენაწილებინათ ის მიწები და სახლები, რომლებიც წინათ ტირანებს ეკუთვნოდათ“²².

საკითხი იმის შესახებ, თუ რომელ საისტორიო წყაროს ემყარება პლუტარქე პერიკლეს ექსპედიციის აღწერისას (თავი XX) რთულია და ძნელად გადასაჭრელი.

მართალია თავის ნაშრომში (პერიკლეს ცხოვრებაში) პლუტარქე საკმაოდ ხშირად იხსენიებს მის მიერ გამოყენებულ ავტორებს, რომელთა შორის მთავარი ადგილი უჭირავთ V—IV ს-ის ბერძნული ისტორიოგრაფიისა და ბიოგრაფიული ლიტერატურის ბრწყინვალე წარმომადგენლებს (თუკიდიდე, ეფორე, არისტოტელე, სტესიმბროტე თაზოსელი²³); წყაროთა შორის იგი ასევე იხსენიებს თეოფრასტეს, ჰერაკლიდე პონტოელს, იდომენესს, დურიდე სამოსელს,

²⁰ Б. П. Нерская, Византия в классическую и эллинистическую эпоху, М., 1953, гл. 85—87.

²¹ И. Б. Брашинский, Новые материалы..., гл. 56.

²² თარგმანი შესრულებულია პლუტარქეს „პარალელური ბიოგრაფიების“ 1958 წელს გამოცემული ბერძნული ტექსტის საფუძველზე (Plutarch's Lives with an english translation by Bernadotte Perrin, III, London, 1978, გვ. 60—62).

²³ Plut., Per., IX, X, XIII, XXXVI.

ესქინეს, პოეტ იონს, კომიკოსებს; ამა თუ იმ ფაქტის გადმოცემისას იგი ზოგჯერ ერთდროულად მიმართავს და იმოწმებს რამდენიმე ავტორსაც²⁴, მაგრამ ჩვენთვის საინტერესო თავში (XX) პლუტარქე წყაროებს არ ასახელებს.

XX თავის წყაროთმცოდნეობით კვლევას მნიშვნელოვნად ართულებს ის გარემოებაც, რომ პირდაპირი მითითება პერიკლეს ექსპედიციის შესახებ შავიზღვისპირეთში მხოლოდ პლუტარქეს ნაშრომშია დაცული²⁵. პლუტარქეს ნაშრომის XX თავის წყაროთმცოდნეობითმა შესწავლამ მკვლევარნი იმ დასკვნამდე მიიყვანა, რომ ავტორს ძირითადად გამოყენებული უნდა ჰქონდეს ეფორეს ცნობილი „ისტორია“²⁶; ჰ. ზაუპე იმასაც ვარაუდობდა, რომ ეფორეს მეშვეობით უნდა შეეტანა პლუტარქეს თავის ნაშრომში ნაწყვეტები პერიკლეს გამოსვლებიდან²⁷. ზემოთმოტანილი XX თავის შედარებამ პერიკლეს მიერ წარმოთქმული სიტყვების ჩანაწერებთან, რომლებიც თუკიდიდეს „ისტორიაშია“ დაცული²⁸, ჩვენ დაგვარწმუნა, რომ ამ თავის შედგენისას ავტორს მართლაც უნდა ესარგებლა ხსენებული გამოსვლებით, მაგრამ ძნელია თქმა პერიკლეს სიტყვების ჩანაწერები მასთან მართლაც ეფორეს ნაშრომის მეშვეობით მოხვდა, თუ თუკიდიდესაგან, რომელსაც იგი არაერთხელ მიმართავს როგორც წყაროს პერიკლეს ცხოვრების სხვა თავების შედგენისას (მაგ. თავი XV, XVI და სხვ.).

ერთი სიტყვით, წყაროთმცოდნეობითი კვლევა გვარწმუნებს. რომ მართალია XX თავის წყაროების ზუსტი დადგენა ვერ ხერხდება, მაგრამ ეს ცნობა რომ ძველსა და სავესებით უტყუარ მონაცემებს უნდა ემყარებოდეს, ამაში ეკვის შეტანა შეუძლებელია. ამას მოწმობს მთელი რიგი სხვა წყაროებიც (წერილობითი, ეპიგრაფიკული, ნუმიზმატიკური), რომელთა მიხედვით დასტურდება პელოპონესის ომის დასაწყისისათვის ათენის აქტიური ჩარევა შავიზღვისპირეთის ქალაქების ცხოვრებაში (ამის შესახებ ქვემოთ). პერიკლეს ექსპედიციის შესახებ ცნობის კვლევასთან დაკავშირებით დგება მთელი რიგი სხვა საკითხებიც, რომლებიც საბოლოოდ არ არის გადაჭრილი და მკვლევართა შორის დღესაც აზრთა სხვადასხვაობას იწვევს. ასეთია, საკითხი პერიკლეს ექსპედიციის დროის, მიმდინარეობისა და შედეგების შესახებ.

პლუტარქეს მონათხრობი არ შეიცავს საკმარის მონაცემებს პონტოში პერიკლეს მიერ მოწყობილი ექსპედიციის დროის ზუსტი განსაზღვრისათვის. ამის გამო სამეცნიერო ლიტერატურაში გამოთქმულია სრულიად განსხვავებული მოსაზრებები, რომელთა მიხედვით ექსპედიციის თარიღი მერყეობს ძვ. წ. 455 წლიდან ძვ. წ. 435 წლამდე. მკვლევართა ერთი ნაწილი პერიკლეს ექსპედიციას პონტოში მიაკუთვნებს კალიუსის ზავის წინა ხანას ძვ. წ. 453—450 წწ. და მას სპარსეთზე გამარჯვების გაგრძელებად მიიჩნევს²⁹. ზოგი ფიქრობს, რომ პონტოს ექსპედიცია უშუალოდ მოჰყვა ათენის მიერ აჯანყებული

²⁴ Plut., Per., IX, X, XIII, XV, XXIII—XXVIII, XXXV—XXXVIII.

²⁵ ასეთ ცნობას არ ვხვდებით პერიკლეს თანამედროვე ავტორთა ნაშრომებშიც კი (მაგალითად, თუკიდიდეს „ისტორიაში“).

²⁶ H. Sauppe. Die Quellen Plutarchs für das Leben des Pericles, Sauppes Ausgewählte Schriften, Berlin, 1896, გვ. 503—509; K. Ziegler, Plutarchus, RE, Hbd. 41, გვ. 635—692.

²⁷ H. Sauppe, დასახ. ნაშრომი. გვ. 498—499, 506.

²⁸ Thuc., II, 62.

²⁹ B. D. Meritt, H. T. Wade-Gery, M. F. McGregor, The Athenian Tribute Lists, Cambridge, v. III, გვ. 114—117; H. Oliver, The Peace of Callias and The Pontic Expedition of Pericles, «Historia», VI, Hf. 2, Wiesbaden (1957), გვ. 254, 5.



სამოსისა³⁰ და ბიზანტიონის დამორჩილებას³¹ (რასაც ძვ. წ. 439 წელს ჰქონდა აღვილი). ზოგიერთი მკვლევარი ამ ექსპედიციას უფრო გვიანდელ ხანაში (დაახლოებით ძვ. წ. 437 წელს) ვარაუდობს და მას უკავშირებს ათენის მიერ ქალკედონის შემოშტორებას (ქ. ამფიპოლის დაარსებას)³², ასევე ათენის პოზიციების განმტკიცებას შავი ზღვის სრუტეების მიდამოებში (ასტაკის დაარსება ძვ. წ. 435/4 წწ.)³³. ეს უკანასკნელი თარიღი (ძვ. წ. 437—435 წწ.) გარკვეული მოდიფიკაციით (უმნიშვნელო დაზუსტებით) საერთოდ მიღებულია მკვლევართა დიდი ნაწილის მიერ³⁴.

გარკვეული მოსაზრებებიდან გამომდინარე ჩვენც ამ ტრადიციულ თარიღს (ძვ. წ. 437 წ.) ვუპყრთ მხარს და ვფიქრობთ, რომ პონტოს ექსპედიცია განეკუთვნება ათენის აქტიური მზადების პერიოდს პელოპონესთან ომისათვის³⁵.

დავუბრუნდეთ ისევ პლუტარქეს ცნობაში აღწერილ ფაქტებს. ცნობიდან აშკარად ჩანს, რომ პერიკლეს ექსპედიციას პონტოში ათენელთათვის დიდი პრინციპული მნიშვნელობა ჰქონდა³⁶.

გარდა იმისა, რომ ამ ექსპედიციით ხდებოდა შავ ზღვაზე მათი განუსაზღვრელი ბატონობის დემონსტრირება, ათენს მოუხდა პონტოსპირა ქალაქებში, კერძოდ სინოპეში, საკმაოდ გადამწყვეტი ზომების მიღება: ათენელი მოხალისეების ჩამოსახლება, დემოკრატიული გადატრიალების მოწყობა, მიწების ჩამორთმევა ტირანთათვის და სხვ. ყოველივე ეს შეკრებულყოფილად მიუთითებს იმაზე, რომ პერიკლეს მაინცდამაინც დიდი იმედი არ ჰქონდა აქაური მოსახლეობის მხარდაჭერის და საჭიროდ თვლიდა თავის პოზიციების განმტკიცებას ამ ქალაქში ათენელთა გარკვეული ნაწილის გადმოსახლებით³⁷.

მაგრამ პლუტარქეს ცნობის განხილვა მთელ რიგ კითხვას სვამს, რაც მოწმობს, რომ პირველწყაროში, რომელსაც ეყრდნობოდა ავტორი ბევრად მეტი უნდა ყოფილიყო ნათქვამი პერიკლეს ექსპედიციის მიმდინარეობისა და შედეგების შესახებ, ვიდრე ეს პლუტარქემ შემოგვინახა (უფრო სწორედ საჭიროდ სცნო ვადმოცა). ასე მაგალითად, ცნობაში ლაბარაკია ელინურ ქალაქებზე, მაგრამ სინოპეს გარდა არცერთი ქალაქი არ არის დასახელებული. ავტორი აღნიშნავს, რომ პერიკლემ შესარულა ყველაფერი, რაც ელინურ ქალა-

³⁰ Al. Zimmern, დასახ. ნაშრომი, გვ. 362, შენ.

³¹ И. Б. Брашинский, Понтийская экспедиция Перикла, ВДИ, 1958, № 3, გვ. 113, 114.

³² I. Beloch, Die attische Politik seit Perikles, Lpz, 1884, გვ. 325; მისივე, Griechische Geschichte, I, Strassburg, 1898, გვ. 503.

³³ П. О. Карышковский, Ольвия и Афинский Союз, Мат. по археологии Сев. Прич., вып. III, Одесса, 1960, გვ. 79—80.

³⁴ იქვე, გვ. 80.

³⁵ პონტოს ექსპედიცია ნაკლებად სავარაუდოა როგორც 50-იან წლებში სამხრეთ შავი-ზღვისპირეთში სპარსეთის ძლიერი გავლენის გამო (ამის შესახებ იხ. ქვემოთ), ასევე 40-იან წლებში, რამდენადაც ეს იქნებოდა სპარსეთთან ახლად დადებული საზავო პირობის დარღვევა.

³⁶ ამას სხვათა შორის ამტკიცებს პლუტარქეს მიერ პონტოს ექსპედიციის შეტანა პერიკლეს სამი უმნიშვნელოვანესი ლაშქრობის რიცხვში (ორი დანარჩენი ლაშქრობა შეეხო ქერსონესსა და პელოპონესს) (Plut., Per., XX).

³⁷ Т. В. Блаватская, Очерки политической истории Боспора в V—IV вв. до нашей эры, М., 1959, გვ. 66, 67.



ქებს სჭირდებოდათ, შემდეგ კი მხოლოდ სინოპეში მიღებულ ზღვაზე მარაგობის პარაკობს. აღნიშნული გვაფიქრებინებს, რომ პლუტარქეს ცნობა საკმაოდ შეკვეცილია და მასში იმ ელინურ ქალაქთაგან, რომლებშიც ათენელებმა უთუოდ რაღაც ღონისძიებანი მიიღეს კონკრეტულად მხოლოდ სინოპეზეა ლაპარაკი.

ეს რომ დანამდვილებით ასე უნდა ყოფილიყო, ამას ამტკიცებს აღებულ ხანაში სამხრეთ შავიზღვისპირეთის სხვა ქალაქებში, კერძოდ, ამისოში და ჰერაკლეაში მომხდარი ამბები.

ერთ-ერთი ცნობა ამისოს შესახებ თვით პლუტარქეს აქვს დაცული ლუკულუსის ცხოვრების აღწერილობაში. პლუტარქე გადმოგვცემს: „ქალაქი ამისო ათენელთა ახალშენი იყო. იგი დაარსებულ იქნა იმ ხანებში, როდესაც ათენელთა ძლიერება მეტად ყვაოდა და როცა ისინი ზღვაზე მბრძანებლობდნენ“³⁸. მართალია, პლუტარქე აქ პირდაპირ არ ასახელებს პერიკლეს, მაგრამ ცხადია, რომ ათენელთა ძლიერების აყვავება და ზღვაზე მბრძანებლობა სწორედ პერიკლეს მმართველობას გულისხმობს. ამრიგად, მოტანილი ცნობა საფუძველს გვაძლევს ათენელთა ახალშენის დაარსება ამისოში პონტოს სამხრეთ-აღმოსავლეთ სანაპიროზე პერიკლეს მიეწეროთ და მისი საქმიანობის შედეგად მივიჩნიოთ.

აღნიშნული კარგად დასტურდება ამისოს მონეტების მიხედვითაც. ამ სამონეტო სერიების მოჭრა იწყება სწორედ პერიკლეს ექსპედიციის მომდევნო ხანაში (ძვ. წ. V ს-ის ბოლო მეოთხედში) და დაახლოებით ერთი საუკუნე გრძელდება. მათზე გამოხატულია ათენური ჭოტი და წარწერა ΠΕΙΡΑ³⁹, რაც მოწმობს ქალაქ ამისოსთვის ათენის ნავსადგურის პიროსის სახელწოდების მიკუთვნებას⁴⁰. ათენელთა ახალშენის დაარსებას ამისოში ვინმე აფინოკლეს მეთაურობით და მისი სახელწოდების პიროსად შეცვლას აღასტურებს სტრაბონის გადმოცემაც, რომელიც თეოპომპეს ემყარება⁴¹.

როგორც ირკვევა, პერიკლეს ექსპედიცია შეეხო სამხრეთ შავიზღვისპირეთის ქალაქ ჰერაკლეასაც, რაც დასტურდება მთელი რიგი წერილობითი წყაროებით (თუკიდრე, დიოდორე სიცილიელი, იუსტინე)⁴².

ამრიგად, ზემოთ განხილული ცნობები ეჭვს არ ტოვებენ, რომ პერიკლეს ექსპედიციის შედეგად ათენის გავლენას დაექვემდებარნენ სამხრეთ შავიზღვისპირეთის უმსხვილესი ცენტრები. ამასთან, დანამდვილებით შეიძლება ითქვას, რომ ჰერაკლეა ათენის საზღვაო კავშირში იქნა შეყვანილი და დროებით (ვიდრე გადაუდგებოდა ათენს) ფოროსსაც იხდიდა.

ზოგიერთი მკვლევარი იმასაც ვარაუდობს, რომ აღნიშნულ ხანაში ათენის საზღვაო კავშირში უნდა მოხვედრილიყო სინოპეს აღმოსავლეთით მდებ-

³⁸ პ ლ უ ტ ა რ ქ ე, ლუკულუსი, 19, რჩეული პარალელური ბიოგრაფიები, 1, ძველი ბერძნულიდან თარგმანა აკაკი უ რ თ უ შ ა ძ ე შ, თბ., 1957, გვ. 77.

³⁹ W. Waddington, E. Babelon, Th. Reinach, Recueil général des monnaies grecques d'Asie Mineure, t. I, fasc. 1, 2-e édit., Paris, 1925, Amisos, №№ 1-8, ტაბ. III, 1-3.

⁴⁰ М. И. Максимова, Античные города Юго-Восточного Причерноморья, М.-Л., 1956, гл. 101, 102.

⁴¹ Strabo, XII, 3, 14; М. И. Максимова, დასახ. ნაშრომი, გვ. 101, 102.

⁴² Thus., IV, 75; Diod., Bibl., XII, 72, 4; Iust., XVI, 3; Юстин, Эпитома сочинения Помпея Трога, «Historia, Philippica», кн. 16, гл. 3, ВДИ, 1954, № 3, гл. 240; А. И. Тюменев, Херсонесские этюды, ВДИ, 1938, № 2 (3), гл. 256.

ბარე მცირე ქალაქები კარუსა და კერასუნტი. ეს მოსაზრება გამოითქვა მას შემდეგ, რაც აღმოჩნდა ათენის მოკავშირეთა და მათზე დაწესებული ფოროსის რაოდენობის ნუსხის ახალი ფრაგმენტი (წარწერა თარიღდება ძვ. წ. 425/424 წწ-ით). ფრაგმენტის გამომცემელთა აზრით, მასში დასახელებული არიან ქალაქები ეგქსინის პონტოში, მათ შორის კარუსა და კერასუნტი (ამ უკანასკნელის სახელწოდებას კითხულობენ მხოლოდ ერთი, დასაწყისი ასო K-ს საფუძველზე)⁴³. ცხადია, ქ. კარუსას და კერასუნტის მონაწილეობის საკითხი I საზღვაო კავშირში მეტ დასაბუთებას მოითხოვს, მაგრამ ერთი რამ უდავოა: ძვ. წ. V ს-ის დასასრულისათვის კერასუნტი მკიდროდ იყო დაკავშირებული თავის მეტროპოლისთან როგორც ეკონომიურად, ასევე პოლიტიკურად; ქსენოფონტის „ანაბაზისის“ მიხედვით სინოპე აქტიურად ერევა თავის ახალშენების (კერასუნტის, კოტიორას) ცხოვრებაში და წარმართავს მათ ეკონომიურ და პოლიტიკურ ურთიერთობას გარე სამყაროსთან⁴⁴. აქედან გამომდინარე სავსებით დასაშვებად მიგვაჩნია, რომ სინოპეში მომხდარი ცვლილებების შემდეგ მის ახალშენებსაც ათენის ორიენტაცია მიეღოთ და მისი გავლენის სფეროში შესულიყვნენ⁴⁵.

ანტიკურ მწერლობაში, სახელდობრ, ფლავიუს არიანეს „პერიპლუსში“ დაცულია ერთი მეტად საყურადღებო ცნობა, რომელიც საფუძველს გვაძლევს ვიფიქროთ, რომ ათენის გავლენა აღებულ ხანაში შეეხო არა მხოლოდ სინოპესა და მის ახალშენებს, არამედ სამხრეთ-აღმოსავლეთ შავიზღვისპირეთის უფრო შორეულ მხარესაც. ჩვენ მხედველობაში გვაქვს ცნობა ადგილ ათენას შესახებ (ამ ადგილს აიგივებენ თანამედროვე ფაზართან). არიანე გდომოვცემს: „ეგქსინის ზღვის ნაპირზე არის ასეთად (ე. ი. ათენად) წოდებული ადგილი და იქვეა ათენას ბერძნული ტაძარი, რომლისგანაც, როგორც ვფიქრობ, ამ ადგილმა მიიღო სახელი. არის აქ უყურადღებოდ მიტოვებული ციხესიმაგრეც. ზაფხულობით ამ ნავსაყუდელში შეუძლიათ შემოსვლა ზომალდებს მცირერიცხოვნად, იგი იფარავს მათ სამხრეთის ქარისაგან და აღმოსავლეთისაგანაც“⁴⁶. არიანე უთუოდ სწორია იმაში, რომ სახელწოდება ათენა ამ ადგილს მიუღია მას შემდეგ რაც აქ ათენას სახელობის ბერძნული ტაძარი აუგიათ, რადგან უფრო ადრინდელ ხანაში, როგორც ეს ფსევდო-სკილაქსის ცნობებიდან შეიძლება დავასკვნათ (ეს ცნობები კი ძვ. წ. VI ს-ის წყაროდან უნდა მომდინარეობდეს⁴⁷), ამ ადგილას (თანამედროვე ფაზარის ტერიტორიაზე) არსებობდა ლიმნე დ წოდებული ქალაქი⁴⁸.

⁴³ B. D. Meritt, H. T. Wade-Gery, M. F. Mc Gregor, *The Athenien Tribute Lists, I*, Cambridge, 1939, გვ. 528, ქალაქების კარუსას და კერასუნტის მონაწილეობას ათენის კავშირში საეჭვოდ მიიჩნევენ შ. მაქსიმოვა, (დასახ. ნაშრომი, გვ. 98—97) და ი. ბრაშინსკი (К вопросу о положении Нимфея во второй половине V века до н. э., ВДИ, 1955, № 2, გვ. 152).

⁴⁴ Xen., *Anab.*, IV, 8, 22, V, 8—15; М. И. Максимова, დასახ. ნაშრომი, გვ. 76.

⁴⁵ რაც შეეხება კარუსას, რომელიც მოხსენებულია ფსევდო-სკილაქსის „პერიპლუსში“ (Ps.-Scyl., *Peripl.*, 89), იგი მდებარეობდა სინოპესა და ამისოს შორის.

⁴⁶ *Agg.*, *Peripl.*, 4; ფლავიუს არიანე, მოგზაურობა შავი ზღვის გარშემო, თბ., 1961, გვ. 32, 33.

⁴⁷ М. П. Инадзе, *Причерноморские города древней Колхиды*, გვ. 55.

⁴⁸ Ps.-Scyl., *Peripl.*, 8f; C. Müller, *GGM*, vol. I, გვ. 374.



ჩვენ ვფიქრობთ, რომ ათენის ტაძრისა და აქვე არიანეს მიერ შემოსახლებული (მისი დროისათვის უკვე მიტოვებული) ციხესიმაგრის აგება თანამედროვე ფაზარის ტერიტორიაზე ყველაზე უფრო მოსალოდნელია სწორედ ათენის პოლიტიკური და ეკონომიური გააქტიურების ხანაში შავი ზღვის სამხრეთ-აღმოსავლეთ სანაპიროზე (ე. ი. პერიკლეს ექსპედიციის დროს)⁴⁹. ეს არ შეიძლება მომხდარიყო არც ამაზე ადრე, რადგან ჯერ კიდევ ძვ. წ. V ს-ის I ნახევარში ეს მხარე აქემენიანთა სპარსეთს ემორჩილებოდა, და არც უფრო გვიან, რამდენადაც პელოპონესის ომში დამარცხების შემდეგ ამ ადგილებზე ათენს ხელი აღარ მიუწვდებოდა (ნიშანდობლივია, რომ ამ სანაპიროზე და აქ არსებულ ქალაქებზე გავლისას [401 წ.] ქსენოფონტი არსად იხსენიებს ათენს, ან მის მოახალშენებს).

ათენის კულტის დანერგვა პონტოს ამ შორეულ მხარეში, რასაკვირველია, მხოლოდ რელიგიური მიზნებით არ იყო გამოწვეული. თუკიდრედ ცნობებიდან კარგად ჩანს, რომ თავის პოლიტიკური და ეკონომიური ძლიერების ხანაში ათენი ანალოგიურ აქტს მიმართავს სტრატეგიული და ეკონომიური თვალსაზრისით მისთვის განსაკუთრებით მნიშვნელოვან სხვა პუნქტებშიც⁵⁰, რაც ამ ადგილებში მისი გავლენის განმტკიცებას ემსახურებოდა და ამავე დროს ათენის ძალაუფლების ერთგვარ გამოხატულებასაც წარმოადგენდა.

ამრიგად, არიანეს ცნობის განხილვას იმ დასკვნამდე მივყავართ, რომ ათენის გაძლიერების ხანაში მის ერთ-ერთ დასაყრდენ პუნქტს შავი ზღვის სამხრეთ-აღმოსავლეთ სანაპიროზე წარმოადგენდა ადგილი ათენი.

ზედმეტი მწერლობაში დაცული ცნობების, ასევე ეპიგრაფიკული და ნუმისმატიკური მონაცემების საფუძველზე მკვლევარნი ბ. გრაკოვი, ტ. ბლავატსკაია, პ. კარიშკოვსკი და სხვ. ვარაუდობენ, რომ პერიკლეს ექსპედიცია შეეხო დასავლეთ და ჩრდილო შავი ზღვისპირეთსაც. ამ დროს ათენის საზღვაო კავშირში შეყვანილ იქნა აპოლონია⁵¹, ოლვია⁵² და საფიქრებელია ნიმფეუმიც⁵³.

ზემოთ განხილული ფაქტები (სინოპესა და ამისოში ახალშენების გაყვანა, შორეულ ადგილ ათენში ფეხის მოკიდება, პერაკლეს და აპოლონიის, ოლვიისა და ნიმფეუმის შეყვანა საზღვაო კავშირში და სხვ.) გვარწმუნებს, რომ პერიკლეს ექსპედიციას პონტოში გაცილებით მეტი კონკრეტული შედეგი მოჰყვა, ვიდრე ამან პლუტარქეს ზემოგანხილულ ცნობაში ჰპოვა ადგილი.

⁴⁹ М. П. Инадзе, *დასახ. ნაშრომი*, გვ. 55, შენ. 47.

⁵⁰ მაგალითად, ადგილ ლეიითეში, ქალკედონის ნახევარკუნძულზე, რომელიც დასახლებული იყო ათენისადმი მტრულად განწყობილი ხალხებით (თრაკიელები, ელინები, ბისალები) (Thuc., IV, 115, 116).

⁵¹ Т. Б. Блаватская, *Западнопонтийские города в VII—I веках до нашей эры*, М., 1952, გვ. 69. ტ. ბლავატსკაიას ვარაუდით, საზღვაო კავშირმა შედარა ქალაქი კალატიცი, პერაკლეს ახალშენი (იქვე).

⁵² П. О. Карышковский, *დასახ. ნაშრომი*, გვ. 75 და შენდ.

⁵³ იქვე, გვ. 81. ეს მოსაზრება გაზიარებულ იქნა მკვლევართა უმრავლესობის მიერ. პირდაპირი წერილობითი ტრადიციის არსებობის მიუხედავად, ნიმფეუმის მონაწილეობას ათენის პირველ საზღვაო კავშირში საეჭვოდ მიიჩნევდა ს. ებელიოვი (С. А. Жебелев, *Афины, Нимфей и измена Гилона, Северное Причерноморье*, М. Л., 1953, გვ. 180 და შემდ.) (მისი არგუმენტაციის საფუძველიანი კრიტიკა იხ. Т. Б. Блаватская, *Очерки...*, გვ. 69 და შემდ.). თანამედროვე სამეცნიერო ლიტერატურაში ს. ებელიოვის თვალსაზრისს იცავს და ავითარებს ი. ბრაშინსკი (იხ. И. Б. Брашинский, *Понтийская экспедиция Перикла*, გვ. 119.).

განსაკუთრებით ეს უნდა ითქვას პონტოს სამხრეთ-აღმოსავლეთ მხარეზე, სადაც შეიქმნა ათენის დასაყრდენი პუნქტების მთელი ჯაჭვი (პერაკლეა, სინოპე მისი ახალშენებით, კარუსა, ამისო, ადგილი ათენი).

ეს უკანასკნელი გარემოება, ჩვენი აზრით, შემთხვევითი არ უნდა იყოს და უნდა მოასწავებდეს პელოპონესის ომის წინ ათენის განსაკუთრებულ დაინტერესებას შავიზღვისპირეთის ამ მხარით.

ზემოთქმულთან დაკავშირებით აღსანიშნავია შემდეგი გარემოება: პლუტარქე, რომელიც კარგად იცნობს პერიკლეს ექსპედიციის დროს შავიზღვისპირა ქალაქებში შექმნილ ვითარებას (მაგალითად, ათენის მიერ ახალშენის დაარსებას ამისოში და სხვ.), ამ ქალაქებს შორის მხოლოდ სინოპეზე აჩერებს თავის ყურადღებას და საკმაოდ დაწვრილებით გადმოგვცემს აქ მომხდარ ამბებს. ჩვენი აზრით, პლუტარქეს მიერ სინოპეს ეპიზოდის წინ წამოწევა ნიშანდობლივია და იმის მაჩვენებელიც, რომ სამხრეთ შავიზღვისპირეთის ქალაქებს, მათ შორის სინოპეს განსაკუთრებული ადგილი დაუკავებია ათენის ამდროინდელ პოლიტიკაში შავიზღვისპირეთის მიმართ.

რით შეიძლება აიხსნას ათენის ასეთი დაინტერესება სინოპეთი?

ზემოთ ჩვენ აღვნიშნავდით, რომ პელოპონესის ომის წინ ათენის წინაშე მწვავედ დგება ზღვაზე უპირატესობის შენარჩუნების ამოცანა; საჭირო იყო მოკლე დროში უზარმაზარი ფლოტის შექმნა. ეს თავის მხრივ მოითხოვდა გემთსაშენი მასალის მიმწოდებელი ყველა მნიშვნელოვანი ბაზების დაქვემდებარებას და იმის უზრუნველყოფას, რომ ეს რესურსები ხელში არ ჩავარდნოდა მოწინააღმდეგე დაჯგუფებას. აღვნიშნავდით იმასაც, რომ 30-იან წლებში ათენი კონტროლს აწეებს შავი ზღვის სრუტეებზე, რის შედეგადაც პურის ექსპორტთან ერთად მისი მეთვალყურეობის ქვეშ უნდა მოქცეულიყო პონტოდან გემთსაშენი რესურსების გატანაც. მაგრამ, როგორც ჩანს, სრუტეებზე ჰეგემონობა კიდევ არ ნიშნავდა პონტოს ბაზრებზე ბატონობას. სრუტეებზე კონტროლი ყოველთვის ვერ ხორციელდებოდა, ამასთან მოკლე დროში დიდი რაოდენობით ხე-ტყისა და სხვა რესურსების ექსპორტირება ათენში მისგან საკმაოდ დაშორებული რაიონებიდან ტექნიკურად რთულ საქმეს წარმოადგენდა. ამიტომ, როგორც ჩანს, ათენმა საჭიროდ დაინახა საიმედო დასაყრდენი პუნქტების შექმნა შავი ზღვის ხე-ტყით მდიდარ რაიონებში, აქ ატიკური ახალშენებისა და სხვა დასახლებების შექმნის გზით. პლუტარქეს ცნობის განხილვა საფუძველს გვაძლევს ვიფიქროთ, რომ ამიერიდან, ე. ი. პერიკლეს მიერ მიღებული ზომების შემდეგ, სამხრეთი შავიზღვისპირეთის ქალაქები გადაიქცნენ ათენისათვის ამ მხარიდან გემთსაშენი მასალის გასატან უმნიშვნელოვანეს ბაზებად. ხოლო ქალაქი სინოპე მის უმთავრეს დასაყრდენად, რომლის მეშვეობითაც ათენი ახორციელებდა ამ მხარის ეკონომიურ ათვისებას, სხვა ახალშენების გაყვანას და სხვ.⁵⁴

სინოპეს წამყვან როლს სამხრეთ შავიზღვისპირეთიდან გემთსაშენი მასალის გატანის საქმეში ადასტურებენ სხვა მონაცემებიც, რომლებიც თეოფრასტესა და სტრაბონს აქვთ დაცული. „გეოგრაფიის“ ერთ ადგილას სტრაბონი აღნიშნავს, „კიტორე ერთ დროს სინოპეს ემპორიონი იყო, კიტორესთან არის საუკეთესო ჯიშის ბუჩის ჭალა“⁵⁵. ანალოგიურ ცნობას კიტორეს შესა-

⁵⁴ მანამდე სინოპეს ასეთი როლი ათენის ეკონომიურ ურთიერთობაში გამოიხატებოდა, რადგან იგი ათენის მიმართ მტრულად განწყობილ ტირანთა ხელში იმყოფებოდა.

⁵⁵ Strabo, XII, 3, 10.

ხებ გხვდებით უფრო ადრინდელ (ძვ. წ. IV ს-ის) ავტორ თეოფრასტესთან, რომლის თანახმად „გემთსაშენი ხე-ტყე იზრდება კიტორეს მთაზე, სადაც სინოპელეზმა დააფუძნეს თავისი ფაქტორია“⁵⁶. მოტიანილი ცნობებიდან აშკარად ჩანს, რომ სინოპელთა მიერ ემპორიონის დაარსება კიტორეში ნაკარნახევი იყო მახლობლად ძვირფასი ჯიშის ხე-ტყის არსებობით, რომელსაც საქსპორტო დანიშნულება ჰქონია. ხე-ტყის გატანას კიტორეს მხარიდან, როგორც ირაკვევა, სინოპელები ედგნენ სათავეში. თუ გავითვალისწინებთ იმას, რომ თეოფრასტეს დროს (ძვ. წ. IV ს.) ეს ემპორიონი უკვე დაარსებულია, ხოლო ძვ. წ. IV ს-ის მიწურულს, სტრაბონის ცნობების თანახმად, ქ. კიტორეს მოსახლეობა უერთდება ამასტრიის მოსახლეობას, აქვე მდებარე ემპორიონი კი კარგავს თავის მნიშვნელობას⁵⁷, მაშინ უნდა ვიფიქროთ ისიც, რომ ემპორიონ კიტორეს ეკონომიური აღმავლობა განეკუთვნება ჩვენთვის საინტერესო ხანას, ე. ი. იმ პერიოდს, როდესაც საბერძნეთის ცენტრებში განსაკუთრებით იზრდება მოთხოვნილება შავიზღვისპირეთის გემთმშენებლობისათვის საჭირო რესურსებზე და ამასთან ერთად სინოპეს როლიც მათი ექსპორტირების საქმეში.

რაკი სინოპეს ემპორიონი კიტორე შავი ზღვის სამხრეთი სანაპიროს დასავლეთ სექტორში მდებარეობდა⁵⁸, სინოპედან საკმაოდ დაშორებით (დღ. კარამბის კონცხიდან დასავლეთით დაახლოებით 20 კმ-ის მანძილზე), ხოლო ასეთივე სავაჭრო ადგილები სინოპეს ჰქონდა ამ სანაპიროს უკიდურეს აღმოსავლეთ რაიონებში ჯერ კიდევ ძვ. წ. VI საუკუნეში დაარსებული ახალშენების (კოტიორა, კერასუნტი, ტრაპეზუნტი) სახით, გამოდის, რომ აღებულ ხანაში თითქმის მთელი სამხრეთ შავიზღვისპირეთის ბუნებრივი რესურსებით ვაჭრობა სინოპეს ხელში იყო თავმოყრილი. ამდენად ათენის მიერ ამ მხარიდან გემთსაშენი მასალის ექსპორტირება მხოლოდ სინოპეს მხარდაჭერით და მისი მეშვეობით თუ შეიძლებოდა განხორციელებულიყო.

აქედან გამომდინარე საესებით გასაგები ხდება სინოპეს განსაკუთრებული როლი პერიკლეს პოლიტიკაში შავიზღვისპირეთის მიმართ, რის შესახებაც ზემოთ გვქონდა საუბარი პლუტარქეს ცნობის განხილვისას.

მაგრამ ათენის განსაკუთრებული დანტერესება სინოპესა და საერთოდ პონტოს სამხრეთი სანაპიროს ქალაქების შემომტკიცებით, როგორც ირაკვევა, მხოლოდ ეკონომიური მიზეზებით არ იყო განპირობებული. რაკი ათენი მომავალი ომის წინაშე იდგა, რომლის დროსაც პონტოს ბაზრებს გადაწყვეტილი უნდა შეესრულებინა, აღნიშნული ქალაქების ეკონომიური დაქვემდებარება, მათი საიმედო დასაყრდენ პუნქტებად გადაქცევა მოითხოვდა აქ ათენის პოლიტიკური პოზიციების განმტკიცებასაც, მათი პოლიტიკური მხარდაჭერის უზრუნველყოფას. ეს მით უფრო აუცილებელი იყო, რომ პონტოს სამხრეთი სანაპიროს ქალაქების მოსახლეობის დიდი ნაწილი (ადგილობრივი არისტოკრატიის წარმომადგენელნი⁵⁹, ქალაქის ოლიგარქიული წრეები)⁶⁰ არ

⁵⁶ Theoph. , IV, 5, 3.

⁵⁷ Strabo. XII, 3, 10; М. И. Максимова, დასახ. ნაშრომი, გვ. 73.

⁵⁸ Ilias, II, 853, Ps-Skyl. , Periopl. , 90; Arr. , Periopl. , 20 და სხვ. კიტორე უფროდ განლაგებული იყო თანამედროვე მცირე ქალაქის კუდროსის ადგილას (იხ. М. И. Максимова, დასახ. ნაშრომი, გვ. 73).

⁵⁹ М. И. Максимова, დასახ. ნაშრომი, გვ. 98, 99. .

⁶⁰ А. И. Тю менев, Херсонесские этюды, გვ. 256, 257.

იყო ათენის მიმართ მეგობრულად განწყობილი. გარდა ამისა, აქ ჯერ კიდევ საკმაოდ ძლიერი იყო ათენის დაუძინებელი მტრის, აქემენიანთა სპარსეთის გავლენა. ქალაქის მმართველ წრეებში არსებობდნენ ათენის საწინააღმდეგოდ განწყობილი ძალები, რომლებიც სპარსეთის ორიენტაციისაკენ იხრებოდნენ, ზოგიერთ ქალაქში კი მავალითად, პერაკლეაში აშკარად იჩენს თავს სპარსეთის დახმარებით ათენის პოლიტიკური დამოკიდებულებისაგან თავის დაღწევის ტენდენცია.

პომპეუს ტროგოსის ნაშრომის ეპიტომეში, რომელიც იუსტინეს ეკუთვნის, მოთხრობილია, თუ როგორ განუდგა ათენს ძვ. წ. 424 წლის წინა ხანებში პერაკლეს მოსახლეობა და სპარსეთის მეფეების მიმართ მეგობრული განწყობილების გამო (*ob amicitiam regum Persicorum*) უარი განაცხადა დაკისრებული ფოროსის გადახდაზე. იუსტინეს გადმოცემით, პერაკლეოტელთათვის ათენს ეს ურჩობა არ უპატიებია, მათთან გაუგზავნია სტრატიკეი ლამახი ჯარით, რათა ძალით აედო ის, რაზედაც ისინი უარს ამბობდნენ (დამარცხების მოუხედავად ლამახმა, როგორც ფიქრობენ, ქალაქის დემოკრატიული ძალების დახმარებით მაინც შეძლო დროებით ათენის გავლენის აღდგენა პერაკლეაში)⁶¹.

მ. მაქსიმოვას აზრით, აღებულ ხანაში სპარსეთის ორიენტაციისაკენ იხრებოდა და მისი მხარდაჭერით სარგებლობდა სინოპეს ტირანი ტიმესილეოსიც, რომელიც ადგილობრივ წარჩინებულთა ფენიდან უნდა ყოფილიყო გამოსული. ყოველ შემთხვევაში, აშკარაა, რომ იგი არ იყო მეგობრულად განწყობილი ათენის დემოკრატიის მიმართ⁶².

ათენის დემოკრატიის მმართველი წრე კარგად ხედავდა სპარსეთისაგან მოსალოდნელ საფრთხეს და ცდილობდა მისგან თავის დაღწევას. ზემოაღნიშნული საფუძველს გვაძლევს ვამპტიკოთ, რომ ათენის აქტიური ჩარევა პონტოს სამხრეთი სანაპიროს ქალაქების ცხოვრებაში სპარსეთისაგან მოსალოდნელი საფრთხის წინააღმდეგაც იყო მიმართული.

აღნიშნულ ქალაქებში დასაყრდენი პუნქტების შექმნით ათენი ცდილობდა თავიდან აეცილებინა სპარსეთის მოსალოდნელი ჩარევა პონტოს საქმეებში, და ამით უფრო საიმედო და მყარი გაეხადა ამ ქალაქების ეკონომიური მხარდაჭერა მომავალ ომში. ამრიგად, პოლიტიკური პოზიციების განმტკიცებით ათენი უზრუნველყოფდა თავისი ეკონომიური ინტერესების დაცვას პონტოში.

⁶¹ Iustin. *Historiae Philippica*, წ. XVI, თ. 3. ლათინური ტექსტი რუსული თარგმანით იხ. ВДИ. 1954, № 3, გვ. 240; ლამახის ექსპედიციის შესახებ პერაკლეაში გვამცნობენ ასევე თუციდიდე (IV, 75, 1—2) და დიოდორე (XII, 72). თუციდიდეს ცნობით, ლამახს ძვ. წ. 424 წელს ებარა ათენის იმ ფლოტილის ნაწილი (10 ხომალდი), რომელიც ჰელესპონტის მიდამოებში დაეკარგა და სავანგებოდ გამოყოფილი იყო მოკავშირე ქალაქებისგან ფოროსის ასაკრებად (Thuc., IV, 50; II, 69; III 19). ეს ის ლამახია, რომელიც ჯერ კიდევ პერიკლეს ექსპედიციის დროს აქტიურ როლს თამაშობს პონტოს საქმეებში. პერიკლეს დავალებით რჩება სინოპეში ადგილობრივი ტირანის ტიმესილეოსის გასადევნად და სხვ. აქედან ჩანს, რომ ლამახს საკმაოდ დიდი ხნის განმავლობაში ებარა პონტოს საქმეები, და ათენის მიერ შავიზღვისპირეთში ჩატარებული ღონისძიებანიც უშუალოდ მისი მონაწილეობით და მეტაფორებით ხორციელდებოდა.

⁶² М. И. Максимов, *დასახ. ნაშრომი*, გვ. 101, 102; ტ. ბლავატსკაიას აზრით, აღებულ ხანაში სპარსეთის დიპლომატია ცდილობს თავის ორბიტაში მოაქციოს ბოსფორის ტრანზიტები (Т. В. Блаватская, *Очерки...* გვ. 81).



მაგრამ ათენის ინტერესებს პონტოში მხოლოდ სპარსეთისაგან არ მოელოდა საფრთხე. აღებულ ხანაში (ძვ. წ. V ს-ის შუახანებში) შავიზღვისპირეთის ელინური ქალაქებისა და სავაჭრო ცენტრების მეზობლად არსებობდა სრულიად განსხვავებული პოლიტიკური ორიენტაციის მქონე სახელმწიფო ერთეულები და ტომთა კავშირები, რომელთა დიდი ნაწილი არ იყო ათენის მიმართ მეგობრულად განწყობილი (მაგალითად, დასავლეთ შავიზღვისპირეთში თრაკიის ოდრისთა სამეფო; ჩრდილოეთით ბოსფორი, რომელსაც არქეანაქტიდები ედგნენ სათავეში). რაც შეეხება პონტოს სამხრეთ-აღმოსავლეთ და აღმოსავლეთ სანაპიროს მოსახლეობას, კოლხებსა და მათ მეზობლად მცხოვრებ ტომებს, პერიკლეს ექსპედიციის წინა პერიოდში, კერძოდ, ძვ. წ. V ს-ის შუახანებში (როდესაც პეროდოტემ მოიარა და აღწერა ეს მხარე) ისინი ჯერ კიდევ სცნობდნენ აქემენიანთა ირანის ძალაუფლებას⁶³.

ზემოთქმულიდან გამომდინარე უნდა ვიფიქროთ, რომ ათენელთა მიერ უზარმაზარი, კარგად აღჭურვილი ფლოტის შეყვანა პონტოში, მისი დემონსტრირება, რაზედაც მოგვითხრობს პლუტარქე, მიმართული იყო არა მარტო სპარსეთის გავლენის წინააღმდეგ სამხრეთ შავიზღვისპირეთის ქალაქებში, არამედ ასევე ათენისწინებდა პონტოს სანაპიროებზე არსებული პოლიტიკური ერთეულებისა და სატომო გაერთიანებების მეფე-მთავრების მიმხრობას, მათი მხარდაჭერის უზრუნველყოფას.

თუკიდდეს და პლუტარქეს ნაშრომებში დაცული მთელი რიგი მონაცემები მოწმობენ თუ რა დიდ მნიშვნელობას ანიჭებდა ათენი „ბარბაროს“ (ე. ი. არაბერძენი) მეფე-დინასტების მიმხრობას⁶⁴, „მეგობრულ დამოკიდებულებას მეფეებთან და კავშირს დინასტებთან“⁶⁵.

იმავე თუკიდდეს ცნობით, პელოპონესის ომის დასაწყისში (ძვ. წ. 430 წ.) ათენი მშვიდობიანი გზით აღწევს შეთანხმებას თრაკიის ოდრისთა მეფე სიტალკესთან და მისი დახმარებით ცდილობს თრაკიის დანარჩენი ნაწილისა და მაკედონიის მიმხრობას⁶⁶.

როგორც მკვლევარნი ვარაუდობენ, ათენის დიპლომატიის ჩარევით ხდება (სწორედ პერიკლეს ექსპედიციის დროს, ე. ი. 30-იან წლებში) პოლიტიკური გადატრიალება კიმერიულ ბოსფორშიც, არქეანაქტიდების დინასტიის შე-

⁶³ ასეთი დასკვნის გაკეთება შეიძლება შავი ზღვის სამხრეთ-აღმოსავლეთ და აღმოსავლეთ სანაპიროს მოსახლეობის აღწერილობიდან, რომელიც პეროდოტეს აქვს დაცული. პეროდოტე გადმოგვცემს, რომ კოლხები და მათ მეზობლად მცხოვრებ ტომები მის დრომდე იხილდნენ აქემენიანთა მიმართ დაკისრებულ ვალდებულებას (Her., 3, 97). რაკი სამეცნიერო ლიტერატურაში მიღებული აზრის თანახმად, პეროდოტეს მოგზაურობა ამ მხარეში და მისი აღწერილობის შედგენა ძვ. წ. V ს-ის 50-იან, ან 40-იან წლებშია საუარაუდებელი (ძვ. წ. 455—445 წლებს შორის), მისი ზემოთმოტანილი ცნობაც კოლხებისა და სხვა მათ მეზობელ ტომთა სპარსეთისაგან დამოკიდებულების შესახებ ამ ხნის ვითარების ანსახველია (E. Powell, The History of Herodotus, Cambridge, 1939, გვ. 25; В. Г. Барухович, Научное и литературное значение труда Геродота, წიგნში: Геродот, История в десяти книгах, Перевод и примечания Г. А. Стратановского, Л., 1972, გვ. 466).

⁶⁴ თუკიდდე გადმოგვცემს, რომ პელოპონესის ომისათვის მზადების პერიოდში ათენელები, ისევე როგორც სპარტელები აჯაენიან ელჩებს ბარბაროსებთან, რომელთაგან მოვლიან დახმარებას, ჰკარავენ კავშირს სახელმწიფოებთან, რომელნიც მათი ძალაუფლების ფარგლებს გარეთ იმყოფებოდნენ (Thuc., II, 7).

⁶⁵ Plut., Per., XV.

⁶⁶ Thuc., II, 29.

ცვლა ათენისადმი კეთილგანწყობილი სპარტოციდებით⁶⁷, რის შემდეგაც ბევრად უფრო მტკიცდება ათენის ეკონომიური კავშირი ბოსფორთან⁶⁸.

ყოველივე ზემოთქმულიდან აშკარაა, რომ პერიკლეს მიერ ჩატარებული პოლიტიკის შედეგად ათენის გავლენა პონტოში მნიშვნელოვნად ფართოვდება. ამასთან ათენის პოლიტიკურ ორბიტაში ექცევა არა მხოლოდ პონტოში შესასვლელი სრუტეების მახლობლად მდებარე ადგილები, არამედ მისგან საკმაოდ დაშორებული რაიონებიც.

ამდენად პლუტარქეს ზემოთ განხილულ ცნობაში დაცული სიტყვები ათენელები „დაცურავენ სადაც მოესურვებათ და მთელი ზღვა (ე. ი. შავი ზღვა) ხელთ უპყრიათ“ პროათენურად განწყობილი ავტორის ტენდენციური გამონათქვამი კი არ არის, არამედ გარკვეული რეალური ისტორიული ვითარების გამომხატველია.

როგორ წარმოგვიდგება პონტოში შექმნილი ვითარების ფონზე ათენის ურთიერთდამოკიდებულება საკუთრივ კოლხეთსა და მის ქალაქებთან?

ამ კითხვაზე პასუხის გასაცემად სამწუხაროდ ჩვენ არ გავაჩნია პირდაპირი წერილობითი ცნობები, მაგრამ პონტოში შექმნილი რთული ვითარების შესწავლამ ზოგიერთი არაპირდაპირი მონაცემისა და, რაც მთავარია, დასავლეთ საქართველოს ანტიკური ნაქალაქარების არქეოლოგიური მონაპოვარის გათვალისწინებით, მაინც შეიძლება გარკვეულ დასკვნებამდე მიგვიყვანოს.

ზემოთ ჩვენ უკვე გვქონდა ლაპარაკი იმის შესახებ, რომ ძვ. წ. V ს-ის შუახანებში (50-იან, 40-იან წლებში), იმ დროს, როდესაც პეროდოტემ იმოგზაურა შავი ზღვის აღმოსავლეთ სანაპიროზე და აღწერა ეს მხარე, აქ მოსახლე კოლხები სხვა მეზობელ ტომებთან ერთად ჯერ კიდევ ცნობდნენ სპარსეთის ძალაუფლებას და მას ექვემდებარებოდნენ.

მეორე მხრივ, ბერძენი ავტორის ქსენოფონტის „ანაბაზისის“ ცნობებზე დაყრდნობით სამეცნიერო ლიტერატურაში უკვე შენიშნულია, რომ იმ დროს, როდესაც ქსენოფონტმა თავისი რაზმით გაიარა სამხრეთ კოლხეთის ტერიტორიაზე (ძვ. წ. 401 წ.), აქემენიანთა დამოკიდებულებისაგან განთავისუფლებული იყვნენ კოლხებზე ბევრად უფრო სამხრეთით მცხოვრები ტომები (მაგ. კარდუხები). აქედან მკვლევართ გამოაქვთ დასკვნა, რომ აღნიშნული ხანისათვის კოლხებსაც თავი უნდა დაეღწიათ აქემენიანთა გავლენისა და ძღვენისაგან⁶⁹.

ამრიგად, კოლხთა განთავისუფლება აქემენიანთა დამოკიდებულებისგან ძვ. წ. V ს-ის მეორე ნახევარში უნდა მომხდარიყო (ამ ხნის განმავლობაშია სავარაუდებელი).

ეხლა თუ გავისხენებთ ყოველივე ზემოთქმულს სპარსეთის მიმართ პერიკლეს მიერ გატარებული პოლიტიკის შესახებ შავი ზღვის სამხრეთ-აღმოსავლეთ სანაპიროზე: ათენი ყოველმხრივ ებრძვის ამ სანაპიროზე სპარსეთის გავლენას, ქმნის აქ თავის დასაყრდენ პუნქტებს, შემოჰყავს საბრძოლოდ აღჭურვილი საზღვაო ძალები, აქტიურად ერევა აქ არსებულ ქალაქთა ცხოვრე-

⁶⁷ L. Ното, Périclès, P., 1954, გვ. 189; И. Б. Брашинский, Понтийская экспедиция Перикла, гв. 115, 116, 120; შუალ. Э. Берзин, Сандика. Боспор и Афины в последней четверти V в. до н. э., ВДИ, 1958, №1, გვ. 125-128.

⁶⁸ И. Б. Брашинский, დასახ. ნაშრომი, გვ. 120.

⁶⁹ საქართველოს ისტორიის ნარკვევები, ტ. 1, თბ., 1970, გვ. 415.



საქართველოს
მეცნიერებათა
აкадеმიის
ლოგო

ბაში და დევნის აქედან სპარსეთის მომხრე ძალებს, გვაქვს საფუძველი ვიფიქროთ, რომ აქემენიანთა სპარსეთის გავლენის შესუსტება სამხრეთ-აღმოსავლეთ და აღმოსავლეთ შავიზღვისპირეთში უკვე ამ ხანიდანვე (ე. ი. 30-იანი წლებიდან) უნდა დაწყებულიყო⁷⁰.

გარდა ამისა, თუ მხედველობაში მივიღებთ იმასაც, რომ ათენი ამ დროს დიდად იყო დაინტერესებული პონტოს დასავლეთ და ჩრდილო სანაპიროებზე არსებულ სამეფოებთან მშვიდობიანი შეთანხმებით და კიდევ შეძლო მათი კეთილგანწყობილების მოპოვება, არ არის გამორიცხული, რომ ათენის დიპლომატიას ასეთივე ნაბიჯები გადაედგა კოლხეთის სამეფოს მიმართაც. ამაზე არაპირდაპირ შეიძლება მიუთითებდეს ეკონომიური ურთიერთობის ის დიდი აღმავლობა, რომელიც ძვ. წ. V ს-ის მეორე ნახევრიდან შეინიშნება არა მხოლოდ ათენსა და კოლხეთის ზღვისპირა, არამედ მის შიდა რაიონებს შორისაც. სადღეისოდ ჩვენ ხელთ არსებული არქეოლოგიური მასალა საფუძველს გვაძლევს უფრო მეტი ვთქვით აღებულ ხანაში ათენის ურთიერთდამოკიდებულებების შესახებ კოლხეთის ზღვისპირა ქალაქებთან.

ამ ორმოციოდ წლის წინ ოჩამჩირის ტერიტორიაზე ჩატარებულია არქეოლოგიური კვლევა-ძიების შედეგად ადგილობრივ ნაწარმთან ერთად მოპოვებულმა საკმაოდ მრავალრიცხოვანმა იმპორტულმა კერამიკამ და მონეტებმა (საკვებად მოლუსკების გამოყენება, თიხის ურნაში მიცვალებულის ფერფლის ჩატანება, რაც ადგილობრივ მოსახლეობის ცხოვრებისა და დამარხვის წესებისათვის არ იყო დამახასიათებელი), საფუძველი მისცა არქეოლოგებს (მ. ივაშჩენკოს, ლ. სოლოვიოვს, ბ. კუფტინს) გამოეთქვათ მოსახრება აქ, ოჩამჩირის ტერიტორიაზე ძვ. წ. V საუკუნიდან (ადგილობრივ სამოსახლოს გვერდით) ბერძნული დასახლების, სავაჭრო ფაქტორიის არსებობის შესახებ, რომელიც ფსევდო-სკილაქსის „პერიპლუსში“ მოხსენიებულ ქალაქ გიენოსს შეესატყვისება⁷¹.

უქანასკნელ ხანებში ოჩამჩირის მასალა ხელახლა იქნა საფუძველიანად გადამუშავებული არქეოლოგების ოთ. ლორთქიფანიძის, ნ. მათიაშვილისა და დ. კაჭარავას მიერ⁷². მასალის შესწავლის შედეგად დადგინდა, რომ 1. ბერძნული სამოსახლო ოჩამჩირის ტერიტორიაზე უნდა წარმოქმნილიყო არაუადრეს ძვ. წ. V ს-ის შუახანებისა (ე. ი. მის II ნახევარში) და 2. თავის განვითა-

⁷⁰ აქვე ჩვენ არ გვაიწყდება სხვა ფაქტორებიც. სპარსეთის სამეფოს სიერთო დასუსტება, შინაური არეულობა, ბრძოლა ტახტისათვის სამეფო სახლის წევრებს შორის (განსაკუთრებით არტაქსერქსე I ვარდაცვალების შემდეგ—ძვ. წ. 424 წლიდან) (A. T. Olmstead, *History of the Persian Empire, Chicado—London, 1970*, გვ. 355—357). რამაც თავის მხრივ უდავოდ დიდი როლი ითამაშა სპარსეთის დამოკიდებულებისაგან შავი ზღვის სამხრეთ-აღმოსავლეთი და აღმოსავლეთი სანაპიროს მოსახლეობის, მათ შორის კოლხების განთავისუფლებასში.

⁷¹ М. М. Иващенко, Краткий предварительный отчет об археологическом обследовании памятников древности на территории строительства Очамчирского порта. 1936 (ხელნაწერი); Б. А. Куфтин, Материалы к археологии Колхиды, т. II, Тб., 1950, გვ. 265, 266.

⁷² ოთ. ლორთქიფანიძე, ანტიკური სამყარო და ძველი კოლხეთი, თბ., 1966, გვ. 55—58, 81—82 და შემდ.; ნ. მათიაშვილი, ოჩამჩირის ანტიკური ნამოსახლარის კერამიკა, ასპირანტთა და ახალგაზრდა მეცნ. მუშაკთა სამეცნიერო კონფერენცია, მოხსენებათა თეზისები, თბ., 1968, გვ. 28; Д. Качаравა, Горы Гиза: в античную эпоху (К истории городов Восточного Причерноморья), Автореферат, Тб., 1972.

რების პირველ ეტაპზე (ძვ. წ. V—IV სს-ში) გიენოსის იმპორტში სჭარბობდა ატიკური ნაწარმი, ე. ი. ამ ხანაში გიენოსი ატიკის მეშვეობით უკავშირდებოდა ბერძნული სამყაროს ცენტრებს.

გიენოსის არქეოლოგიური მასალა ჯერ კიდევ გადამუშავების პროცესში იმყოფებოდა და მისი შესწავლის შედეგების მხოლოდ ნაწილი იყო გამოქვეყნებული, როდესაც ჩვენ ამ შედეგებზე დაყრდნობით პერიკლეს დროს პონტოში შექმნილი ვითარების ზოგადი სურათის გათვალისწინებით 1968 წელს გამოქვეყნებულ ნაშრომში (Причерноморские города древней Колхиды) გამოვთქვით ვარაუდი, რომლის თანახმად გიენოსის ეკონომიური აღორძინება უნდა უკავშირდებოდეს პერიკლეს აქტიურ პოლიტიკას შავიზღვისპირეთში და ბერძნული სავაჭრო დასახლება ოჩამჩირის ტერიტორიაზე ათენის მიერ უნდა ყოფილიყო დაარსებული (ძვ. წ. V საუკუნეში)⁷³. იგივე მოსაზრება ჩვენ მიერ განმეორებით გამოითქვა რეცენზიაში დ. კაპარავას საკანდიდატო დისერტაციაზე („ქალაქი გიენოსი ანტიკურ ხანაში“, თბ., 1972 წ.), რომელიც გიენოსის ისტორიულ-არქეოლოგიურ შესწავლას მიეძღვნა. აქვე ჩვენ აღვნიშნავდით, რომ დასავლეთ საქართველოს ანტიკური ნაქალაქარების არქეოლოგიური კვლევის გაღრმავებასთან ერთად საჭიროა გადაიხედოს კოლხეთის ზღვისპირა ქალაქების ათენთან ურთიერთდამოკიდებულების საკითხი; კერძოდ, ათენის სავაჭრო ფაქტორიების არსებობა ამ დროს შესაძლებელია ვივარაუდოთ არა მხოლოდ გიენოსში, არამედ კოლხეთის ზღვისპირეთის სხვა ადგილებშიც⁷⁴.

ანალოგიურ დასკვნამდე მივიდა ფიჭვნარის ანტიკური ნაქალაქარის არქეოლოგიური კვლევა-ძიების შედეგად ა. კახიძე. კერძოდ, ფიჭვნარის ტერიტორიაზე ძვ. წ. V ს-ის მეორე ნახევრის ბერძნული მოსახლეობის სამაროვნის აღმოჩენამ და აქვე მოპოვებულმა მდიდრულმა კერამიკულმა მასალამ, რომელშიც ჭარბობს ატიკური ნაწარმი (მოხატული ჭურჭელი და სხვ.), მას საფუძველი მისცა ადგილობრივი კოლხური მოსახლეობის გვერდით ფიჭვნარის ტერიტორიაზე ატიკური დასახლების არსებობა ევარაუდა⁷⁵.

ჩვენს აზრით, ამ თვალსაზრისით საინტერესო სურათს იძლევა უკანასკნელ ხანებში (1967—1970 წწ.) ეშერის ნაქალაქარზე გამოვლენილი არქეოლოგიური მასალაც. კერძოდ, ატიკური კერამიკა, რომლის ფრაგმენტები ძვ. წ. V ს-ის

⁷³ М. П. Инадзе, დასახ. ნაშრომი, გვ. 125, 200 და შემდ.

⁷⁴ აზრი გიენოსში ატიკის სამოსახლოს დაარსების შესახებ (ძვ. წ. V ს-ის მეორე ნახევარში) ამავე ხანებში (1968 წ.) ჩვენგან დამოუკიდებლად გამოთქვა ნ. მათიაშვილმა, რომელმაც სპეციალურად შეისწავლა ოჩამჩირის კერამიკა, თუმცა ეს ნაშრომი არ გამოქვეყნებია (იხ. ზემოთ დასახელებული თეზისები).

⁷⁵ ა. კახიძე, ფიჭვნარის წითელფიფურიანი კრატერი, საქართველოს სსრ მეცნ. აკად. მოამბე, ტ. 69, № 2, თბ., 1973, გვ. 507. სადღესოდ ფიჭვნარის ბერძნულ სამაროვანზე გათხრილია 28 ინჰუმაციური და 3 კრემაციული სამარხი 1963, 1967 და 1972 წლებში გამოვლენილ სამარხეულ კომპლექსებში კერამიკასთან ერთად ხშირად იქნის თავს ვერცხლის თასები, ღოჭები, ოქროსა და ვერცხლის სამკაულები, უცხოური მონეტები, და ა. შ. განსხვავებული სურათია 1973 წელს გამოვლენილ სამარხებში, რომლებიც მინცდამინც არ გათხრიან ჩვენგან მდიდრული ინვენტარით (ა. კახიძე, საქართველოს ზღვისპირეთის ანტიკური ხანის ქალაქები, თბ., 1971, გვ. 16; ა. კახიძე და სხვ., არქეოლოგიური გათხრები ფიჭვნარის სამაროვნის ტერიტორიაზე, სიველე არქეოლოგიური კვლევა-ძიება 1973 წელს [მოკლე ანგარიშები], თბ., 1974, გვ. 92).

შუახანებს არ სცილდება, ასევე ატიკური მუზარადის ფრაგმენტები (რომლებიც ძვ. წ. V ს-ის მეორე ნახევრით თარიღდება)⁷⁶ და სხვ.

მთელი ეს ახლადგამოვლენილი არქეოლოგიური მასალა, ისევე როგორც წერილობითი წყაროების დეტალური ანალიზი, რის საფუძველზედაც ზემოთ ჩვენ შევეცადეთ წარმოგვედგინა ძვ. წ. V ს-ის მეორე ნახევარში შავიზღვისპირეთში შექმნილი ვითარება, უფლებას გვაძლევს უფრო დაბეჭილებით ვამტკიცოთ ჩვენ მიერ ადრე გამოთქმული თვალსაზრისი აღებულ ხანაში კოლხეთის ზღვისპირეთის ზოგიერთ ადგილას ატიკური სამოსახლოების არსებობის შესახებ.

მართლაც რაკი პელოპონესის ომისათვის მზადების პერიოდში და მისი მსვლელობის დროსაც ათენის ურთიერთობა პონტოსთან არ იფარგლება უბრალო აღებ-მიცემით, არამედ გარკვეული პოლიტიკური ინტერესები უკარნახებს ათენს განამტკიცოს აქ თავის პოზიციები, შექმნას პონტოს გემთსაშენი მასალით მდიდარ რაიონებში თავის დასაყრდენი პუნქტები, რომლებიც უზრუნველყოფდნენ ამ მხარიდან დასახლებული რესურსების გატანის ორგანიზაციას, ამასთან სავაჭრო ურთიერთობა შავიზღვისპირეთთან ამ დროს ათენის ხელში ექცევა და მისი მეშვეობით ხორციელდება, სრული საფუძველი გვაქვს ვიფიქროთ, რომ ის ბერძნული დასახელებები, რომლებიც ძვ. წ. V ს-ის მეორე ნახევარში ჩნდებიან კოლხეთის სანაპიროს ბუნებრივი რესურსებით (გემთსაშენი მასალით, რკინით, სპილენძით და სხვ.) მდიდარ რაიონებში (ოჩამჩირე, ფიჭვნარი, შესაძლებელია ეშერი), სწორედ ათენის დაარსებული უნდა იყოს პელოპონესის ომისათვის მზადებისა და მისი შავ ზღვაზე ეკონომიური ბატონობის ხანაში⁷⁷.

როგორც ჩანს, ეს ატიკური სამოსახლოები კოლხეთში წარმოადგენდნენ დასახლებათა იმ ჯაჭვის გავრცელებას, რომელიც ათენმა პონტოს სამხრეთ-აღმოსავლეთ სანაპიროზე შექმნა ქ. სინოპეზე დაყრდნობით და მისი მეშვეობით. არ არის გამორიცხული, რომ ასეთივე დასაყრდენის როლი შეესრულებინა სინოპეს ატიკურ სამოსახლოთა დაარსების დროს კოლხეთის სანაპიროზე.

ამაზე არაპირდაპირ შეიძლება მეტყველებდეს სინოპეს კერამიკული წარმოების გავლენა ფიჭვნარის სამეთუნეო ნაწარმზე (ამფორები, კრამიტი)⁷⁸, ფიჭვნარსა და სამხრეთ-აღმოსავლეთ შავიზღვისპირეთის ცენტრებს შორის ჯერ კიდევ ძვ. წ. V საუკუნეში არსებული მჭიდრო ეკონომიური ურთიერთობა, რაც დასტურდება ფიჭვნარში ამისოსა და სინოპეს იშვიათი მონეტების აღმოჩენით (ამისოს ვერცხლის სიკლი ლეგენდით ΠΕΙΡΑ თარიღდება ძვ. წ. V ს-ის II ნახევრით და ძვ. წ. IV ს-ის I ნახევრით⁷⁹; სინოპეს ვერცხლის დრაქ-

⁷⁶ Ю. Н. Воронцов, Об Эшерском городище, Советская археология, 1972, № 1, გვ. 103 და შემდ.

⁷⁷ კოლხეთის ზღვისპირეთის ჩრდილოეთი ნაწილის განსაკუთრებული სიმდიდრე ძეგრუასი ჯიშის ხე-ტყით დასტურდება არაერთი მონაცემით. აღსანიშნავია, რომ XIX საუკუნეში ოჩამჩირიდან დიდი რაოდენობით გაქონდათ რუსეთსა და ევროპაში ბზა (В. П. Пачулия, В краю золотого руна, М., 1964, გვ. 51). არის აზრი, რომ გეოგრაფიული სახელი ოჩამჩირი წარმომდგარა თურქული სიტყვიდან „ოჩმირ“ (—ბზა ან ბზის ქალა), რაც იჩამჩირის მიდამოების ბზით განსაკუთრებულ სიმდიდრეზე უნდა მიუთითებდეს (იხ. დ. კაპარავას დასახ. ნაშრომი). ერისწყლის ველზე ბზის ტყეები დღესაც გვხვდება.

⁷⁸ ა. კახიძე, საქართველოს ზღვისპირეთის ანტიკური ხანის ქალაქები, გვ. 125.

⁷⁹ იქვე.

მა ძვ. წ. V ს-ით)⁸⁰. განსაკუთრებულ ყურადღებას იქცევს ასევე ფიჭვნარის ბერძნულ სამაროვანზე ძვ. წ. V ს-ის III მეოთხედის ერთ-ერთ სამარხში აღმოჩენილი ჰერაკლის ამფორაც⁸¹. აღსანიშნავია ის გარემოებაც, რომ ათენის პეგემონობის მოშლის შემდეგ (ძვ. წ. IV ს-ის უკანასკნელი მეოთხედი) წამყვანი როლი კოლხეთთან ვაჭრობაში ათენისაგან სამხრეთ შავიზღვისპირეთის ცენტრებზე — სინოპესა და ჰერაკლეაზე გადადის. აღნიშნული ხანიდან სინოპე მნიშვნელოვან საშუამავლო როლს თამაშობს კოლხეთის ურთიერთობაში ხმელთაშუა ზღვის აუზისა და მცირე აზიის ქალაქებთან; ამავე დროს შავი ზღვის სანაპიროებთან, განსაკუთრებით ბოსფორთან აქტიურ საშუამავლო ვაჭრობას იწყებს ჰერაკლეა⁸².

ფიჭვნარის არქეოლოგიური მონაპოვარის მიხედვით თუ ვიმსჯელებთ, კოლხეთის ზღვისპირეთში არსებული ატიკური მოსახლეობის ერთი ნაწილი ქალაქის საკმაოდ შეძლებულ ფენას შეადგენდა. ესენი უმთავრესად უნდა ყოფილიყვნენ ათენის სავაჭრო წრის (ან და თვით ათენის სახელმწიფოს) წარმომადგენელი, რომელთაც ევალებოდათ გემთსაშენი მასალის დროულად და ამ დროისათვის შესაფერისი მასშტაბით ექსპორტირება ათენში. აქვე ჩანს ნაკლებად შეძლებულთა ფენაც, რომელიც ჩაბმული უნდა ყოფილიყო აღნიშნული რესურსების ექსპორტირების საქმეში⁸³.

კოლხეთიდან ამ რესურსების დიდი რაოდენობით გატანის საჭიროება, როგორც საფიჭველია, ბევრად უფრო გაიზარდა პელოპონესის ომის მსვლელობის დროს, დასავლეთის ბაზრებთან ურთიერთობის გართულების შედეგად (სიცილიის კატასტროფა და სხვ.). გასათვალისწინებელია ისიც, რომ ომის მსვლელობისას სპარტის საზღვაო ძალებთან შეჯახების დროს ათენმა სამჯერ თითქმის მთლიანად დაკარგა ფლოტი და სამჯერვე მოუხდა მისი აღდგენა.

ყოველივე ზემოთქმულიდან გამომდინარე შეიძლება ითქვას, რომ კოლხეთიდან საჭირო რესურსების გატანის ფართო მასშტაბებს განაპირობებდა, როგორც პელოპონესის ომისათვის მზადება და ათენის არაჩვეულებრივი გაძლიერება ამ ხანებში, ასევე ამ ომის მსვლელობაც.

გასაგები ხდება სავაჭრო ურთიერთობის ის მძლავრი აღმავლობაც, რომელიც არქეოლოგიური მასალის მიხედვით შეინიშნება ათენსა და კოლხეთს შორის. ამასთან აღსანიშნავია ის გარემოებაც, რომ მართალია პელოპონესის ომმა დამლუპველად იმოქმედა თვით ატიკაზე, გამოიწვია მისი მეურნეობის მოშლა, მოსახლეობის გაღატაკება და სხვ. შავიზღვისპირეთისათვის, კერძოდ, კოლხეთისა და მისი ქალაქებისათვის ეს იყო ეკონომიური ცხოვრების აყვავების ხანა. ამაზე, ჩვენი აზრით, დიდი გავლენა მოახდინა კოლხეთის ასე ფართოდ ჩაბმამ იმდროინდელ საერთაშორისო ეკონომიურ ურთიერთობებში.

⁸⁰ მონეტა გამოქვეყნებული არ არის.

⁸¹ ა. კახიძე და სხვ., არქეოლოგიური გათხრები ფიჭვნარის სამაროვნის ტერიტორიაზე, გვ. 92.

⁸² მ. ინაძე, სავაჭრო ურთიერთობათა ისტორიიდან ძველ კოლხეთში, გვ. 100; ა. კახიძე, საქართველოს ზღვისპირეთის ანტიკური ხანის ქალაქები, გვ. 114, 115.

⁸³ სინტერესოა აღინიშნოს, რომ, როგორც ფსევდო-ქსენოფონტის ტრაქტიკიდან ირკვევა, პელოპონესთან ომის დასაწყისში პონტოდან ათენში გაჰქონდათ საკვები პროდუქტიც (წუგბარი საქმელი და სხვ.), მაგრამ ამ უკანასკნელის გატანას გემთსაშენ მასალასთან შედარებით, ავტორისავე შენიშვნით, მეორეხარისხოვანი მნიშვნელობა ჰქონია (Ps.-Xen., Athen. Polit., 7).



უკანასკნელ ხანებში სამეცნიერო ლიტერატურაში (ა. კახიძის მტკიცებით) მოსაზრება, რომ ფიჭვნარის ტერიტორიაზე არსებული ატიკური სამოსახლო პოლისური ტიპისა უნდა ყოფილიყო⁸⁴.

კიდევ უფრო შორს მიდის ი. ვორონოვი, რომელიც ეშერში აღმოჩენილი არქეოლოგიური მასალის საფუძველზე ასკვნის, რომ აქ არსებული ბერძნული სამოსახლოს ემპორიონულ ხასიათს მეორეხარისხოვანი მნიშვნელობა ჰქონდა და მისი ეკონომიკა დამყარებული იყო არა ვაჭრობაზე, არამედ სოფლის მეურნეობასა და ხელოსნობაზე⁸⁵.

მაგრამ არც ჩვენ ხელთ არსებული არქეოლოგიური მასალა, რა გინდ მდიდარი და მრავალფეროვანი არ უნდა იყოს იგი, და არც ათენის მთელი იმდროინდელი საკოლონიზაციო საქმიანობის გათვალისწინება, უფლებას არ გვაძლევს ფიჭვნარის ატიკური სამოსახლო (ისევე როგორც გიენოსის, ან ეშერის), მივაკუთვნოთ პოლისებს (ან თუნდაც პოლისური ტიპის დასახლებებს).

საქმე ის არის, რომ ძველი ბერძნული კოლონიზაციისათვის დამახასიათებელი კლასიკური ტიპის კოლონიები — აპოიკიები, რომლებიც ჩვეულებრივ პოლისის სახეს ატარებდნენ, ათენის საკოლონიზაციო საქმიანობის ხანაში (ძვ. წ. V ს.) არსებით ცვლილებას განიცდიან. ათენის მიერ დაარსებულ კოლონიათა ერთი ნაწილი კლერუქიებს წარმოადგენდა, ნაწილი ეპოიკიებს, ზოგიერთი მათგანი კი შეიძლება ჩვეულებრივი სავაჭრო ფაქტორიაც ყოფილიყო⁸⁶. აქ ჩვენ არ შეუდგებით თითოეული მათგანის ნიშნების დახასიათებას, მაგრამ აშკარაა, რომ არც ერთი მათგანი არ შეიძლება განხილულ იქნეს როგორც ცალკე პოლისი, ანდა პოლისური ტიპის სამოსახლო. ეს კოლონიები, რომელთა გაყვანა განპირობებული იყო უფრო პოლიტიკურ-სტრატეგიული და ეკონომიური მიზეზებით, ვიდრე მეტროპოლიაში შექმნილი მწვავე სოციალური კონფლიქტების გამო, ჩვეულებრივ იქმნებოდა უკვე არსებული პოლისების ტერიტორიაზე, რომლებიც ათენის მიერ იყვნენ პოლიტიკურად დამორჩილებული. მაშინაც კი, როდესაც ათენელი კოლონისტები გარკვეულ ავტონომიურ თემს წარმოადგენდნენ დამორჩილებულ პოლისში ისინი არ შეადგენდნენ ათენისაგან მოწყვეტილ ცალკე მოქალაქეთა კოლექტივს. ათენელი მოახალშენნი ხშირად ქმნიდნენ დაქვემდებარებული პოლისის გარნიზონს (კლერუქები), გამოდიოდნენ დამორჩილებული ქალაქის მიწის მფლობელებად, ხოლო ქალაქის მიწა ჩვეულებრივ ათენის საკუთრებად ითვლებოდა⁸⁷.

ყოველივე აქედან გამომდინარე, ჩვენ ვფიქრობთ, რომ არ შეიძლება კოლხეთის სანაპიროზე დაარსებული ატიკური სამოსახლოები განხილულ იქნეს როგორც პოლისური ტიპის დასახლებები.

საღიესოდ ჩვენ ხელთ არსებული მასალის მიხედვით, მართალია ძნელია გადაჭრით მსჯელობა ამ სამოსახლოთა რაობაზე, მაგრამ, ჩვენი აზრით, ისინი არც კლასიკური ტიპის კლერუქიებისა და ეპოიკიების რიცხვს განე-

⁸⁴ ა. კახიძე, ფიჭვნარის წითელფიფურიანი კრატერი: გვ. 507.

⁸⁵ Ю. Н. Воронов, დასახ. ნაშრომი. გვ. 118.

⁸⁶ მაგალითად, მდინარე სტრიმონის შესართავთან სავაჭრო ნავსადგური ეიონი (ქ. ამფიპოლის მახლობლად) (Thuc., I, 98; IV, 102).

⁸⁷ P. A. Brunt, Athenian Settlements abroad in the fifth century, «Ancien Society and Institutions, Studies presented to V. Ehrenberg», Oxford, 1966, გვ. 78 და შემდ.; A. E. Паршиков, О Статусе афинских колоний в V в. до н. э., ВДИ, 1969, №2; გვ. 3 და შემდ.

კუთვნებოდნენ. აქ არც ათენის პოლიტიკური გავლენა იყო იმდენად ძლიერი, რომ ქალაქის მიწა თავის საკუთრებად ექცია და ზედ თავის მოქალაქეები დაესახლებინა და არც იმის პირობები არსებობდა, რომ ამ სამოსახლოებში ათენს თავისი სამხედრო ძალები (გარნიზონები) მოეთავსებინა (მართალია, კოლხეთის სანაპიროს რამოდენიმე ადგილას (ეშერი, კელასური, კოხი) აღმოჩნდა ატიკური მუზარადის ფრაგმენტები, რომელთაც ათენელი ჰოპლიტები ატარებდნენ, მაგრამ ისინი, შესაძლებელია, ეკუთვნოდა მცველ რაზმებს, რომლებიც ომიანობის დროს ჩვეულებრივ თან ახლდნენ ათენის სავაჭრო გემებს).

აღნიშნული გვაფიქრებინებს, რომ კოლხეთის სანაპიროზე არსებული ატიკური სამოსახლოები წარმოადგენდნენ მსხვილ ემპორიონებს, რომლებიც თავის აღმავლობას განიცდიან ძვ. წ. V ს-ის მეორე ნახევარში, ისინი განაგრძობენ არსებობას ძვ. წ. IV საუკუნეშიც ელინისტურ ხანამდე. ე. ი. იმ დრომდე, ვიდრე პონტოს ბაზრებზე ჰეგემონობს ათენი, ხოლო მას შემდეგ რაც ამ უკანასკნელის მნიშვნელობა ეცემა და მის ნაცვლად პონტოს ვაჭრობაში წამყვანი ხდებიან სამხრეთ შავიზღვისპირეთის ცენტრები (სინოპე, ჰერაკლეა) ფიჭვნარსა, გიენოსსა და ეშერში არსებული სავაჭრო ადგილებიც ძირითადად სინოპელთა ხელში უნდა გადასულიყო.

წარმოადგინა საქართველოს სსრ მეცნიერებათა აკადემიის
 ივ. ჯავახიშვილის სახ. ისტორიის, არქეოლოგიისა და
 ეთნოგრაფიის ინსტიტუტის ძველი ისტორიის
 განყოფილებამ.

ამინერკავასიის ხალხთა სოჯახო შოვის საკითხები
საბოტოთა ეთნოგრაფიულ მცნიერებაში

(სოჯახო თემის გაღმონაშთები სომხეთსა და აზერბაიჯანში)

საბჭოთა ეთნოგრაფიის აქტუალურ პრობლემათა სერიაში განსაკუთრებით დიდი ადგილი უჭირავს უძველესი სოციალური ინსტიტუტების (გვაროვნული თემი, სოჯახო თემი, ქორწინების არქაული ფორმები, სამხედრო დემოკრატია, სოფლის თემი...) თავდაპირველი, განვითარებადი და მომაკვდავი ფორმების კვლევას, რასაც მეთოდოლოგიური საფუძველი მოუმზადეს მარქსიზმის კლასიკოსებმა¹, ხოლო შემდეგ საბჭოთა ეთნოგრაფიული მეცნიერების პროგრამაში იმთავითვე დაისახა მუშაობის ამ მიმართულებით გაფართოება, ვინაიდან ზემოხსენებული სოციალური ორგანიზაციების ბუნების შეცნობაზე ზეერად იყო დამოკიდებული უძველესი საზოგადოებრივი ურთიერთობის განვითარების კანონზომიერების დადგენა² და რეაქციულ ბურჟუაზიულ შეხედულებათა უსაფუძვლოების დამტკიცება³.

ოჯახის არქაული ფორმების კვლევის წყაროდ კავკასიის ეთნოგრაფიული მასალა ჯერ კიდევ ფ. ენგელსმა გამოიყენა იმის შემდეგ, რაც ის გაეცნო მ. კოვალევსკის შრომებს სოჯახო თემის შესახებ და ამის საფუძველზე თავისი წიგნის „ოჯახის, კერძო საკუთრებისა და სახელმწიფოს წარმოშობა“ მეოთხე გამოცემაში (1891 წ.) არსებითი ხასიათის ცვლილებები შეიტანა⁴. ამ გამო-

¹ И. Кры в е л е в, Маркс и некоторые проблемы этнографии (К 150-летию со дня рождения К. Маркса), «Советская этнография» (შემდეგ: СЭ), 1968, № 2; Ю. Б р о м л е й Ф. Энгельс и проблемы архаической формы семейной общины, («Проблемы этнографии и антропологии в свете научного наследия Ф. Энгельса», М., 1972; Б. Андрианов, Л. Моногарова, Ленинское учение об общественно-экономических укладах и его значение для этнографии, СЭ, 1970, № 1; С. Абрамзон, Л. Потапов, Значение идейно-теоретического наследия В. И. Ленина для советской этнографии, СЭ, 1970, № 2; ვ. ი თ ი ნ ი შ ვ ი ლ ი, ვ. ი. ლენინი ოჯახის შესახებ, „მნათობი“, 1970, № 9 და სხვა.

² С. Г о л с т о в, К вопросу о периодизации истории первобытного общества, СЭ, 1946, № 1; М. К о с в е н, Об историческом соотношении рода и племени, СЭ, 1951, № 2; მ. ი. ს. ვ. ე. О периодизации первобытной истории, СЭ, 1952, № 3; Ю. С е м е н о в, О периодизации первобытной истории, СЭ, 1965, № 5; А. Х а з а н о в, Военная демократия и эпоха классовобразования, «Вопросы истории», 1938, № 12; მ. ი. ს. ვ. ე. Ф. Энгельс и некоторые проблемы классовобразования, «Проблемы этнографии и антропологии в свете научного наследия Ф. Энгельса», М., 1972.

³ С. Г о л с т о в, Советская школа в этнографии, СЭ, 1947, № 4; А. П е р ш и ц, Проблемы истории первобытного общества в советской этнографии, М., 1956; Ю. С е м е н о в, Учение моргана, Марксизм и современная этнография, СЭ, 1964, № 4; Ю. А в е р к и е в а, Морган и этнография США в XX в., «Вопросы истории», 1968, № 7 და სხვა.

⁴ И. В и н и к о в, Четвертое издание книги Фр. Энгельса «Происхождение семьи, частной собственности и государства» (опыт текстологического анализа), «Вопросы истории доклассового общества», М.-Л., 1936.

ცემაში ფ. ენგელსმა განავითარა თვალსაზრისი, რომ ინდივიდუალური ოჯახის წინამორბედ ერთეულს წარმოადგენდა „პატრიარქალური სახლისეული თემი“, რომელიც თავისი ძირითადი ნიშნებით, მაგრამ „შეცვლილი ფორმით“ XIX ს-ის მეორე ნახევარში (როდესაც ენგელსი თავის ნაშრომს ქმნიდა) ჯერ კიდევ ინარჩუნებდა არსებობას⁵.

ლიტერატურაში ასახული ფაქტობრივი მასალების ანალიზის საფუძველზე ფ. ენგელსის მიერ იმის აღიარებამ, რომ XIX ს-ის მეორე ნახევარში, ე. ი. საზოგადოებრივი ურთიერთობის განვითარების კაპიტალისტურ სტადიაზე, „სამხრეთ-სლავური ზადრუგა“, როგორც „ოჯახური თემის საუკეთესო ნიმუში... ჯერ კიდევ არსებობს“⁶, რომ „ასეთი დიდი ოჯახური თემები რუსეთშიც განაგრძობენ არსებობას“⁷, რომ „საფრანგეთში ასეთმა თემებმა ნივერნეში საფრანგეთის რევოლუციამდე გაძლეს parconneries სახელწოდებით, ხოლო ფრანშ-კონტეში ისინი დღესაც ჯერ კიდევ არ გამქრალან მთლად“⁸, მკვიდრი საძირკველი ჩაუყარა ერთადერთ სწორ შეხედულებას იმის შესახებ, რომ XIX საუკუნემდე შემონახული დიდი ოჯახი წარმოადგენდა საოჯახო თემის გადმონაშთურ სახეობას.

საბჭოთა ეთნოგრაფია დღეს ამ მიმართულებით ავითარებს ოჯახის ისტორიის კვლევას, რომლის აქტუალობა თანდათანობით იზრდება ამ თვალსაზრისისადმი დაპირისპირებულ ბურჟუაზიულ შეხედულებებთან ბრძოლაში. ბუნებრივია, რომ ასეთ ვითარებაში დღითი დღე იზრდება კავკასიის ეთნოგრაფიული მასალის, როგორც პირველხარისხოვანი წყაროს მნიშვნელობა, რომლის გამოყენების საფუძველზე მ. კოვალევსკიდან დღემდე მრავალი საინტერესო ნაშრომით გამდიდრდა სოციალურ ურთიერთობათა კვლევა-ძიების სფერო. პირველ ყოვლისა ეს ეხება ოჯახის ისტორიის კვლევას, რასაც განსაკუთრებით ფართო ხასიათი მიეცა საბჭოთა ეთნოგრაფიაში. ამ საკითხის შესწავლაში თავისი წვლილი შეიტანა მრავალმა ეთნოგრაფმა, რომელთა შორის საგანგებოდ უნდა აღინიშნოს მ. კოსვენისა⁹ და რ. ხარაძის¹⁰ ლეწლი, მაგრამ მათ შესახებ მსჯელობა ამჟამად შორს წაგვიყვანდა. მით უმეტეს, რომ უკვე გეჭონდა მათი შრომების ფართოდ გამოყენებისა¹¹ და საგანგებოდ შეფასების¹² შესაძლებლობა. ვფიქრობთ, რომ მომავალში კიდევ დაისახება ამისი საპირობება, როდესაც საოჯახო ყოფის შესწავლის მდგომარეობას შევეხებით კავკასიის სხვა რეგიონებშიც. ამჟამად კი ჩვენს ამოცანას შეადგენს გავეცნოთ

⁵ ფ. ენგელსი, ოჯახის, კერძო საკუთრებისა და სახელმწიფოს წარმოშობა, თბ., 1953, 77—80.

⁶ ფ. ენგელსი, დასახ. ნაშრომი, 77.

⁷ იქვე, 78.

⁸ იქვე, 79.

⁹ М. Косвени. Этнография и история Кавказа, М., 1961; მისივე, Семейная община и патронимия, М., 1963.

¹⁰ რ. ხარაძე, დიდი ოჯახის გადმონაშთები სვანეთში, ტფ., 1939; მისივე, Грузинская семейная община, I, Тб., 1960; II, Тб., 1961.

¹¹ ვ. ი თ თ ნ ი შ ვ ი ლ ი, ცენტრალური კავკასიის მთიელუბის საოჯახო ყოფა, I, თბ., 1969; მისივე, შოხევეის საოჯახო ყოფა, თბ., 1970; მისივე, ქართლის მთიელთა ყოფაცხოვრებიდან, თბ., 1974 და სხვა.

¹² ვ. ი თ თ ნ ი შ ვ ი ლ ი, რუსულად ხარაძის სამეცნიერო მოღვაწეობა, „მაცნე“, 1966, № 3; მისივე, რეცენზია მ. კოსვენის წიგნზე — «Семейная община и патронимия», კავკასიის ეთნოგრაფიული კრებული, I, თბ., 1964.

5. „მაცნე“, ისტორიის... სერია, 1975, № 1

ზოგიერთი ავტორის კვლევის შედეგებს სომხეთსა და აზერბაიჯანში სოჯახო თემის გადმონაშთების შესახებ.

* * *

კავკასიის ხალხთა სოჯახო ურთიერთობის ზოგადი და სპეციფიკური მხარეების შესწავლისა და ოჯახის ისტორიული განვითარების საფეხურების დადგენისათვის ისტორიულ წყაროებთან, სამართლის ძეგლებთან და მატერიალური კულტურის ნაშთებთან ერთად მრავალმეტყველი გამოდგა სომხური ეთნოგრაფიული მასალა, რომლის შეგროვებას და პუბლიკაციას გასულ საუკუნეში უკვე საკმაოდ ინტენსიური ხასიათი მიეცა. სოჯახო ყოფის სფეროდან აქაც ავტორთა განსაკუთრებული ყურადღება მიიპყრო დიდმა ოჯახმა (გერდასტან), რომელიც XIX ს-ის ბოლომდე ინარჩუნებდა არსებობას, როგორც ისტორიული სოჯახო თემის გადმონაშთური სახეობა. აღნიშნული ვითარების გამო სოჯახო ყოფის შესახებ მასალის შეგროვება ხდებოდა უშუალო დაკვირვების გზით. XIX ს-ის ყველა მოღვაწეს, ვინც კი სოჯახო ყოფის შესწავლით იყო დაინტერესებული, შესაძლებლობა ჰქონდა თავისი თვლით ენახა გერდასტანი, გასცნობოდა მის კომპონენტებს და მისივე წევრების გამოკითხვით მოეპოვებინა სათანადო ცნობები. ასე მოპოვებული მასალა აისახა რევოლუციამდელ ეთნოგრაფიულ ლიტერატურაში¹³, რომელიც

¹³ А. Гакстгаузен, Закавказский край, ч. I, СПб, 1857; С. Егизаров, Административно-экономический строй сельской общины в Эриванской губернии, «Свод материалов по изучению экономического быта государственных крестьян Закавказского края» (შემდეგ: СМЭБГКЗК), т. I, Тифлис, 1887; მ. ს. ი. ვ. ე. Исследования по истории учреждений в Закавказье, ч. I, Сельская община, Казань, 1889; С. Зелинский, Экономический быт государственных крестьян в Шорагяле, Александропольского уезда, Эриванской губернии, «Материалы для изучения экономического быта государственных крестьян Закавказского края» (შემდეგ: МИЭБГКЗК), т. I, Тифлис, 1885; მ. ს. ი. ვ. ე. Экономический быт государственных крестьян в Бамбакском участке в северной части Шорагяльского участка, Александропольского уезда, Эриванской губернии, МИЭБГКЗК, т. III, ч. I, Тифлис, 1886; მ. ს. ი. ვ. ე. Экономический быт государственных крестьян в Заигезурском уезде, Елисаветпольской губернии, МИЭБГКЗК, т. IV, ч. I, Тифлис, 1886; А. Парвицкий, Экономический быт государственных крестьян юго-западной части Новобаязетского уезда, Эриванской губернии, МИЭБГКЗК, т. I, Тифлис, 1885; მ. ს. ი. ვ. ე. Экономический быт государственных крестьян северо-западной части Шарура и восточной части Даралагеа, Шаруро-Даралагезского уезда, Эриванской губернии, МИЭБГКЗК, т. IV, ч. II, Тифлис, 1886; მ. ს. ი. ვ. ე. Экономический быт государственных крестьян северо-восточной части Новобаязетского уезда, Эриванской губернии, МИЭБГКЗК, т. IV, ч. II, Тифлис, 1886; Н. Никифоров, Экономический быт государственных крестьян западной части Нахичеванского уезда, Эриванской губернии, МИЭБГКЗК, т. I, Тифлис, 1885; А. Деконский, Экономический быт государственных крестьян в западной части Шаруро-Даралагезского уезда, Эриванской губернии, МИЭБГКЗК, т. I, Тифлис, 1885; А. Ерицов, Экономический быт государственных крестьян Казахского уезда, Елисаветпольской губернии, МИЭБГКЗК, т. II, ч. II, Тифлис, 1886; Ф. Марков, Экономический быт государственных крестьян Эриванского уезда, МИЭБГКЗК, т. III, ч. I, Тифлис, 1886; А. Ханаганов, Экономический быт государственных крестьян в Эчмиадзинском и Сурамалинском уездах, Эриванской губернии, МИЭБГКЗК, т. III, ч. I, Тифлис, 1886; И. Давидбеков, Село Гадрут Елисаветпольской губернии Джебриньского уезда, «Сборник материалов для описания местностей и племен Кавказа» (შემდეგ: СМОМПК), вып. V, Тифлис, 1888; Н. Григоров, Село Татев, СМОМПК, вып. XIII, Тифлис, 1892; Е. Мелик-Шахназаров, Село арцеванк Заигезурского уезда, Елисаветпольской губернии, СМОМПК, вып. XXV, Тифлис, 1898; А. Ханаганов, Из жизни армян Новобая-

გვაცნობს გერდასტანის მრავალსულიანობას, რამდენიმე თაობის გაუყრელად ცხოვრებას, მმართველობის დესპოტურ სისტემას, ამის შესაბამის ურთიერთობას და წარმოება-მონმარებისა და საკუთრების ხასიათს, მაგრამ XIX ს-ის ლიტერატურა ვერც ამ საკითხში გასცდა აღწერილობის დონეს. სამაგიეროდ ეს ლიტერატურა, ახალ საველე მასალასთან, წერილობით წყაროებთან და მატერიალური კულტურის ძეგლებთან ერთად საფუძვლად დაედო საბჭოთა ეთნოგრაფების სპეციალურ გამოკვლევებს საოჯახო ურთიერთობის შესახებ.

ქრონოლოგიური პრინციპით საკითხის განხილვისას საბჭოთა ეპოქაში გამოქვეყნებულ ნაშრომთაგან პირველ რიგში შეიძლება დავასახელოთ გ. ჩურსინის ნარკვევი¹⁴, რომელიც ემყარება ავტორის მიერ XX ს-ის დასაწყისში უშუალო დაკვირვების შედეგად მოპოვებულ მასალას და ზოგად ხაზებში გაკვრიტ გვაცნობს დიდი ოჯახის რიცხობრივ შემადგენლობას (30—35 სული), მის პატრიარქალურ ბუნებას და ერთპიროვნული დესპოტური მმართველობის ხასიათს.

სომხური საოჯახო თემის გადმონაშთური სახეობის ძირითადი ნიშნების დახასიათებას საკმაოდ ადგილი დაუთმო ს. ლისიციანმა რევოლუციამდელი სომხეთის ეთნოგრაფიის ნარკვევებში¹⁵. XIX ს-ისა და XX ს-ის დასაწყისის ეთნოგრაფიულ მასალაზე დაყრდნობით ავტორმა გვიჩვენა, რომ დიდი საოჯახო თემები, რომელთა შემადგენლობაში ახლო ნათესავეების რამდენიმე თაობა და 50-მდე სული შედიოდა, შედარებით იშვიათად, მაგრამ მაინც XIX ს-ის ბოლომდე არსებობდნენ სომხეთის მიყრუებულ კუთხეებში. ს. ლისიციანის დაკვირვებით, ასეთი ოჯახის ერთ-ერთ დამახასიათებელ ნიშანს წარმოადგენდა უფროსი მამაკაცისა და ქალის პრიორიტეტი. ოჯახის ერთპიროვნულ მმართველად ითვლებოდა უზუცესი მამაკაცი (ტ ა ნ ტ ე რ ი), რომელსაც ყველა უყოყმანოდ უნდა დამორჩილებოდა. იგი თავს მოვალედ არ თვლიდა ვისთვისმე ანგარიში ჩაებარებინა, მაგრამ მნიშვნელოვან საკითხებზე ხნიერ მამაკაცებს მაინც ეთათბირებოდა. მის უახლოეს თანაშემწედ ითვლებოდა უფროსი ქალი (ტ ა ნ ტ ი კ ი ნ), რომელიც საოჯახო საქმიანობას ხელმძღვანელობდა, რძლებს შორის ფუნქციებს ანაწილებდა და ოჯახის უფროსს საშინაო საქმეებს უთანხმებდა. ასეთი რეჟიმის მქონე ოჯახის გაყრა უფროსის გარდაცვალებამდე ძველად მიუღებელი ყოფილა. მაგრამ თუ ოჯახი მამის სიცოცხლეში მაინც დანაწილდებოდა, მამა ქონების ისეთსავე წილს მიიღებდა, როგორსაც ცალკე გამოყოფის მსურველი მისი თითოეული შვილი. გარკვეული ნაწილი

ветского уезда, Эриванской губернии, «Этнографическое обозрение» (შემდეგ: ЭО), 1893, № 2; Б. Х а л а т я н ц, Поездка в Апаран (Эчмиадзгиский уезд, Эриванской губернии), ЭО, 1899, № 1—2; А. С а м у е л, Очерки по обычному семейному праву армян, «Кавказский вестник», Тифлис, 1902, № 1.

საოჯახო ყოფის შესახებ სისტემატურად ქვეყნდებოდა მასალები სომხურ ენაზეც, რაც სათანადოდაა შეფასებული საბჭოთა ეთნოგრაფიაში (იხ. Э. К а р а п е т я н, Армянская семейная община, Ереван, 1958, 5—24; А. Т е р - С а р к и с я н ц, Современная семья у армян, М., 1972, 5—12).

¹⁴ Г. Ч у р с и н, Армяне Зангезура, «Научные записки Закавказского университета им. 26-ти», т. I, вып. 6, Тифлис, 1931.

¹⁵ С. Л и с и ц и а н, Очерки этнографии дореволюционной Армении, «Кавказский этнографический сборник» (შემდეგში: КЭС), I, М., 1955.

თარების კრილში განიხილა გერდასტანის ძირითადი კომპონენტები: რიცხო-
რიგ-მუხლობრივი შემადგენლობა, საოჯახო მეურნეობა, საცხოვრებელი კომ-
პლექსი, მმართველობის სისტემა, შრომის ორგანიზაცია, უფლებრივი ურთი-
ერთობის ნორმები, საკუთრების ხასიათი, ოჯახის გაყრის წესი და ქონების
განაწილების პრინციპი.

საოჯახო გენეალოგიების შესწავლის შედეგად ავტორმა დაადგინა, რომ
სომხეთის სხვადასხვა კუთხეში არსებობდა სამი, ოთხი და შედარებით იშვია-
თად ხუთი თაობის მომცველი მრავალსულიანი ოჯახი. სომხეთის აღმოსავ-
ლეთ რაიონებში არსებული დიდი ოჯახების უმრავლესობა სამი თაობისაგან
შედგებოდა, ხოლო ხუთი თაობის მომცველი ოჯახები შემორჩენილი ყოფილა
მხოლოდ დასავლეთ სომხეთის მთიანეთში.

XIX ს-ის მეორე ნახევარში დიდი ოჯახების რიცხობრივი და მუხლობრი-
ვი შემადგენლობის ასეთი განსხვავების მიზეზად ავტორს მიაჩნია სომხეთის
რაიონების სოციალ-ეკონომიური განვითარების სხვადასხვა დონე. მისი შე-
ხედულებით, აღმოსავლეთ სომხეთის ეკონომიურად განვითარებულ რაიონებ-
ში ნატურალური მეურნეობის რღვევა და კერძომესაკუთრული ურთიერთ-
ობის განვითარება ხელს უწყობდა ოჯახის შიგნით წინააღმდეგობის გაჩენას,
მისი მთლიანობის რღვევას და ნათესაური წრის დავიწროებას მისი წევრების
თანდათანობითი გამოყოფის შედეგად. რაც შეეხება ეკონომიური განვითარე-
ბის დონით შედარებით ჩამორჩენილ დასავლეთ სომხეთის მთიანეთს, სადაც
უპირატესად ნატურალური მეურნეობა არსებობდა და ჯერ კიდევ მტკიცედ
იყო შემორჩენილი პირველყოფილ-თემური წყობის გადმონაშთები, ოჯახის
რიცხობრივი და ნათესაობრივი შემადგენლობის შემცირების პროცესიც უფრო
ნელი ტემპით მიმდინარეობდა.

ავტორის დაკვირვებით, გერდასტანის ძირითად საარსებო საშუალებას
წარმოადგენდა სომხეთის სხვადასხვა მხარეში განვითარების სხვადასხვა სა-
ფეხურზე მდგომი მიწათმოქმედება და მესაქონლეობა. მისივე მტკიცებით,
როგორც სამეურნეო ნაკვეთები, ისე საქონელი, სამეურნეო იარაღები, საც-
ხოვრებელი ნაგებობანი თუ საოჯახო ინვენტარი გერდასტანის საერთო სა-
კუთრებაში შედიოდა. საოჯახო თემის ქონება გაუსხვისებელი იყო და მხო-
ლოდ ოჯახის წევრთა სამემკვიდრეოდ ითვლებოდა. ამიტომ ერთად მცხოვრე-
ბი ძმები საოჯახო ქონების იდეალური წილის პოტენციალური მფლობელები
იყვნენ. იდეალური წილის მიმართ არსებული ეს პოტენციალური უფლება
ძალაში შედიოდა ძმების გაყრის შემთხვევაში, ხოლო ქონების გაყოფა ხდე-
ბოდა მუხლობრივი პრინციპის შესაბამისად, სადაც მემკვიდრეობის უფლე-
ბით სარგებლობდა განსაზღვრული თაობის წარმომადგენელი. ასეთებად გვე-
ლინებოდნენ უმთავრესად გარდაცვლილი უფროსის შვილები, რომელთა შო-
რის ქონების გაყოფა ხდებოდა მათი თანასწორუფლებიანობის რწმნით. გა-
ყოფა არ ეხებოდა მხოლოდ პირად საკუთრებაში არსებულ საგნებს (ტანსაც-
მელი, სამკაული, იარაღი).

როგორც ნაშრომშია დასაბუთებული, ამგვარი ქონებრივ-უფლებრივი
ურთიერთობა შესაბამებოდა საერთო-საოჯახო ქონებაზე კოლექტიური სა-
კუთრების შენარჩუნების ინტერესებს. თავის მხრივ საერთო-საოჯახო საკუთ-
რება წარმოადგენდა კოლექტიური წარმოების საფუძველს, ხოლო საოჯახო
ურთიერთობის განვითარების გვიანდელ საფეხურზე კოლექტიური საკუთრე-

ბის შენარჩუნება განპირობებული იყო კოლექტიური წარმოების აუცილებლობით. კოლექტიური წარმოება ხორციელდებოდა შრომის ორგანიზაციის კოლექტიური ფორმის მეშვეობით, რაც იმაში გამოიხატებოდა, რომ ოჯახის შრომისუნარიანი წევრები სქესისა და ასაკის მიხედვით საოჯახო მეურნეობაში ერთობლივად მონაწილეობდნენ.

მმართველობის სისტემისა და შინასაოჯახო ურთიერთობის ნორმების მიხედვით ნაშრომში ნაჩვენებია სამი ტიპის საოჯახო თემის არსებობა. ავტორის შეხედულებით, მათ შორის ყველაზე უფრო გავრცელებული იყო დესპოტური ტიპის საოჯახო თემი, რომელიც ხასიათდებოდა ოჯახის უფროსის — ტ ა ნ ტ ე რ ი ს განუსაზღვრელი ძალაუფლებით და ოჯახის დანარჩენ წევრთა მისდამი მორჩილებით. დასავლეთ სომხეთის მთიანეთში იშვიათი გამონაკლისის სახით არსებული მეორე ტიპის საოჯახო თემის ძირითად ატრიბუტს წარმოადგენდა მმართველობისა და შინასაოჯახო ურთიერთობის დემოკრატიული პრინციპი. რაც შეეხება მესამე ტიპის საოჯახო თემს, რომელიც შესწავლილია კაპიტალისტურ ურთიერთობაში ჩაბმული ცალკეული რაიონების მიხედვით, მის შიგნით მიმდინარეობდა მამის (ოჯახის უფროსის) ძალაუფლების შეზღუდვა-შესუსტებისა და ოჯახის წევრთა ინდივიდუალური უფლებების ზრდის პროცესი. ოჯახის სამივე სახეობა შეესაბამებოდა კლასობრივ საზოგადოებაში ჯადმონაშთური ფორმით არსებული საოჯახო თემის განვითარების სამ საფეხურს. ოჯახის ამგვარ სახეობათა შეპირისპირების შედეგად ავტორი იმ დასკვნამდე მივიდა, რომ კლასობრივი საზოგადოებისათვის უფრო მეტად დამახასიათებელი იყო დესპოტური ოჯახი, მეორე სახის ოჯახი წარმოადგენდა დემოკრატიულიდან დესპოტური ოჯახისაკენ გარდამავალ ფორმას, ხოლო მესამე სახის ოჯახის არსებობა შეესაბამებოდა საოჯახო თემის დაცემის სტადიას.

ასეთი თანმიმდევრობით საკითხის განხილვის საფუძველზე ავტორმა გვიჩვენა, რომ საოჯახო თემმა სომხეთში განვითარების გრძელი გზა განვლო. არქეოლოგიური მონაცემების მიხედვით, სახელდობრ საოჯახო თემისათვის დამახასიათებელი განათხარი საცხოვრებელი კომპლექსის მეშვეობით ავტორმა საოჯახო თემის ჩამოყალიბება დაუკავშირა ადრეული ბრინჯაოს ხანას, ხოლო ყველა მონაცემების ანალიზის შედეგად ნაშრომში დასაბუთებულია, რომ გერდასტანი წარმოადგენდა ისეთ სოციალ-ეკონომიურ უჯრედს, რომელიც წარმოიშვა პატრიარქალურ-გვაროვნული წყობის დაშლის საფეხურზე, იარსება ყველა ისტორიულ ფორმაციაში, კლასობრივი საზოგადოების განვითარების შესაბამისად სათანადო ცვლილებები განიცადა და თავისი ხანგრძლივი არსებობა განვითარებული კაპიტალიზმის ხანაში დაასრულა. მისი მოსპობის უმთავრეს მიზეზებად ავტორს მიაჩნია კერძო საკუთრების ჩასახვა და მისი შემდგომი განვითარება.

ე. კარაპეტიანის ამ მონოგრაფიის გამოქვეყნების შემდეგ გერდასტანის რიგ თავისებურებას შეეხო მ. კოსვენნი, რომელმაც ე. კარაპეტიანის თუ მის წინამორბედ მკვლევართა ნაშრომებზე დაყრდნობით გაკეთებულ მოკლე მიმოხილვაში სომხური საოჯახო თემი დესპოტური ტიპის საოჯახო თემთა წყებას მიაკუთვნა¹⁸.

საოჯახო თემის შესწავლა შემდგომში ე. კარაპეტიანმა კვლავ განაგრძო. მან ჯერ გამოაქვეყნა სპეციალური მონოგრაფია სომხური ა ზ გ-ის (პატრო-

¹⁸ М. Косвен, Этнография и история Кавказа, 100—102.



ნიმის) შესახებ¹⁹, სადაც მდიდარი ფაქტობრივი მონაცემების საფუძველზე ნაჩვენებია პატრონიმის ძირითადი ელემენტები (პატრონიმის ნათესაური სტრუქტურა, ერთ უზნად ცხოვრება, მეურნეობრივი და სულიერი ერთობის ელემენტები) და მისი გენეტიკური კავშირი გერდასტანთან. შემდეგ კი ე. კარაპეტიაჩმა გერდასტანისა და აზგისადმი მიძღვნილი მონოგრაფიები სადოქტორო დისერტაციის²⁰ სახით გააერთიანა, რითაც კიდევ უფრო ნათლად გამოჩნდა ის გარემოება, რომ გერდასტანი წარმოადგენდა საოჯახო თემის გადმონაშთურ ფორმას, ხოლო აზგი — გერდასტანის დაყოფა-დანაწილების შედეგად ჩამოყალიბებულ პატრონიმიულ გაერთიანებას.

ს. ლისიციანისა და ე. კარაპეტიაჩის მიერ ზემოხსენებულ შრომებში გამოთქმული შეხედულებები მათივე ავტორობით ზუსტადაა ანოტირებული კავკასიის ხალხთა ეთნოგრაფიულ კომპლექსში²¹. იქვე ქურთების შესახებ ა. ავდალის მიერ დაწერილ მიმოხილვაშიც აღნიშნულია, რომ სომხეთის ტერიტორიაზე მცხოვრები ქურთებიც რევოლუციამდელ ეპოქაში ინარჩუნებდნენ დიდ ოჯახებად ცხოვრების წესს, რომლის ლიკვიდაცია სოციალისტურ ერაში მიმდინარეობდა²².

სხვა საკითხების კვლევასთან დაკავშირებითაც გამოითქვა მოსაზრება, რომ გაუყრელად ცხოვრების ტრადიციას განსაკუთრებით დიდხანს ინარჩუნებდნენ სომხეთის მთიანეთში, რაშიც მნიშვნელოვანი როლი შეუსრულებია ადგილმონაცვლე მესაქონლეობის პრაქტიკას. ამ მოსაზრებას ი. მკრტუმიანი ასაბუთებს იმ გარემოებით, რომ მიწათმოქმედებასთან ერთდროულად ამ ტიპის მესაქონლეობის გაძლოა საჭიროებდა საკმაო რაოდენობას მუშახელს, რომლის დასაქმების შესაძლებლობა ისახებოდა დიდი ოჯახის არსებობის პირობებში²³.

სომხების საოჯახო ყოფის კვლევის შემდგომი ეტაპი აღინიშნა ახალი საოჯახო ყოფის შესწავლით, რასაც სპეციალური მონოგრაფია მიუძღვნა ა. ტერ-სარქისიანცმა²⁴. მას მიზნად დაუსახავს სოფლის მოსახლეობის ახალი საოჯახო ყოფის ძირითადი კომპონენტების კვლევა. სპეციფიკურ თავისებურებათა გამოვლინებისათვის ავტორი მასალას განიხილავს ვერტიკალური ზონალობის მიხედვით. ამასთან ერთად ცდილობს გვიჩვენოს კონტრასტები ახალსა და ძველ საოჯახო ყოფას შორის. თავის მიერ მოპოვებული მასალისა და გერდასტანის შესახებ არსებული ლიტერატურული მონაცემების ანალიზის საფუძველზე მკვლევარი გზადაგზა იძლევა ახალ ყოფაში შემონახული ძველი ტრადიციების დასასიათებას. ავტორის დაკვირვებათა შედეგად სრულიად აშკარაა, რომ ახალ საოჯახო ყოფაში შენარჩუნებული იყო რამდენიმე თაობის გაუყრელად ცხოვრების ტრადიცია. იგი აღწერს არაერთ ისეთ ოჯახს, რომელიც ჯერ კიდევ აერთიანებდა სამი თაობის წარმომადგენლებს. ამასთან ერთად ავტორი დამაჯერებლად ასაბუთებს, რომ თანამედროვე ინდივიდუალურ

¹⁹ Э. Карапетян, Родственная группа «азг» у армян, Ереван, 1966.

²⁰ Э. Карапетян, Семейная община и патронимия у армян, Автореферат, Тб., 1967.

²¹ «Народы Кавказа», II, М., 1962, 524—527.

²² იქვე, 612.]

²³ Ю. Мкртумян, Формы скотоводства и быт населения в армянской деревне второй половине XIX в., СЭ, 1968, № 4.

²⁴ А. Тер-Саркисянц, Современная семья у армян, М., 1972.



ოჯახში ურთიერთობისა და ჩვეულების მრავალი ისეთი ნორმა შექმნილია, რაც დამახასიათებელი იყო ძველი საოჯახო ყოფისათვის. ავტორის დაკვირვებით, გაუყრელად ცხოვრების წესი და მისთვის ნიშანდობლივი ტრადიციები უმთავრესად შემონახული ყოფილა სომხეთის მთიანეთში, აგრეთვე, მთისძირა ზოლის მოსახლეობაში, ხოლო ოჯახების გაყრას გაცილებით ინტენსიური ხასიათი ჰქონია ქალაქებში, სამრეწველო რაიონებში და მათთან ახლოს მდებარე სოფლებში. ავტორის ამ დაკვირვებას სათანადო მნიშვნელობა ენიჭება ეთნოგრაფიულ კვლევაში, რამდენადაც სომხეთის მთიანეთშიც, ისევე როგორც კავკასიის სხვა რეგიონებში თუ სხვაგან, სოციალური განვითარების დონით მთასა და ბარს შორის მკვეთრ განსხვავებას ჰქონდა ადგილი. სამწუხაროდ, ეს უდავო ჭეშმარიტება ზოგჯერ სრულიად გაუგებარი მსჯელობის საგანს წარმოადგენს.

კავკასიელ ხალხთა საოჯახო თემის შესახებ არსებული ლიტერატურის მიმოხილვისას მ. კოსვენი არ შეხებია აზერბაიჯანელთა ყოფაში დიდი ოჯახის არსებობის საკითხს, რომლის მიზეზად იგი ასახელებდა სათანადო წყაროების უქონლობას. მისი მტკიცებით, რევოლუციამდელ ლიტერატურაში აზერბაიჯანელი დიდი ოჯახის შესახებ ცოტად თუ ბევრად მნიშვნელოვანი ცნობაც კი არ მოგვეპოვება²⁵. მკვლევარი ასევე არასახარბიელო მდგომარეობას ხედავს ახალ ეთნოგრაფიულ ლიტერატურაშიც²⁶, რამდენადაც ავტორები მხოლოდ იმის აღნიშვნას დასჯერდნენ, რომ XIX ს-ის ბოლოსა და XX ს-ის დასაწყისში მათ მიერ შესწავლილ რაიონებში დიდი ოჯახები არ შემონახულა²⁷.

მ. კოსვენმა ასე წარმოგვიდგინა საკითხის შესწავლის მდგომარეობა აზერბაიჯანის მავალითზე ნაშრომში („Очерки по этнографии Кавказа“), რომელიც პირველად გამოაქვეყნა 1946 წელს²⁸, ხოლო შევსებული სახით შეიტანა 1961 წელს გამოსულ წიგნში, რომლითაც ჩვენ ვსარგებლობთ.

მ. კოსვენის ნაშრომის გამოქვეყნების შემდეგ მდგომარეობა არსებითად შეიცვალა, აზერბაიჯანელთა საოჯახო ყოფას არაერთი გამოკვლევა მიეძღვნა, რომელთაც მ. კოსვენი ველარ მოესწრო, მაგრამ ვიდრე მათ შესახებ რაიმეს ვიტყოდეთ, საჭიროდ მიგვაჩნია აღინიშნოს, რომ რევოლუციამდელი ლიტერატურის კოსვენისეული შეფასება მეტისმეტად მკაცრად გამოიყურება. საკმარისია გავიხსენოთ თუნდაც ა. არლუთინსკის ცნობა ბორჩალოელ თათართა გაუყრელად ცხოვრების წესად არსებობის შესახებ და მის მიერვე დიდი ოჯახის აღწერილობა, რომ ეპქვეშ დავაყენოთ მ. კოსვენის თვალსაზრისი რევოლუციამდელი ლიტერატურის ღირსების შესახებ. როგორც ა. არლუთინსკი წერს, ოჯახის გაყრა თათრებს შორის ძალზე იშვიათია, ისინი ყოველმხრივ ცდილობენ ერთად ცხოვრებას და მხოლოდ მათთან შეიძლება ვნახოთ განაყარი ოჯახების კვლავ ერთად შეყრის შემთხვევები. ამის მიზეზად ავტორს მიაჩნია მათი ცხოვრების პირობები, ხოლო გაყრის საფუძვლად თვლის მხო-

²⁵ М. Косвен, Этнография и история Кавказа, 101—102.

²⁶ М. А та к и ш и е в а, Семейный быт азербайджанцев в прошлом и настоящем (по материалам Халданского района), Автореферат, М., 1953; Г. Гу л и е в, Социалистическая культура и быт колхозного крестьянства Азербайджана (по материалам Кубинского района), Автореферат, М., 1953.

²⁷ М. Косвен, დასახ. ნაშრომი, 101—102.

²⁸ «Советская этнография», 1946, № 2.

ლოდ მამის, ე. ი. ოჯახის უფროსის თანხმობას, ურომლისოდაც ცალკე ყოფის მსურველისთვის ქონების მიცემის შესაძლებლობა გამოირიცხული ყოფილა²⁹.

ა. არღუთინსკი ეხება გაუყრელად ცხოვრების მრავალ სხვა მხარესაც, ისევე, როგორც დიდი ოჯახის შესახებ საინტერესო ცნობები გვხვდება სხვა ავტორთა ნაწერებშიც³⁰, რომლის ხელაღებით უარყოფა ყოვლად გაუმართლებელია. მაგრამ მიუხედავად იმისა, რომ ამ ცნობებს გარკვეული მნიშვნელობა აქვს საოჯახო ყოფის რიგი თავისებურების გასარკვევად, საოჯახო ყოფის შესწავლის მიზნით მათი გამოყენება ჩვენი საუკუნის 60-იან წლებამდე არავის უცდია. როგორც ზემოთ აღვნიშნეთ, ოჯახის ისტორიის ისეთმა დიდმა მკვლევარმაც კი, როგორც მ. კოსვენნი იყო, რევოლუციამდელი ლიტერატურა აზერბაიჯანელთა საოჯახო ყოფის შესახებ განხილვის ღირსად არ სცნო. მ. კოსვენნის შემოხსენებული ნაშრომის გამოქვეყნების შემდეგაც აზერბაიჯანელთა საოჯახო ყოფის, კერძოდ, საოჯახო თემის გადმონათუური სახეობის შესწავლას კიდევ დიდხანს არ ექცეოდა ყურადღება. ამ საკითხის კვლევას ინტენსიური ხასიათი მიეცა მხოლოდ უკანასკნელ ათწლეულში, რაც აღინიშნა ერთი მხრივ საოჯახო ყოფის სპეციალური შესწავლით, ხოლო, მეორე მხრივ, სხვა მონათესავე საკითხების დამუშავებასთან დაკავშირებით საოჯახო ურთიერთობის რიგი მომენტის გაშუქებით.

ლიტერატურის შესწავლისა და სხვა მასალის ანალიზის საფუძველზე ყველა მკვლევარი, ვინც კი აზერბაიჯანის ტერიტორიაზე მცხოვრებ ხალხთა საოჯახო ყოფას შეეხო, იმ დასკვნამდე მივიდა, რომ XIX საუკუნეში და თვით XX ს-ის დასაწყისში, როდესაც გაუყრელად ცხოვრების ტრადიცია ჯერ კიდევ ცოცხლობდა, ოჯახის ძირითად სახეობას წარმოადგენდა ინდივიდუალური ოჯახი, ხოლო გადმონათუური ფორმით შემონახული საოჯახო თემი საბოლოო დაშლისა და მოსპობის სტადიაში იმყოფებოდა.

²⁹ А. Аргутинский - Долгоруков, Борчалинский уезд в экономическом и коммерческом отношениях, Тифлис, 1897, гв. 83—84, 87—88.

³⁰ Н. Дубровин. История войны и владычества русских на Кавказе, т. I, кн. 2, СПб, 1871, 368 და შმდ.; П. Рисс, О талышцах, их образе жизни и языке, «Записки кавказского отдела русского географического общества», кн. 3, Тифлис, 1885; П. Ягодянский, Экономический быт государственных крестьян в Бакинском уезде, МИЭБГКЗК т. I, Тифлис, 1885; მ. ს. ბ. ე. ე., Экономический быт государственных крестьян западной части Бакинского уезда, МИЭБГКЗК, т. II, ч. I., Тифлис, 1886; მ. ს. ბ. ე. ე., Экономический быт государственных крестьян в южной части Кубинского уезда, Бакинской губернии, МИЭБГКЗК, т. II, ч. I, Тифлис, 1886; П. Котляревский, Экономический быт государственных крестьян северной части Кубинского уезда, Бакинской губернии, МИЭБГКЗК т. II, ч. I, Тифлис, 1886; Н. Калашев, Местечко Сальяны Джеватского уезда, Бакинской губернии, СМОМПК, вып. V, отд. I, Тифлис, 1886; Н. Абе́лов, Экономический быт государственных крестьян Геокчайского и Шемахинского уездов, Бакинской губернии, МИЭБГКЗК, т. VI, ч. II., Тифлис, 1887; С. Алифин, Экономический быт государственных крестьян Джеватского уезда, Бакинской губернии, МИЭБГКЗК, т. VII, Тифлис, 1887; Д. Кистенев, Экономический быт государственных крестьян Ленкоранского уезда, Бакинской губернии, МИЭБГКЗК, т. VII, Тифлис, 1887; С. Егизаров, Сельская община в Елисаветпольской и Бакинской губерниях, СМИБГКЗК, т. III, ч. II., Тифлис, 1887; А. Захаров, Домашний и социальный быт женщин у закавказских татар, СМОМПК, вып. XX, отд. I, Тифлис, 1894; М. Эфендиев, Селение Лагич, Геокчайского уезда, Бакинской губернии, СМОМПК, вып. 29, отд. II, Тифлис, 1901 და სხვ.



ვ. კობიჩევის დაკვირვებით, სწორედ ამ პროცესმა განაპირობა ნაგებობათა გაბარიტების შემცირება და კონსტრუქციული ცვლილებები. როგორც მან აღნიშნა, დიდი პატრიარქალური ოჯახების თანდათანობითი დაშლის შედეგად XIX საუკუნეში მიმდინარეობდა საცხოვრებელ და საშეურნეო ნაგებობათა მოცულობის შემცირება და კარ-ფანჯრების რაოდენობის ზრდა, ე. ი. ფართის სეგმენტაცია. ვ. კობიჩევის ცნობით, უდური სახლის ინტერიერიც აზერბაიჯანულის მსგავსი იყო, რაც ასევე ახსნილი აქვს XIX ს-ის ბოლომდე დიდი პატრიარქალური ოჯახების შემონახულობის მიზეზით. ხინალუგების ნაგებობათა კონსტრუქციული ცვლილებების საფუძვლადაც ავტორს მიაჩნია დიდი ოჯახების დაშლა³¹. მისასადამე, აზერბაიჯანის ტერიტორიაზე მცხოვრებ ხალხთა ყოფაში XIX ს-ის ბოლომდე სიცოცხლეს ინარჩუნებდა გაუყრელად ცხოვრების წესი, რომლის არსებობა თუ მოშლა ნაგებობასაც თავისებურ სახეს აძლევდა.

ამიერკავკასიის ხალხთა საცხოვრებლების (ქართული დარბაზი, სომხური გლახატუნი, აზერბაიჯანული ყარადმი) სოციალური ფუნქციების განხილვისას საოჯახო თემის გადმონაშთური სახეობის არსებობას აღნიშნავს და ამ ტიპის ნაგებობებს გენეტიკურად დიდი ოჯახის საცხოვრებლად წარმოგვისახავს თავის მონოგრაფიაში თ. ჩიქოვანი³², რაზედაც ვრცლად ითქვა ჩვენს რეცენზიაში³³ და ამის შესახებ აქ სიტყვას აღარ გავაგრძელებთ.

აზერბაიჯანის ერთ-ერთი რაიონის მცხოვრებთა (თათები, ლეკები, მთიელი ებრაელები, ხინალუგები, კრიზები, ბუღუგები) ეთნოგრაფიულ მასალებზე დაყრდნობით გ. გეიზულაევი ამტკიცებს, რომ რევოლუციამდეც ყოფაში ძირითად ერთეულს წარმოადგენდა პატარა ოჯახი, რომელსაც ჯერ კიდევ შენარჩუნებული ჰქონდა პატრიარქალური ყოფის ელემენტები. ამგვარი ოჯახის ერთ-ერთ თავისებურებად ავტორს მიაჩნია უფროსი მამაკაცისადმი, როგორც ქონების ერთპიროვნული მემკრონისადმი, ოჯახის დანარჩენ წევრთა უყოყმანო მორჩილება. ასეთი ოჯახისათვის დამახასიათებელი იყო დაქორწინების შემდეგ შვილების ცალკე გამოყოფა მშობლებთან უმცროსი შვილის დარჩენის პირობით. ძველი პატრიარქალური ყოფის ნიშნად მიჩნეულია ისიც, რომ ზოგჯერ გაყრილი ძმები კვლავ ინარჩუნებდნენ მეურნეობრივ ერთობას, მაგრამ პატრიარქალური საოჯახო წეს-რიგის შედარებით სრულ სურათს ავტორი ხედავს ყოფილი ყუბის მაზრის მოსახლეობაში XIX ს-ის ბოლომდე გადმონაშთის სახით შემორჩენილ დიდ პატრიარქალურ ოჯახში, რომელიც 2—4 თაობისაგან შედგებოდა და ზოგჯერ 60—65 სულს აერთიანებდა.

ამგვარი ოჯახის დახასიათების მიზნით ავტორი ეხება არა მარტო მის შემადგენლობას, არამედ ისეთ კომპონენტებსაც, როგორიცაა საცხოვრებელი ნაგებობანი; ნაგებობის სოციალური ფუნქცია და დიდი ოჯახის საცხოვრებლად განკუთვნილ სათავსთა სახელწოდებები; დიდი ოჯახის დაშლის შედეგად შექმნილი უბანი და პატრონიმთული გაერთიანება მის სათავეში ყოფილი დიდი ოჯახის უფროსის ყოფნით; წინაპრის კულტთან დაკავშირებული საერთო სა-

³¹ В. К о б ы ч е в, Крестьянское жилище народов Азербайджана в XIX в., КЭС, III, М., 1962, 19, 57, 58, 60.

³² თ. ჩ ი ქ ვ ა ნ ი, ამიერკავკასიის ხალხურ საცხოვრებელ ნაგებობათა ისტორიიდან, თბ., 1967.

³³ ვ. ი თ ნ ი შ ვ ი ლ ი, მონოგრაფია ამიერკავკასიის ხალხთა საცხოვრებლების შესახებ, „მცნე“, 1964, № 4.

ლოცავი, რომელიც ადრე გაუყოფელ ოჯახს ეკუთვნოდა; მმართველობის სისტემა და ოჯახის წევრებს შორის ფუნქციების განაწილება; დიდი ოჯახის მეთაურის უფლება-მოვალეობა და ამის გამომხატველი სახელწოდებები; თვით დიდი ოჯახის აღმნიშვნელი სახელწოდებები; ოჯახის გაყრის შემთხვევაში ინვენტარისა და საქონლის განაწილება, მაგრამ საერთო ხმარებაში მიწის დატოვება; ერთი დიდი ოჯახის დაყოფა ერთ შემთხვევაში შედარებით მცირერიცხოვან დიდ პატრიარქალურ ოჯახებად, ხოლო მეორე შემთხვევაში ინდივიდუალურ ოჯახებად და სხვა.

აგტორის შეხედულებით, დიდი ოჯახის შემონახულობას საკვლევ რაიონში, ისევე როგორც მთელ აზერბაიჯანში, ხელს უწყობდა ნატურალური მეურნეობის დიდხანს არსებობა და სასაქონლო-ფულადი ურთიერთობის სუსტი განვითარება. მნიშვნელოვან ფაქტორად მიაჩნია, აგრეთვე, კომლობრივი საგადასახადო სისტემა, როდესაც საგადასახადო ერთეულთა ზრდის შიშით მოსახლეობა გაუყრელად ცხოვრებისადმი მიდრეკილებას იჩენდა. სოფლად სასაქონლო-ფულადი ურთიერთობის განვითარებისა და ოჯახის შიგნით კერძო საკუთრებისადმი ლტოლვის შედეგად კი, როდესაც ოჯახის უფროსი დესპოტური ერთმმართველობისადმი კიდევ უფრო დიდი გულმოდგინებით ისწრაფვის, დიდი ოჯახის დაშლაც გარდუეალი ხდება³⁴.

გ. გეიბულაევის ნაშრომების მიხედვით, აზერბაიჯანული დიდი ოჯახი თავისი ბუნებით დესპოტურია, მაგრამ როდესაც იგი შეეცადა დიდი ოჯახის ტიპის განსაზღვრას, არსებული მასალების საფუძველზე ზოგიერთი ოჯახისათვის დამახასიათებელ მომენტად მიიჩნია დემოკრატიული (სოლიდარული) წეს-რიგის მოქმედება იმ არგუმენტით, რომ ოჯახის უფროსი მამის ადგილს მისი უფროსი შვილი იკავებდა, რომელსაც მეურნეობის წარმოება ეკისრებოდა³⁵. მაგრამ ვინაიდან ნაშრომში ნაჩვენებია არ არის მმართველობის სისტემაში მათი უფლებრივი მდგომარეობა, მართლ ზემოხსენებული ფაქტორით ოჯახის სოლიდარულ ბუნებაზე მსჯელობა დამაჯერებლობას მოკლებულია. ასევე მიუღებელია იმის მტკიცება, თითქოს აზერბაიჯანული დიდი ოჯახის შიგნით არსებული კუზენური ქორწინება ჯგუფობრივი ქორწინების გადმონაშთია და რომ კუზენური ქორწინება რამდენადმე დაკავშირებულია დიდ ოჯახთან³⁶. დიდი ოჯახი საქართველოშიც არსებობდა, მაგრამ მის შიგნით, ე. ი. ოჯახის წევრებს შორის ქორწინება წარმოუდგენელი იყო. ამიტომ აზერბაიჯანულ დიდ ოჯახში კუზენური ქორწინების არსებობა აიხსნება არა ჯგუფობრივი ქორწინების გადმონაშთების შემონახულობით და დიდ ოჯახთან მისი კავშირით, არამედ აზერბაიჯანელთა ყოფაში მაჰმადიანური რელიგიის გაბატონებით, რომელიც ახლო ნათესავთა შორის ქორწინებას არ კრძალავდა.

შირვანის ეთნოგრაფიული მასალების მიხედვით გ. რაჯაბოვმა შეისწავლა რა სოფლის თემის სტრუქტურა გადმონაშთური ფორმით მისი არსებობის პირობებში, მის ერთ-ერთ დამახასიათებელ ნიშნად მიიჩნია პატრონიმის არ-

³⁴ Г. Гейбулаев, Современная семья и семейный быт азербайджанцев (по этнографическим материалам Кубинского района), Автореферат, Баку, 1966; მოსოვი, О пережитках большой семьи в Азербайджане в XIX в. (по материалам Кубинского района), «Азербайджанский этнографический сборник» (შემდგ: АЭС), II, Баку, 1966.

³⁵ Г. Гейбулаев, О пережитках большой семьи в Азербайджане в XIX в., АЭС, II, 181.

³⁶ იქვე.

გ. რაჯაბოვი შეეხო საოჯახო თემის მრავალ სხვა მხარესაც, მაგრამ მისი ნაშრომებიდან დამოწმებული ადგილებიდანაც ნათლად ჩანს, რომ XIX ს-ის მიწურულში ავტორი აზერბაიჯანელთა საოჯახო თემის გადმონაშთური სახეობისათვის დამახასიათებელ მომენტად თვლის მის დესპოტურ ბუნებას, რაც საერთოდ ნიშანდობლივ მხარეს წარმოადგენდა მაჰმადიანური რელიგიის მიმდევარ ხალხთა საოჯახო ყოფისათვის.

ახალი ყოფის ტრადიციული წანამძღვრების გათვალისწინების შედეგად აზერბაიჯანულ ოჯახში მმართველობის დესპოტურ ხასიათზე მიუთითა, ავრე-ივე, ა. უმუდოვმა. მისივე დაკვირვებით, თანამედროვე აზერბაიჯანული ოჯახის საშუალო რიცხოვრივი შემადგენლობა 6—8 სულით განისაზღვრება, რაც ავტორს მიაჩნია ადრინდელი გაუყრელი ცხოვრების მექვიდრეობად. მაშასადამე, რეტროსპექტული ანალიზის საფუძველზე მ. უმუდოვი ავითარებს იმ თეზისს, რომ აზერბაიჯანში ოჯახის ადრინდელ ფორმას წარმოადგენდა დიდი ოჯახი, რომლის დოვლათის ერთპიროვნულ მესაკუთრედ, რძლების მზითვეის გამოკლებით, ითვლებოდა ოჯახის უფროსი მამაკაცი, ხოლო ოჯახის წევრთა ურთიერთობისათვის დამახასიათებელი იყო უთანასწორობა, რაც უმთავრესად გამოიხატებოდა ქალთა უუფლებობაში⁴⁰.

ახალი და ძველი ყოფის ამსახველი მასალების შეპირისპირების შედეგად ტრადიციული ნორმების ხანგრძლივი არსებობა ასევე ნათლად გამოჩნდა აფშერონის ეთნოგრაფიული მონაცემების მიხედვით. ა. ტრაფიმოვას შეხედულებით, საკვლევ რაიონში, ისევე როგორც აზერბაიჯანის სხვა კუთხეებში, დიდხანს არსებობდა მრავალსულიანი პატრიარქალური ოჯახი. მისი ერთპიროვნული მმართველი და ქონების მესაკუთრე იყო ოჯახის უფროსი — მამა, რომლის დესპოტური ნება-სურვილის გარეშე არავითარი გადაწყვეტილების მიღება არ შეიძლებოდა. მის გარდაცვალებამდე შეილები ვერ გაიყრებოდნენ. მათი ერთად ცხოვრება ზოგჯერ უფროსის გარდაცვალების შემდეგაც გრძელდებოდა, რასაც უმთავრესად ხელს უწყობდა მათი ქვრივი დედა, რომელიც მეურნეობის ერთობლივ წარმოებას და საერთო ქონების შენარჩუნებას ცდილობდა. ავტორის დაკვირვებით, ოქტომბრის რევოლუციის წინა პერიოდში აფშერონში სამ თაობამდე ერთად ცხოვრების შემთხვევები იშვიათობას წარმოადგენდა, ხოლო სხვა მაღალმთიან რაიონებში 1950 წლამდეც კი არსებობდა ზოგიერთი მრავალსულიანი ოჯახი⁴¹.

ცალკე აღებული რაიონების, კოლმეურნეობებისა და საპრეწველო ცენტრების მიხედვით აზერბაიჯანელთა ახალი ყოფის შესწავლისადმი მიძღვნილ ნაშრომებშიც გამახვილებულია ყურადღება საოჯახო ყოფის ცალკეული მოვლენების შესახებ და აღნიშნულია, რომ რევოლუციამდელ აზერბაიჯანში გადმონაშთური სახით არსებობდა დიდი ოჯახი, რომელიც საზოგადოებრივი ურთიერთობის სფეროში მომხდარ ცვლილებებთან ერთად იცვლიდა სახეს, ხოლო საბოლოოდ ეს პროცესი მისი სრული მოსპობითა და ინდოვიდუალური ოჯახის საყოველთაოდ გავრცელებით დამთავრდა⁴².

⁴⁰ М. У м у д о в, Быт и культура рабочих нефтедобывающей промышленности Азербайджана (по материалам Апшерона), Автореферат, Баку, 1966, 16.

⁴¹ А. Т р а ф и м о в а, Из истории семьи азербайджанцев Апшерона (1920—1950 гг.) КЭС, IV, М., 1969.

⁴² А. Н а з а р о в, Хозяйство и быт колхозников сельхозартели «Болгаристан» Гечкайского района Азербайджанской ССР, Автореферат, Тб., 1962; А. И з м а й л о в а,



აზერბაიჯანელთა საოჯახო ყოფიდან ბოლო დროს ეთნოგრაფიკულ კუთრებული ყურადღება მიიპყრო საოჯახო თემის გადმონაშთურმა სხეულმა რასაც 1970 წელს ზედიზედ ორი საკანდიდატო დისერტაცია მიექლენა. ერთი მათგანი ეხება საქართველოს სსრ დმანისის რაიონში მცხოვრებ აზერბაიჯანელთა საოჯახო ყოფას⁴³, ხოლო მეორე დაწერილია აღმოსავლეთ აზერბაიჯანის ეთნოგრაფიულ მონაცემებზე დაყრდნობით⁴⁴.

საქართველოში მცხოვრებ აზერბაიჯანელთა საოჯახო თემის გადმონაშთებს ა. ახმედოვა სპეციალური წერილი⁴⁵ მიუძღვნა 1967 წელს, ხოლო შემდეგ ეს საკითხი ვრცლად განიხილა საკვალიფიკაციო მონოგრაფიაში⁴⁶. ეთნოგრაფიული მასალისა და ლიტერატურული მონაცემების მიხედვით ორივე ნაშრომში ნაჩვენებია, რომ XIX საუკუნის დასასრულსა და XX საუკუნის დასაწყისში ინდივიდუალურ ოჯახთან ერთად ცოცხლობდა დიდი პატრიარქალური ოჯახი, რომლის შემონახულობას ხელს უწყობდა ნატურალური მეურნეობის არსებობა. ამ ტიპის ოჯახის ერთ-ერთ ნიშანდობლივ მხარედ ავტორს მიაჩნია 20-დან 60-მდე სულის ერთად ცხოვრება სამი-ოთხი თაობის სახით. ოჯახის რიცხობრივი შემადგენლობისათვის დამახასიათებელი ყოფილა სულთა რაოდენობის თანდათანობით კლება ისე, რომ XX ს-ის დასაწყისისათვის დიდი ოჯახის შემადგენლობა 20—25 სულს აღარ აღემატებოდა, ხოლო თაობებს ერთმანეთისაგან გამოყოფდნენ მამრობითი და მდედრობითი ხაზით არსებული შესაბამისი სახელწოდებებით. დიდი ოჯახის ეკონომიურ საფუძველს შეადგენდა კოლექტიური წარმოება და მოხმარება. ოჯახს მართავდა მამაკაცებს შორის უფროსი, ხოლო მეორე ადგილი ეკირა მის მეუღლეს ან უფროს რძალს, რომელსაც ევალებოდა ქალთა შრომა-საქმიანობის ხელმძღვანელობა. ოჯახის უფროსობა გადადიოდა მომდევნო ხნით უფროსის ხელში, ჩვეულები-სამებრ მამიდან უფროსი შვილის ხელში. ოჯახის უფროსი სარგებლობდა განუსაზღვრელი უფლებებით, რომელსაც ნებისმიერი წევრის დასჯა და სახლიდან უწილოდ გაგდებაც კი შეძლებია, რაც დესპოტური მმართველობის არსებობაზე მიგვიბრუნებს. ამაზე მეტყველებს ის გარემოებაც, რომ მის გარდევალბამდე ან მის დაუკითხავად ოჯახის გაყრა არ მოხდებოდა. გაყრის შემთხვევაში კი ქონებას თანაბრად იყოფდნენ შვილები და შვილებიანი ქვრივი. უწვილო ქვრივი მხოლოდ თავის მზითევს უნდა დასჯერებოდა. თუ გაყრა მამის სიცოცხლეში მოხდებოდა, ის სხვების თანაბარ წილთან ერთად ზედმეტსაც მიიღებდა საქონლის სახით. თუ მამა აღარ იყო ცოცხალი, მის ქვრივს

Социалистическое преобразование хозяйства, культуры и быта талышей, Автореферат, М., 1964; И. Г а д ж и е в, Социалистическое переустройство хозяйства, культуры и быта азербайджанского крестьянства (по материалам Казахского района), Автореферат, Баку, 1965; В. Ч и р а г з а д е, Социалистический быт рабочих-шелководов города Нухи. Автореферат, Баку, 1966.

⁴³ А. А х м е д о в, Семья и семейный быт азербайджанцев (историко-этнографическое исследование по материалам Дманисского района Грузинской ССР), Автореферат, Баку, 1970.

⁴⁴ А. С а д ы к о в, Пережитки семейной общины в Восточном Азербайджане в конце XIX — начале XX вв., Автореферат, Баку, 1970.

⁴⁵ А. А х м е д о в, Семейная община у азербайджанцев в конце XIX и начале XX вв. (по материалам Башкечитского района Грузии), «Доклады Академии наук Азербайджанской ССР», т. 23, № 6, 1967.

⁴⁶ А. А х м е д о в, Семья и семейный быт азербайджанцев..., Автореферат, Баку, 1970.

შედარებით ნაკლებ ქონებას შეახვედრებდნენ. გასათხოვარ ქალს წილს არ აძლევდნენ იმ შემთხვევაში, თუ მათი მამა ცოცხალი იყო, მაგრამ თუ გაყრა მამის გარდაცვალების შემდეგ მოხდებოდა, ქალი იმდენსავე მიიღებდა, რამდენსაც თითოეული მისი ძმა, ხოლო თავისი წილი ქონებით გათხოვებამდე საცხოვრებლად რჩებოდა რომელიმე ძმასთან. უცოლო ძმას კუთვნილ წილს გარდა აძლევდნენ ზედმეტ ქონებას ყალიძის გადასახდელად და საქორწილო ხარჯებისათვის. იარაღი, ტანსაცმელი და სხვა პირადი ნივთები ყველას თავისთვის რჩებოდა. წისქვილსა და ბაღს განაყრები საერთო საკუთრებაში იტოვებდნენ. ოჯახის გაყრისა და განაყრების ერთ უბნად დასახლების შედეგად იქმნებოდა პატრონიმია.

ზემოაღნიშნული მონაცემები საეჭვოს არ ხდის დიდი ოჯახის გადმონაშთების არსებობას საქართველოს ტერიტორიაზე მცხოვრებ აზერბაიჯანელთა შორის, მაგრამ ზოგიერთი საკითხის გარკვევისას ავტორი წინააღმდეგობაში ეარდება. მაგალითად, 1967 წელს გამოქვეყნებულ წერილში აღნიშნავს, რომ დესპოტური უფლებების მქონე უფროსს სცვლიდა უფროსი შვილი მისი არჩევის გარეშე⁴⁷. შემდეგ ამავე საკითხთან დაკავშირებით კვლავ აღიარა, რა, რომ ოჯახის უფროსის ძალაუფლება დესპოტურ ხასიათს ატარებდა, იქვე შეუდგა იმის მტკიცებას, თითქოს, ჩვეულებისამებრ, ოჯახის უფროსს ირჩევდნენ, მაგრამ ზოგჯერ მისი ძალაუფლება, ხნით უფროსობის პრინციპის შესაბამისად, მაშინაც მისი უფროსი შვილის ხელში გადადიოდა⁴⁸.

თუ ერთდროულად წარმოვიდგენდით ყველა ზემოაღნიშნული მომენტის არსებობას ოჯახის მმართველობის სისტემაში, მაშინ შეუძლებელი იქნებოდა იმის განსაზღვრა, თუ ოჯახის რომელ ტიპს მიეკუთვნებოდა ა. ახმედოვის მიერ შესწავლილი ოჯახი, ვინაიდან არჩევა დამახასიათებელი იყო სოლიდარული მმართველობის ანუ დემოკრატიული ტიპის საოჯახო თემისათვის, ხოლო ოჯახის უფროსის განუსაზღვრელი ძალაუფლება დესპოტური დიდი ოჯახისათვის. აღნიშნული მოვლენების თანაარსებობა და მმართველობის სისტემაში დუალიზმის გაჩენა მხოლოდ იმით შეიძლება აიხსნას, რომ საქართველოს ტერიტორიაზე ხანგრძლივი ცხოვრების შედეგად დესპოტური ტიპის აზერბაიჯანულ ოჯახში შეიჭრა ქართული საოჯახო თემისათვის ნიშანდობლივი სოლიდარული მმართველობის ელემენტები, რომლის გაუთვალისწინებლობამ ავტორი წინააღმდეგობაში ჩააგდო. მასალის ცალმხრივი განხილვის შედეგად მან ასევე ერთ შემთხვევაში აღნიშნა, რომ ოჯახის უფროსის ქვრივს წილში მამულს არ აძლევდნენ, ხოლო იქვე წერს, თითქოს ქვრივი დედის წილზედ მამულს ის შვილი დაეპატრონებოდა, რომელთანაც დედა საცხოვრებლად ღარჩებოდა⁴⁹.

ამგვარი ხარვეზების მიუხედავად, ა. ახმედოვმა სწორად გაიგო საქართველოს ტერიტორიაზე მცხოვრებ აზერბაიჯანელთა საოჯახო ყოფის შესახებ შემორჩენილი მასალის რაობა და მასზე დაყრდნობით გვიჩვენა, რომ ინდივიდუალურ ოჯახთან ერთად XIX ს-ის დასასრულსა და XX ს-ის დასაწყისში ჯერ კიდევ დიდი ოჯახიც არსებობდა.

⁴⁷ А. Ахмедов, Семейная община у азербайджанцев..., „Доклады“, т. 23, № 6, 1967, 86.

⁴⁸ А. Ахмедов, Семья и семейный быт азербайджанцев..., Автореферат. 1970, 7.

⁴⁹ იქვე.



საოჯახო თემის გადმონაშთური სახეობის ძირითადი ელემენტების გასაცნობად არანაკლებად საინტერესოა ა. სადიკოვის ზემოხსენებული ნაშრომი, რომელიც ემყარება, ერთი მხრივ, XIX ს-ის დასასრულსა და XX ს-ის დასაწყისის ეთნოგრაფიულ მასალებს, ხოლო, მეორე მხრივ, შესაბამის ლიტერატურულ მონაცემებს.

ფაქტობრივ მონაცემებზე დაყრდნობით ავტორი გვაცნობს მრავალ ისეთ ოჯახს, რომელიც სამ, ოთხ ან ხუთ თაობას მოიცავდა და ის სისხლით ნათესავენს გარდა ზოგჯერ გარედან შესულ პირებსაც (შვილობილებს ან ძესიძეებს) აერთიანებდა. ასეთ ოჯახს ხელმძღვანელობდა გამოცდილი მეურნე, რომელიც ითვლებოდა ქონების სრულფუნქციონირებელ მესაკუთრედ. მას ევალებოდა ოჯახის წევრებს შორის ფუნქციების განაწილება, ხოლო ოჯახის წევრების მოვალეობას შეადგენდა მისდამი უყოყმანო მორჩილება. ოჯახის უფროსს შეეძლო შვილის უწილოდ გაგდებაც კი. იგი იყო ოჯახის წარმომადგენელი სოფლის თემის საბჭოში, სადაც სამეურნეო და საზოგადოებრივი საკითხები განიხილებოდა. ყოველივე ამასთან ერთად ავტორი იმასაც აღნიშნავს, რომ ხელმძღვანელის ძალაუფლება მინც განსაზღვრული იყო საზოგადოებრივი და საოჯახო ყოფის ნორმებით, შინასაოჯახო ეტიკეტით. მისი ავტორიტეტისათვის დიდი მნიშვნელობა ენიჭებოდა თვით მის პირად ურთიერთობას ოჯახის წევრებთან, სამართლიანობას და ოჯახში მისმედიდისა და თანხმობის დაცვას. მნიშვნელოვანი საკითხების გადასაწყვეტად ის ვალდებული იყო მოეწვია საოჯახო თათბირი სრულწლოვანი მამაკაცებისა და არაიშვიათად ხნიერი დედაკაცების მონაწილეობით. ქალთა შინასაოჯახო საქმიანობას ხელმძღვანელობდა უფროსი ქალი, რომელსაც პროდუქტების სათავსიც ჰქონდა ჩაბარებული. შრომის განაწილებას საფუძვლად ედო სქესობრივ-საკუთრები პრინციპი, რაც განსაკუთრებით მკვეთრად შეიმჩნეოდა საოჯახო თემის არსებობის ადრეულ სტადიაზე. ოჯახის ეკონომიურ საფუძველს განსაზღვრავდა თვით საკვლევი რაიონის მეურნეობის ხასიათი. ქონების ძირითადი ნაწილი ოჯახის წევრთა საზოგადო საკუთრებას შეადგენდა, ხოლო პირად საკუთრებაში შეიძლება ჰქონოდათ ტანსაცმელი, იარაღი, სამკაული და მზითვეი. როდესაც ოჯახის გაყრის საკითხი დადგებოდა, პირველ რიგში გამოყოფდნენ ვალისა და საერთო ხარჯის დასაფარავად საჭირო ქონებას. შემდეგ უცოლო ძმას საქორწილო ხარჯებისათვის წინასწარ მისცემდნენ მიწის ნაკვეთს ან საქონელს. ასევე გათვალისწინებული ყოფილა გასათხოვარი დებისა და ქვრივი დედის შესანახად მოძრავი ქონების გამოყოფა — დისთვის ძმის წილის ნახევარი, ხოლო დედისთვის წილის 1/4. ამ ქონებას აძლევდნენ უფროს ძმას, რომელთანაც დედა და დები საცხოვრებლად რჩებოდნენ. ზოგიერთ შემთხვევაში მათ უძრავი ქონების ნაწილსაც აძლევდნენ, რასაც დედის გარდაცვალებისა და დების გათხოვების შემდეგ ძმები ინაწილებდნენ. ზემოაღნიშნული მომენტების გათვალისწინების შემდეგ საოჯახო ქონებას ძმები წილის ყრით ინაწილებდნენ, ოღონდ უფროს ძმას საუფროსოში აძლევდნენ ან მიწის ნაკვეთს, ან ცხენს, ანდა რამდენიმე ცხვარს. მას გადასცემდნენ, აგრეთვე, გარდაცვლილი უფროსის პირად იარაღს, ცხენს, ყურანს და სხვ. დიდი ოჯახის განაყრები ერთმანეთის მეზობლად დასახლებით ჰქმნიდნენ პატრონიმას.

ძირითადად ასე ახასიათებს ა. სადიკოვი აღმოსავლეთ აზერბაიჯანში არსებულ დიდ ოჯახს, რომლის შემორჩენილობის მიზეზებად თვლის ნატურა-

ლურ მეურნეობას, კომლობრივ საგადასახადო სისტემას და მაღალმთიანი რაიონების კულტურულ-ეკონომიურ იზოლაციას. დიდი ოჯახების დაშლის მიზეზად კი ავტორის მიაჩნია მის შიგნით კერძო საკუთრების განვითარება, რაც განსაკუთრებით გაღრმავდა კაპიტალისტური ურთიერთობის აღმავლობის პირობებში.

აღმოსავლეთ აზერბაიჯანის ეთნოგრაფიული მასალის გამომზეურებით ა. სადიკოვმა მნიშვნელოვანი წვლილი შეიტანა საოჯახო თემის ლოკალურ თავისებურებათა კვლევის სფეროში, მაგრამ ამ მიმართულებით ნაშრომში ბევრი საკითხი შემდგომ გაღრმავებას მოითხოვს. ეს პირველ რიგში ეხება მმართველობის სისტემას, რამდენადაც ავტორი მმართველობის დესპოტური სისტემის პარალელურად ვეაყენებს სოლიდარული მმართველობის ელემენტებსაც, მაგრამ არ ასახელებს ასეთი მოვლენების თანაარსებობის მიზეზს. როგორც ჩანს ეს იმ გარემოებამ განაპირობა, რომ ავტორმა დიფერენცირებულად არ შეისწავლა საოჯახო თემის ძველი, ტრადიციული მოვლენები, რომლისთვისაც დამახასიათებელი იყო სოლიდარული მმართველობა, და შარიათის არსებობა, რამაც ხელი შეუწყო დესპოტური მმართველობის დანერგვა-განმტკიცებას.

როგორც დავინახეთ, ოჯახის არქაული ფორმების გადმონაშთების კვლევა სომხეთთან შედარებით აზერბაიჯანში გვიან დაიწყო და შედარებით შეზღუდული მასშტაბით მიმდინარეობს. სწორედ ამ გარემოებამ განაპირობა მ. კოსვენის გულგრილი დამოკიდებულება აზერბაიჯანული საოჯახო თემის საკითხისადმი. ამავე ვითარების ანარეკლს ვხედავთ კავკასიის ეთნოგრაფიის ნარკვევებში⁵⁰, სადაც აღნიშნულია, რომ აზერბაიჯანში XX საუკუნემდე იყო შემორჩენილი დიდი პატრიარქალური ოჯახის გადმონაშთები, იქვეა ნაჩვენები პატრიარქალური ყოფის ელემენტები (ოჯახის უფროსის განუსაზღვრელი უფლებები, ქალის მძიმე პირობები, შარიათის ნორმები...), მაგრამ ეს მიმოხილვა რამდენადმე სრულფასოვან წარმოდგენას არ გვაძლევს დიდი ოჯახის სტრუქტურაზე. ამდენად, საოჯახო ყოფის კვლევა აზერბაიჯანში, რაც უმთავრესად ვიშალა ზემოხსენებულ ნარკვევების გამოქვეყნების (1962 წ.) შემდეგ, მნიშვნელოვნად აკლებს მანამდე არსებულ ხარვეზს.

ძირითადად ასე წარმოგვიდგება საოჯახო თემის კვლევის შედეგები სომხეთსა და აზერბაიჯანში. განხილული ლიტერატურა საფუძველია დასკვნისა, რომ ამიერკავკასიის ხალხთა წარსულისათვის დამახასიათებელ საერთო მოვლენას წარმოადგენდა საოჯახო თემის არსებობა მისი მეტ-ნაკლებად განსხვავებული ვარიანტებით. სრულიად აშკარად გამოჩნდა ისიც, რომ კლასობრივ საზოგადოებაში გაბატონებულ ერთეულს წარმოადგენდა ინდივიდუალური ოჯახი, ხოლო ოჯახის არქაულ ფორმათა გადმონაშთების არსებობა გაცილებით ხანგრძლივად აღინიშნებოდა სომხეთისა და აზერბაიჯანის მთიან რაიონებში, ისევე როგორც ეს ვითარება დასტურდება სხვაგან, რაც საზოგადოებრივი ურთიერთობის განვითარების საერთო კანონზომიერების კონკრეტული გამოსახულების კიდევ ერთი მაჩვენებელთაგანია.

⁵⁰ «Народы Кавказа», II, 131—133, 185, 202.

წარმოადგინა საქართველოს მეცნიერებათა აკადემიის ივ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის ისტორიის მეცნიერებისა და საზოგადოებრივი აზრის განვითარების ისტორიის განყოფილებამ

ოთარ ჩიქოვანი

მიწის პრობლემა საქართველოში და კოლხეთის მელიორაციის მნიშვნელობა

მიწის სივიწროვის გამო უკიდურეს მდგომარეობაში ჩავარდნილი ქართველი გლეხობა ჯერ კიდევ მეფის მთავრობის დროს ეძებდა თავისუფალ მიწას დასახლებლად. განსაკუთრებით დიდი იყო დასავლეთ საქართველოს უმიწაწყო გლეხობის ლტოლვა აღმოსავლეთ საქართველოს მიწის თავისუფალი ნაკვეთებისაკენ. მაგრამ მეფის მთავრობა წინააღმდეგი იყო ასეთი გადასახლების, რადგან მას ერჩია საქართველოს მცირეოდენი თავისუფალი მიწის ნაკვეთები გამოეყენებინა თავისი ზრახვების განსახორციელებლად.

მეფის მთავრობამ XIX ს-ის ოციანი წლებიდან დაიწყო გადმოსახლება ჩვენში. ამის მიზანი ძირითადად საქართველოს, როგორც განაპირა კუთხის, რუსიფიკაცია იყო. ასახლებდნენ უმთავრესად რუსობას და იშვიათ შემთხვევაში, სხვა ეროვნების ხალხებს. XIX ს-ის 70-იან წლებამდე დასახლეს: გერმანელები — ტფილისისა და ბორჩალოს მაზრებში (კოლონიები: თბილისის — ახლანდელი პლენანოვის პროსპექტი, ალექსანდერდორფი, მარიიფელდი — სართიქალაში, პეტერსდორფი, ელისავეტალი (იგივე ასურეთა) და ეკატერინენფელდი — ბოლნისში); ბერძნები — წალკასა და ტფილისის მაზრაში; სომხები — ჭავჭავთში; რუსები — (უმთავრესად ყოფილი ჯარისკაცები) სიღნაღის მაზრის სოფლებში: ლაგოდეხს, მიხაილოვკას, დედოფლისწყაროსა და საცხენისში; თელავის მაზრაში: მანგლისს, პრიუტსა და ოლგინსკოეში; დუხობორები — ბორჩალოს მაზრის სოფელ ბაშკიჩეთში და ახალქალაქის მაზრაში: ვორელოეს, სპასკოესა და როდიონოვკაში.

გასული საუკუნის 90-იანი წლებიდან პირველი მსოფლიო ომის დაწყებამდე გადმოსახლება ატარებდა მხოლოდ და მხოლოდ რუსიფიკატორულ ხასიათს. ამ დროის განმავლობაში რუსებით დასახლებულ იქნა სოფლები: ელისავეტოვკა, რომანოვის ხუტორები, ალექსეევკა, გრაფოვკა, ილარიონოვკა, ვორონცოვკა, დამკოვკა, ივანოვკა, ნიკოლოვკა, სვეჩინო, ტროიცკოე, მწვანე მინდორი და ნოვოდიმიტროვკა — სიღნაღის მაზრაში; ნოვომიხაილოვკა, ტატიანოვკა, ვოევიკო, ნოვოალექსეევკა, ნოვოპავლოვკა — ტფილისის მაზრაში; ერმოლოვკა და ტამბოვკა — ახალქალაქის მაზრაში და ვოსკრესენოვკა და უსპენსკოე — ოზურგეთის მაზრაში. ჩამოსახლებულთ ეძლეოდათ მიწის დიდი ნორმები — სულზე 5—15 დესეტინამდე. გერმანელ კოლონისტებსა და რუს ახალმოშენეთ მთავრობა აძლევდა, აგრეთვე, დიდ მატერიალურ დახმარებას შენობების ასაგებად, ინვენტარის შესაძენად, ეკლესიებისა და სკოლების ასაშენებლად¹.

ქართველი გლეხობა, ბუნებრივია, ვერ ურიგდებოდა მიწის სიმცირეს და თვით ეძებდა ამ მდგომარეობიდან გამოსავალს. როგორც აღვნიშნეთ, უმი-

¹ საქართველოს სახელმწიფო ცენტრალური ისტორიული არქივი (შემდეგში: სსცია), ფ. 288, ანაწ. 1, საქ. 1729, ფურც. 41.



წაწყლო მოსახლეობის ნაწილი სამუშაოდ მიეშურებოდა შორეულ მხარეებში; მეორე ნაწილი კი თვითნებურად, ცუდით ხელში ეფინებოდა აღმოსავლეთ საქართველოს ტყიან ადგილებს, აახოვებდა მას, თესავდა სიმინდსა და პურს, აშენებდა სახლებს, ვენახებს, ბაღებს. ქართველი გლეხობის მოძრაობაში აღინიშნება ორი პერიოდი. პირველი პერიოდი განისაზღვრება იმერლების მიერ ლიხის მთის გადმოლახვით და ამ მთის კალთებზე მდებარე სურამის, ხაშურისა და ბორჯომის რაიონებში დასახლებით; აგრეთვე, ტფილისის მახლობლად სოფ. ქვემო ლისში მეგრელების ჩასახლებით; სოფლები: ახალსოფლის, ჭიკანის, კუჭატანის, შრომის და კავშირის დასახლებით კახეთში. თვითნებურად გადმოსახლების მეორე პერიოდს ეკუთვნის რიგი იმერული და ოსური სოფლების დასახლება კახეთში ალაზნის ვაღმა (სოფლები: აფენი, ლელიანი, ბებურიანი, ხეჩილი, ფონა, ეშმაკის ყურე — და ა. შ. 40-მდე სოფელი) და ზემო და ქვემო ქედების დასახლება შირაქში. ცხადია, არავითარ მატერიალურ დახმარებას არც მთავრობისა და არც საზოგადოებრივი ორგანიზაციების მხრივ აქ ადგილი არ ჰქონია, თუ მხედველობაში არ მივიღებთ რამდენიმე გაბედული პირის მიერ ამ საქმისათვის ხელშეწყობას.

უმიწაწყლო ხალხის დენამ თავისუფალი ადგილებისაკენ უფრო მასობრივი ხასიათი მიიღო 1917 წელს მეფის მთავრობის დამხობის შემდეგ, როდესაც ხალხმა იგრძნო მათი ლტოლვის მოწინააღმდეგე ძალის განადგურება და ასობით და ათასობით მიაშურა დაუსახლებელ ადგილებს, უმთავრესად ალაზნის ტყიან ველებს. შექმნილ ვარემოებას ანგარიში ვაუწვია მენშევიკურმა მთავრობამ და იძულებული იყო დაეწყო ამ საქმის მოწესრიგება. ვინაიდან კახეთს მოაწყდა უმიწაწყლო გლეხოზა იმერეთიდან, ქიზიყიდან და ოსეთიდან, 1919 წელს დაწყებულ იქნა მუშაობა თავისუფალი ფონდის გამოსაძებნად და დასახლებლად ტფილისის, ბორჩალოსა და ახალქალაქის მაზრებში. 3 წლის განმავლობაში (1918—1920 წწ.) საქართველოში დასახლდა 30 სოფელ 2629 კომლით². გადმოსახლებულთა შემადგენლობა ასეთი იყო: კახეთში (თელავისა და სიღნაღის მაზრებში) გადმოსახლდნენ უმთავრესად დასავლეთ საქართველოდან და ქიზიყიდან; თბილისის მაზრის სოფლებში დასახლებული იყვნენ უმთავრესად იმერლები, დანარჩენ სოფლებში კი გერმანელები და იმერლები. იმერლები იყვნენ, აგრეთვე, ყარაიის სამ სოფელში და ალბულაღის რაიონის სოფ. მაწევანაში. გორის მაზრის სოფ. მირიანულში დასახლდნენ ისევ გორის მაზრელები, ხოლო ახალქალაქის მაზრაში — მოხვევები და ოსები³.

დასახლებლად ვარჯისი ფონდი ამით თითქმის ამოიწურა. საქართველოში საბჭოთა ხელისუფლების დამყარების პირველ წლებში კიდევ შეიმჩნეოდა გადასახლებულთა მოძრაობა. 1921 წელს კახეთში (ალაზნაგალმა) დაარსდა ორი ახალი სოფელი — ნაენდრიალი და ბეშკენი 95 კომლით⁴. 1923 და 1924 წლებში ხდებოდა მხოლოდ თითო-ორი კომლის გადასახლება წინათ დაარსებულ ახალშენებში. 1925—1926 წლებში საახალშენო ფონდის ამოწურვის გამო გადასახლების საქმე საქართველოში თითქმის სავსებით შეჩერდა, თუ მხედველობაში არ მივიღებთ ძველ სოფლებში ჩასახლების თითო-ორი შემთხვევას.

² სსცია, ფ. 288, ანაწ. I, საქ. 1729, ფურც. 45.

³ იქვე.

⁴ იქვე, ფურც. 47.



შექმნილ სიტუაციაში, მიწის უმინშენელო ნაკვეთიც კი, რომლის გავრგვლჯაც შეიძლებოდა ბუნებისაგან (მელიორაციით), წარმოადგენდა საგარძნობ ღირებულებას გლეხობის უზრუნველსაყოფად. ასეთ ვითარებაში კოლხეთის ჰაობებიდან 220000 ჰა მიწის მიღებას უაღრესად დიდი მნიშვნელობა ჰქონდა დასავლეთ საქართველოსათვის. მას შეეძლო თითქმის სრულიად დაეკმაყოფილებინა მიწით იქაური გლეხობის დიდი ნაწილი.

კოლხეთის დაბლობის ამოშრობის სამუშაოთა პარალელურად მიმდინარეობდა უკვე ამოშრობილი ადგილების ათვისება. ნაჭაობარ მიწებზე ჩნდებოდნენ ახალი კოლმეურნეობები, ახალი სოფლები. წლითიწლობით იზრდებოდა კოლხეთის მცხოვრებთა რიცხვი.

ახალი დასახლებებისა და კოლმეურნეობების შექმნამდე კოლხეთის ამოშრობილი მიწების ათვისება ხდებოდა დასავლეთ საქართველოს მცირემიწიანი რაიონების მოსახლეობის მიერ არა გადასახლებით, არამედ მიწების დასამუშავებლად და მოსავლის ასაღებად სამუშაოზე გასვლის წესით; ამასთან ერთად ისინი ინარჩუნებდნენ ძველ ნაკვეთებზე მიწათსარგებლობის უფლებას.

კოლხეთის ამომშრალი მიწებიდან 1934 წ. დასამუშავებლად გადაეცათ: ხარაგაულის რაიონს — 500 ჰა, ხონის რაიონს — 600 ჰა, ამბროლაურის რაიონს — 400 ჰა⁵. ამ რაიონების წარმომადგენლები ჩამოვიდნენ კოლხეთში, დაათვალიერეს ამოშრობილი ადგილები და მოისურვეს ფართობების გამოყოფა. აღნიშნულ ნაკვეთებზე კოლმეურნეები შეუდგნენ სასოფლო-სამეურნეო კულტურების თესვას, ხოლო ხონის რაიონმა გადაიყვანა სოფ. კინჩხის მესაქონლეობის ფერმაც. პარტია და მთავრობა ყოველმხრივ უწყობდნენ ხელს კოლმეურნეობათა და კოლმეურნეთა ინიციატივას ახალი მიწების ასათვისებლად კოლხეთში. სრულიად საქართველოს საბჭოების VII ყრილობის დადგენილებაში „კოლხიდმშენის“ შესახებ ნათქვამია: „ყოველნაირად შეეწყოს ხელი კოლმეურნეობათა ინიციატივას ახალი მიწების ასათვისებლად კოლხიდაში და, ხონისა და ხარაგაულის რაიონების მაგალითის მიხედვით, მიემაგროს კოლმეურნეობებსა და მშრომელ ერთპიროვნულ მეურნეობებს ამოშრობილი მიწები სამეურნეო ათვისებისათვის; ამასთან დატოვებულ იქნას მათზე ფაქტიური მიწათსარგებლობა ძველ უბნებზე“⁶. კოლხეთის ამომშრალი მიწების დამუშავების სურვილს გამოთქვამდნენ სხვა რაიონებიც. 1935 წლის 13 ნოემბრის სხდომაზე ზესტაფონის რაიკომის ბიურომ დაადგინა: „იმის გამო, რომ ბოსლევის, დილიკაურის, შროშის და წევის სასოფლო საბჭოების ტერიტორია თავისი კლიმატური პირობების და ნიადაგის მიხედვით ძალზე მცირემოსავლიანია მარცვლეული კულტურებისათვის და ამ მხრივ განიცდის სასოფლო-სამეურნეო არტელები სურსათის მიღების საქმეში ძალზე სიციწროვეს — ეთხოვოს საქართველოს კპ(ბ) ცეკას და სახკომსაბჭოს ზესტაფონის რაიონს გამოუყონ კოლხიდაში 1936 წლის საგაზაფხულო სამუშაოების ასათვისებლად ფართობი 200 ჰექტარის რაოდენობით“⁷. 1935 წელს ქველონსა და ჭალადიდაში დასასახლებლად მიწები შეარჩიეს ტყიბულის რაიონის ჩაშლეთის კოლმეურნეობის წარმომადგენლებმა⁸. 600—800 ჰექტარი მიწა ეთმობოდა ასპინძის რაიონიდან გადმოსახლებულ 150—200 ოჯახს. ზოგი რაიონი კი (ცაგერის, ონი-

⁵ სსცია, ფ. 284, ანაწ. 2, საქ. 47, ფურც. 160, 161.

⁶ გაზ. „კომუნისტი“, 1935 წლის 17 იანვარი.

⁷ ფოთის საქალაქო არქივი, ფ. 39, ანაწ. 1, საქ. 1026, ფურც. 53.

⁸ იქვე, საქ. 809, ფურც. 18.

სა და სხვ.) კლიმატური პირობების გამო, უარს აცხადებდა კოლხეთის ამომშრალი ნაკვეთების ათვისებაზე. „ზემო რაკის მოსახლეობა ვერ აიტანს კოლხიდის დაბლობის ჰავასო“, აღნიშნულია ონის რაიონის აღმასრულებელი კომიტეტის ცნობაში.

ამომშრობილ მიწებს კოლხეთში იყენებდნენ ადგილობრივი კოლმეურნეობები, საბჭოთა მეურნეობები და სხვა ორგანიზაციებიც. ლანჩხუთის რაიონმა 1936 წელს აითვისა 553 ჰა, მახარაძის რაიონმა — 250 ჰა, ფოთის რაიონმა — 178 ჰა¹⁰. მაგრამ ყოველივე ეს ჯერ კიდევ ძალზე ცოტა იყო. დიდი როლდენობა ამომშრალი მიწებისა რჩებოდა აუთვისებელი და გამოიყენებოდა მხოლოდ საძოვრებად. 16352 ჰექტარიდან, რომელიც ამომშრობილი იყო 1935 წლისათვის, დასამუშავებლად მომზადდა 7000 ჰექტარი¹¹. კოლხეთის ამომშრობილი მიწების სამეურნეო ათვისების საქმეში დიდი როლი შეასრულა გლეხების გადასახლება დასავლეთ საქართველოს მცირემიწიანი რაიონებიდან, აგრეთვე, ახალი დასახლებების, კოლმეურნეობებისა და საბჭოთა მეურნეობების შექმნამ.

ერთ-ერთი პირველი ახალი სოფელი, რომელიც შეიქმნა კოლხეთის ამომშრალ მიწებზე იყო მშრომელ ებრაელთა სოფელი ხობთან (1937 წ.). ცნობილია, რომ საქართველოში საბჭოთა ხელისუფლების დამყარებამდე ქართველ ებრაელებში არავითარი კულტურული მუშაობა არ ჩატარებულა. სიღატაკე და უმეცრება ბატონობდა ებრაელების დიდ უმრავლესობაში. საბჭოთა მთავრობამ გზა გაუხსნა ებრაელებს შრომისა და ნათელი ცხოვრებისაკენ. ჩამოყალიბდა ღარიბ ებრაელთა დამხმარე კომიტეტი, რომელმაც დიდი მუშაობა გააჩაღა ღარიბი მოსახლეობის შესაკავშირებლად და საწარმოო ცხოვრებაში ჩასაბმელად. საქართველოს ღარიბ ებრაელთა სასოფლო-სამეურნეო შრომაში მიზიდვისა და ებრაელი მოსახლეობის სოციალური სტრუქტურის საერთო გაჯანსაღების მიზნით, ებრაელებით დასახლებულ რაიონებში ჩამოყალიბდა კოლმეურნეობანი. ასეთი კოლმეურნეობა საქართველოში 1936 წელს იყო 14 (6 კოლმეურნეობა აღმ. საქართველოში და 8 — დასავლეთ საქართველოში), სადაც 1935 წელს გაერთიანებული იყო 616 კომლი 2645 სულთ, 1936 წელს კი 792 კომლი 3431 სულთ¹².

1936 წელს საქართველოს „მემსს“ (მშრომელ ებრაელთა მიწათმომწყოები საზოგადოება) გადაეცა 700 ჰექტარი ამომშრალი მიწა მშრომელ ებრაელთა 185 ოჯახის დასახლებლად¹³. ეს მიწები მდებარეობდა ხობსა და ქვემო ქვალონს შორის ცხაკაია-ზუგდიდის გზატკეცილის გასწვრივ. აქ უნდა გადმოსულიყვნენ იმ ებრაელთა ოჯახები, რომლებიც სახნავ-სათესი მიწების ნაკლებობას განიცდიდნენ სამეგრელოსა და ქვემო იმერეთის რვა რაიონებში. 1936 წელს ამ სოფლის მშენებლობისათვის მთავრობას გამოყოფილი ჰქონდა 1800000 მან.¹⁴

1937 წელს აიგო 115 ოდა სახლი 230 ოთახით (სათავსებით). მშენებლობის პროცესში იმყოფებოდა კიდევ 70 სახლი. ყველა ჩამოსახლებულ ოჯახს

¹⁰ ფოთის საქალაქო არქივი, ფ. 39, ანაწ. 1, საქ. 1026, ფურც. 142.

¹¹ გაზ. „კომუნისტი“, 1935 წლის 17 იანვარი.

¹² სსცია, ფ. 525, ანაწ. 1, საქ. 470, ფურც. 21.

¹³ იქვე, ფურც. 27.

¹⁴ გაზ. „კომუნისტი“, 1936 წლის 2 ნოემბერი.



სახლთან ერთად ეძლეოდა 0,5 ჰექტარი საკარმიდამო ფართობი, რომელიც 3—4 წლის განმავლობაში უნდა გადაექციათ ციტრუსოვანთა ბაღნარად¹⁵.

მთავრობა დიდ შეღავათებს აძლევდა და დახმარებას უწყვედა კოლხეთის დამშრალ ტერიტორიებზე დასახლებულთ. სახლების ღირებულება მათ 10 წლის განმავლობაში უნდა გადაეხადათ. მათვე ეძლეოდათ კრედიტის წესით (4 წელიწადში გადახდის ვადით) — თითო მეწყელი ძროხა. ვარდა ამისა, მთავრობის დადგენილებით ახალჩამოსახლებულები ღებულობდნენ ერთდროულ ფულად დახმარებას და 3 წლის განმავლობაში განთავისუფლებული იყვნენ ყოველგვარი გადასახადისაგან.

„საქმემსს“ მრავალი განცხადება მოსდიოდა ცხაკაიას, ბანძის, კულაშის, ვანის, სუჯუნის, ქუთაისისა და საქართველოს სხვა კუთხეებში მცხოვრებ მშრომელ ებრაელთაგან, რომლებიც თხოულობდნენ კოლხეთში დასახლებას¹⁶. ამ მიზნით 1937 წლის 11 მარტს ონის რაიონიდან მშრომელ ებრაელთა სპეციალური დელეგაცია ეწვია „საქმემსის“ პრეზიდიუმის თავმჯდომარეს რ. ელი-გულაშვილს. საუბარში დელეგაციის წევრმა იაკობ ხახიაშვილმა განაცხადა: „ონში ებრაელთა 350 ოჯახი სახლობს, აქ სახნავ-სათესი მიწის დიდი სიმცირეა, ამიტომ ბევრი მათგანი დღიური შრომით ირჩენს თავს. კოლხიდაში გადასახლებისა და დასახლების ამბავმა ჩვენში დიდი აღფრთოვანება გამოიწვია. 80-მა კომლა გადასახლების სურვილი გამოთქვა. მთავრობის დიდი დახმარება და შეღავათები, კოლხიდის ნოყიერი მიწა და საკოლმეურნეო შრომა — ყოველივე ეს გვაძლევს საშუალებას უკეთესად მოვაწყოთ ჩვენი ცხოვრება“¹⁷. სოფ. ბანძაში მცხოვრები არონ იაკობის ძე აჯიაშვილის განცხადებაში (1937 წ. 7.III) ნათქვამია: „ჩვენ ვესურს გადავიდეთ სოფ. ბანძიდან ახალ სოფელ კოლხიდაში მთელი ოჯახის შემადგენლობით. ჩემი ოჯახი შედგება 7 სულისაგან, რომელნიც მუშა ხელით ვითვლებით 4 სულისაგან. 1. თვით მე, 2. ჩვენი ოჯახობა რუთი, 3. ქალიშვილი მირიამი 16 წლის, 4. ვაჟი იაკოფი 14 წლის, დანარჩენი 3 კი მცირეწლოვანებია. ამისათვის გთხოვთ, რომ ეს ჩვენი თხოვნა გააჩიოთ და მიგვიღოთ, რადგანაც გვინდა და გვწყაღია, რომ მოგვიღოთ პატიოსან მუშაობას ხელი და ვიცხოვროთ ჩვენი შრომით... განვიცდით აუტანელ მღვდომარეობას, რადგან არა გვაქვს არავითარი წყარო და თანაც მომავალი გვიქადის უარეს მავალითებს. აღმოგვიჩინეთ დახმარება და ნუ დაგვარჩნით ამ უმწეო მღვდომარეობაში“¹⁸.

პირველად კოლხეთის ახალდასახლებულთა სოფელში გადავიდნენ ბანძელი ებრაელები (150 სული). მათ გადასაცემად მოზილიზებული იყო 38 აგრომანქანა. ახალდასახლებულთა სოფელში გაიმართა საზეიმო მიტინგი; მოწვეული იყვნენ წარმომადგენლები საქართველოს ებრაელთა კოლმეურნეობებიდან; თბილისიდან გაიგზავნა კინოჭრონიკისა და გაზეთების რედაქციების წარმომადგენლები. კოლმეურნეებს ჩააბარეს ბინის გასაღებები (თითოეული ბინა იყო ოროთახიანი, სამზარეულოთი და აივნით). საზეიმო მიტინგის მონაწილეთა მისალმებაში, პარტიისა და მთავრობის ხელმძღვანელებისადმი, ნათქვამია: „დღეს თქვენი ინიციატივით ამოშრობილ კოლხიდის დაბლობზე დასახლდა ქართველ ებრაელთა პირველი სოციალისტური სოფელი. ჩვენთვის კოლ-

¹⁵ სსცია, ფ. 525, ანაწ. 1, საქ. 470, ფურც. 28.

¹⁶ გაზ. «Правда», 1937 წლის 27 მარტი.

¹⁷ გაზ. „კომუნისტი“, 1937 წლის 16 მარტი.

¹⁸ სსცია, ფ. 525, ანაწ. 1, საქ. 670, ფურც. 12.

ხიდის ველზე შექმნილია შეძლებული და ბედნიერი საკოლმეურნეო ცხოვრების ბის ყოველგვარი პირობები... სიტყვას ვიძლევი, რომ მთელს ჩვენს ძალას და ენერჯიას მოვახმართ საკოლმეურნეო სოფლის აყვავების საქმეს. ხოლო საჭიროების შემთხვევაში მთელს ჩვენს სიცოცხლეს შევეწირავთ ჩვენს დიად და უძლეველ სამშობლოს დაცვას¹⁹.

1937 წლის ზაფხულში მშრომელ ებრაელთა ამ ახალ სოფელში უკვე 503 ებრაელი ცხოვრობდა — ონიდან, ბანიდან, ვანიდან, კულაშიდან და სხვა რაიონებიდან²⁰. სოფელში გაიყვანეს წყალსადენი, ააშენეს 4-წლიანი სკოლა, საბავშვო ბაგა და საექიმო ამბულატორია²¹. ახალდასახლებულებმა ჩამოაყალიბეს კოლმეურნეობა. კოლხეთის მიწაზე კარგად გაიხარა მათ მიერ დარგულმა მანდარინმა და გრეიბფრუტმა, ნაძვებისა და კიპარისის ხეებმა.

მოკლე დროში გაშენდა პატარა ფოთის ახალდასახლებულთა სოფელი. პატარა ფოთი დაამშვენა სწორმა მოკირწყლოლმა გაზატყეცილმა, კობტად ნაგებმა ოდებმა, ორსართულიანმა კაპიტალურმა სასკოლო შენობამ, სამედიცინო პუნქტმა, სამშობიარო სახლმა, სახერხმა ქარხანამ, საბავშვო ბაგა-ბაღმა; სოფელში აიგო კლუბი და სამკითხველო. 1939 წლის ბოლოსათვის დასაყვანი საქართველოს მცირემიწიანი რაიონებიდან (გეგეჭკორი, ქიათურა) პატარა ფოთში ჩამოსახლდა 162 ოჯახი. მათ წილად ხვდათ ბედნიერება განახლებული კუთხის ნოყიერი ნიადაგიდან მიეღოთ პირველი უხვი მოსავალი²². საინტერესო სანახავი იყო ახლად დასახლებული პატარა ფოთი, სადაც სტანდარტული სახლები გეგმის მიხედვით იყო განლაგებული. თითოეულ ოჯახს მიზომილი ჰქონდა საკარმიდამო ნაკვეთი 0,25 ჰექტარის რაოდენობით. შუა ეზოში იდგა კრამიტით გადახურული ორთელისანი ხის ოდა-სახლი ფართო აივნითა და ბუხრიანი ოთახებით. სახლის უკან განლაგებული იყო დამხმარე ნაგებობანი; ეზოში დარგული ჰქონდათ ნარინჯები. დასახლებისას მთავრობამ კოლმეურნეებს დახმარების სახით მისცა 700 მან. ძროხის შესაძენად, 18 ფუთი სიმინდი და სხვ.²³

პატარა ფოთში გაიყვანეს ელექტროგანათება, წყაროს წყალი. წარსულს ჩაბარდა უგზობობაც. სოფელი ქ. ფოთს დაუკავშირდა რკინიგზითა და გაზატყეცილით. სსრ კავშირის რკინიგზის ტრანსპორტის სახალხო კომისარიატმა დააკმაყოფილა ამიერკავკასიის რკინიგზის სამმართველოს თხოვნა და პატარა ფოთის რკინიგზის სადგურს უწოდა „კოლხიდა“. განახლებული კოლხეთის სადგურებს შორის ჩადგა ახალი კოლხეთის პირმშო — რკინიგზის სადგური კოლხიდა²⁴. ახალი სოფელი ყოველწლიურად იზრდებოდა რიცხოვნობად და ტერიტორიულად. საქართველოს მცირემიწიანი რაიონებიდან სისტემატურად ჩამოდიოდნენ აქ საცხოვრებლად. 1941 წლისათვის პატარა ფოთში დასახლებული იყო 187 კომლი, რომელთაგან მხოლოდ 15 იყო მკვიდრი²⁵. ახლად დასახლებული ა. თოდუა წერდა: „მე ჩემს სალხინოელ მეზობლებთან ერთად უდიდესი სიხარულით ვიწყებ ცხოვრებას ამ ახალ სოფელში, რადგან დარწმუნებული ვარ, რომ ეს ნაყოფიერი მიწა და ყოველდღიური დახმარება, რო-

¹⁹ სსცია, ფ. 525, ანაწ. 1, საქ. 670, ფურც. 127.

²⁰ ვაზ. „კომუნისტი“, 1937 წლის 27 ივლისი.

²¹ სსცია, ფ. 525, ანაწ. 1, საქ. 589, ფურც. 164.

²² ვაზ. „კომუნისტი“, 1939 წლის 26 ოქტომბერი.

²³ ვაზ. „კომუნისტი“, 1940 წლის 25 თებერვალი.

²⁴ ვაზ. „მგზნებარე კოლხიდელი“, 1941 წლის 6 მაისი.

²⁵ ვაზ. „კომუნისტი“, 1941 წლის 13 თებერვალი.



მელსაც ჩვენ გვიწევს პარტია და მთავრობა, შესაძლებლობას მოგვცემს²⁶.
 დეე უფრო შეძლებულად და კულტურულად ვიცხოვროთ²⁶.

საცხოვრებელი სახლები შენდებოდა, აგრეთვე, სოფ. ნაბადაში — 50 სახლი, საჯოჯოში — 70 სახლი, საბაეოში — 200 სახლი. ხობის რაიონში ხორგის ასახვევთან 1941 წელს გათვალისწინებული იყო ახალშენის მოწყობა 430 სახლით²⁷.

ორგანიზებულ დასახლებასთან ერთად, ხშირად ცალკეული გლეხი და მუშაც ჩამოდიოდა დასახლებლად, რომლებიც თხოვნით მიმართავდნენ „კოლხიდმშენის“ დირექციას, მათთვის ინდივიდუალური ნაკვეთების გამოყოფის თაობაზე. 1937 წლის 4 აპრილს მოქ. მ. ა. კრატი გაზ. „პრავდის“ რედაქციაში გაგზავნილ განცხადებაში, სურვილს გამოთქვამდა თავისი ოჯახით მუდმივ საცხოვრებლად გადასულიყო გელენჯიკის რაიონიდან კოლხეთში²⁸. 1940 წელს კოლხეთის ამომშრალ მიწებზე დასახლდნენ კოლმეურნეები ლაგოდეხის რაიონიდან და სხვ.²⁹

ყველა ახალდასახლებულთა ოჯახები კოლხეთში სარგებლობდნენ მთავრობას მიერ დაწესებული შეღავათებით. კოლხეთის ამომშრალ მიწებზე დასახლებულთათვის დაწესებული იყო მნიშვნელოვანი შეღავათები. ამ დადგენილებით კოლმეურნეობანი და კოლმეურნენი განათავისუფლდნენ სასოფლო-სამეურნეო გადასახადისაგან 3 წლით (ერთპიროვნული მეურნენი — 2 წლით); ასევე მარცვლეულის, კარტოფილის, ზორცის, რძის, კარაქის, მატყლის ჩაბარებისაგან, ბოსტნეულის კონტრაქტაციისაგან 2 წლით (ერთპიროვნული მეურნენი — 1 წლით)³⁰.

გარდა ჩვენ მიერ აღნიშნული სოფლებისა კოლხეთის დაბლობის ამოშრობის პირველი რიგის სამუშაოთა ტერიტორიაზე არსებულ მცირემოსახლეობიან სოფლებში შესახლებით და ახალ საკოლმეურნეო სოფლებად დასახლებით შეიქმნა ახალი კეთილმოწყობილი სოფლები — ხობის წყლის ნაპირებზე, რკინიგზის გასწვრივ: ყორათი, ნოჯიხევი, ახალი ხორგა, ჭალადიდი, ნაბადა და სხვ. გარდა ამისა, პირველი რიგის სამუშაოთა ტერიტორიაზე ჩატარდა ათიათასამდე საკოლმეურნეო კომლის მეურნეობის სრული რეკონსტრუქცია და ზეითი ათასი ახალი კომლის დასახლება³¹.

ზემოთქმულიდან ნათლად ჩანს ის სიკეთე, რაც მოუტანა ჩვენს ხალხს კოლხეთის ჭაობების ამოშრობამ. კოლხეთის მელიორაცია ჩვენს რესპუბლიკას შემატა ახალი უზემოსავლიანი მიწები. მან ხელი შეუწყო მიწის ნაკლებობის შემცირებას, რასაც მწვევედ განიცდიდა დასავლეთ საქართველოს მოსახლეობა; საგრძნობლად გაიზარდა სასარგებლო მიწის ფართობი, რომელზედაც შეიქმნა მეურნეობის განვითარების ნორმალური პირობები.

²⁶ გაზ. „მგზნებარე კოლხიდელო“, 1938 წლის 21 აპრილი.

²⁷ სსცია (ქუთაისი), ფ. 333, ანაწ. 1, საქ. 18, ფურც. 17, 18.

²⁸ იქვე.

²⁹ იქვე, საქ. 15, ფურც. 27.

³⁰ იქვე, ფ. 600, ანაწ. 1, საქ. 3903, ფურც. 6.

³¹ ნ. ი ა შ ვ ი ლ ი, კოლხეთის დაბლობის მელიორაციის და სამეურნეო ათვისების შედეგები, ქუთაისი. „მნათობი“, № 4, 1951, გვ. 115.

ბასიანის ბრძოლის თარიღისათვის

ქართული საისტორიო წყაროები ღარიბია თარიღებით, ხოლო მკვლევრის განკარგულებაში მყოფი მცირე ქრონოლოგიური მასალაც ყოველთვის სანდოდ არ შეიძლება იქნეს მიჩნეული. ამის გამო საქართველოს ისტორიის ბევრი საყურადღებო ფაქტის დათარიღება შემდგომ კვლევას საჭიროებს.

საინტერესოა ამ მხრივ ბასიანის ბრძოლის თარიღი — საკითხი, რომელსაც ამ ბოლო ხანებში რამდენიმე ავტორი შეეხო საგანგებოდ¹. ქვემოთ განვიხილავთ ზოგიერთ დამატებით მონაცემს ბასიანის ბრძოლასთან დაკავშირებით. ვფიქრობთ, ზედმეტი არ იქნება, აგრეთვე, თარიღის ირგვლივ გამოთქმული ვარაუდებისა და მათი საფუძვლიანობის კიდევ ერთხელ გადასინჯვა.

აზრი იმის შესახებ, რომ ბასიანის ბრძოლა წინ უსწრებდა ტრაპიზონის საკეისროს შექმნასა და ყარსის აღებას, ამჟამად უარყოფილია. ამოდიან რა რუქნ ად-დინის გარდაცვალების თარიღისა² და მისი წინა მოვლენებიდან, მკვლევარნი ბასიანის ბრძოლას ძირითადად 1202 და 1203 წლებით ათარიღებენ. ამდენად, დაპირისპირება ამ ორ თარიღს შორის უნდა მოხდეს. შევეცდებით წარმოვადგინოთ საფუძვლები, რომლებსაც ემყარება თითოეული მათგანი.

მ. ბროსესათვის მთავარი არგუმენტი რუქნ ად-დინის გარდაცვალების თარიღი იყო: „რადგან სულთანი 600 (1203/4) წელს გარდაიცვალა, ქართველების გამარჯვებაც დაახლოებით ამავე პერიოდში უნდა მომხდარიყო“, — წერდა იგი. შემდეგ მკვლევარი თითქოს ეწინააღმდეგება თავისავე მოსაზრებას და აღნიშნავს: იმ მოვლენათა მიხედვით, რომლებიც წინ უსწრებდა ამ ბრძოლას, 1202 წლამდე მივედიო. ამგვარ მსჯელობას მ. ბროსე ისევ პირველი ვარაუდით ამოთვრებს: „მაინც არა მგონია, რომ რუქნ ად-დინის წინააღმდეგ ბრძოლა ბევრად უფრო ადრე იყო, ვიდრე ვთქვი“, ე. ი. ვიდრე 1203/4 წელს³. მ. ბროსეს აზრს არ დაეთანხმა თ. ქორდანი. ისევე როგორც მ. ბროსეს, უშუალო საბუთი არც თ. ქორდანისა გააჩნდა და იგი მსჯელობით მივიდა 1202 წლამდე. რუქნ ად-დინის გარდაცვალების თარიღს მან შემდეგი არგუმენტი დაუმატა: „1203 წელს იკონიის სახელმწიფო მისუსტებულა და ფრანგთა ვავლენის ქვეშ ჩავარდნილა. ძნელი დასაჯერებელია, რომ 1203 წელს და

¹ ი. ლოლაშვილი, ძველი ქართული მეხოტბენი, II, თბ., 1964, გვ. 112; ა. გამყრელიძე, ბასიანის ომის თარიღი და ტრაპიზონის იმპერიის დაარსების ზოგიერთი საკითხი, კრებული „კავკასიის ხალხთა ისტორიის საკითხები“, თბ., 1966; ბ. სილაგაძე, XII—XIII სს. საქართველოს ისტორიის ზოგიერთი საკითხი იბნ ალ-ასირის ცნობათა შექვე, კრებული „საქართველო რუსთაველის ხანაში“, თბ., 1966, გვ. 119; ა. აბდელაძე, ერთი სომხური ანდერძ-მინაწერი ბასიანის ბრძოლის შესახებ, „მაცნე“, ისტორიის სერია, 1972, № 1, გვ. 134—139.

² თანამედროვე ისტორიოგრაფიაში რუქნ ად-დინის ზეობა 1196—1204 წწ. ისაზღვრება. (T. Yılmaz Öztuna, Türkiye Tarihi, Ankara, 1964, გვ. 101, 102; მ. სიცივე, Resimlerle Türkiye Tarihi, Yst., 1970, გვ. 35; Osman Turan, Selçuklar Tarihi ve Türk İslam Medeniyeti, Ankara, 1965, გვ. 206; İslam Ansiklopedisi, 11, İst., 1970, გვ. 229; К. Босворт, Мусульманские династии, М., 1971, გვ. 178).

³ M. Brosset, Histoire de la Géorgie, S-Pb., 1849, ტ. I, გვ. 463; მ. ბროსე, საქართველოს ისტორია, ნაწ. I, ტფ., 1895, გვ. 368.



მის შემდეგ როკნ-ედ-დინს თამარ მეფეზე გალაშქრება გაებედღებოდა-თარიღებას (1202 წელს) იზიარებს დ. კარიჭაშვილიც⁴, თუმცა წყარო, რომელსაც იგი ეყრდნობოდა, ჩვენთვის უცნობია. ი. ლოლაშვილი არჩევანს 1205—6 წლებსა და 1203 წელს შორის აკეთებს. დასაბუთებაც სავსებით საკმარისია, როდესაც იგი უპირატესობას 1203 წელს ანიჭებს: რუქნ აღ-დინი „ისტორიკოსთა ცნობებით... გარდაცვლილა 1204 წელს... მაშასადამე, ქართველ-სელჩუკთა ბრძოლა ბასიანთან უნდა მომხდარიყო რუქნ აღ-დინის გარდაცვალებიდან ერთი წლით ადრე მანც“⁵. დაახლოებით იმავე წანამძღვრებიდან ამოდის ა. გამყრელიძეც, რომელიც დასაშვებად მიიჩნევს როგორც 1202, ასევე 1203 წელს⁷. ბ. სილაგაძის მიზანს, როგორც ჩანს, არ წარმოადგენდა ამ ფაქტის ზუსტი თარიღის დადგენა. მისთვის მთავარი იყო გაერკვია, რომ ბასიანის ბრძოლა წინ უსწრებდა ტრაპიზონის იმპერიის შექმნას და ამდენად შეიძლებოდა მომხდარიყო 1203 ან 1204 წელს⁸.

როგორც ვხედავთ, განხილულ მოსაზრებათაგან სავსებით ნათელი მხოლოდ ერთი რამ ხდება: ბასიანის ბრძოლა ტრაპიზონის საკეისროს შექმნისა და ყარსის აღებამდე მოხდა. უფრო ზუსტი დათარიღება კი მკვლევართა მიზანს ან არ შეადგენდა, ან მასალის სიმცირის გამო შეუძლებელი იყო.

სომხურ ხელნაწერთა ანდერძ-მინაწერების მიხედვით ბასიანის ბრძოლას სხვადასხვაგვარად ათარიღებენ ა. აბრამიანი, ა. მათევოსიანი⁹ (1202 წ.) და ა. აბღალაძე (1203 წ.)¹⁰.

მუშის მრავალთავის ანდერძ-მინაწერში ბასიანის ბრძოლის ზუსტი თარიღი არ არის ნაჩვენები. მიუხედავად ამისა, მისი შინაარსი ა. აბრამიანს ბრძოლის თარიღად 1202 წლის გზაფხულს ავარაუდებინებს. ამავე ანდერძ-მინაწერის შედგენის დროის დასაზუსტებლად, გარდა დასაბუთებისა, ა. მათევოსიანი სტეფანოს ეპისკოპოსის ჟამთააღმწერლობის ცნობას იშველიებს: „იმავე წელს (1202) სულთანნი რუქნ აღ-დინი, (რომელმაც) კარნუ ქალაქი აიღო, ზაქარიამ დაამარცხა“¹¹.

ა. აბღალაძის აზრით, უფრო ანგარიშგასაწევია ხარბერდის სახარების ანდერძ-მინაწერი, რომლის მიხედვითაც ბასიანის ბრძოლა 1203 წლით თარიღდება. ანდერძ-მინაწერის შემდგენელი გვაუწყებს, რომ მან ამ „წმიდა სახარების“ გადაწერა დაიწყო და დაასრულა 1203 წელს, და შემდეგ განაგრძობს: „ამავე წელს დასავლეთიდან მოვიდა სულთანი, დაიმორჩილა თეოდოსიოპოლი და ბრძოლა გაუმართა ქართველებს“¹². ე. ი. ამ ცნობის მიხედვით, სულთანს თეოდოსიოპოლი, ანუ არზრუმში დაუბყრია 1203 წელს და ამავე წელს უბრძოლია ქართველებთან.

⁴ თ. ჟორდანიძე, ქრონიკები, ნაწ. I, ტფ., 1892, გვ. 290—291.

⁵ დ. კარიჭაშვილი, საქართველო მეთორმეტე საუკუნეში, ტფ., 1902, გვ. 135.

⁶ ი. ლოლაშვილი, დასახ. ნაშრომი, გვ. 112.

⁷ ა. გამყრელიძე, დასახ. ნაშრომი, გვ. 257.

⁸ ბ. სილაგაძე, დასახ. ნაშრომი, გვ. 119.

⁹ ა. აბრამიანი, რუქნ აღ-დინის განადგურება, სომხეთის მეცნიერებათა აკადემიის მოამბე, 1945, № 5—6 (10—11) (სომხურ ენაზე). ა. მათევოსიანი, საღდა როდის დაიწერა მუშის მრავალთავი, „მატენადარანის მაგნი“, № 9, ერევანი, 1969, (სომხურ ენაზე). ჩვენთვის საინტერესო ნაწყვეტები გვითარგმნა ლ. დავლიანიძემ, რისთვისაც მადლობას მოვასხენებთ.

¹⁰ ა. აბღალაძე, დასახ. ნაშრომი, გვ. 137.

¹¹ ა. მათევოსიანი, დასახ. ნაშრომი, გვ. 145.

¹² ა. აბღალაძე, დასახ. ნაშრომი, გვ. 134, 135.

ქართველებთან ბრძოლის წინ რომ რუქნ აღ-დინს არზრუმი დაუმოწმებდა, ამას ყველა მემართიანე აღნიშნავს. აყსარაი გადმოგვცემს, რომ რუქნ აღ-დინმა ლაშქარი შეჰყარა და საქართველოზე გალაშქრება გადაწყვიტა — ჯერ არზრუმი აიღო და თავის ძმას მოღის აღ-დინ თორღულს ჩააბარა, მერე ოცი ათასი კაცით საქართველოსაკენ გაემართა¹³. ჰამდალაჰ ყაზვინის ცნობითაც, „მან დაიპყრო არზრუმი და თავის ძმისწულს მისცა. იქიდან მან აფხაზეთსა და საქართველოზე გაილაშქრა“¹⁴. იგივეს იმეორებს იბნ ბიბი¹⁵ და ბოლოს, სტამბოლის დაპყრობამდე შედგენილი ერთ-ერთი თურქული ქრონიკა¹⁶ და XVII ს-ის თურქი ავტორები ქათიბ ჩელები¹⁷ და აბუ ბეჟერ იბნ ბაჰრამ აღ-დინიშვიცი¹⁸ ამ ორ მოვლენას ერთად მოიხსენიებენ.

ამგვარად, არზრუმის დაპყრობა უშუალოდ უსწრებდა წინ ბასიანის ბრძოლას. იბნ ბიბი მისაჯკი ამბობს, თითქოს რუქნ აღ-დინმა სწორედ იმიტომ გადააყენა არზრუმის მმართველი ალა აღ-დინ სალიკი, რომ მან ქართველებთან ბრძოლაში მონაწილეობის მიღება არ ისურვავა¹⁹.

რუქნ აღ-დინის მიერ არზრუმის აღების თარიღები არ გადმოსცილდება 598 (1201/2 წ.). შერეფ-ხან ბითლისის (XVI ს.) მიხედვით, რუქნ აღ-დინმა არზრუმი 596 (1199—1200) წელს დაიპყრო²⁰. 597 (1200/01) წელს ვახვდებით იბნ აღ-ასირთან, აბულ-ფიდასა და რაშიდ აღ-დინთან²¹. თურქული წყაროების თარიღი 598 წელია²² (I/X, 1201—20/IX, 1202), რასაც მხარს უჭერს იბნ ბიბის თხზულების თურქული თარგმანიც²³. თურქული წყაროების მონაცემები მცირედით სცილდება იბნ აღ-ასირის, აბულ ფიდასა და რაშიდ აღ-დინის ჩვენებებს, ვინაიდან ამ ავტორთა მიხედვით, 597 წლის რამაზანში, ე. ი. 1201 წლის ივნის-ივლისში რუქნ აღ-დინმა მალათია დაიპყრო. შემდეგ კი (თვე მითითებული არ არის) არზრუმი. ხოლო ჰიჯრის 598 წელი 1201 წლის 1 ოქტომბერს იწყება.

¹³ Mūsāmeret ül-ahbar, Mogollar Zamanında Türkiye Selçukluları Tarihi, Aksaraylı Mehmed oğlu Kerimüddin Mahmud, Ankara, 1944, გვ. 31.

¹⁴ Târikhê Gozîdê par Hamd Ollâh Mostooufi Gazuini par Juls Gantin, Tome premier, Paris, 1903, გვ. 344—345; ვ. ფ. უ. თ. რ. ი. მ. ე., ისთაბრი, ჰოდულ აღ-ალეში, ჰამდალაჰ ყაზვინი, თბ., 1937, გვ. 33.

¹⁵ H. D u d a, Die selchukengeschichte des Ibn Bibi, Munksgaard/Kopenhagen, 1959, გვ. 35.

¹⁶ O. T u r a n, Istanbul'un Fethinden Önce Yazılmış Tarihi Takvimlei, Türk Tarih kurumu yayımlarından XI seri-not, Ankara, 1954, გვ. 77.

¹⁷ გვ. 76. كتاب چلبی، تقويم التواريخ، قسطنطينیه ۱۱۶۶

¹⁸ „ჭიპან-ნუმას“ ერთ-ერთი გამგრძელბელი, XVII ს-ის ავტორი (გარდ. 1691 წ.).

¹⁹ იბნ ბიბი, გვ. 35; ი. ჯავეახიშვილი, ქართველი ერის ისტორია, II, თბ., 1965, გვ. 278.

²⁰ Шараф-хан Бидлиси, Шараф-наме, пер. Р. И. Васильевой, М., 1967, გვ. 220. ვ. ლუდუშვიტი ის აზრით, სეღრუქებმა არზრუმი დაახლოებით 1200 წელს აიღეს (იხ. Гордлевский И., Избранные соч., т. I, М., 1968, вступительная статья გვ. 11).

²¹ იბნ აღ-ასირი, აღ-ქამილ ჰნ თ-თარის, კაირო, 1938, ტ. IX, (ნაჯჰარის გამოცემა), გვ. 255; Abu-l Fida, Muhtasar fi Akhbar al-Bashar, Cairo, t. III, გვ. 100 (ცნობები მოგვიწოდა გ. ჯაფარიძემ); Рашид ад-Дин, Сборник летописей, I, 2, М.-Л., 1951, Перевод О. И. Смирновой, გვ. 14).

²² O. T u r a n, Istanbul'un Fethinden Önce Yazılmış Tarihi Takvimler, გვ. 77; ქათიბ ჩელები, თავივით-ათავარიბი, გვ. 76.

²³ Anadolu Selçukî Devleti Tarihi, İbni Bibinin Farsça Muhtasar Selçuknâmesinden Türkçeye çeviren M. Nuri Gencosman, Notlar İlâve Eden F. N. U z l u k, Ankara, 1941, გვ. 37.



განხილული წყაროების მონაცემები ექვსქვეშ აყენებს „ხარბერდის ხარების“ ცნობის სარწმუნოებას. წინააღმდეგ შემთხვევაში გადასინჯვას მოითხოვს რუქ ად-დინის მიერ არზრუმის დაპყრობის თარიღი²⁴.

თანამედროვე თურქულ ისტორიოგრაფიაში არაბული, სპარსული, თურქული და ქართული წყაროების გათვალისწინებით ბასიანის ბრძოლა 1202 წლით არის დათარიღებული. თურქ მეცნიერებს ამ ფაქტის დამათარიღებელი რამდენიმე პირდაპირი მონაცემი აქვთ:

1. „წელი 598(1201/2) — სალიციეს დინასტიის მოსპობა არზრუმში, დიდი მიწისქვრა ისლამის ქვეყნებში, დამარცხება სულეიმან სელჩუკისა ქართველებთან ბრძოლაში“, — ცნობას გვაწვდის XVII საუკუნის თურქი ავტორი ქათიბ ჩელეზი²⁵.

2. რუქ ად-დინ სულეიმან სელჩუკიანმა არზრუმის ვილაიეთი დაიპყრო. როდესაც 598 (1201/2) წელს ხსენებულმა მალიქშაჰ სულეიმანმა იბრძოლა, ქართველებმა დაამარცხეს. ინფორმაცია მომდინარეობს ქათიბ ჩელეზის „ჯიჰან-ნუმადან“, მაგრამ მისი ავტორია თხზულების გამგრძელებელი აბუ ბექრ იბნ ბაჰრამ ად-დემიშკი²⁶.

3. სელჩუკთა ისტორიის ქრონიკა ქართველებთან ბრძოლაში რუქ ად-დინის დამარცხებას, აგრეთვე 598 წლით ათარიღებს²⁷.

4. XVII საუკუნის თურქ ავტორს მუნეჯიბ-ბაშის, როგორც ჩანს, ხელთ რაღაც სხვა წყაროც ჰქონია. მან ამ ბრძოლის უფრო ზუსტი თარიღი იცის 598 წლის ზილკადეს თვის პირველი რიცხვები, ანუ 1202 წლის ივლისი (23-დან)²⁸, რაც გაზიარებულია თურქულ ისტორიოგრაფიაში. თუ მივიღებთ ამ დათარიღებას და გავიხსენებთ იოანე ბაგრატიონის, შესაძლოა, სარწმუნო მითითებას იმის შესახებ, რომ „დღე ესე იყო შაბათი, ოდეს შეიბნენ მხედრობანი თამარისა და სულთანისანი“²⁹, მივალთ 1202 წლის 27 ივლისამდე.

ამგვარად, ბასიანის ბრძოლის 1203 წლის დათარიღების ცდები საკმარისად არ არის დასაბუთებული. ამვე დროს თურქულ წყაროებში ნაჩვენებ თარიღს 598 (1201—2) წ. მხარს უჭერს რიგი მკვლევარებისა (მ. ბროსე, შენიშენი, რომ მსჯელობით იგი 1202 წლამდე მივიდა, თ. ჟორდანი, დ. კარიჟაშვილი, ნაწილობრივ ა. გამყრელიძე, ა. აბრამიანი, ა. მათევოსიანი, ო. თურანი) და ზოგიერთი სომხური წყაროს ჩვენება (სტეფანოს ეპისკოპოსის ქაშითაღმწერლობა, მუშის მრავალთავის ანდერძ-მინაწერი).

²⁴ 1201 წელი მიღებული სომხურ ისტორიოგრაფიაში (История армянского народа, Ереван, 1951, ч. I, გვ. 162). თურქი მეცნიერები ჰ. ინალჩიკი და ო. თურანი არზრუმის აღების თარიღად, აგრეთვე, 1201 წელს სდებენ (Halil Inalcik, Erzurum, IE, v. II, London—Leyden, 1962, გვ. 712; O. Turan, Selcuklar Tarihi ve Türk Islam, Medeniyeti, გვ. 269; მისივე, Selcuklular ve Islamiyet, Ist., 1971, გვ. 51).

²⁵ ქათიბ ჩელეზი, თავივით ათ-თავარი, გვ. 76.

²⁶ ჯიჰან-ნუმა, გვ. 427.

²⁷ O. Turan, Istanbul'un Fethinden Önce Yazılmış Tarihi Takvimler, გვ. 77; O. Turan, Selcuklular Zamanında Türkiye, Istanbul, 1971, გვ. 254—259.

²⁸ Islam Ansiklopedisi, c. II, გვ. 228, 229.

²⁹ იოანე ბაგრატიონი, ისტორია ქართლისა, საქართველოს მეცნ. აკადემიის ქ. კეკელიძის სახ. ხელნაწერთა ინსტიტუტის ხელნაწერი. H 2134, ფ. 640.

წარმოადგინა საქართველოს სსრ მეცნიერებათა აკადემიის ივ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის ძველი და შუა საუკუნეების საქართველოს ისტორიის წყაროთმცოდნეობის განყოფილებამ

ნოდარ შენგელია

**იზნ ბიზი ალა ად-დინ ქეიყოზადის საქართველოში
ლაშქრობის შესახებ**

საქართველოსა და მცირე აზიის სელჩუკების ურთიერთობის ისტორიის საკითხები თითქმის შეუსწავლელია საბჭოურ ისტორიოგრაფიაში. საკითხის ისტორიისათვის არაერთი პირველხარისხოვანი ცნობა მოიპოვება აღმოსავლურ, დასავლურ და ქართულ (დოკუმენტურ, ნარატიულ) ძეგლებში. ქართული წყაროები საგულისხმო ცნობებს გვაწვდიან საკუთრივ სელჩუკთა სახელმწიფოების სოციალ-ეკონომიური და პოლიტიკური ისტორიის საკითხების შესასწავლად.

საქართველოსა და სელჩუკების ისტორიული ურთიერთობის გასაშუქებლად აღმოსავლურ წყაროებში მრავალი ორიგინალური ცნობაა დაცული. ზოგიერთ შემთხვევაში აღმოსავლელი ავტორები სრულიად ახალ ფაქტებსაც გვაწვდიან. ერთ-ერთი ასეთი ავტორია XIII ს-ის II ნახევრის სპარსულენოვანი ისტორიკოსი იზნ ბიზი, რომელსაც საინტერესო ცნობები აქვს შემონახული XIII ს-ის 30-იან წლებში სულთან ალა ად-დინ ქეიყოზადსა (1219—1237) და საქართველოს დედოფალ რუსუდანს შორის არსებული ურთიერთობის შესახებ. წინამდებარე წერილში სწორედ იზნ ბიზის მონაცემებზეა გამახვილებული ყურადღება. იზნ ბიზის თხზულება ძვირფასი წყაროა მცირე აზიის სელჩუკთა სახელმწიფოს ისტორიის საკითხების შესასწავლად. მასში წარმოდგენილია მცირე აზიის სელჩუკთა სახელმწიფოს სოციალურ-პოლიტიკური ისტორიის საკითხები XII ს-ის უკანასკნელი მეოთხედიდან XIII ს-ის 80-იან წლებამდე. მას, როგორც წყაროს, არანაკლები მნიშვნელობა აქვს მცირე აზიის სელჩუკთა სახელმწიფოს მოსაზღვრე ქვეყნების, კერძოდ, ამიერკავკასიის, ბიზანტიისა და სხვათა ისტორიისათვის.

იზნ ბიზის თხზულების ღირებულებას ზრდის ისიც, რომ მასში დაცული ცნობების მნიშვნელოვანი ნაწილი იმდროინდელ სხვა ავტორთა თხზულებებში არ გვხვდება. მასში მოიპოვება მრავალი ცნობა, რომლებიც დღემდე სრულიად უცნობი იყო ქართულ ისტორიოგრაფიაში.

იზნ ბიზის თხზულება მეცნიერებაში პირველად ცნობილი გახდა მაშინ, როდესაც ფრანგმა ორიენტალისტმა კ. შეფერმა გამოაქვეყნა სპარსული ტექსტის ნაწყვეტი ფრანგული თარგმანით ამ თხზულების შემოკლებული და გადაკეთებული ვარიანტიდან¹. შემდეგ ჰოლანდიელმა მეცნიერმა თ. ჰაუტემამ თურქულ და სპარსულ ენებზე გამოსცა მისი შემოკლებული ვარიანტები².

¹ Quelques chapitres de l'abrégé du Seldjouqnaméh, composé par l'Emir Nassir Eddin Yahia; M. Charles Schefer, Publications de l'Ecole des Langues Orientales Vivantes, 1889, III serie, vol. V, pp. 3—102.



სპარსული დედნის ერთადერთი სრული ნუსხა ინახება სტამბოლში² მისი ფიის მუზეუმში, სათაურით: „Kitab al-Avamir al-Ala'ya fi'l-Umur al-Ala'ya“ („უმაღლესი ბრძანებულებანი უდიდებულესი საქმეების შესახებ“, № 2985, გვ. 744). იგი ორჯერ (1945, 1956) გამოიცა სტამბოლში. ამ თხზულების სრული ტექსტის გერმანულ თარგმანზე 1932 წლიდან მუშაობდა ავსტრიელი მეცნიერი პერბერტ დუდა, რომელმაც 1959 წ. გამოსცა კიდევ³.

იბნ ბიბის ცხოვრებისა და მოღვაწეობის შესახებ მწიბრი ცნობები მოგვეპოვება. მისი დაბადების თარიღი უცნობია. იგი სულთან ალა აღ-დინ ქეიყობადის სულთნობის წლებში უნდა იყოს დაბადებული⁴. ავტორის ცნობებისა და მოღვაწეობის შესახებ ფრაგმენტულ ცნობებს ისევ მის თხზულებაში ვპოულობთ. მისი სრული სახელია: ჰუსეინ იბნ მუჰამედ იბნ ალი აღ-ჯაფარი არ-რულადი⁵. მეჰმედ ფუად ქოფრულუსა⁶ და მუკრიმინ ჰალილ ინანის⁷ მიხედ-

² M. T. H. Houtsma, Recueil de textes relatifs à l'histoire des Seldjucides, vol. III, Partie I; Histoire des Seldjucides d'Asie Mineure d'après abrégé du Seldjouknameh d'Ibn Bibi, Leide, 1891, texte turc, première partie, vol. IV; Histoire des Seldjucides d'Asie Mineure d'après abrégé du Seldjouknameh d'Ibn Bibi, Leide, 1902, texte persan.

ამ ნუსხის ტექსტი, რომელიც თ. ჰაუტსმა გამოსცა 1891 წ., 1423 წ. თურქულად თარგმნა, გადააკეთა და შეამოკლა XV ს-ის პანეგირისტმა იაზიჯი ოღლუ ალიმ და უწოდა „სელჯუკ-ნამე“ ანუ „ოღლუ-ნამე“. მან ეს გადაკეთებული ვარიანტი მიართვა ოსმალეთის სულთანს—მურად II (1421—1451). იაზიჯი ოღლუ ალის მიერ დედნიდან თურქულად ნათარგმნი, შემოკლებული და შეესებოდა ვარიანტი ზელნაწერები ინახება: ანკარის, სტამბოლის, ბერლინის, ლეიდენის, პარიზის, მოსკოვის, ლენინგრადის სიძველეთსაცავებში.

ამ მოკლე, თურქული ვარიანტიდან კ. შეფერის მიერ გამოქვეყნებული ნაწყვეტის ზოგიერთი ადგილის რუსული თარგმანი დაბეჭდა პ. მელიორანსკიმ (П. М. Мелиоранский, Сельджук-намэ, как источник для истории Византии в XII и XIII веках, «Византийский Временник», т. I, вып. 3—4, 1894, СПб, გვ. 613—640).

იაზიჯი ოღლუს თხზულების გამოქვეყნება ცადა თურქმა მეცნიერმა იაზიქისმა (+1935), მაგრამ ვერ განაზოტეოლა. 1941 წ. იგი თარგმნა ნური გენკოსმანმა თურქულად და ლათინურული შრიფტით გამოაქვეყნა (იხ. Anadolu Selçuki Devleti Tarihi, Ibn Bibi 'nin Farsça Muhtasar Selçuknamesinden Türkçeye Çeviren M. Nuri Gencosman, Notlar Havve Eden F. N. Uzluğ, Ankara, 1941, შემდეგში: Ibn Bibi).

თ. ჰუსეინის მიერ გამოცემული სპარსული ტექსტიდან პროფ. ა. იაქუბოვსკიმ გამოაქვეყნა წყაროს იმ ადგილების შინაარსი, სადაც საუბარია სელჯუკთა ლაშქრობებზე სულაჯზე, ყივჩაღებსა და რუსებზე (იხ. А. Якубовский, Рассказ Ибн ал-Биби о походе малоазийских турок, на Судах, Половцев и Русских в начале XIII в., Черты из торговой жизни половецких степей, «Византийский Временник», XXV, 1928).

თ. ჰუსეინის სპარსული, შემოკლებული დედანი ინახება პარიზში (№ 1536). თ. ჰუსეინის მიერ გამოქვეყნებული თურქული და სპარსული ტექსტების გაანალიზების საფუძველზე საინტერესო შენიშვნები აქვს გაკეთებული აკად. ვ. გორდლევსკის, იხ. В. А. Гордлевский, Из комментариев к староосманскому переводу хроники Малоазийских Сельджукидов, так называемой хроники Ибн-Биби, Избранные сочинения, II, М., 1961, გვ. 160—173.

³ H. W. Duda, Die Seltschukengeschichte des Ibn Bibi, Kitāb al-Avamir al-Ala'ya fi'l-Umur al-Ala'ya, Munksgaard/Kopenhagen, 1959.

⁴ X. M. Мусеев, Сочинение Ибн Биби «Аль-авамир аль-алайя фил-умур аль-алайя», как источник по истории Анатолийских Сельджуков, Автореферат, Баку, 1972, გვ. 5; А. Якубовский, დასახ. ნაშრომი, გვ. 54.

⁵ X. M. Мусеев, დასახ. ნაშრომი, გვ. 5.

⁶ M. F. Köprülü, Anadolu Selçukluları Tarihinin Yerli Kaynakları, Belleten, c. VII, S. 27, Ankara, გვ. 388.

⁷ M. H. Yinanç, Türkiyenin Tarihi Selçuklular Devri, I, Anadolu'nun Fethi, İstanbul, 1944, გვ. 9.

ვით, იბნ-ბიბის სრული სახელია: ჰუსეინ ბ. მუჰამედ ალ-მუნში ალ-ჯაფარი (حسين بن محمد المنشي الجفاري).

იბნ ბიბის მშობლები სასახლესთან დაახლოებული პირები ჩანან. დედა — ბიბი მუნეჯიმე, ასტროლოგი იყო⁸, მამა კი — თარჯიმანი და დიპლომატი. ჯე-ლალ ად-დინ ხორეზშმაჰის გარდაცვალების შემდეგ, ალა ად-დინ ქეიყობადის მიწვევით, იბნ ბიბის მშობლები კონიაში დამკვიდრებულან. სელჩუკი სულთნის კარზე ისინი ჩქარა დაწინაურებულან და მნიშვნელოვანი როლი შეუსრულეობათ ქვეყნის პოლიტიკურ ცხოვრებაში. ასეთი გარემო იბნ ბიბის საუკეთესო პირობებს უქმნიდა, როგორც ისტორიკოსს. იგი თავის თხზულებას მონღოლთა ბატონობის შემდგომ პერიოდში, კერძოდ, XIII ს-ის 80-იან წლებში წერდა. იბნ ბიბი მცირე აზიის სელჩუკთა სახელმწიფოში მონღოლთა წარმომადგენლის — ალა ად-დინ ათა მალიქ ჯუვეინის დავალებას ასრულებდა და კარგად იცნობდა ქვეყნის პოლიტიკურსა და სოციალ-ეკონომიურ ვითარებას.

იბნ ბიბი ყოველთვის ობიექტური არ არის მოვლენების გადმოცემისას. იგი თავისი თვალსაზრისით უდგება რომელიმე სელჩუკი სულთნის მოღვაწეობის საკითხს⁹. ფაქტების აღწერისას იგი არასოდეს არ უთითებს წყაროს. იბნ ბიბის თხზულება ძირითადად მაინც ლიტერატურულ წყაროებს ეყრდნობა, რამდენადაც იგი იყენებს ცალკეულ ადგილებს ზაჰირ ფარაბის, ნიზამის, შეჰაბ ად-დინ სუჰრავერდის ნაშრომებიდან¹⁰. ალბათ ამის გამოცაა, რომ მისი თხზულება საკმაოდ მაღალფარდოვანია და ინტერესით იკითხება.

უეჭველია, იბნ ბიბი ალა ად-დინ ქეიყობადის პერიოდის ამგებნი აღწერისას უფროსი თანამედროვეების ცნობებსაც ემყარება. იბნ ბიბი საკმაოდ ვრცლად გადმოგვცემს ალა ად-დინ ქეიყობადის ხანის მცირე აზიის სელჩუკთა სახელმწიფოს ისტორიას. ეს ბუნებრივიცაა. ალა ად-დინ ქეიყობადის სულთნობის ხანა ყველაზე ბრწყინვალე პერიოდია მცირე აზიის სელჩუკთა სახელმწიფოს ისტორიაში. მის დროს მნიშვნელოვნად გაფართოვდა ქვეყნის საზღვრები და გაიშალა ფართო აღმშენებლობითა და კულტურული საქმიანობა. სწორედ ამ პერიოდში ჰქონდა ადგილი მსოფლიო ისტორიული მნიშვნელობის მოვლენებს მახლობელი აღმოსავლეთში. ამ პერიოდში იწყება მონღოლთა შემოსევები; ამ ხანებში მცირე აზიისა და ამიერკავკასიაში დათარეშობდა მონღოლთაგან ლტოლვილი ჯე-ლალ ად-დინ ხორეზშმაჰი. იბნ-ბიბი, სავსებით კანონზომიერად, ალა ად-დინ ქეიყობადის ხანის მცირე აზიის სელჩუკთა სახელმწიფოს ისტორიის გადმოცემისას დიდ ადგილს უთმობს მონღოლებთან ურთიერთობის საკითხებს. თავისი მოღვაწეობის პერიოდში ალა ად-დინ ქეიყობადმა არაერთხელს ილაშქრა ხმელთაშუა ზღვის აღუში და დაეპატრონა იმ სტრატეგიულ პუნქტებს, რომლებსაც სელჩუკებისათვის სამხედრო და სავაჭრო-ეკონომიური თვალსაზრისით გარკვეული მნიშვნელობა ჰქონდათ.

იბნ ბიბი თავის თხზულებაში მნიშვნელოვან ადგილს უთმობს ალა ად-დინ ქეიყობადის საქმიანობას. მისი ცნობები სანდოა და საუკეთესო წყაროდ ითვლება მცირე აზიისა და მისი მომიჯნავე ქვეყნების ისტორიისათვის.

⁸ სახელი „იბნ ბიბი“ („ქალბატონის ვაჟი“) მას დედისაგან აუღია.

⁹ В. А. Гордлевский, Государство Сельджукидов Малой Азии, Избранные сочинения, т. I, М., 1960, გვ. 34.

¹⁰ Х. Мусаев, დასახ. ნაშრომი, გვ. 10.

მახლობელ აღმოსავლეთში ხვარაზმელთაგან მოსალოდნელი საშიშროებების თავიდან აცილების შემდეგ ალა ად-დინ ქეიყობადი სისტემატურ თავდასხმებს აწარმოებდა ამიერკავკასიის მიმართულბით. იბნ ბიბი სხვა ამბების გადმოცემისას შენიშნავს: როდესაც სულთანმა ხვარაზმელები დაამარცხა, მისი მოკავშირე არზრუმის გამგებელიც დასაჯა და არზრუმში ხელთ იგდო; ერთი თვის შემდეგ მელიქ აშრაფი სომხეთის წინააღმდეგ სალაშქროდ მოამზადა და ოლთისი და საქართველოს რამდენიმე ციხესიმაგრე მას სამფლობელოდ დაუტოვა. მელიქ აშრაფმა სომხეთის ვილაიეთისკენ გამგზავრების ბრძანება ითხოვა. სულთანმაც მისცა ნებართვა და მელიქ აშრაფი სომხეთში — ხლათისკენ, გაემართა სალაშქროდ¹¹.

მაშასადამე, როდესაც ალა ად-დინ ქეიყობადი მელიქ აშრაფს სომხეთში სალაშქროდ აგზავნიდა ხვარაზმელების წინააღმდეგ, საქართველოს სამხრეთი პროვინციები — ოლთისი და რამდენიმე ციხესიმაგრე, სელჩუკებს ჰქონიათ მატაკებული. საქართველოს ციხესიმაგრეებს სელჩუკი სულთანი თავის ერთ-ერთ მხედართმთავარს — მელიქ აშრაფს, უბოძებდა სამფლობელოდ, ალბათ, იცხას წესით. ქართულ ისტორიოგრაფიაში არ არის ცნობილი როდის მიიტაცა სელჩუკმა სულთანმა ოლთისი და სხვა ქართული ციხეები, რომელსაც იგი აბოძებდა. საამისო ცნობები ჩვენ ქართულ წყაროებში არ მოგვეპოვება. მხოლოდ ირანელი ანონიმი ავტორი სულ ერთი წინადადებით გადმოგვცემს სელჩუკთა ჯარის საქართველოში გალაშქრებისა და ოთხი ციხის აღების ამბავს. ადგილი შესაძლებელია, რომ ეს ციხეები იყო სწორედ ის ადგილები, რომელსაც სელჩუკი სულთანი მელიქ აშრაფს უბოძებდა ოლთისთან ერთად. მაგრამ ანონიმი ავტორი არ უთითებს, როდის მიიტაცეს სელჩუკებმა ეს ციხეები.

ანონიმი ავტორის ცნობით, როდესაც სულთანმა ანატოლიის ტერიტორიის ნაწილი დაიპყრო, აიღო კაპთასა და ჩემიშქეზექის მხარეები, დიარბექირი, და სხვა ციხეები, „იქიდან ჯარი საქართველოს მხარისკენ დაძრა. ქართველი მბრძანებელი ერგუ(?) დაამარცხა, ოთხი ქალაქი წაართვა“¹². საფიქრებელია, რომ საქართველოს წინააღმდეგ სელჩუკთა თავდასხმებს ადგილი უნდა ჰქონოდა ხვარაზმელთა დამარცხებამდე (1231 წლამდე) და ალა ად-დინ ქეიყობადის მიერ ანატოლიაში მთელი რიგი მხარეების — კაპთას, ჩემიშქეზექის, დიარბექირის, ჰაპუსა და სხვა ციხეების დაპყრობის შემდეგ. ეს ტერიტორიები კი სელჩუკმა სულთანმა დაიპყრო 1226 წლისათვის¹³. მაშასადამე, სელჩუკებს ოლთისი და სხვა ქართული ციხესიმაგრეები 1226 წლიდან 1231 წლამდე უნდა დაეპყროთ.

ამიერკავკასიიდან ხვარაზმელთა განდევნის შემდეგ იწყება მონღოლთა შემოსევები მახლობელ აღმოსავლეთსა და ამიერკავკასიაში, რომელმაც სულ ერთიანად შეცვალა ცალკეულ პოლიტიკურ ერთეულთა მდგომარეობა. მონღოლთა მოსალოდნელი თავდასხმებით შეშინებული ხვარაზმელთა სულთანი წინააღმდეგობით მიმართავდა ალა ად-დინ ქეიყობადს, მელიქ აშრაფსა და ხალიფას, შეკავშირებულიყვნენ და მომზადებულიყვნენ თავდასხმების მოსაგერიებლად. ხვარაზმელთა სულთანი მათგან დახმარებას ითხოვდა, მაგრამ ბოლოს მონღოლთაგან დევნილი ხვარაზმელების ძალები განადგურებულ იქნა.

¹¹ Ibn Bibi, გვ. 161—162.

¹² Anadolu Selçukluları Devleti Tarihi, III, Ankara, 1952, გვ. 30.

¹³ O. Turan, Keykubad I, İslâm Ansiklopedisi, cüz 62, 1954, გვ. 650; მისივე, Selçuklular Zamanında Türkiye, İstanbul, 1971, გვ. 347—351.

„ჯელალ ად-დინის დაღუპვის შემდეგ თათართა მთავარ მოწინააღმდეგე საქართველო და რუმის რჩებოდნენ. ამ უკანასკნელს თათრები ჯერ კიდევ ხვარაზმელთა დენის ყამს მიუახლოვდნენ, მაგრამ რუმზე ლაშქრობამდე ბრძოლის დიდი გზა უნდა გაეკლო მტერს“¹⁴. მონღოლები მცირე აზიის სელჩუკთა სახელმწიფოს თანდათანობით უახლოვდებოდნენ. თუ ხვარაზმელთა განადგურებამდე ალა ად-დინ ქეიყოზადი წარმატებით ამყარებდა კონტაქტს მეზობელ პოლიტიკურ ერთეულებთან და მათ შორის ერთ-ერთ უძლიერეს განმგებლად ითვლებოდა, ამიერიდან მცირე აზიის სელჩუკთა სახელმწიფოს მეზობლები მონღოლებს დაეპყრო, მათ დაეკავებინათ ხლათი, დიარბექირი, მალათია, ჰარფუთი და მიაფარკინამდე თავიანთი ძალაუფლება გაეცრცლებინათ. მონღოლები დიდი წარმატებით იპყრობდნენ მთელ რიგ ტერიტორიებს მახლობელ აღმოსავლეთსა და ამიერკავკასიაში.

მონღოლთა შემოსევები მცირე აზიაში გარდუვალი ჩანდა. ისინი უკვე სელჩუკებს უშუალოდ გამეზობლებოდნენ. ყოველდღიურად მოსალოდნელი იყო მონღოლთა თავდასხმები. იბნ ბიბის ცნობით, 629 წელს (1231 წ.) მონღოლთა ლაშქრის ერთი ნაწილი ნოინ ჩორმადანის მეთაურობით სივასის სანახებში ფუსერის მშვიდობიან მოსახლეობას თავს დაესხა. ეს როგორც კი გაიგო ალა ად-დინ ქეიყოზადმა, მაშინვე ბრძანა ქემალ ად-დინ ქამიარის მეთაურობით სელჩუკთა ლაშქარი სასწრაფოდ გამგზავრებულიყო მონღოლთა წინააღმდეგ¹⁵.

ამირ ქემალ ად-დინ ქამიარი მთელი თავისი შეიარაღებული ძალებით სივასისაკენ გაემართა. როგორც კი მივიდნენ სივასთან, გარკვევა, რომ მონღოლებს დაეტოვებინათ აქაურობა და უკან გაბრუნებულიყვნენ. იბნ ბიბის ცნობით, ქემალ ად-დინ ქამიარი მონღოლებს დაედევნა და არზრუმამდე სდია. აქ კი ჩაშნიგირ მუბარის ად-დინის ძალებს შეუერთდა. ქემალ ად-დინ ქამიარის ძალებმა ვერაფერი დააკლეს მონღოლებს. მან აქ ცნობა მიიღო, რომ მონღოლები უკუქცეულიყვნენ¹⁶. სელჩუკი სულთნის ასეთი სწრაფი რეაგირება მონღოლთა თავდასხმებზე და ლაშქრის გაგზავნა მათ წინააღმდეგ, აშკარად მეტყველებს, რა ცუდი წარმოდგენა ჰქონიათ სელჩუკებს მონღოლთა სამხედრო ძლიერებაზე. სელჩუკები ძალიან მალე, 1243 წელს, ქოსე დაღთან გამართულ ბრძოლაში დარწმუნდნენ, რა ძლიერ ძალას წარმოადგენდნენ მონღოლები.

არზრუმში მოსულმა ქემალ ად-დინ ქამიარმა კიდევ უფრო გააძლიერა თავისი სამხედრო ძალები, ჩაშნიგირ მუბარის ად-დინის ძალებიც შეიერთა, საფუძვლიანად მოემზადა და გადაწყვიტა საქართველოს წინააღმდეგ გაელაშქრა. ამასთან დაკავშირებით იბნ ბიბი გვაწვდის მეტად საყურადღებო ცნობას. მისი ცნობით, როდესაც ქემალ ად-დინ ქამიარი არზრუმში მივიდა, იქ დიდხანს დარჩა, ჩაშნიგირ მუბარის ად-დინ ჩავლისთან ერთად ურიცხვი ლაშქარი შეკრიბა და გადაწყვიტა მონღოლების სელჩუკთა ტერიტორიაზე

¹⁴ქ. ს ი ბ ი ბ ი, ქართველი ხალხის ბრძოლა დამოუკიდებლობისათვის XIII—XIV საუკუნეებში, თბ., 1967, გვ. 72.

¹⁵Ibn Bibi, გვ. 165—166. Ibn' Bibi (El-Hüseyin b. Muhammed b. Alî le-Caferi-Rugedi), El-Evamirü'l-Alâ'iyye fi'l-Umuri'l-Ala'iyye, Önsöz ve Fihristi Hazırlayan Adnan Sadık Erzi, I. Ankara, 1956, გვ. 420.

¹⁶Ibn Bibi, გვ. 166. Ibn-i Bibi (El-Hüseyin...), გვ. 420; O. Turan, Selçuklular Zamanında Türkiye, გვ. 375; Türkiye Selçukluları Hakkında Resmî Vesikalar, Metin, Tercüme ve Araştırmalar O. Turan, Ankara, 1958, გვ. 78.

7. შ ა ც ე ა, ისტორიის... სერია, 1975, № 1



თავდასხმების წამქეზებლის — ქართველთა დედოფლის ქვეყანაში გაელაშ-
ქრათ¹⁷.

აქამდე ჩვენთვის გაურკვეველი იყო XIII ს-ის 30-იან წლებში ქართვე-
ლების მონღოლებთან დამოკიდებულების საკითხი. ქართულ დოკუმენტურ
და ნარატიულ წყაროებში არ მოგვეპოვება ცნობები, რომ რუსუდან დედო-
ფალმა წააქეზა მონღოლთა ლაშქრის მეთაურები, გაელაშქრათ მცირე აზიის
სელჩუკთა სახელმწიფოს წინააღმდეგ. ასევე არავითარი ცნობა არა გვაქვს
მონღოლთა ლაშქრის სივასში შეჭრაზე. მაგრამ ამიერკავკასიასა და მცირე
აზიაში შექმნილი ვითარებიდან გამომდინარე შეიძლება ვივარაუდოთ, რომ
საქართველოს ხელისუფლებას შეიძლებოდა ჰქონოდა ისეთი კონტაქტები მონ-
ღოლთა ლაშქრის მეთაურებთან, რომ ისინი წაექეზებინა მეზობელ ქვეყნებზე
სალაშქროდ.

ქამთალამწერელი მეტად საინტერესო ცნობას იძლევა XIII ს-ის 30-იან
წლებში ამიერკავკასიაში მონღოლთა მოძალებისა და მათ მიერ შექმნილი ვი-
თარების შესახებ: „ხოლო მო-რა-აქცეს თათარნი ზუარაზმელთა დევნისაგან,
(ე. ი. 1231 წ. — 6. შ.) მიერ წარვიდეს და მოაოხრეს ქუეყანა ხლათისა და
ვალაშკერტისა. და ვერ წინააღდგა სულტანი ხლათისა, არამედ გამაგრდა ქა-
ლაქსა შინა. ხოლო თათარნი წარვიდეს ადარბადაგანს, და ზავნი იქმნეს თავ-
რეველთა შორის და თათართა, და აღიღეს თავრევი და მიმდგომი მისი ქუე-
ყანა“¹⁸.

ზვარაზმელთა დევნისაგან უკუქცეულმა მონღოლებმა დაარბიეს და გაა-
ნადგურეს აღნიშნული ადგილები, ხოლო მომდევნო 1232 წელს, როგორც ამას
იქვე აღნიშნავს ქამთალამწერელი, მონღოლები მოადგნენ საქართველოს და
იწყეს მისი რბევა. მონღოლები „მეორესა წელსა წარვიდეს ბარდავს, განძას
და მულანს, და მიერ იწყეს რბევად და ოხრებად საქართველოსა. იწყეს და-
რუბანდით აღმომართ, ქუეყანასა შარვაშისასა, და კაბალას, ჰერეთს, კახეთს,
სომხითს, და ქუეყანასა არშაკუნიანთასა დვინს და ანისს“¹⁹.

მეტად საინტერესო ცნობაა. რადგანაც 1232 წლისათვის მონღოლები
„მეზობლობით მოეახლებოდეს ქუეყანასა საქართველოსასა“ და საშინელი
„განსაცდელი აღიძვროდეს საქართველოსა საზღვართა, უკეთურებისათვის
მკვდრთა ქართლისათა“²⁰, ბუნებრივია, საქართველოს სამეფო ხელისუფლება,
ყოველნაირად შეეცდებოდა მონღოლთა თავდასხმების თავიდან აცდენას და
მეზობელ ქვეყნებისაკენ მათ განთესვას.

ქართველთა ხელისუფლებას მონღოლებთან ასეთი პოლიტიკით დროებით
მაინც შეეძლო, მათი ყურადღება მცირე აზიისაკენ გადაეტანა. საქართვე-
ლოს ხელისუფლებისათვის სავსებით ნათელი უნდა ყოფილიყო საერთაშორისო
მოვლენები და მონღოლთა მოსალოდნელი ფართო მასშტაბის თავდასხმე-
ბიც საქართველოში. ი. ცინცაძის თქმით: „რას აკეთებდა საქართველოს სა-

¹⁷ Ibn Bibi, გვ. 166. ო. თურანი შენიშნავს, რომ არზრუმში შეკრებილმა სელჩუკთა ძა-
ლების მესვეურებმა, ერთი მხრივ ქვეყნის მშვიდობიანი მდგომარეობის განმტკიცების მიზნით
და მეორე მხრივ ქართველთა დედოფლის წამქეზებლური საქციელის გამო, გადაწყვიტეს საქართვე-
ლოს წინააღმდეგ გაელაშქრათ (O. Turan, Selçuklular Zamanında Türkiye, გვ. 375).

¹⁸ ქამთალამწერელი, ქართლის ცხოვრება, ტექსტი დიდგენილი ყველა ძირითადი ხელნაწე-
რის მიხედვით ს. ყაუხჩიშვილის მიერ, ტ. II, თბ., 1959, გვ. 186.

¹⁹ იქვე.

²⁰ იქვე.

ხელმწიფო 1230 წლიდან 1235 წლამდე მონღოლთა მოსალოდნელი შემოტევის საწინააღმდეგოდ, ჩვენ არაფერი ვიცით. არ შეიძლება დამიანმა დაიჯეროს, რომ ხუთი წლის განმავლობაში (1230—1235) საქართველოს მეზობელთა ტერიტორიებზე მოთარეშე მონღოლების საწინააღმდეგოდ საქართველო არ ემზადებოდა²¹.

უფრო მოგვიანებით, როდესაც მონღოლებმა საქართველო დალაშქრეს, რუსუდან დედოფალი დასავლეთ საქართველოში გადავიდა და იქიდან გამართა მოლაპარაკება მონღოლებთან, საქართველოში მონღოლთა შემოსევებამდე მათთან ასეთი ურთიერთობა რუსუდან დედოფლისათვის საცხებით კანონზომიერი უნდა ყოფილიყო. რუსუდანს მონღოლებთან ახლო ურთიერთობის საშუალება როგორც კი მიეცემოდა, იგი უკან არ დაიხევდა და მონღოლებს სწორედ სელჩუკების წინააღმდეგ წააქეზებდა. ამით ერთგვარად დროებით მიანიც აიცილენდა მონღოლთაგან მოსალოდნელ უბედურებას. რუსუდანის ურთიერთობა მონღოლებთან აშკარას ხდის, რომ საქართველოს დედოფალი გონიერი და გამჭრიახი დიპლომატია, რომელმაც მოახერხა საქართველოს ორი მოსისხარი მტრის დაპირისპირება და ერთმანეთზე წასისიანება. იბნ ბიბის ზემომოტანილი ცნობაც რუსუდანის უტყუარ დიპლომატიურ ალღოსა და ნიჭზე მეტყველებს.

1232 წ. ამბების გადმოცემისას იბნ ბიბი დაწვრილებით აღწერს სელჩუკთა უზარმაზარი ლაშქრის საქართველოსა და ამიერკავკასიის ქვეყნებისაკენ გამგზავრებას, მათ მიერ ჩატარებულ სამხედრო ღონისძიებებს, ურთიერთობას რუსუდან დედოფალთან და სხვა მეტად საყურადღებო საკითხებს, რომლებიც სხვა წყაროებში არ არის აღწერილი.

1232 წლისათვის ქემალ აღ-დინ ქამიარის მეთაურობით სელჩუკთა მრავალრიცხოვანი არმიის საქართველოსა და ამიერკავკასიის ქვეყნებისაკენ ლაშქრობა უცნობია ქართულ ისტორიოგრაფიაში. მხოლოდ თანამედროვე თურქულ ისტორიოგრაფიაში ამ საკითხებს ოსმან თურანმა მიაქცია ყურადღება²². მან იბნ-ბიბის ცნობათა და სხვა აღმოსავლური წყაროებისა და ლიტერატურის საფუძველზე შეისწავლა XIII ს-ის 30-იანი წლების მცირე აზიის სელჩუკთა სახელმწიფოს მდგომარეობა, მისი საგარეო ომები, ურთიერთობა მეზობელ ქვეყნებთან. ამ პერიოდის საერთო საგარეო ვითარების ფონზე საცხებით ბუნებრივად გამოიყურება იბნ-ბიბის მონაცემებიც ალა აღ-დინ ქეიყობადის საქართველოსთან ურთიერთობის თაობაზე. ოსმან თურანი საგანგებოდ მიუთითებს, რომ ქართულ წყაროებში არაფერია ნათქვამი ალა აღ-დინ ქეიყობადის საქართველოში ლაშქრობის შესახებ²³. ქართულ ისტორიოგრაფიაში დღემდე სრულიად უცნობი იყო საქართველოში 1232 წ. ალა აღ-დინ ქეიყობადის ლაშქრობა, ასევე არაფერი ვიცოდით სელჩუკთა ლაშქრის მეთაურის ქემალ აღ-დინ ქამიარის თაობაზე. ამის გამო მიზანშეწონილად მიგვაჩნია მოკლედ შევხებით ქემალ აღ-დინ ქამიარის საქმიანობას სელჩუკთა სახელმწიფოში და მის

²¹ ი. ც ი ნ ა ძ ე, მონღოლები და მონღოლთა დაპყრობები (XII—XIII სს.), თბ., 1960, გვ. 150.

²² Türkiye Selçukluları Hakkında Resmi Vesikalar, გვ. 74—82. გვ. 12—27; O. T u r a n, Keykubad I, გვ. 655; მ ი ს ი ე ვ, Selçuklular tarihi ve Türk-İslâm Medeniyeti, Ankara, 1965, გვ. 211; მ ი ს ი ე ვ, Selçuklular Zamanında Türkiye, გვ. 374—379.

²³ Türkiye Selçukluları Hakkında Resmi Vesikalar, გვ. 78—79.



ლაშქრობას საქართველოსა და ამიერკავკასიაში მონღოლთა შემოსევების დასაწყისში.

ალა აღ-დინ ქეიყობადის სულთნობის პერიოდში თავისი ნიჭითა და სამხედრო და სახელმწიფოებრივი საქმიანობით სახელი გაითქვა ქემალ აღ-დინ ქამიარმა. იგი განათლებული, სპარსული და არაბული ენების მცოდნე და სულთნის კარზე დიდი ავტორიტეტის მქონე პირი იყო. სამხედრო საქმიანობაში წარმატების გამო რუმისა და სომხეთის ქვეყნების დამპყრობელი გმირის წოდება ებოძა. ყველგან, სადაც კი მისი მეთაურობით ილაშქრა სელჩუკთა ლაშქარმა, გამარჯვებას მიაღწია. ამიტომაც მას „ფეჰლევანის“ ტიტული უბოძეს²⁴. იგი ყველაზე დაახლოებული და გავლენიანი პირი ყოფილა სულთნის კარზე. ქემალ აღ-დინ ქამიარს იმდენად დიდი დამსახურება და გავლენა ჰქონდა, რომ სულთანმა სიცოცხლის ბოლო წლებში იგი კაისერის სუბაშად დანიშნა. ქემალ აღ-დინ ქამიარის კაისერის სუბაშად დანიშვნისა და კაისერის იქტად ბოძების შესახებ არსებობს სულთნის სპეციალური ბრძანება, რომელიც 1234—35 წ. გამოიცა²⁵. ამ თანამდებობაზე დანიშვნა უდიდესი პატივი იყო მისთვის. აი ასეთი აღზევებული პიროვნებისა და სულთნის კარზე დიდად დამსახურებული სახელმწიფო მოღვაწის მეთაურობით ილაშქრა ალა აღ-დინ ქეიყობადმა საქართველოში.

იბნ ბიბის მიხედვით, ქემალ აღ-დინ ქამიარმა არზრუმში ჩაშნიგირ მუბარინზ აღ-დინ ჩაღლუსთან ერთად გააძლიერა თავისი სამხედრო ძალები. იქვე შეუერთდა მას 5000-მდე ქვეითი ლაშქარი. ციხის კედლების დასანგრევი სპეციალური მოწყობილობებით, ლოდსატყორცნებითა და სხვა საომარი საშუალებებით აღჭურვილებმა, ცხენოსანი და ქვეითი ლაშქრით საქართველოსაკენ გამოილაშქრეს. ერთ კვირაში საქართველოს 30-მდე ცნობილი ციხესიმაგრე აიღეს, ქართველები მძიმე დღეში ჩააყენეს. იმავე წელს²⁶ სელჩუკები ხახის (خاخ) ციხისაკენ გაემართნენ. ქვის სატყორცნი იარაღებითა და ხმლით აქაურობაც ხელთ იგდეს. შემდეგ ნიხახის (نخاخ) მოსახლეობაც ანალოგიურ მდგომარეობაში ჩაადგეს. დაპყრობილი ადგილები ერთიანად გაანადგურეს²⁷.

ჩანს, სელჩუკებს იმ დროის კვალობაზე საკმაოდ მრავალრიცხოვანი ლაშქარი შეუკრებიათ საქართველოს სამხრეთი პროვინციების ასაოხრებლად. გასათვალისწინებელია ის გარემოება, რომ, წყაროს ცნობით, ეს ლაშქარი თავიდანვე სჭირდებოდათ სივასში შემოჭრილი მონღოლთა ძალების განსადევნად. ბუნებრივია, საგანგებოდ მომზადებულ სელჩუკთა მრავალრიცხოვან არმიას, რომელსაც არზრუმში კიდევ 5000-იანი ლაშქარი შეუერთდა, არ გაუჭირდებოდა ასე მოულოდნელი თავდასხმის დროს საქართველოს სამხრეთით განაპირა ციხესიმაგრეების ხელში ჩაგდება. აშკარაა, რომ სელჩუკთა მრავალრიცხოვან არმიას მოკლე დროში ერთიანად დაულაშქრავს საქართველოს სამხრეთი ნაწილი. სამწუხაროდ, ავტორი არ ასახელებს იმ ციხესიმაგრეებს,

²⁴ O. Turan, Selçuk Vakfiyeleri, III, Belleten, XLV, გვ. 240; Ibn Bibi, გვ. 187.

O. Turan, Keykubad I, გვ. 657.

²⁵ Türkiye Selçukluları Hakkında Resmi Vesikalar, გვ. 74—76.

²⁶ ე. ი. 1232 წ., რადგან წყაროში ზემოთ საუბარი იყო 1232 წ. ამბებზე.

²⁷ Ibn Bibi, გვ. 166—167, Ibn-i Bibi (El-Hüseyn b. Muhammed b. Ali le-Caferi Ruggedî), El-Evamirü'l-Alaiyye..., გვ. 420—421. Histoire des Seldjoucides d'Asie Mineure d'après abrégé du Seldjouknameh d'Ibn-Bibi, texte persan publié ... par M. Th. Houtsma, გვ. 183—184; W. Duda, Die Seltshukengechichte des Ibn Bibi, გვ. 176—177.

რომლებიც სელჩუკებმა ხელთ იგდეს. იგი მხოლოდ ხახისა და ნიხახის ციხეებს შორის, რომლებიც სელჩუკებმა დაიპყრეს. ცხადია, ქართველები სრულიად მოუმზადებელი იყვნენ ასეთი მოულოდნელი თავდასხმისათვის.

უკანასკნელ ხანებში ალა ად-დინ ქეიყოზადის სულთნობის პერიოდში ქემალ ად-დინ ქამიარის მეთაურობით სელჩუკთა საქართველოში ლაშქრობის საკითხს ყურადღება მიაქცია ჰ. მუსაევმა. იბნ ბიბის ცნობაზე დაყრდნობით მან აღნიშნა, რომ ალა ად-დინ ქეიყოზადმა ქემალ ად-დინ ქამიარისა და მუბარის ად-დინ ჩაშნიგირის მეთაურობით 2000-იანი ლაშქარი გაგზავნა საქართველოში და ქართველთა 30-მდე გამაგრებული ციხე ჩაიგდო ხელთ²⁸. აქ ავტორი აშკარა შეცდომას უშვებს. წყაროს ყველა გამოცემაში გარკვევით წერია, რომ ქემალ ად-დინ ქამიარმა და მუბარის ად-დინ ჩაშნიგირმა სხვადასხვა ქვეყნის ქვეითი ლაშქრისაგან შემდგარ ძალებს კიდევ შეუერთეს 5000-იანი ლაშქარი, მთავარაგეს საალყო იარაღებით, ციხის ასაღები და ქვის სატყორცნი საშუალებებით და ისე გაემართნენ საქართველოს ასაოხრებლად. ასე რომ, გაცილებით მრავალიცხოვანი და კარგად შეიარაღებული იყო სელჩუკთა ლაშქარი საქართველოში გამომგზავრების წინ, ვიდრე ეს ჰ. მუსაევს წარმოუდგენია.

ჰ. მუსაევი იქვე მეორე უზუსტობასაც იჩენს, როდესაც იბნ-ბიბის თხზულებაზე დაყრდნობით აღნიშნავს ქართველებისა და მონღოლების მოკავშირეობის შესახებ²⁹. იბნ-ბიბის თხზულებაში არაფერია ნათქვამი რუსულდანის მონღოლებთან მოკავშირეობაზე. საამისო ცნობები არსად არ გვხვდება. იბნ ბიბის თხზულებაში საუბარია მხოლოდ რუსულდანის მიერ მონღოლთა ძალების სელჩუკების წინააღმდეგ წაქეზების შესახებ.

რუსულდან დედოფალმა როგორც კი გაიგო სელჩუკთა ძალების საქართველოს სასაზღვრო რაიონებში შემოჭრისა და მათი საქმიანობის შესახებ, გარკვეული ღონისძიებები დასახა. ქვეყნის წარჩინებულებს მოეთათბირა და უფრო გონივრულად მიიჩნია სელჩუკთა სახელმწიფოს წარმომადგენლებისათვის ზავი შეეთავაზებინა და მშვიდობიანობის გზას დასდგომოდა³⁰. ამ მიზნით მან უპირველეს ყოვლისა ამირ ქემალ ად-დინ ქამიართან მოლაპარაკება გამართა. საგანგებო წერილითა და საჩუქრებით მას ქართველი წარჩინებულები გაუგზავნა და აუწყა, რომ მორჩილებას უცხადებდა სულთანს და დანაშაულის პატივს ითხოვდა. რუსულდანი სელჩუკ მხედართმთავარს აუწყებდა ნუ გააგრძელებდა ქვეყნის აოხრებას და სასჯელს ნუ დაამძიმებდა. მას იმედი რჩება, რომ სელჩუკი წარჩინებულები თავისი ქვეყნის დაპყრობილ ნაწილს ისევ უკან დაუბრუნებენ და მის თხოვნას სამშვიდობო ზავის შესახებ სულთნის უზენაეს კარს მოახსენებენ. თუ კი სულთანი ჩვენს თხოვნას კარგად შეხედავს და გამოიჩენს მოწყალებას, მაშინ უფრო გონივრული იქნება, ჩვენი ურთიერთობა განმტკიცდეს კეთილი სურვილებითა და ნათესაური კავშირით. ჩვენი სურვილია, წერდა დედოფალი სელჩუკ მხედართმთავარს, ჩემი ასული, სელჩუკიან-

²⁸ X. Mycaev, დასახ. ნაშრომი, გვ. 19.

²⁹ იქვე.

³⁰ Ibn Bibi, გვ. 167. El-Evamirü'l-Alâ'iyye fi'l-Umuri'l..., გვ. 422; H. W. Duda, დასახ. ნაშრომი, გვ. 177; Histoire des Seldjucides de l'Asie Mineure... texte persan..., გვ. 184. O. Turan, Selçuklular Zamanında Türkiye..., გვ. 376.



თა და დავითის დინასტიის შთამომავალი, ჩვენი მეზობელი ქვეყნის მცხოვრებლის მემკვიდრეზე — მელიქ ყიას ად-დინ ქეიხუსრეზე, დაქორწინდეს³¹.

იბნ ბიბი სხვაგან მოკლედ შენიშნავს, „ქემალ ად-დინმა ლაშქარი ქართველთა მხარეს შეუსია, ქართველთა დედოფალმა რუსუდანმა მასთან მოციქულები გაგზავნა და მოლაპარაკება გაუმართა დანათესავებისა და ქორწინების თაობაზე, მალიქ ყიას ად-დინის სიძეობა მოისურვა“³². სელჩუკთა მრავალრიცხოვანი ლაშქრის მიერ სამხრეთ საქართველოს მოხრებისა და ციხესიმაგრეების განადგურების შემდეგ, ჩანს, რუსუდან დედოფალს გონიერული დიპლომატიური ნაბიჯი გადაუდგამს. რუსუდანის მიერ საპასუხო ლაშქრობაზე უარის თქმა და საქმის მშვიდობიანად მოგვარების გზის არჩევა გვაფიქრებინებს, რომ რუსუდანმა გაითვალისწინა ამიერკავკასიისა და მცირე აზიაში შექმნილი საერთაშორისო ვითარება, უპირველეს ყოვლისა სელჩუკი სულთნის ალა ად-დინ ქეიყობადის დაპყრობითი ომების წარმატებანი და მისი სიძლიერე, ამასთანავე გაითვალისწინა ისიც, რომ ამიერკავკასიაში ხვარაზმელთა ძალების არც თუ ისე დიდი ხნის წინ განადგურებისა და დაფანტვის შემდეგ მონღოლები ამიერკავკასიაში უკვე საშიში ძალა იყო და ელოდნენ მათ შემოსევებსაც. სელჩუკებთან ქართველთა ძალების დაპირისპირების შემთხვევაში შეიძლებოდა მონღოლებიც გამოჩენილიყვნენ და მათ წინააღმდეგაც დასჭირვებოდა გამოსვლა.

საქართველოს სამხედრო ძალებს XIII ს-ის 30-იან წლებში არ შეეძლო დაპირისპირებოდა ამ ორ ძლიერ მოწინააღმდეგეს. მით უმეტეს, ხვარაზმელებთან ბრძოლაში არაერთგზის განადგურებული ქართველთა ლაშქარი რეალურად ვეღარ დაუპირისპირდებოდა სელჩუკთა ძალებს. რუსუდან დედოფალმა, ჩანს, ყველაფერი კარგად გაითვალისწინა, მოითათბირა თავის წარჩინებულებთან და მაშინვე მშვიდობიანი მოლაპარაკება გამართა სელჩუკ მხედართმთავართან — ქემალ ად-დინ ქამიართან.

ქემალ ად-დინ ქამიარმა ყურად იღო რუსუდანის თხოვნა, შეაჩერა ქვეყნის რბევა და საქართველოში სელჩუკთა ლაშქრის წარმატებისა და რუსუდან დედოფლის წინადადების შესახებ სულთან ალა ად-დინ ქეიყობადს აუწყა. იბნ ბიბი შენიშნავს, რომ ქემალ ად-დინ ქამიარმა კავკასიის განთქმული მტკიცე ციხეებიდან 30—40 ციხის დაპყრობის ამბავი აცნობა სასულთნოს და თან დედაქალაქში გაგზავნა მდიდარი ნადავლი³³.

მონღოლებთან ბრძოლის შედეგების მომლოდინე სულთანი საქართველოში სელჩუკთა ლაშქრის წარმატების ამბავს აღფრთოვანებით შეხვდა. სელჩუკი სულთნის საგარეო პოლიტიკის დღის წესრიგში სრულებით არ შედიოდა საქართველოში საგანგებო ლაშქრობის მოწყობა. საქართველოში ლაშქრობის ინიციატორები ამ შემთხვევაში იყვნენ ქემალ ად-დინ ქამიარი და ჩაშნიგირი მუბარის ად-დინ ჩავლი.

³¹ Ibn Bibi, გვ. 167; El-Evami-rü'l-Alâ'iyye fil-Umuri' ... გვ. 422—423; H. W. D u d a, დასახ. ნაშრომი, გვ. 177; Histoire des Seldjoucides d'Asie Mineure..., texte persan..., გვ. 184.

³² Histoire des Seldjoucides d'Asie Mineure..., texte persan..., გვ. 220; H. W. D u d a, დასახ. ნაშრომი, გვ. 210.

³³ Ibn Bibi, გვ. 167; El-Evami-rü'l-Alâ'iyye fi'l-Umuri'... გვ. 423; Histoire des Seldjoucides d'Asie Mineure..., texte persan..., გვ. 185; H. W. D u d a, დასახ. ნაშრომი, გვ. 177.

სამხრეთ საქართველოში ქემალ ად-დინ ქამიარის სამხედრო წარმატებებისა და მისი სასულთნო კარზე დიდი ზეიმით აღინიშნა.

ქემალ ად-დინ ქამიარისადმი მიწერილ წერილში ალა ად-დინ ქეიყოზადი მას მადლობას უთვლიდა საქართველოში მიღწეული წარმატებისათვის და ამავე დროს ფირმანს უგზავნიდა ლაშქრის უკან დაბრუნების თაობაზე. სულთანმა ქემალ ად-დინს წერდა, რომ იგი თანახმაა რუსულად დედოფლის მიერ შემოთავაზებული წინადადებისა — მშვიდობიანი ურთიერთობისა და დანათესავების შესახებ და აუწყებდა, რომ აღარ გავგრძელებინა თავდასხმები საქართველოს ტერიტორიაზე³⁴.

ქემალ ად-დინ ქამიარმა სამხედრო მეთაურები დაიბარა, გააცნო მათ სულთნის ფირმანი და უბრძანა სამხრეთ საქართველოდან ლაშქრის გაყვანა. სელჩუკთა ლაშქარი აიყარა საქართველოს სამხრეთი პროვინციებიდან. ქემალ ად-დინი სასულთნოს დედაქალაქისაკენ გაემართა, სადაც მას საქართველოში მიღწეული წარმატებისათვის დიდი პატივითა და ზეიმით შეეგებნენ³⁵.

ალა ად-დინ ქეიყოზადი, რომელიც განუწყვეტელი დაპყრობითი ომების შედეგად სისტემატურად აფართოებდა მცირე აზიის სელჩუკთა სახელმწიფოს საზღვრებს და ხშირად ილაშქრებდა ამიერკავკასიის, კერძოდ, სომხეთის წინააღმდეგ, ბუნებრივია, ყოველნაირად შეეცდებოდა საქართველოში შემოქრასა და გაბატონებას. თავისთავად, ქემალ ად-დინის ურიცხვი ლაშქრით სამხრეთ საქართველოზე მოულოდნელი თავდასხმისა და წარმატების შედეგად სულთნის კარზე მოწყობილი საზეიმო ცერემონიალი, ქემალ ად-დინისად-

³⁴ Ibn Bibi, გვ. 163; El-Evami'rül-Alâ'iyye fil-Umuri... გვ. 432—424; Histoire des Seldjoudes d'Asie Mineure..., texte persan..., გვ. 185; H. W. D u d a, დასახ. ნაშრომი, გვ. 177. Türkiye Selçukluları Hakkında Resmi Vesikalari..., გვ. 79. სელჩუკ სულთანთა სამშვიდობო მოლაპარაკებიდან რამდენიმე წლის შემდეგ (ე. ი. ალა ად-დინ ქეიყოზადის გარდაცვალების შემდეგ) უნდა მომხდარიყო სელჩუკთა დინასტიასთან რუსულად დედოფლის დამოყვრება. ე. ი. დაახლოებით 1237 წლისათვის. დამოყვრებასა და სხვა საკითხებზე შეთანხმება კი, ჩანს, 1232 წ. მომხდარა. იბნ ბიბი სხვაგან ვრცლად მოგვითხრობს რუსულანის ქალიშვილის—თამარის ქორწინებაზე ალა ად-დინ ქეიყოზადის შვილზე — ყიას ად-დინ ქეიხუსრეზე. აღწერს საქორწინო ცერემონიას, დიდ ზეიმს, რომელიც გაიმართა კაისერეიში (Ibn Bibi, გვ. 199—200; Histoire des Seldjoudes d'Asie Mineure..., texte persan... გვ. 220; H. W. D u d a, დასახ. ნაშრომი, გვ. 210); ბარ ჰეზრაი რუსულანის ქალიშვილის—თამარის გათხოვების თარიღად ასახელებს 1237 წელს, რაც სწორად უნდა მივიჩნიოთ. Abu'l-Farac Tarihi, cilt II, Ankara, 1950, გვ. 537). ივ. ჯავახიშვილი აბულ-ფარაჯის ცნობას თამარ რუსულანის ასულის გათხოვების თარიღს შესახებ სწორად მიიჩნევდა (ივ. ჯ ა ვ ა ხ ი შ ვ ი ლ ი, ქართველი ერის ისტორია, წ. III, 1966, გვ. 106.). თ. თურანიც პირდაპირ მიუთითებდა, რომ ყიას ად-დინ ქეიხუსრეზემ როკორკი და იაკოვა ტაბტა, ო. თურანიც რუსულანის შეთანხმების საფუძველზე იქორწინა რუსულანის ქალიშვილზე (O. T u r a n, Key-husrev II, İslâm Ansiklopedisi, cüz 62, 1954, გვ. 628; Türkiye Selçukluları Hakkında Resmi Vesikalari... გვ. 79). რუსულანის ქალიშვილი თამარი, რომელიც მცირე აზიის სელჩუკთა სახელმწიფოში გურჯი ხათუნის სახელით ვახდა ცნობილი, მთელს მახლობელ აღმოსავლეთში აღიარებულ იქნა წმიდანად. მან უდიდესი როლი ითამაშა მეგლეციელთა ორდენის საქმიანობაში, გურჯი ხათუნისა და მეგლეციელთა ორდენის ფუძემდებლის ჯეღალ ად-დინ რუმის ურთიერთობის შესახებ დაწერილებით იხ. ა. გ ა წ ე რ ე ლ ი ა, დედოფალი თამარი („გურჯი ხათუნი“) და პოეტო ჯეღალ ად-დინ რუმი, ლიტერატურული გაზეთი, 1960, № 41—42; ე. ჯ ა ვ ე ლ ი ძ ე, გურჯი ხათუნის (დედოფალი თამარის) და ჯეღალ ად-დინ რუმის ურთიერთობის ისტორიიდან, „ციცქარი“, № 1, 1970, გვ. 107—117.

³⁵ Ibn Bibi, გვ. 168; El-Evâ'mir'ül-Alâiyye fi'l-Umuri... გვ. 424; Histoire des Seldjoudes d'Asie Mineure..., texte persan..., გვ. 185; H. W. D u d a, დასახ. ნაშრომი, გვ. 178.

მი სულთნის უხვი მოწყალება აშკარად მოწმობს სულთნის კარის დაუოკებელ სწრაფვას როგორც საქართველოსა და ამიერკავკასიის ქვეყნების, ისე ახალ-ახალი ტერიტორიების დასამორჩილებლად.

სასულთნო კარის ცდას, დაემორჩილებინა საქართველო, წინ აღუდგა რუსუდან დედოფლისდროინდელი საქართველოს სამეფო ხელისუფლება. სავსებით სამართლიანად შენიშნავდა ვ. გორდლევსკი, რომ ალა ად-დინ ქეიყობადის ამიერკავკასიაში, კერძოდ, საქართველოში, გაბატონების ცდა მარცხით დამთავრდა³⁶. რუსუდან დედოფალმა მცირე აზიის სელჩუკთა დინასტიასთან დამოყვრებით შეძლო ქვეყნად მშვიდობიანი ურთიერთობის დამყარება. მცირე აზიის სელჩუკებისა და საქართველოს მეგობრული ურთიერთობა დიდხანს არ გაგრძელებულა. მონღოლთა შემოსევებმა საქართველოსა და მცირე აზიის სელჩუკთა სახელმწიფოში ერთიანად დასცა პოლიტიკური და ეკონომიური ძლიერება.

ო. თურანი მიუთითებს, სელჩუკების მიერ საქართველოში მოწყობილი ლაშქრობის დროს ქართველთა დედოფლის დამორჩილებით ალა ად-დინ ქეიყობადმა თავისი ბიძის — სულეიმანშაჰის მაგივრად ქართველებზე შური იძიაო³⁷.

ჯერ ერთი, ქართველთა დედოფალი არ დაუმორჩილებია ალა ად-დინ ქეიყობადს. მიუხედავად სელჩუკთა მიერ სამხრეთ საქართველოს ზოგიერთი ციხესიმაგრის დაკავებისა, ქართველთა დედოფალი თანასწორუფლებიანობის საფუძველზე სამშვიდობო მოლაპარაკებას აწარმოებდა სელჩუკ სულთანთან. ეს მოლაპარაკება მათი დამოყვრებით დამთავრდა. აქ რაიმე დამორჩილებასა და უთანასწორო დამოკიდებულებაზე არ შეიძლება ლაპარაკი. ამასთანავე, ამ შემთხვევაში ო. თურანს მხედველობაში აქვს თამარ მეფის მიერ ბასიანის ველზე რუქნ ად-დინ სულეიმანშაჰის დამარცხება. აშკარაა, რომ ო. თურანს ძალიან აწუხებს ბასიანის ველზე სელჩუკი სულთნის სამარცხვინო განადგურება. არც თუ ისე დიდი ხნის შემდეგ — 1232 წლისათვის, სელჩუკთა მრავალრიცხოვანი ლაშქრის მოულოდნელი თავდასხმა სამხრეთ საქართველოს განაპირა ტერიტორიებზე და იქ ციხეების დაპყრობა ქართველებისადმი სამაგიეროს გადახდად მიაჩნია.

საქართველოს სამხრეთი ნაწილის დალაშქერისა და რუსუდანთან შეთანხმების შემდეგ სელჩუკთა ლაშქარი კვლავ დაიძრა ამიერკავკასიისაკენ, ამჯერად სომხეთისაკენ — ხლათისაკენ. ჯელალ ად-დინ ხორეზშაჰის განადგურების შემდეგ მისი ძალების გარკვეული ნაწილი აღმოსავლეთ ანატოლიის რაიონებში დათარეშობდნენ და ხელს უშლიდნენ ადგილობრივი მოსახლეობის ნორმალურ ცხოვრებას. ირანელი ანონიმი ავტორი შენიშნავს, რომ ჯელალ ად-დინ ხორეზშაჰის შვილებმა კვლავ დიდი ჯარი შეკრიბეს, სომეხთა მხარე, ხლათი და არზრუმი აიღეს, მოსახლეობა დახოცეს და მათი ქონება ხელთ იგდეს³⁸.

ამ პერიოდში ხლათის გამგებელი დამასკოში იმყოფებოდა, ხოლო სომხეთის ტერიტორიაზე მონღოლები იყენენ გაბატონებულნი. ამიტომ სულთანმა გადაწყვიტა ხლათის ხელთ ჩაგდება, ხვარაზმელთა ძალების ალაგმვა და მონღოლების შეკავება. ამ მიზნით სელჩუკმა სულთანმა იმავე 1232 წელს კვლავ

³⁶ В. А. Гордлевский, Государство Сельджукидов Малой Азии, гл. 58.

³⁷ О. Туган, Selçuklular Tarihi ve Türk-İslâm Medeniyeti, гл. 211.

³⁸ Anadolu Selçukluları Devleti Tarihi, III, гл. 30.



ჩათ და ისინი უკვე ვანის ტბის სანაპიროებზედაც ავრცელებდნენ თავიანთ ხელისუფლებას.

აიუბელთა დამარცხების შემდეგ სელჩუკთა სულთანი ისევ განაგრძობდა მათ წინააღმდეგ ბრძოლას. იბნ-ბიბი დაწერილებით აღწერს სელჩუკი სულთნისა და ეგვიპტის გამგებლის ურთიერთობის ცალკეულ მომენტებს⁴⁴.

1235 წლისათვის ალა ად-დინ ქეიყობადმა ზამთარი ანატოლიასა და ალა-იეში გაატარა და აიუბელების აღმოსავლეთ ანატოლიიდან მთლიანად განსადევნად ლაშქარი კისერაიეში შეკრიბა. იბნ ბიბის ცნობით, სულთან ქეიყობადმა ამირ ქემალ ად-დინ ქამიარსა და სახელმწიფოს სხვა წარჩინებულებს უბრძანა ჰარანის, რუჰას (ურფას), რაქასა და მისი სანახების დაპყრობა, საამისოდ 50000 ჯარისკაცი შეკრიბა⁴⁵. ბარ ჰებრაის ცნობით კი, 1234 წელს სულთანმა ფრანკთა, ბერძენთა, სომეხთა, იბერიელთა და ხვარაზმელთაგან შემდგარი 100000-იანი ლაშქარი შეკრიბა და პალესტინაში გააგზავნა, ეგვიპტელთა წინააღმდეგ სურდა გაეღაშქრა⁴⁶.

როგორც ამ უკანასკნელი ცნობიდან ჩანს, სელჩუკთა უზარმაზარი ლაშქარი ეროვნული შემადგენლობის თვალსაზრისით საკმაოდ ჭრელი ყოფილა. საინტერესოა ცნობა ამ ლაშქრობაში ქართველთა მონაწილეობის შესახებ. ჩანს, ალა ად-დინ ქეიყობადის ლაშქრობებში როგორც ქართველები, ისე სხვა ეროვნების წარმომადგენლები სისტემატურად იღებდნენ მონაწილეობას. ქართველები მომდევნო წლებშიაც სელჩუკთა ლაშქრობებში მონაწილეობის წინააღმდეგ აქტიურად მოქმედებდნენ.

ამ ლაშქრობაში ქართველთა მონაწილეობა შეიძლება განპირობებული ყოფილიყო რუსუდან დედოფლის მიერ სელჩუკი სულთნის წინაშე გარკვეულ ვალდებულებებით. შესაძლებელია ომის შემთხვევაში ქართველებს სელჩუკთა მხარეზე ჯარის გამოყვანა ევალებოდათ. ალბათ, რუსუდან დედოფლის მიერ შეთავაზებული ზავის პირობების ერთ-ერთი მუხლი ითვალისწინებდა სელჩუკთა მხარეზე ლაშქრის გამოყვანას. ადვილი შესაძლებელია, სწორედ ასე დავალებული ქართველთა მხედრობა იღებდა მონაწილეობას სელჩუკთა სისტემატურ ლაშქრობებში. ზემოთ აღნიშნულ ლაშქრობაში ქართველებს აქტიური მონაწილეობა მიუღიათ. ამაზე პირდაპირ მიუთითებს იბნ-ბიბი. მისი გადმოცემით, როდესაც სელჩუკთა ლაშქარმა ჰარანი აიღო, ქართველთა და ფრანკთა ლაშქარმა ადგილობრივი მუსლიმანური მოსახლეობა დახოცა, ურიცხვი სიმიდრე იგდო ხელთ⁴⁷.

სულთან ალა ად-დინ ქეიყობადი გარდაცვალებამდე ცოტა ხნით ადრე დიარბექირში მოემზადა სალაშქროდ, შეკრიბა უზარმაზარი ლაშქარი და გადაწყვიტა ერთხელ და სამუდამოდ ბოლო მოეღო აღმოსავლეთ ანატოლიაში აიუბელთა ბატონობისათვის. ამასთან დაკავშირებით ბარ ჰებრაი შენიშნავს, რომ 1237 წ. სულთან ალა ად-დინმა სხედასხვა ხალხთაგან: მაადიელების, ხვარაზმელების, ჰუნების, რუსების, ფრანკების, სომეხებისა და იბერიელებისა-

⁴⁴ Ibn Bibi, გვ. 175—180; O. Turan, Keykubad I, გვ. 656—657; მისივე, Selçuklular Zamanında Türkiye, გვ. 379—383.

⁴⁵ Ibn, Bibi, გვ. 180.

⁴⁶ Abu'l-Farac Tarihi, II, გვ. 533.

⁴⁷ Ibn Bibi, გვ. 180—181; O. Turan, Selçuklular Zamanında Türkiye..., გვ. 380.

გან ჯარი შეკრიბა და დიარბექირის წინააღმდეგ სალაშქროდ მოემზადა...⁴⁸, მაგრამ სიკვდილმა მოუსწრო და ვერ მოახერხა ჩანაფიქრის განხორციელება.

მაშასადამე, აშქარაა, რომ სელჩუკთა მრავალრიცხოვან და ეთნიკურად საკმაოდ ჭრელ ლაშქარში ქართველებიც იღებდნენ მონაწილეობას. სავსებით ბუნებრივი მოჩანს ბარ ჰებრაის ზემომოყვანილი ცნობა. მცირე აზიის სელჩუკთა სახელმწიფოში ქართველები უკვე მნიშვნელოვან როლს ასრულებდნენ, მით უმეტეს, რომ ამ პერიოდისათვის ნათესაური კავშირი და მჭიდრო პოლიტიკური ურთიერთობა ამ ორ სახელმწიფოს შორის აშქარა იყო.

მცირე აზიაში მონღოლთა შემოსევების წინ ალა ად-დინ ქეიყობადის გარდაცვალება მძიმე დანაკლისი იყო მცირე აზიის სელჩუკთა სახელმწიფოსათვის.

ამრიგად, იბნ-ბიბის თხზულებაში დაცული ცნობები 1232 წლისათვის ალა ად-დინ ქეიყობადის საქართველოში ლაშქრობის შესახებ სრულიად ახალი და ყურადღებას იმსახურებს. აღმოსავლურ და სხვა ენებზე არსებულ წყაროებში მსგავსი ცნობები არ მოგვეპოვება. არც ქართულ დოკუმენტურ და ნარატიულ წყაროებშია რაიმე მასალა აღნიშნული საკითხის გარშემო. იბნ-ბიბის ცნობები სრულიად ახალ შუქს ჰფენს ამ ხანის მცირე აზიის სელჩუკებისა და საქართველოს ურთიერთობის ისტორიის ცალკეულ საკითხებს. ქართულ ისტორიოგრაფიაში სრულიად უცნობია ალა ად-დინ ქეიყობადის საქართველოში ლაშქრობისა და ქართველთა დედოფალ რუსუდანთან ურთიერთობის საკითხები. მხოლოდ თანამედროვე თურქულ ისტორიოგრაფიაში ოსმან თურანმა მიაქცია ყურადღება ურთიერთობის ისტორიის საკითხებს იბნ-ბიბის ცნობების საფუძველზე და სავსებით მართებულად აღნიშნა ამ ორი ქვეყნის ურთიერთობის რეალურობა. მართლაც, თუ გავითვალისწინებთ XIII ს-ის 30-იანი წლების როგორც საქართველოს საგარეო პირობებსა და საერთოდ ამიერკავკასიაში შექმნილ პოლიტიკურ ვითარებას, ისე მცირე აზიის სელჩუკთა სახელმწიფოს მდგომარეობას, ცხადი გახდება იბნ ბიბის ცნობების სისწორე. იბნ ბიბის მონაცემები ავსებენ და აკონკრეტებენ ქართული წყაროების ცნობებს სელჩუკებისა და საქართველოს ურთიერთობის ისტორიის საკითხებზე აღნიშნულ პერიოდში.

⁴⁸ Abu'l-Farac Tarihi, II, გვ. 536.

წარმოადგინა საქართველოს სსრ მეცნიერებათა აკადემიის ივ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის ძველი და შუა საუკუნეების საქართველოს ისტორიის წყაროთმცოდნეობის განყოფილებამ

თამაზ აბაშიძე

ქართულ-სპარსული ორენოვანი საბუთების
სასიურღალო სიგელები

ქართულ-სპარსული ორენოვანი საბუთების¹ სპარსულ ნაწილებში ქართული „მამულის“ ცნების გადმოსაცემად, როგორც წესი, „თიული“ (تولی) იხმარება, მაგრამ, ზოგიერთ შემთხვევაში, მიწისმფლობელობის ფორმის აღსანიშნავად გვხვდება, აგრეთვე, ტერმინი „სიურღალი“ (سورغالی) ან გამოიყენება სასიურღალო სიგელებისათვის დამახასიათებელი დიპლომატიკური ფორმულები. ამ ფაქტის ასახნელად უნდა გავითვალისწინოთ სიურღალის ფეოდალური ინსტიტუტის² ბუნება მისი ევოლუციის სხვადასხვა საფეხურზე, განსაკუთრებით კი სეფიანთა ირანში.

XV ს-ში სიურღალი ფართოდ იყო გავრცელებული წინა და შუა აზიის ქვეყნებში. ამ დროს სიურღალი წარმოადგენდა სამხედრო ლენს, რომელიც საგადასახადო, ადმინისტრაციული და სასამართლო იმუნიტეტით იყო აღჭურვილი. საგადასახადო და ადმინისტრაციული იმუნიტეტის აღსანიშნავად სასიურღალო სიგელებში გამოიყენებოდა საგანგებო ფორმულები, რომელთა მიხედვით სახელმწიფო საფინანსო თუ სხვა უწყებათა მოხელეებს ევრძალებოდათ ამა თუ იმ მიზეზით სასიურღალო ტერიტორიაზე გამოჩენა. ძირითადი „სასიურღალო“ ფორმულები იყო: „[მოხელეები] გარს ნუ უტრიალებენ [სასიურღალო ტერიტორიას]“ (پیرامون تهراند), „ნუ შევლენ [ამ ტერიტორიაზე]“ (مداخل ننمودند), „ქალამი და ნაბიჯი დაიმოკლონ და ამოიკვეთონ“ (قلم و کلاه و کوفته و کتیده اراکان).

სიურღალის მფლობელი ვალდებული იყო შეიარაღებულ მებრძოლთა გარკვეული რაოდენობა გამოეყვანა ფეოდალურ ლაშქარში და პირადად მიეღო ლაშქრობაში მონაწილეობა. სიურღალი, ხშირად, მეტად ვრცელ ტერიტორიას მოიცავდა და ფეოდალური საგვარეულოს მემკვიდრეობით კუთვნილებას წარმოადგენდა.

სიურღალის ამგვარი ბუნება ნიადაგს უქმნიდა მათი მფლობელების — ძირითადად, თურქმანული მომთაბარე ტომების ამირების — სეპარატისტული მისწრაფებების გაძლიერებას, რაც, თავის მხრივ, ქვეყნის ფეოდალური და-

¹ ქართულ-სპარსული ისტორიული საბუთები, ტექსტი დაადგინა, თარგმანი და შენიშვნები დაურთო ვ. ფ. უ. თ. რ. ი. ძე მ., თბილისი, 1955 (ქვემოთ ვუთითებთ — ქ. — სპ.).

² სიურღალის შესახებ ლიტერატურა მითითებულია ი. პეტრუშევსკის სტატიაში — К истории института сойругала, Советское востоковедение, VI, გვ. 227; მისივე, Очерки по истории феодальных отношений в Азербайджане и Армении в XVI—начале XIX вв., JL., 1949, გვ. 145—183.; ვ. გაბაშვილი, ქართული ფეოდალური წყობილება XVI—XVII საუკუნეებში (შედარებითი შესწავლის ცდა), თბილისი, 1958, გვ. 174.

ლის პროცესს აჩქარებდა. ამ პროცესის შეჩერების ცდასთან იყო დაკავშირებული ერთგვარი ცვლილება სოფრდლოს ბუნებაში, რაც იმაში გამოიხატა, რომ თუ ადრე სოფრდლო მხოლოდ სამხედრო პირებს ეძლეოდათ, უზუნძასან აყ-ყოინლუდან (1453—1478) მოყოლებული სოფრდლო სასულიერო პირებსაც ეძლევათ³.

სასულიერო დაწესებულებებისათვის ნაწყალობევი სოფრდლო ი. პეტრუშევსკის საეკლესიო მფლობელობასთან აქვს გაიგივებული. მაგრამ, „ნამდვილად მახლობელ და შუა აღმოსავლეთში არსებობდა სოფრდლოს მეორე ფორმა (=საეკლესიო სოფრდლო. — თ. ა.), რომელიც, ცენტრალური ხელისუფლების თაოსნობით, XV ს-ში წარმოიქმნა და განვითარდა სამხედრო სოფრდლებსადმი დაპირისპირების ნიადაგზე... ამას გარდა, ახალი ტიპის სოფრდლო დაკავშირებულია არა მარტო სასულიერო პირების მფლობელობასთან, რამაც მკვლევარს შეიძლება მყისვე ვაკუფი გაახსენოს, არამედ სამოქალაქო ადმინისტრაციის წარმომადგენლების მფლობელობასთანაც“⁴.

საეკლესიო სოფრდლების შემოღება, ისევე, როგორც აჰმედ აყ-ყოინლუს (1497) წარუმატებელი ცდა — გაეუქმებინა თურქმანი ამირების სოფრდლები⁵, სახელმწიფოს ცენტრალიზაციის პოლიტიკას უკავშირდებოდა.

ამ პოლიტიკის შესაბამისად სეფიანებმა, ძირითადად, თავისი უშუალო მეტოქეების — შაჰ- და თეთრბატკნიან თურქმანთა ამირებისა და სუნიტური სამღვდლოების სოფრდლების ექსპროპრიაცია მოახდინეს. სოფრდლების ვაცემა სეფიანთა ბატონობაშიც მიმდინარეობდა, თუმცა, როგორც ი. პეტრუშევსკის აქვს შენიშნული, ეს იყო შიიტური სამღვდლოებისათვის ან სამოქალაქო ბიუროკრატის წარმომადგენელთათვის ნაწყალობევი სოფრდლო, ან მფლობელობის უფლებათა განახლება ძველად ვაცემული სოფრდლოს მფლობელის მემკვიდრეებისათვის⁶.

სოფრდლოსადმი თავისებური დამოკიდებულება ამ დროს უშუალოდ გამომდინარეობდა სეფიანთა ცენტრალისტური პოლიტიკიდან. საქმე ისაა, რომ „სამღვდლოება, სამოქალაქო ბიუროკრატისთან ერთად, წინა აზიის მუსლიმანურ სახელმწიფოებში ყოველთვის დაინტერესებული იყო ძლიერი ცენტრალური ხელისუფლების არსებობით და მხარს უჭერდა სულთნებისა და შაჰინშაჰების ცენტრალისტურ პოლიტიკას. სწორედ ამიტომ ცდილობდა ცენტრალური ხელისუფლება XVII ს-სა და XVIII ს-ის დასაწყისში გადაექცია სოფრდლო სამხედრო ლენიდან სასულიერო და სამოქალაქო დიდებულების მფლობელობად“⁷.

სოფრდლების შეკვეცა-შემცირების პროცესთან უშუალოდ იყო დაკავშირებული მის პარალელურად მიმდინარე პირობითი მიწისმფლობელობის

³ И. П. Петрушевский, К истории института сойургаа... გვ. 230; მისივე, Очерки по истории феодальных отношений... გვ. 150; ვ. გაბაშვილი, ქართული ფეოდალური მიწისმფლობელობის ისტორიიდან (XVI საუკუნის უკანასკნელი მეოთხედი), ივ. ჯავახიშვილის სახ. ისტორიის ინსტიტუტის შრომები, ტ. I, თბილისი, 1955, გვ. 212.

⁴ ვ. გაბაშვილი, ქართული ფეოდალური წყობილება, გვ. 177—178.

⁵ აჰმედ აყ-ყოინლუს რეფორმების შესახებ იხ. მაგ., ვ. გაბაშვილი, ქართული ფეოდალური წყობილება..., გვ. 179—183.

⁶ И. П. Петрушевский, Очерки..., გვ. 158—161.

⁷ იქვე, გვ. 161.



ახალი ფორმის — თიულის დამკვიდრების პროცესი⁸. სეფიანთა ხელისუფლების ვარაუდით, სოიურღალისაგან განსხვავებით, თიული არ იძლეოდა მსხვილი კერძო მიწისმფლობელობის განვითარების შესაძლებლობას და, ამდენად, თითქოს დაბრკოლებაც არ უნდა შეექმნა სეფიანთა ცენტრალისტური პოლიტიკის განხორციელებისათვის. სოიურღალისადმი თიულის დაპირისპირებას ასახავს იმდროინდელი ნარატიული და დოკუმენტური წყაროები, რომლებშიც წყალობის ფორმის აღსანიშნავად „თიული“ უფრო ხშირად მოიხსენიება, ვიდრე „სოიურღალი“⁹.

სოიურღალისადმი სეფიანთა დამოკიდებულების თავისებურ ასახვას წარმოადგენს ქართულ-სპარსული საბუთების სპარსულ ნაწილებში „მამულის“ აღსანიშნავად, ძირითადად, „თიულის“ გამოყენება.

თუ მხედველობაში მივიღებთ, რომ აღმ. საქართველოს სეფიანები ირანის ჩვეულებრივ პროვინციად თვლიდნენ, ქართული „მამულის“ აღსანიშნავად „თიულის“ ხმარება საეხებით ბუნებრივად უნდა მივიჩნიოთ, რადგან ასეთი რამ უშუალოდ უკავშირდება მიწათმფლობელობის სფეროში სეფიანების მიერ გატარებულ ღონისძიებებს. ამისაგან განსხვავებით, თულოდენლად შეიძლება გვეჩვენოს ორენოვანი საბუთების სპარსულ ნაწილებში „სოიურღალის“ ან ფეოდალური იმუნიტეტების აღმნიშვნელი სასოიურღალო ფორმულების გამოყენება. ამისათვის თითქოს, დაბრკოლება უნდა შეექმნა სეფიანების უარყოფით დამოკიდებულებას სოიურღალისადმი. თუმცა, სეფიანთა დროინდელი სოიურღალის ბუნებისა და საკუთრივ ირანის აგარაღული ურთიერთობების შემდგომი ევოლუციის გათვალისწინებით რამდენადმე გასაგები ღდება ორენოვანი „სასოიურღალო“ საბუთების გაჩენის მიზეზები.

ორენოვანი საბუთები, რომელთა სპარსული ტექსტები გარკვეულ მსგავსებას ამჟღავნებენ სასოიურღალო სიგელებთან, ორ ჯგუფად იყოფა.

პირველ ჯგუფს საეკლესიო საბუთები განეკუთვნება; მეორე ჯგუფში საერთო პირთა სახელზე გაცემული საბუთები შედის. აქედან, XVII ს-ის მეორე ნახევარამდე მხოლოდ პირველი ჯგუფის საბუთები გვხვდება, ხოლო მეორე ჯგუფის საბუთები XVII ს-ის მეორე ნახევარსა და XVIII ს-ის დამდეგს არის გამოცემული.

ეკლესიის სახელზე გაცემულ საბუთებში ტერმინი „სოიურღალი“ მხოლოდ ერთხელ გამოიყენება. სიმონ I მიერ 1581 წ. სევეტიცხოვისადმი ბოძებული შეწირულობის წიგნის სპარსულ ნაწილში ნათქვამია, რომ ქართლის კათალიკოსს სოფ. მოხისი სოიურღალად ეწყალობა¹⁰. სხვა შემთხვევებში, ეკლესიისათვის ბოძებულ საბუთებში გვხვდება მხოლოდ სასოიურღალო სიგელებისათვის დამახასიათებელი საიმუნიტეტო ფორმულები. აღსანიშნავია, რომ ამ საბუთების განხილვის მთავარ საგანს წარმოადგენს ადრესატის საგადასახადო შეუვალობა, რაც გარკვეულად ზელს უწყობს საბუთის სპარსულ ნაწილში სასოიურღალო ფორმულის გაჩენას, რამდენადაც საგადასახა-

⁸ თიულის ინსტიტუტის შესახებ იხ. მაგ., И. П. Петрушевский, Очерки..., გვ. 184—221; აგრეთვე, ვ. გაბაშვილი, ქართული ფეოდალური მიწისმფლობელობის ისტორიიდან..., გვ. 188—209.

⁹ И. П. Петрушевский, Очерки... გვ. 158, 161.

¹⁰ موهبت... به سيورغال او مفوض و شفقت نمودیم. — სპ. № 5.

დო იმუნიტეტი ანუ „მუაფი“¹¹ სოიურდალის მთავარი დამახასიათებელი ნიშანი იყო. ამასთან, ტერმინი „მუაფი“, ხშირად, სოიურდალის ტექნიკური მნიშვნელობით, მის სინონიმად იხმარებოდა¹².

როგორც ვ. გაბაშვილი შენიშნავს, სოიურდალის მნიშვნელობით უნდა იყოს ნახმარი „მუაფი“ სიმონ I 1582 წ. ორენოვანი საბუთის (ქ.-სპ. № 7) სპარსულ ნაწილში, სადაც ნათქვამია: „წმიდა გიორგის ეკლესიის დეკანოზს დიდმელ ნათანელსა და მის ვაჟს ეუშეთელს სითარხნე ვუწყალობეთ; იმგვარად, როგორც წინათ იყვნენ თარხანი, ჩვენც მუაფი და ხელშეუვალი გავხადეთ. ამის საფუძველზე ტარულამ, ქედხუდამ და სხვებმა, მალისა და ბაპრეჩეს აკრეფის მიზნით დეკანოზისა და მისი სახლის გარშემო არ იტრიალონ, რათა მათ შვიდად ილოცონ ჩვენი ბედნიერებისათვის და მათზე დავალებულ სამსახურში ბეჯითობა და მეცადინეობა გამოიჩინონ“¹³.

გამოთქმა „გარშემო არ უტრიალონ“¹⁴, როგორც აღვნიშნეთ, სასოიურდალო სიგელებისათვის დამახასიათებელ საიმუნიტეტო ფორმულას წარმოადგენს. ვ. გაბაშვილი დასძენს, რომ ეს საბუთი „სხვა მხრივაც იქცევს ყურადღებას. სპარსული ტექსტის მიხედვით დიდმის წმიდა გიორგის დეკანოზს იგივე ევალება, რაც ინდური საბუთების მიხედვით შეიხს თუ სეიდს — ლოცვა იმისათვის, ვინც საეკლესიო პირს ათარხნებს და სოიურდალს უწყალობებს“¹⁵.

სასოიურდალო ფორმულა გამოიყენება, აგრეთვე, 1586 წ. დმანისის ეკლესიისადმი ბოძებული შეწირულობის¹⁶ სიგელის (ქ.-სპ. № 11) სპარსულ ნაწილში. მასში ნათქვამია: „ტარულებმა, მელიქებმა, ომალებმა, გადასახადის ამკრეფებმა, ქოდავის ამკრეფებმა და მობაშირებმა კალამი და ნაბიჯი დიმიოკლონ და ამოიკვეთონ [შეწირული მამულებიდან]“¹⁷.

სიმონ I 1594 წ. სითარხნის წიგნის (ქ.-სპ. № 190) სპარსული ნაწილი კრძალავს გათარხნებული გორელი ტერტერების შეწუხებას მათგან გადასახადის აკრეფის მიზნით და მიუთითებს, რომ „გარდა სასახლის საურისა და

¹¹ არაბ. معاف — თავისუფალი, გათავისუფლებული, თარხანი“.

¹² И. П. Петрушевский, Очерки..., გვ. 178—180; ვ. გაბაშვილი, ქართული ფეოდალური წყობილება..., გვ. 290—291.

¹³ ناطانيل دعاى دكانوز كيسيماى ژميدا كركى و زشتل ولد او ترخان شفقت فروده بطريقى كه سابقا ترخان بوده ما نيز اورا معاف و مسلم داشتيم بنا عليه داروغه و كدخدا وغيره بعلت مال و بهرچه پيرامون دكانوز و خانه او نگشته گذارند كه بفرأغ خاطر بدعاگويى دولت عالى ما مشغول بوده در خدمت مرجوعه خود قيام و اقدام نمايند

¹⁴ ამ შემთხვევაში: پيرامون... نگشته گذارند

¹⁵ ვ. გაბაშვილი, ქართული ფეოდალური წყობილება..., გვ. 290—291.

¹⁶ შტრ. К. А. Антонова, Сургал в Акбаровской Индии, ученые записки Тихоокеанского института, II.

¹⁷ „შეწირვის“, „შეწირულის“ ცნება ორენოვანი საბუთების სპარსულ ნაწილებში გადმოიკვეთდა ტერმინით „ვაკაფ“ (არაბ. وقف — შეწირვა, სასულიერო დაწესებულების მფლობელობაში რაიმეს გადაცემა).

¹⁷ داروغه و ملكان و عمال و متصدیان و كدوجیان و مباشران قلم و قدم کوتاه و كشيده داشته



ვაზირანესი არავინ არაფერი მოსთხოვოს მათ და მათი სახლის მკარსი იტრიალოს¹⁸.

საგადასახადო და ადმინისტრაციული შეუვალობის აღსანიშნავად, სხვა საშუალებებთან ერთად სასოიურღალო ფორმულა გამოიყენება სვეტიცხოვლის 1670 წლის შეწირულობის სიგელის სპარსულ ნაწილში (ქ.-სპ. № 133). საბუთში აღნიშნულია: „საჭიროა, რომ მაღალი კარის დივანის საქმეთა ომალებმა და მობაშირებმა ხსენებული ადგილების ჰავალეს, ეთლაცის, სათხოვარისა და გამოსაღებისაგან სავსებით დაიმოკლონ და ამოიკვეთონ კალამი და ნაბიჯი“¹⁹.

დასახელებული საბუთების როგორც ქართული, ისე სპარსული ნაწილების განხილვის ერთ-ერთ მთავარ საგანს ადრესატის საგადასახადო და ადმინისტრაციული შეუვალობა წარმოადგენს. ნაწილობრივ, ცხადია, ამით იყო გამოწვეული სპარსულ ტექსტში სასოიურღალო ფორმულების გაჩენა, რამდენადაც, როგორც ვ. გაბაშვილი შენიშნავს, გათარხნების აქტს ირანელი მოხელისათვის სოიურღალზე უნდა ენიშნებინა, რადგან საგადასახადო იმუნიტეტი სოიურღალის ძირითადი ნიშანი იყო²⁰, ამასთან, თუ გავისხენებთ, რომ სეფიანთა ხელისუფლება აღმ. საქართველოს ირანის ჩვეულებრივ პროვინციად განიხილავდა, ეკლესიის სახელზე გაცემული ორენოვანი საბუთების სპარსულ ნაწილებში სასოიურღალო ფორმულების გამოყენება სავსებით ბუნებრივ მოვლენად შეიძლება მივიჩნიოთ, მით უმეტეს, რომ, როგორც ითქვა, საეკლესიო სოიურღალების გაცემა სეფიანთა დროს გარკვეული პოლიტიკური მოსაზრებებით იყო ნაჯარნახევი.

აქედან გამომდინარე, ვფიქრობთ, თამამად შეიძლება ითქვას, რომ სამღვდელოების სახელზე გაცემული ორენოვანი საბუთების სპარსული ნაწილების სასოიურღალო სიგელის ყაიდაზე შედგენა სეფიანთა ცენტრალისტური და აგრარული პოლიტიკის თავისებურ ანარეკლს წარმოადგენს.

XVII ს-ის მეორე ნახევრიდან სასოიურღალო ფორმულები საერო ფეოდალთა სახელზე გაცემულ ორენოვან საბუთებშიც ჩნდება.

1659 და 1661 წლების საბუთების (ქ.-სპ. №№ 122 და 124) მიხედვით მოხელეებს მითითება ეძლევათ, რათა გორელი ვაჭრის მირიანა ქამალაშვილის მამულის გარშემო არ იტრიალონ²¹ და მიწის გარკვეული ნაკვეთი მის კუთვნილებად სცნონ და არავინ მასში არ შევიდეს²².

სასოიურღალო ფორმულები ნასყიდ მამულებთან დაკავშირებული საბუთის (ქ.-სპ. № 140—1681 წ.) სპარსულ ნაწილშიც გვხვდება, სადაც ნათქვამია: „დივანის ომალებმა და მობაშირებმა არავითარ შემთხვევაში არ შეაწუ-

¹⁸ سوی ساوری درگاه و وزیرانه کسی طلب و توقعی ننموده پیرامون خانه مومی ایما نگردند

می باید که عمال و مباشران امور دیوانی سرکار عالی از حواله و اطلاق و طلب و توقیع محال مذکور مطلقاً قلم و قدم کوتاه و کشیده دارند

²⁰ ვ. გაბაშვილი, ქართული ფეოდალური წყობილება..., გვ. 291.

²¹ ایشان نگردند — ქ. — სპ. № 122

²² اراضی مزبوررا مخصوص مشارالیه شانسند و احدی مدخل ننمایند

ხოვ ისინი (ადრესატები. — თ. ა.), ხსენებული მიწების გარშემო არ იტრიბლონ, კალამი და ნაბიჯი დაიმოკლონ და ამოიკვეთონ²³.

ზოგან გვხვდება მითითება, რომ საფინანსო უწყების მოხელეებმა ნაწყალობევი თუ გათარხნებული გლეხების „გარშემო არ უნდა იტრიბლონ“ (پیرامون نگردند)²⁴.

ციციშვილებისათვის სამკვიდრო მამულის წყალობის წიგნის (ქ.-სპ. № 178—1717 წ.) სპარსულ ნაწილში „სოიურდალი“ უკვე პირდაპირ არის დასახელებული და ნათქვამია, რომ ადრესატის წინაპრებისათვის სოიურდალად (سيورغال) ნაწყალობევი სამკვიდრო მამული (ملك موروثي) მისთვისაც იმგვარადვე სოიურდალად და მამტიცებული.

საირო ფეოდალთა სახელზე გაცემულ ორენოვან საბუთებში სასოფრდრო ფორმულების გაჩენის ფაქტის ასახსნელად უნდა გავითვალისწინოთ XVII—XVIII სს-ის ირანის მიწათმფლობელობასა და, ამის შესაბამისად, სეფიანთა აგარაულ პოლიტიკაში მომხდარი ცვლილებები.

სეფიანთა ირანში მიწისმფლობელობის მთავარი და გაბატონებული ფორმა თიული იყო²⁵. სწორედ თიულის გაბატონებული მდგომარეობით აიხსნება ამ ხანებში სოიურდალის არსებობა, რომელიც უკვე აღარ უქმნიდა საფრთხეს სეფიანთა ცენტრალისტურ პოლიტიკას, რამდენადაც, ძირითადად, ამ პოლიტიკის მომხრე შიიტური სამღვდლოებისა და სამოქალაქო ბიუროკრატიის მფლობელობის სახით განაგრძობდა არსებობას. რაც შეეხება თიულს, მისი გასაკუთრების პროცესი XVI საუკუნიდანვე დაიწყო და, საბოლოოდ XVIII ს-ის ნეორე ნახევარში დასრულდა, როდესაც თიული შინაარსობრივად დაემთხვა სოიურდალს და მათ შორის არსებული განსხვავება წაიშალა²⁶.

ყოველივე ამას უნდა გამოეწვია სოიურდალისადმი სეფიანთა დამოკიდებულების შეცვლა, რასაც, თავის მხრივ, უნდა გაეადვილებინა ქართული „მამულის“ „სოიურდალად“ გადმოცემა ან მამულისათვის დამახასიათებელი ფეოდალური იმუნიტეტების ადეკვატურად ასახავად სასოფრდრო (resp. საიმუნიტეტო) ფორმულების გამოყენება. საინტერესოა, რომ სოიურდალად ქართული მამული არა მარტო ორენოვან, არამედ ერთენოვან — სპარსულ საბუთებშიც აღინიშნება. მაგ., შაჰ აბას II 1660 წ. ფირმანით²⁷ ელიზბარბეგს მისი „სამკვიდრო და არასამკვიდრო“ (موروثي وغيره موروثي) სოფლები უმტიციდება „სამუდამო სოიურდალად და უსასრულო წყალობად“ (سيورغال ابدی و احسان سرمدی)²⁸ ყურადღებას იქცევს, რომ იმავე პერიოდის

عمال و مباشران ديواني به سجده وجه من الوجوه مزاحم حال ایشان و پيرامون
 املاك مذکور نگشته قام و قدم كوتاه و كشيده دارند

²³ იხ. ქ.-სპ. № 164 (1699 წ.) და № 174 (1704 წ.).

²⁴ ე. გაბაშვილი, ქართული ფეოდალური წყობილება..., გვ. 188.

²⁵ იქვე, გვ. 193; აგრეთვე, И. П. Петрушевский, Очерки..., გვ. 221.

²⁶ სპარსული ისტორიული საბუთები საქართველოს წიგნთსაცავებში, წ. I, ნაკვ. 1, გამოსცა ვ. ლ. ფუთურძემ, თბილისი, 1961, საბ. № 32.

²⁷ 1660 წლის ფირმანით მინიჭებული უფლების განახლებას ეხება შაჰ-სულეიმანის 1685 წლის სიგელი, რომელშიც ელიზბარბის მემკვიდრეთათვის ნაწყალობევი მამულები, აგრეთვე სოიურდალად არის მოხსენიებული. იხ. „სპარსული ისტორიული საბუთები...“, ნაკვ. 2, თბ., 1962, საბ. № 12.

8. „მაცნე“, ისტორიის... სერია, 1975, № 1

ორენოვანი საბუთების სპარსული ნაწილების მიხედვით, იგივე სოფლები ელიზბარ და სხვა სოლადაშვილებს „თიულად“ აქვთ ნაწყალობევი²⁹. ასეთი რამ, უთუოდ, თიულისა და სოიურღალის ინსტიტუტებს შორის განსხვავების წაშლის შედეგი უნდა იყოს.

ირანის აგარარულ ურთიერთობებში მიმდინარე პროცესებს უკავშირდება, აგრეთვე, სასოიურღალო ფორმულების გამოყენება ორენოვანი საბუთების ისეთ სპარსულ ნაწილებში, რომლებშიც ქართული მამულის აღსანიშნავად „თიულად“ გვხვდება³⁰. ასეთი რამ მხოლოდ მას შემდეგ ვახდებოდა შესაძლებელი, რაც, ერთი მხრივ, თიული საკმაოდ ხშირ შემთხვევაში შეიძენდა სოიურღალის ნიშნებს, რათა ფაქტიურად არსებულ მდგომარეობას დოკუმენტურად გაფორმების საფუძველი ჰქონდა და, მეორე მხრივ, მოიხსნებოდა თიულისა და სოიურღალის ურთიერთდაპირისპირების პოლიტიკური საპირობა.

მართალია, ქართული მამულისათვის დამახასიათებელი ფეოდალური იმუნიტეტები ნაწილობრივ ხელს უწყობდა ორენოვან „სათიულო“ საბუთებში სასოიურღალო ფორმულების გაჩენას, მაგრამ, არსებითად, ეს მოვლენა ქართულ ნიადაგზე არ აღმოცენებულა, რამდენადაც ასეთივე რამ საკუთრივ სპარსულ (ერთენოვან) საბუთებში უკვე XVII ს-ის შუა წლებიდან ვხვდებით³¹.

ამრიგად, შეიძლება ითქვას, რომ საერო ფეოდალთა სახელზე გაცემულ ორენოვან საბუთებში სასოიურღალო ფორმულების გაჩენა XVII ს-ის მეორე ნახევარში, უთუოდ, ირანულ საფუძველზეა აღმოცენებული და უშუალოდ უკავშირდება XVII ს-ის ირანის მიწისმფლობელობაში მიმდინარე პროცესებს და ამ პროცესებისადმი სეფიანთა ხელისუფლების დამოკიდებულებას.

თუმცა, აქვე უნდა ითქვას, რომ წყალობის საბუთებში სასოიურღალო ფორმულების გამოყენება საკანცელარიო ნორმად არ ქცეულა და „სოიურღალი“ ან სასოიურღალო ფორმულები ორენოვან საბუთებში იშვიათად იხმარებოდა, რაც, როგორც ჩანს, ირანული სამდივანმწიგნობრო სტილისა და ფეოდალური ტერმინოლოგიის კონსერვატული ბუნებითა და მოუქნელობით უნდა ყოფილიყო გამოწვეული.

ორენოვანი საბუთის სპარსული ნაწილის ირანულ-ყიზილბაშურ ყაიდაზე შედგენა გარკვეული პოლიტიკური მოსაზრებებით იყო ნაკარნახევი. ამის გამო „თიულიცა“ და „სოიურღალიც“ მხოლოდ ტექნიკურ ტერმინებად რჩებოდა და მიახლოებებითაც ვერ გამოხატავდა ქართული საადგილმამულო ურთიერთობის თავისებურებებს³².

ამდენადვე, ორენოვანი საბუთების სპარსული ტექსტების დიპლომატიკურ ფორმულებს არავითარი გავლენა არ მოუხდენია ქართული საბუთების ფორმაზე, არ შეუცვლია და არც შეიძლებოდა შეეცვალა ქართული საბუთის დიპლომატიკური სტრუქტურა და ტერმინოლოგია.

²⁹ იხ. ქ.-სპ. №№ 60, 92, 96, 108, 117, 118, 130 და სხვ.

³⁰ იხ. ქ.-სპ. №№ 151 (1693 წ.), 168 (1701 წ.).

³¹ იხ. „სპარსული ისტორიული საბუთები...“, ნაკვ. 1, № 24 (1648); იქვე, ნაკვ. 2, საბ. №№ 1, 2, 3, 8 (1662—1671 წწ.).

³² ვ. გაბაშვილი, ქართული ფეოდალური წყობილება..., გვ. 292.

ბაპარ გიზინიშვილი

ეთნონიმ ჰენიოხის წარმომავლობისათვის

საქართველოს ტერიტორიაზე ისტორიულად დადასტურებულ სატომო სახელთაგან სრულიად გარკვეულია ოთხის წარმომავლობა: სვანი, ჭანი, ქართველი და მეგრელი აშკარად ქართველური ტერმინებია. ამთვან პირველი ორი, როგორც დამაჯერებლად აჩვენა ს. ჯანაშიამ, წმინდა სატომო სახელებია, მაშინ როცა ქართველი და მეგრელი ტერიტორიულ-პოლიტიკური წარმომავლობის ტერმინებს წარმოადგენენ¹. სწორედ ამ ფაქტორით ჩანს განსაზღვრული მათი ქრონოლოგიური განსხვავებულობაც: სვანი და ჭანი საერთოქართველური ერთიანობის დროინდელი სახელებია, ქართველი და მეგრელი კი მხოლოდ ქართულ-ზანური ერთიანობის ეპოქამდე აიყვანება (რადგან კანონზომიერი სვანური ფორმები ამ სახელებისათვის არ მოგვეპოვება). ქართ- და ეგრ- ძირეული მასალის სახით შემონახულა სატომო სახელები, მაგრამ სვანური კორელატები არ ჩანს².

როგორც ცნობილია, უცხოურ თუ ადგილობრივ ისტორიულ წყაროებში მრავალი სხვა ეთნონიმია ფიქსირებული, რომელთა წარმომავლობა ან სრულიად არაა გარკვეული, ან კიდევ საბოლოოდ გადაწყვეტილად ვერ ჩაითვლება. თვით ასეთი სიმრავლე სატომო სახელებისა შედარებით მცირე ტერიტორიაზე სვამს საკითხს ამ სახელების წარმოშობის მიზეზების შესახებ. ან უნდა დაუშვათ, რომ ტომთა რაოდენობა შეეფერებოდა მათი სახელების სიმრავლეს, ან უნდა ვიფიქროთ, რომ ერთსა და იმავე ტომს ჰქონდა რამდენიმე სახელი. ერთი ტომისათვის რამდენიმე სახელის არსებობა შეიძლება სხვადასხვაგვარად აიხსნას: 1. ეთნონიმთა განაწილებით სხვადასხვა ისტორიულ მონაკვეთებში (ე. ი. დაშვებით, რომ სხვადასხვა ეპოქაში ერთი და იგივე ტომი სხვადასხვა სახელით იყო ცნობილი), 2. ეთნონიმთა განაწილებით გარემოცველ ტომთა და ხალხთა მიხედვით, რაც გულისხმობს ისტორიოგრაფიაში კარგად ცნობილ ფაქტს, როცა ერთსა და იმავე ხალხს სხვადასხვა მეზობელი სხვადასხვა სახელს უწოდებს. ამის კარგი ნიმუშია ტერმინი სომეხი, რომელიც დღეს გამოიყენება იმ ხალხის სახელად, რომელიც თავის თავს ჰაი-ს უწოდებს, ხოლო ევროპელი ხალხები არმენ-ად იცნობენ.

ეთნონიმთა სიმრავლეს ბევრი სხვა ახსნაც შეიძლება მოეძებნოს, მაგრამ აშკარად ამის კვლევა ჩვენს მიზანს არ შეადგენს. შემოვიფარგლებით უფრო კერძო საკითხით, როგორცაა ტერმინების ჭანი, ხანი, ლაზი, და ჰენიოხი ურთიერთმიმართების გარკვევა.

¹ ს. ჯ ა ნ ა შ ი ა, თუბალ-თაბალი, ტიბარენი, იბერი (ს. ჯანაშია, შრომები, ტ. III, თბ., 1959, გვ. 5).

² შდრ. ამ მხრივ სვანი, რომელსაც კანონზომიერი ფონემური შესატყვისები აქვს მეგრული შონი-სა და სვანური მუ-შტან-ის სახით. თავილური მუ- საკუთრივ სვანურ ნიადაგზე ჩანს მოგვიანებით გაჩენილი (შდრ. შტან-პრ „სვანები“, ლა-შტან „სასვანო“ და სხვ.). ჭანის საერთოქართველურ წარმომავლობაზე ქვემოთ გვექნება საუბარი.

ეთნონიმი **ჭანი** დღევანდელ ქართულში იხმარება ძველი საქართველოს იმ კუთხის წარმომადგენელთა აღსანიშნავად, რომელიც თითქმის მთლიანად დღეს თურქეთს უჭირავს, ჩვენი ქვეყნის ფარგლებში კი დარჩენილა ერთადერთი სოფელი სარფი. ჭანები ძირეული ქართველური ტომია და მეტყველებენ ერთ-ერთ ქართველურ დიალექტზე. მაგრამ უნდა აღინიშნოს, რომ ტერმინი **ჭანი** არსებითად სამეცნიერო ლიტერატურაში გვხვდება მხოლოდ, სხვაგან მისი ადგილი კარგა ხანია დაიკავა ტერმინმა **ლაზი**. ეგვე **ლაზი** წარმოადგენს დღეს ამ ტომის თვითსახელწოდებას. მაგრამ ჩვენს დროშიც (ყოველ შემთხვევაში ჩვენი საუკუნის პირველ მესამედში) ჭანი, როგორც თვითსახელწოდება ხსენებული ეთნიკური ჯგუფისა, მთლად არ გამქრალა. ს. ჯანაშიას ცნობით ასე უწოდებდნენ თავს ვონას რაიონში მცხოვრები ჭანები³. ისტორიულად კი, როგორც ჩანს, განსხვავებული ვითარება იყო. ადრეულ ხანაში **ჭანი** არ უდრის **ლაზს**. ისტორიულ წყაროებში ისინი დიფერენცირებულადაა წარმოდგენილი. ამის ერთ-ერთ ნიმუშად გამოდგება VII საუკუნის ანონიმი სომეხი გეოგრაფი, რომელიც ლაზეთსა და ჭანეთს ერთმანეთისაგან ჰყოფს: *სა ძანჲს სიქრ ქიძრ აქსარსა ჯირსა: ექსანჲსიქი, ეხჲსიქჲსა, ექსაქჲს, ექსანჲსიქ...* „და აქვს ეგერს ოთხი მცირე ქვეყანა (პროვინცია): მანრილი, ეგრევიკა, **ლაზივი**, **ჭანეთი**“⁴. საყურადღებოა, რომ ჭანების მხარე აქ ქართული ფორმითაა მოტანილი (-ეთ სუფიქსით).

პროკოპი კესარიელი კატეგორიული წინააღმდეგია ჭანებისა და ლაზების გაიგივებისა, რომლის ცდა მას შეუმჩნევია ზოგიერთ ძველ მწერალთან. ჭანები მოსახლეობენ არმენიელთა მეზობლად შუახმელეთზე და შუაში აღმართულია ტყიანი მწვერვალები, მიუვალი და ციკაბო ადგილები, უგზო-უყვლო ნაპრალები, რითაც ისინი გამოირჩევიან, როგორც არაზღვისპირა მცხოვრებნი, ლაზებისა და კოლხებისაგან⁵. მეორე მხრივ, მისი აზრით, კოლხები შეუძლებელია არ იყვნენ იგივე ლაზები... რომელთა სახელი შემდგომ „ლაზთა“ სახელით შეიცვალა⁶.

საგულისხმოა, რომ როგორც ძველ, ისე თანამედროვე ისტორიკოსებს არსებითად ერთი პოზიცია უჭირავთ **ჭან**-ისა და **სან**-ის ინტერპრეტაციის საკითხში. მიჩნეულია, რომ **ჭანი** და **სანი** ერთი და იმავე ტომის სახელწოდებაა. ს. ჯანაშიას აზრით, თეოდორიტე კვირელი სანებში გულისხმობს⁷ მის დროს უკვე ლაზების სახელით ცნობილ ჭანებს⁸. ამასვე ადასტურებს ევსტათისეული კომენტარი დიონისიოს პერიეგეტის თხზულების ერთი ადგილისა, სადაც ნათქვამია, მაკრონები ბეჭირებზე სამხრეთით მცხოვრები პონტოელი ხალხია, რომელთაც ჩვენ ახლა **სანებს** (Σάνους) ვუწოდებთ, ხოლო უმეცართა ენაზე მათ **ჭანები** (Τσανები) ჰქვიათო, ხოლო შესაბამისად **სანების** ქვეყანას **ჭანიებს** (Τσανιები) უწოდებენ მდაბიურად მეტყველნიო⁹.

³ ს. ჯანაშია, დასახ. ნაშრომი, გვ. 5.

⁴ Армянская география VII века по р. X. Текст и перевод издал К. П. Патканов, С.-Петербург. 1877, გვ. 16.

⁵ გეორგიე, ტ. II, ს. ყ ა უ ხ ჩ ი შ ვ ი ლ ი ს გამოცემა, თბ., 1965, გვ. 120.

⁶ გეორგიე, ტ. II, გვ. 120.

⁷ გეორგიე, I, თბ., 1961, გვ. 226—227.

⁸ ს. ჯანაშია, დასახ. ნაშრომი, გვ. 11.

⁹ თ. ყ ა უ ხ ჩ ი შ ვ ი ლ ი, ბერძენი მწერლების ცნობები საქართველოს შესახებ, I, თბ., 1957, გვ. 157.

რამ განაპირობა საჭიროება ჰანისა და ხანის იდენტობის მტკიცებისა, როცა ჰანი დღევანდელ ქართულშია ცოცხალი, ხანი კი მხოლოდ ბერძენ მწერლებთან (ზოგჯერ რომაელებთანაც) გვხვდება? ეს გამოწვეულია იმ გარემოებით, რომ ბერძნულ წყაროებში ჰანი-სთვის ორგვარი დაწერილობა არსებობს: ერთია *Σανυ-* (*Σανυς*), მეორე — *Τξαν-* (*Τξανς*), ამან გავლენა იქონია, როგორც ჩანს, წარმოთქმაზეც და გაჩნდა საკითხი: ხომ არ შეიძლება ორი სხვადასხვა დაწერილობა განსხვავებულ ტომებს გულისხმობდეს? ამის საპასუხო რეაქციას წარმოადგენს ევსტათისეული კომენტარის ზემოთმოტანილი ადგილი. რომ აქ ორი სხვადასხვა ტომი არ უნდა იგულისხმებოდეს, ამის კიდევ ერთ საბუთს იძლევა პროკოპი კესარიელის ცნობა, რომელიც აგვიწერს ჰანების საცხოვრისს. პროკოპის გადმოცემით, ჰანები მოსახლეობენ ნისლიან და თოვლიან მთებში, სადაც სათავეს იღებს მდინარე ფახისი და მიემართება კოლხეთისაკენ. ჰანების ტომი (*Τξαντων ἔθνος*) არავის ქვეშევრდომი არაა და მისი წარმომადგენლები უფრო ადრეულ ხანაში **სანებად** (*Σανς*) იწოდებოდნენ¹⁰. პროკოპი კესარიელი აქ სრულად არაორაზროვნად მიუთითებს ტერმინების ჰანი და ხანი იგივეობაზე, ოღონდ გასათვალისწინებელია, რომ ამ ორ სახელწოდებას იგი გარკვეული ქრონოლოგიური თანმიმდევრობით წარმოგვიდგენს. რას უნდა გამოეწვია *Σαν-*ის შეცვლა *Τξαν-*ით? ეს ცვლილება, რა თქმა უნდა, ფონეტიკური არაა: ბერძნულისთვის უცხოა თ-ს ვადასვლა *Τξ* კომპლექსში, რომელიც (*Τξ*) საკუთრივ ბერძნულ სიტყვებში საერთოდ არ დასტურდება. *Τξ* გრაფიკული გადმოცემა ისეთი ბეგრებისა, რომლებიც ზოგ სხვა ენაში დასტურდება, ბერძნულს კი არ მოეპოვება. ამ გრაფიკული ჭკუფით ბერძნულ ხელნაწერებში გადმოცემულია სხვა ენების აფრიკატი ფონემები: ც, ჩ, წ, ჭ¹¹. ამავე აფრიკატებს უფრო ადრინდელ ხანაში ბერძნები, როგორც ჩანს, ერთი გრაფემით — „სიგმათი“ — ცვლიდნენ (ამის ასახვა ჩანს ქართულში ჰან- → ბერძნ. *Σαν-*). რადგან თ ერთადერთი ყრუ სიბილანტია ბერძნულ ფონემურ სისტემაში, მას ეკისრებოდა ყოველგვარი უცხოენოვანი სისინა და შიშინა ყრუ თანხმოვნის გადმოცემა. მოგვიანებით, პროკოპი კესარიელის დროს, უკვე აშკარად ჩანს ტენდენცია აფრიკატების აღვილობრივ წარმოთქმასთან უფრო მიახლოებული, უფრო ზუსტი გადმოცემისა. ეს ტენდენცია ასახვას პოულობს ორთოგრაფიაშიც: ორი კომპონენტისაგან შემდგარი თანხმოვნები, აფრიკატები დაწერილობაში წარმოდგენილია ორგრაფემიანი ჭკუფით (*τξ*).

სომხური წყაროები არ საჭიროებენ ჭ ფონემის გადმოცემას გრაფემების ჭკუფით, რადგან სომხურ ენას ჭ-ს მსგავსი ფონემაც მოეპოვება და შესაბამისი გრაფიკული სიმბოლოც (*ճ*). სომხურ წყაროებში გვაქვს, ჩვეულებრივ, *ճանիւ* (ჰანიე) და *ճանիւք* (ჰანეთ) ფორმები ჰანების ან ჰანეთის მნიშვნელობით. მოსე ხორენელი, როცა მოგვითხრობს არტაშირის მიერ ტაციტის დევნას, ამ უკანასკნელის შესახებ ამბობს: *որ ხւ սպանաւ ի ճանիւս պոսացուց, որ ხն խաղտիք* „რომელიც მოიკლა... ჰანეთს პონტოსისასა, რომელ

¹⁰ გეორგიკა, II, გვ. 53.

¹¹ სისინათა და შიშინათა ჯღ-თი გადმოცემის შესახებ ბერძნულში თანაბარია (შდრ. ს. ჭ ა ნ ა შ ი ი ა, დასახ. ნაშრომი, გვ. 28).

არიან ხალტები¹² (ანუ ქალდეები). **ჰანთა** მხარე ამ ფორმით სხვა სომეხ მწერლებთანაც გვხვდება.

ცნობილი და მრავალგზის კომენტირებულია **ანს** ფორმა სომხური წყაროებისა. იმავე მოსე ხორენელთან მოხსენიებულია სხვა ადგილას **ჰენ**-თა ტომის წარმომადგენელი მამგუნი¹³. ფავსტოს ბუზანდთან რამდენსამე ადგილას ნახსენებია **ჰენთა** ქვეყანა, თუმცა მისი მდებარეობა მითითებული არაა. ს. ჯანაშიას, ისევე როგორც ნ. აღონცს¹⁴, მიაჩნია, რომ მამიკონიანების **ჰანური** წარმომავლობა სავსებით სარწმუნოა, მაგრამ ამასთანავე მისთვის უეჭველია, რომ მოსე ხორენელთან ზემოხსენებულ ადგილას **ჰენი** ნახმარია **ჩინ**-ის, **ჩინელის** გაგებით კონკრეტულ მწიგნობრულ კონსტრუქციაში¹⁵. ე. ი. შესაძლოა **ჰენ**-ის თავდაპირველი მნიშვნელობის ცვლას მართლაც ჰქონოდა ადგილი, მაგრამ ეს მხოლოდ იმაზე მიუთითებს, რომ **ჩინელის** აღსანიშნად განკუთვნილი ფორმით შეცვლილია მსგავსი ქლერადობის **ჰანი**, თავისთავად კი ამ კონკრეტული კონტექსტის გარეშე **ანს** ჩინელს ნიშნავს, ხოლო **ანს** — ჰანს.

ამრიგად: 1. ქართული ეთნონიმი **ჰანი** არაა **ლაზი**-ს იდენტური; 2. ბერძნულ წყაროებში **ჰანს** შეესატყვისება ორი ტერმინი: უფრო ძველი **Σαυ**-ი და შედარებით გვიანდელი **Τζαυ**-ი, რომლებიც ერთი და იმავე სახელის ქრონოლოგიურად განსხვავებულ გრაფიკულ ვარიანტებს წარმოადგენენ; 3. სომხურ წყაროებში **ჰანი** გადმოცემულია **ჰანს** დაწერილობით.

სანების (ჰანების), მაკრონების და სხვა ქართველური ტომების გვერდით ბერძნულ წყაროებში ხშირად იხსენიებიან **ჰენიოხები**. სტრაბონის ცნობით, სინდიკესა და გორგიზიას შემდეგ, ზღვასთან არის აქველთა, ზიგთა და **ჰენიოხთა** სანაპირო. ეს უკანასკნელი ცხოვრობენ უნავსადგურო და მთიან ადგილებში, მეკობრეობენ ზღვაზე. ელინები მათ **კამარებს** უწოდებენ. გადმოცემის მიხედვით იაზონის ლაშქრიდან ფთიელმა აქველებმა დაასახლეს აქაია, ხოლო ლაკონელებმა — **ჰენიოხია**, რომლებსაც მართავდნენ დიოსკურების მეეტლეები — რეკასი და ამფისტრატე, რომელთაგანაც მიიღეს სახელი **ჰენიოხებმა**¹⁶ (**ἤνιοχοι**; ბერძნულად „სადავების მკერს“, „მეეტლეს“ ნიშნავს). ეს გადმოცემა, რომელსაც სტრაბონთან ვხვდებით, ფართოდ გავრცელდა **ჰენიოხ** სიტყვის ბერძნულ ნიადაგზე ეტიმოლოგიზაციის შედეგად. მას ვადასტურებთ თითქმის ყველა შემდეგდროინდელ ისტორიკოსთან, რომელთაგანაც ნახსენებია **ჰენიოხები**. ამიანე მარცელინესთან ნათქვამია, რომ მდინარე ფაზისი ჩამოუვლის კოლხებს და რომ იქ სხვა ქალაქებს შორის არის მდინარის მიხედვით სახელმწიქმეული ფაზისი და კარვად ცნობილი დიოსკურია, რომელიც, როგორც გადმოცემიდან ჩანს, დაფუძნებულია კასტორისა და პოლუქსის მეეტლეების, სპარტელი ამფიტოსისა და კერკიოსის მიერ, რომელთაგან წარმოიშვა **ჰენიოხთა** ერი¹⁷. აქველთა მეზობლობა **ჰენიოხებთან** აღნიშნულია ამიანეს მიერაც¹⁸.

მეხუთე საუკუნის ბერძენი ანონიმი გეოგრაფის „პერიპლუსის“ მიხედვით მდინარე არქაბიდან მოკიდებული ვიდრე ოფიუნტის წყლამდე წინათ ცხოვ-

¹² **Մովսես Խորենացի. Պատմալիք Ռայից. Տիփլիս, 1913, გვ. 215.**

¹³ **История Армении Мойсея Хоренского. Пер. Н. О. Эминая, М., 1893, გვ. 129—130.**

¹⁴ **З. Н. Адонц, Армения в эпоху Юстиниана, С.-Петербург, 1908, გვ. 403—404.**

¹⁵ **ს. ჯანაშია, დასახ. ნაშრომი, გვ. 33.**

¹⁶ **თ. ყაუხჩიშვილი, სტრაბონის გეოგრაფია, თბ., 1957, გვ. 118—119.**

¹⁷ **გეორგივა, I, გვ. 111—112.**

¹⁸ იქვე.

რობდნენ ეკხირიელები, ამჟამად კი — მაქელონები და ჰენიოხება, აფსარის წყლიდან მდინარე არქაბემდე წინათ ცხოვრობდნენ ბიძერები, ამჟამად კი — ზიდრიტები²⁰. როგორც ვხედავთ, სტრაბონისა და ამიანეს თხზულებებში ჰენიოხების განსაზღვრების ადგილი სხვაა ანონიმი გეოგრაფის მიერ მოწოდებულ ცნობასთან შედარებით. ამასთანავე, პერიპლუსის ანონიმი ავტორი თითონვე მიუთითებს, რომ ჰენიოხებს ადრე არ ეკირათ ის ტერიტორია რომელზედაც სახლობენ მის დროს. გადმოცემა ჰენიოხების წარმომავლობისა დიოსკურების მეეტლეთაგან შემონახულია ანონიმ ავტორთანაც, ოღონდ იგი თვლის, რომ ჰენიოხები ნარევი ხალხია²¹. ამავე ავტორის მიხედვით, კოლხები დიოსკურიიდან აფსარის წყლამდე ცხოვრობდნენ. მათ მისდევენ მაქელონები და ჰენიოხები, რომელთა მეფეა ანქიალე²².

პტოლემეაოსის მიხედვით, მთიანი ქედების ძირში, კიმერიის ბოსფორის ორსავე მხარეს ბინადრობენ ბოსფორელები, ხოლო პონტოს გასწვრივ — აქეები, კერკეტები, ჰენიოხები და სვანო-კოლხები²³. საინტერესოა ტერმინი Σουαννο-Κολχοι, რაც შესაძლოა გულისხმობდეს სვანი და კოლხი ტომების პოლიტიკურ გაერთიანებას, რომელიც მოიცავდა შავი ზღვის აღმოსავლეთი სანაპიროს გარკვეულ ნაწილს²⁴. ეგვეე ცნობა მიუთითებს სვანების გავრცელებულობაზე შავიზღვისპირა ზოლში ადრეულ ხანაში²⁵.

რომელი ეთნიკური ერთეული იგულისხმება ტერმინში ჰენიოხი და როგორი ეტიმოლოგია ამ ტერმინისა უფრო დამაჯერებელი იქნება ისტორიულ-ლინგვისტური თვალსაზრისით? ჰენიოხთა ტომის სიძველე დასავლეთ საქართველოს მოსახლეობაში საეჭვო არაა. ამიტომ დასმულ საკითხს არ დაუკარგავს აქტუალობა იმისდა მიუხედავად, რომ ისტორიულ მეცნიერებაში საკმაოდ არგუმენტირებული ვარაუდებია გამოთქმული მასთან დაკავშირებით. ივანე ჯავახიშვილს ჰენიოხებისა და ტუსკების (თუშების) ეთნარქებად შესაბამისად მიაჩნდა დაბადების წიგნში მოხსენიებული ჰენოხ და მისი შვილი მათუსალა²⁶ (თუმც უნდა ითქვას, რომ ჰენიოხებსა და თუშებს შორის იმგვარი მემკვიდრეობითი კავშირი არაა, როგორც ენუქსა და მათუსალას შორის). ტერმინ ჰენიოხის გამოყვანა ენოხ // ენუქ-იდან გარკვეულ დაბრკოლებებს აწყდება: ერთგან სიტყვის თავში ჰ გვაქვს (ჰენიოხი), მეორეგან — არა (ჰენოხ ფორმა არსად დასტურდება), ერთგან ნ-ს შემდეგ ი გვაქვს, მეორეგან — არა. ამას გარდა, ბერძნული დაბადების ტექსტში წარმოდგენილ Ηνωχ-სა და ბერძნულ ისტორიულ წყაროებში ფიქსირებულ Ηνωχ ფუძეს შორის სხვაობა თავს იჩენს გახმომანებაშიც. საკითხს ჰენიოხების მიკუთვნებისას ამა თუ იმ ეთნიკური ჯგუფისადმი ივ. ჯავახიშვილთან შეეხებებით ქვემოთ.

მ. ინაძე იზიარებს პ. უშაკოვის ვარაუდს, რომლის მიხედვით ურარტუს წარწერებში მოხსენიებული იგანი-ს ქვეყანა იმ ტომთა პოლიტიკური გაერ-

²⁰ გეორგია, II, გვ. 3.

²¹ იქვე, გვ. 7.

²² იქვე, გვ. 6—7.

²³ В. В. Л а т ы ш е в, Известия древних писателей греческих и латинских о Скифии и Кавказе, т. I, вып. I, С.-Петербург, 1893, გვ. 239.

²⁴ კოლხეთის ორგვარი გაგებისათვის იხ. ნ. ლომოური, „კოლხიდის“ და „კოლხების“ გაგებისათვის, თსუ შრომები, B1 (138), 1971, გვ. 29.

²⁵ Г. А. М е л и к и ш в и л и, К истории древней Грузии, Тбилиси, 1959, გვ. 92.

²⁶ ივ. ჯავახიშვილი, ქართველი ერის ისტორიის შესავალი, წ. I, თბ., 1950, გვ. 136.

თანება უნდა იყოს, რომლებსაც ბერძენი მწერლები ჰენიოხებს უწოდებდნენ²⁷. ამ თვალსაზრისის მიხედვით ჰენიოხი იდენტურია იგანიხი-სა²⁸. ამ ვარაუდის გაზიარება ძნელია, რადგან არავითარი ენობრივი კავშირი ამ ორ ფორმას შორის არ ჩანს.

ჰენიოხის იმ ბერძნული გაზრების თაობაზე, რომელიც წყაროებში დასტურდება („*ἡμετέρας* „მეეტლე“) საფუძვლით სამართლიანია გ. მელიქიშვილის შენიშვნა, რომ შესაძლოა ბერძნებმა აქციეს „ჰენიოხებად“ („მეეტლეებად“ — ბ. გ.) მისი მსგავსი ქღერადობის რომელიმე ადგილობრივი სატომო სახელი²⁹.

არიანესა და ანონიმი გეოგრაფის ცნობათა კრიტიკული ანალიზის საფუძველზე ივ. ჯავახიშვილი საბოლოოდ იმ აზრისაკენ იხრება, რომ მაკრონები და ჰენიოხები ჭანური ტომის ცალკეულ თემებად შეიძლება ჩაითვალოს³⁰.

განსხვავებული თვალსაზრისი აქვს წარმოდგენილი გ. მელიქიშვილს, რომელიც დამატებითი არგუმენტების მოხმობით ავითარებს ი. ორბელის ვარაუდს, რომ შესაძლოა ჰენიოხები და სანიგები (ეს ეთნონიმები გაიგივებულია) წარმოადგენდნენ სვანურ ტომებს³¹. ამ დებულებას მოსდევს ფრიად საყურადღებო ვარაუდი, რომლის მიხედვით ჰენიოხ-სანიგების (ავტორის აზრით, სვანების — ბ. გ.) ადრინდელ საცხოვრისად მიჩნეულია შავი ზღვის აღმოსავლეთი სანაპირო, კერძოდ კი ფაზისის რაიონი ბერძენ კოლონისტთა იქ მისვლამდე. ამ თვალსაზრისით, გ. მელიქიშვილს საყურადღებოდ მიაჩნია აგრეთვე პომპონიუს მელას ცნობა იმის შესახებ, რომ დიოსკურია (სოხუმი) აგრეთვე ჰენიოხთა მიწა-წყალზე მდებარეობდა. ჰენიოხების (იმავე სვანების) ზღვისპირა ზოლში განსახლების სასარგებლოდ გ. მელიქიშვილი იშველიებს ცალკეულ ტომონიმთა ეტიმოლოგიებს (როგორცაა, მაგალითად, მ. ჭალდანიშვილი გააზრება ცხუმ-ისა რცხილის სვანურ სახელწოდებად)³². სვანური მოსახლეობა რომ ადრეულ ხანაში შავი ზღვის აღმოსავლეთ ან ჩრდილო-აღმოსავლეთ სანაპიროზე ვიგულვოთ, ამას არსებითად თითქმის არაფერი შეუშლიდა ხელს, მაგრამ როგორ დვას ჰენიოხების სანიგებთან გაიგივებასა და მათი სვანურ ტომებად მიჩნევის საკითხი? ჰენიოხი და სანიგი (სანიხი) ერთმანეთის ვარიანტებადაა კვალიფიცირებული. ჰ-სა და ს-ს მონაცვლეობა, ავტორის აზრით, ისევე დასაშვებია, როგორც სპერ~ჰიბერ-შო³³. ჩვენთვის ნათელი არაა ს~ჰ მონაცვლეობის ფონეტიკური საფუძველი. ასევე არაა ნათელი განსხვავება ვოკალიზმში: ე-ა (ჰენიოხ — სანიგი).

ყველაზე უფრო დამაჯერებელი ჩანს ივ. ჯავახიშვილის მოსაზრება ჰენიოხთა ჭანური ტომისათვის მიკუთვნების შესახებ. ივ. ჯავახიშვილი ხაზს უსვამს იმ ვარაუდებს, რომ „... ჰენიოხები... შავი ზღვის სამხრეთ-აღმოსავლეთ სანაპიროზეც მაკრონების გვერდით იყვნენ (არიანე, § 15) და ჩრდილოეთ სანაპიროზეც, იმიერ-კავკასიაში ჯიქების მეზობლად (სტრაბონის G., lib. XI, c.

²⁷ П. Ушаков, К походам урартийцев в Закавказье, ВДИ, 1946, № 2, гл. 38.

²⁸ მ. ი ნ ა ძ ე, შავი ზღვის აღმოსავლეთ სანაპიროზე მოსახლე ტომთა ისტორიისათვის (ჰენიოხები), მასალები საქართველოსა და კავკასიის ისტორიისათვის, ნაკვ. 32, თბ., 1955, გვ. 13—21.

²⁹ Г. А. Меликишвили, К истории древней Грузии, гл. 91.

³⁰ ი. ვ. ჯ ა ვ ა ხ ი შ ვ ი ლ ი, დასახ. ნაშრომი, გვ. 264.

³¹ Г. А. Меликишвили, К истории древней Грузии, гл. 91.

³² გ. მ ე ლ ი ქ ი შ ვ ი ლ ი, საქართველოს, კავკასიისა და მახლობელი აღმოსავლეთის უძველესი მოსახლეობის საკითხისათვის, თბ., 1965, გვ. 63—67.

³³ Г. А. Меликишвили, К истории древней Грузии, гл. 91.

2, § 12)³⁴. მართლაც, ჰენიოხებს წყაროები ასახელებენ როგორც ჩრდილო-აღმოსავლეთ და აღმოსავლეთ სანაპიროზე შავი ზღვისა, ისე მის სამხრეთ-აღმოსავლეთ სანაპიროზეც (ანონიმი პერიპლუსი, არიანე). არიანე ფლავიუსის მიხედვით მაკრონ-ჰენიოხების საერთო მეფე იყო ანქიალი. ამ ანქიალის სახსლე მდებარეობდა, ივ. ჯავახიშვილის ვარაუდით, ახლანდელი ვიწეს მახლობლად. ჭანების მიწა-წყალი ყოფილა მდინარე ოფიდან მოყოლებული აღმოსავლეთისაკენ, ხოლო ვიწეს ჩრდილო-აღმოსავლეთით ბინადრობდა მაკრონებისა და ჰენიოხების თემი³⁵. ამრიგად, არსებობს გარკვეული საფუძველი ჭანებისა და ჰენიოხების იდენტიფიკაციისათვის. ერთი მხრივ, გაიგივებულია მაკრონები და ჰენიოხები, მეორე მხრივ კი — ხანები (ჭანები) და მაკრონები. ამასთანავე მათ საცხოვრისად მიჩნეულია შავი ზღვის სამხრეთ-აღმოსავლეთი სანაპირო, რასაც ადასტურებს სტრაბონის ცნობა, ტრაპეზუნდისა და ფარნაკის ზემოთ ცხოვრობენ ტიბარენები, ქალდეები და ხანები, რომელთაც უწინ მაკრონებს უწოდებდნენ³⁶. თუ მაკრონი = ხანს და მაკრონი = ჰენიოხს, შეგვიძლია დავასკვნათ, რომ ხანი = ჰენიოხს, ხოლო რადგან ხანი იგივე ჭანია (მისი ბერძნული დაწერილობა), ჭანი = ჰენიოხს. ხანებისა და ჰენიოხების თვალსაზრისით განსაკუთრებული მნიშვნელობა ენიჭება პლინიუს სეკუნდის ისტორიის ერთ ადგილს, სადაც ხანები და ჰენიოხები სხვა ტომთა შუალაობის გარეშეც გაიგივებულია: *In ora ante Trapezunta flumen est Pyxitis, ultra vero gens Sannorum & Heniochorum*³⁷ „ნაპირის გაყოლებით ტრაპეზუნდამდე არის მდინარე პიქსიტა, მის იქით კი ტომი ხანების ჰენიოხებისა“. მეორე მხრივ, მაკრონებისა და ხანების გაიგივება არა მარტო სტრაბონთან გვხვდება, არამედ სტეფანე ბიზანტიელთანაც, რომლის მიხედვით მაკრონები ახლანდელი ხანებია³⁸. აქ უნდა გავარჩიოთ ხანისა და ჰენიოხის დამოკიდებულება ხანისა და მაკრონის დამოკიდებულებისაგან. თუ შეიძლება ვიფიქროთ, რომ ხანები და მაკრონები ერთი ტომის სხვადასხვა თემებია, ხანები და ჰენიოხები აბსოლუტურად ერთსა და იმავე ეთნიკურ და სოციალურ ერთეულზე უნდა მიგვიანიშნებდეს. ეს ტერმინები ლინგვისტური თვალსაზრისითაც ფარავს ერთმანეთს. რამდენადაც ხანი მხოლოდ ბერძნული წერილობითი გადმოცემაა ჭანისა, ამდენად ეტიმოლოგიური დაკავშირებისას უნდა განვიხილოთ სწორედ ჭანისა და ჰენიოხის ურთიერთმიმართება. ამ ტერმინების შედარებისას თვალში საცემია მათი განსხვავება როგორც უღერადობაში, ასე სიგრძის მხრივ. ჰენიოხი ბოლოვდება — ოხი ელემენტზე, რომელიც ტერმინში ჭანი წარმოდგენილი არაა. შეიძლება დავუშვათ, რომ -(ო)ხი იმ ტიპის დაბოლოებათაგანია, რომლებიც გვხვდება ეთნონიმებში კოლხი (შდრ. კოლა), ტაოხი (შდრ. ტაო), კარდუხი, ივანიეხი და სხვა. -ხი-ს გამოყოფა ამ ტიპის სახელებში კარგად ხერხდება იმის გამო, რომ ძირეული და აფიქსალური მასალა მხოლოდ და მხოლოდ მოცემულ კომბინაციაში (მაგ., კოლხი) არ გვხვდება. ივ. ჯავახიშვილი მიუთითებს კოლა-ს თემზე კოლხი-ს ანალიზისას და ძველ ქართულ ძეგლში ფიქსირებულ კოლაედთა ფორმაზე, რომელიც წარმომავლობის აღმნიშვნელი სახელია, ნაწარმოები ფუძიდან კოლა. გარდა ამისა, ბერძნულად კოლას მთებს

³⁴ ი. ვ. ჯავახიშვილი. დასახ. ნაშრომი, გვ. 50—51.

³⁵ იქვე, გვ. 264.

³⁶ თ. ყაუხჩიშვილი, სტრაბონის გეოგრაფია, გვ. 203.

³⁷ В. В. Латышев, Известия древних писателей..., т. II, вып. I, гл. 178.

³⁸ იქვე, т. I, вып. I, гл. 262.



Κολιχά ἰρη ეწოდება. მეორე მხრივ, გვაქვს სუფიქსი **-ხი**, რომელიც **კოლა-** ძირის გარეშეც გვხვდება (**კარღუხი**, **ტაოხი...**) და რომელიც ივ. ჯავახიშვილის მიერ მიჩნეულია ეროვნების აღნიშვნელის საკვეცად³⁹. ეს სუფიქსი, როგორც ვარაუდობენ, ურარტულია ქართულ სატომო სახელებში. ურარტული **hi-i**-ს ფუნქციის შესახებ გ. მელიქიშვილი წერს: „სუფიქსი **hi/e(ni)** კუთვნილებითი სუფიქსია... ამას გარდა, ის ხშირად გვხვდება სატომო სახელთა დაბოლოების როლში, რომლებიც ალბათ გაიაზრებოდნენ, როგორც „შვილი ამისი (ეპონიმისა, დემოტისა)“. ამაზე მიუთითებს ამგვარი სახელწოდებების წინ დასმული მამაკაცთა საკუთარი სახელების დეტერმინატივიც, რომელიც გვევლინება სატომო სახელთა დეტერმინატივად⁴⁰. იქვე გ. მელიქიშვილი მიუთითებს, რომ **-hi/e** სუფიქსის ვარიანტს უნდა წარმოადგენდეს სუფიქსი **-uhi**, რომელიც დადასტურებულია ქვეყნის სახელში **KUR urmeuhi**. **ტაოხი** ურარტული ფორმით არის **diuhi** (**დიაუხი**)⁴¹, რაც შესაძლებლობას იძლევა ვიფიქროთ, რომ ქართულ-ქართველური **ო** ურარტულში **u**-ს სახით იყო წარმოდგენილი. მეორე მხრივ, საფიქრებელია, **-uhi** ვარიანტი კუთვნილებითი სუფიქსისა ქართულში **-ოხი**-ს სახით გადმოდიოდა. თუ ასეა, მაშინ **ჰენიოხი**-ს ბოლოკიდური **-ოხი** მიმდევრობა შეიძლება ურარტული **-uhi**-ს ქართულ გადმოცემად ჩავთვალოთ და მივიჩნიოთ იგი სატომო სახელთა სუფიქსად. დაგვრჩება **ჰენი**, რომელიც უნდა დაეუყვნოთ გვერდით **ჰანი** ფორმას. ერთი შეხედვით, თითქმის არავითარი მსგავსება ამ ორ ფორმას შორის არა გვაქვს. მაგრამ თუ **ჰანი** ფორმას ამ ტომის თვითსახელწოდებად მივიჩნევთ, ხოლო **ჰენი**-ს — ამავე ტომის სვანურ სახელწოდებად, მათ შორის დამყარდება კანონზომიერი კავშირი, რომელიც გამოვლენილი იქნება ამ სახელებში შემავალ ფონემებს შორის რეგულარული შესატყვისობის სახით. როგორც ზემოთ აღვნიშნეთ, ტერმინი **ჰანი**, როგორც თვითსახელწოდება ამ ტომისა, თითქმის გამქარაღია (ს. ჯანაშიას აზრით, იგი შემოგვრჩა, როგორც ასეთი, ვონას მოსახლეობაში). სხვა ქართველურ ენებში გადმონათვის სახით ვადასტურებთ **ჰანი** ფორმას ან ტოპონიმებში (მაგ., სოფელი **ჰანი-ეთ-ი** მხარაძის რაიონში), ან ნივთიერი კულტურის ნიმუშთა სახელებში (მაგ., სპილენძის ქვების ერთი სახეობის მეგრული სახელწოდება — **ჰანური**)⁴².

მეგრულ-ჰანური ფორმის, **ჰანი**-ს კანონზომიერ შესატყვისად ქართულში ერთადერთი შესაძლო ფორმა უნდა ყოფილიყო ***წენი** (შესატყვისობა — **ზან. ჰ: ქართ. წ. ზან. ა: ქართ. ე. ზან. ნ: ქართ. ნ, ზან. ი: ქართ. ი**). ასეთი სატომო სახელი ქართულში არ დასტურდება. შესაძლოა ქართულში სავარაუდებელი ***წენი** ფორმა იყოს გარჩენილი **წალენჯიხის** პარალელურად ხმარებულ **წენ-დიხა**-ში, რომელიც კომპოზიტს წარმოადგენს. მისი პირველი ნაწილია **წენ**, მეორე კი — **-დიხა/—*ჯიხა** „ციხე“ (მეგრ.). **წენ-დიხა** მიღებულია **წენჯიხასა-გან** და მას შეიძლება „ჰანთა ციხის“ მნიშვნელობა ჰქონდეს, როგორც ვარაუდობს ი. ყიფშიძე⁴³. თუ ამ სიტყვაში გამოვლენილ **წენ**-ს ზანური **ჰანის** ქარ-

³⁹ ივ. ჯავახიშვილი, ქართველი ერის ისტორია, I, დამატება I, თბ., 1951, გვ. 403.

⁴⁰ Г. А. Меликишвили, Урартские клинообразные надписи, М., 1960, гв. 51—52.

⁴¹ Г. А. Меликишвили, Урартские клинообразные надписи..., гв. 52.

⁴² ამ ტიპის ქვაბების წარმოება ჰანებს მიეწერება — იხ. И. Кипшидзе, Грамматика Мингрельского (иверского) языка, С.-Петербург, 1914, гв. 386.

⁴³ И. Кипшидзе, დასახ. ნაშრომი, გვ. 377.

თულ შესატყვისად მივიჩნევთ, კომპოზიტი **წენდიხა** რამდენადმე უცნაურად შედგენილი გამოდის: მისი პირველი კომპონენტი ქართულია, მეორე კი — ზანური. მაგრამ შეიძლება დავუშვათ, რომ *წენი სამეგრელოში ჰანი-ს პარალელურად იხმარებოდა, რადგან მეგრულში დიდი რაოდენობით გვაქვს ქართულიდან შეთვისებული სიტყვები. მით უფრო ადვილია ამის თქმა, როცა საუბარია ეთნონიმებზე.

ამრიგად გვაქვს 3 ფორმა: *წენი (რეკონსტრუირებული ჰანის, აგრეთვე ტოპონიმების წენდიხა და წენიწყარი-ს საფუძველზე), ჰანი და ჰენი- (ამოღებული ტერმინიდან ჰენიხი). თუ ამ ფორმებს გავანაწილებთ სამ ქართველურ ენას (შესაბამისად, ქართულსა, ზანურსა და სვანურს) შორის, ბგერათ-შესატყვისობის მხრივ ყველაფერი რიგზე იქნება. ხმოვანთა შესატყვისობა — ქართ. ე: ზან. ა: სვან. ე კანონზომიერია. ბოლოკიდური -ნი სეგმენტი მეორდება სამსავე ენაში, რაც აგრეთვე გამართულია ბგერათფარდობის წესების მიხედვით. რჩება თავკიდურ თანხმოვანთა შეფარდება — ქართ. წ: ზან. ჰ: სვან. ჰ. ასეთი შესატყვისობა ქართველურ ენებში არსებობს და ამოსავლად საერთო-ქართველურ *წ-ს ვარაუდობს. აფრიკატთა სპირანტიზაციის ეს სახე სვანურში პირველად შემჩნეული იყო ვ. თოფურიას მიერ, ოღონდ მას ეს გააზრებული ჰქონდა შემდეგი თანმიმდევრობით: წ → ხ → ჰ → ლ⁴⁴. როგორც შემდგომ დაზუსტდა, სვანური ჰ და ლ მომდინარეობენ არა ხ-სა ან წ-საგან, არამედ ადრეული სვანური ჰ-საგან, რომელიც ქართული წ-ს კანონზომიერი შესატყვისის იყო. ვ. მაქავერიანის ფორმულირებით „შეფარდება — ქართ. წ: მეგრ.-ჰანი. ჰ: სვან. ჰ გვხვდება მხოლოდ ანლაუტში ხმოვნის (მაგრამ არა უ-ს) წინ“⁴⁵. დეზაფრიკატიზაციის საკითხს სვანურში სპეციალური გამოკვლევა მიუძღვნა თ. გამყრელიძემ, სადაც განსაზღვრულია ქართული წ-ს შესატყვისი ადრინდელი სვანური *ჰ-ს შემდგომი ცვლილებანი⁴⁶: *ჰ → ჰ (ა, ე, ო ხმოვანთა წინ ანლაუტში; მაგ. ქართ. ე-წ-ევ-ა: მეგრ. ჰ-ავ-ა „წვევა“: სვან. ხ-ე-ჰ-ა „წვევა“; ქართ. წად-ილ-ი: სვან. ჰადუ (ნატვრა“), *ჰ → შ (პარმონიულ ჰუ კომპლექსში; მაგ. ქართ. წყუდ-ა: სვან. ლი-შუედ „ვარდნა“; ქართ. ნერწყვი: მეგრ. ლერჰყვა: ჰანი. ლემჰყვა: სვან. ნაშყუ — ნეშყუ)⁴⁷, *ჰ → მ (სონორი რ-ს წინ: ქართ. წერ-ს: სვან. აერი), *ჰ → ლ (თანხმოვანსა და ხმოვანს შორის. მაგ., ქართ. მწერი: მეგრ. ჰანჯი: ჰანი. მჰჯი: სვან. მწრ — მწერ).

ამ კანონზომიერების მიხედვით სიტყვის თავში ე ხმოვნის წინ მყოფ სვანურ *ჰ-ს (იქნებოდა ის საერთო-ქართველური წ-ის რეფლექსი, თუ ნასესხებ სიტყვაში წარმოდგენილი) გარკვეულ ისტორიულ მონაკვეთში უნდა მოეცა ჰ. ასეც მოხდა, ჩვენი აზრით, სვანურისათვის ამოსავალი *ჰენი ფორმაში და მივიღეთ *ჰენი, რომელიც შემდეგ გართულებული იქნა სატომო სახელთა — (ი)ნი სუფიქსით.

სავალდებულო არაა სვანური ჰენი-ს აუცილებლად საერთო-ქართველური *წენი-ს შესატყვისი ადრეული სვანური *ჰენი ფორმიდან გამოყვანა. სავსე-

⁴⁴ ვ. თოფურიას, ქართველურ ენათა შედარებითი ფონეტიკის ზოგიერთი საკითხი, იყ. ტ. XII, თბ., 1960, გვ. 155.

⁴⁵ ვ. მაქავერიანი, საერთო-ქართველური კონსონანტური სისტემა, თბ., 1965, გვ. 37.

⁴⁶ თ. გამყრელიძე, დეზაფრიკატიზაცია სვანურში. „გადაწერის წესები“ ლიაქრონიულ ფონოლოგიაში, თბ., 1968, გვ. 13—14.

⁴⁷ მ. ქალღანი, სვანური ენის ფონეტიკა, I, უმაღლესი სისტემა სვანურში, თბ., 1969, გვ. 81.



ბით მოსალოდნელია ჭანების თვითსახელწოდება სევანურში შემტყნებულ იყოს იმ პერიოდში, როცა დეზაფორიკატიზაციის პროცესი ჯერ კიდევ მოქმედებდა. მაშინ მივიღებდით ***ჭანი** ფორმას ნასესხები **ჭანი**-საგან, ხოლო ***ჭანი**, თავის მხრივ, პირველი უმლაუტის გზით (ა—ე) მოგვეცემდა **ჰენი**-ს (შდრ. ქართ. **სამი**: სვან. **სემი**). მიუხედავად ორივე ახსნის თანაბარუფლებიანობისა, ჩვენ უპირატესობას ვანიჭებთ პირველს. **ჰენი-(ო)ხი** სევანური სახელწოდებაა **ჭანებისა** და იგი საერთოქართველური ***წენი**-საგან უნდა მომდინარეობდეს. მისი კანონზომიერი შესატყვისი ზანურ დიალექტებში **ჭანი** უნდა ყოფილიყო, ქართულში კი — ***წენი**.

ჰენიოხის ბერძნული გააზრება „მეეტლედ“, ისევე როგორც მისი დაკავშირება **იგანიებ**-თან, დამაჭერებლობას მოკლებულია. ტერმინი **ჰენიოხი** ქართველური ენობრივი სამყაროს კუთვნილებაა, ამ სახელის მატარებელი ტომი კი — ერთ-ერთი უძველესი ქართველ ტომთა შორის.

აქ წარმოდგენილი ვარაუდის მიხედვით, ტერმინს **ჰენიოხი** უნდა გაეცლო გზა სევანური ენობრივი სამყაროდან ურარტულის შუალობით ბერძნულამდე. რა კონტაქტები უნდა არსებულებოდა სევანურ მოსახლეობას (რომელმაც ეს სახელი შემოიტანა უტხოურ წყაროებში) და ურარტულსა და ბერძნულ მოსახლეობას შორის? რადგან ჰენიოხები მოხსენიებულნი არიან შავი ზღვის როგორც აღმოსავლეთ, ისე სამხრეთ-აღმოსავლეთ სანაპიროზე (და თან, უფრო ადრე — ჩრდილოეთით და ჩრდილო-აღმოსავლეთით), შეიძლება ვივარაუდოთ, რომ სწორედ იმ პერიოდშია შექმნილი ეს სახელი, როცა ჭანების ტომი სევანებს ემეზობლებოდა. შემდგომ, საფიქრებელია, **ჰენიოხებმა** (იმავე **ჭანებმა**) სამხრეთისაკენ გადმოინაცვლეს და, თვით სახელწოდების გარდა, თან წამოჰყვათ (გარკვეულ ნაწილს, ყოველ შემთხვევაში) მეორე სახელიც — ***ჰენი** (სევანური წარმომავლობისა). თვით ჭანების შეტანილი ჩანს ეს ტერმინი სამხრეთის მეზობელ ხალხებში. აქ ის გაფორმდა ურარტული **-(ო)ხი** სუფიქსით და ამ სახით შეითვისეს ბერძნებმა, რომლებმაც, როგორც ცნობილია, იგი თავის ნიადაგზე „მეეტლედ“ გაიაზრეს.

წარმოადგინა საქართველოს სსრ მეცნიერებათა აკადემიის აკადემიკოსმა გ. მელიქიშვილმა

ქართულ-აღმოსავლური დემონოლოგიური ურთიერთობიდან

ქართულ დემონოლოგიაში ალი საკმაოდ პოპულარული პერსონაჟია. იგი საერთო ქართულ მოვლენად არის მიჩნეული, რამეთუ, „საქართველოში საყოველთაოდ არის ცნობილი“¹.

ქართული მასალები ალის სახესა და ფუნქციებს შემდეგნაირად წარმოგიდგენს:

1. ალი ლამაზი ქალია, გრძელი, ოქროსფერი თმები აქვს და თეთრი კაბა აცვია².

2. ალი სიმახინჯის განსახიერებაა: აქვს „თმანი საზარელი, სისხლითა დასვრილი, კბილი რვალისა, ქლიკი რკინისა“. ჭუჭყიან ტანზე ეკლები ასხია, ახმახია და ფეხმოქცეული³.

3. ალი ორია — ქალი და კაცი. კაცი ალი ქალ აღზე ძლიერია⁴.

4. ალი ემტერება მელოგინე ქალს, ახალშობილ ბავშვს, ღამის მგზავრს, მთვრალ ადამიანს, საცოლე ვაჟებსა და გასათხოვარ ქალებს — მათთან ინტიმურ ურთიერთობასაც არ ერიდება⁵.

5. ალს ცხენების წვალუბა უყვარს — შევა ბოსელში და დააჭენებს. დილით დატოვებს გაოფლიანებულ ცხენს. თან ფაფარსა და ძუას დაუწნავს⁶.

6. ალი ტყეში, კლდეში, უკაცრიელ ადგილებსა და ნანგრევებში ცხოვრობს, მაგრამ, როგორც ჩანს, წყალთანაც უნდა იყოს დაკავშირებული — ზის მდინარის პირას, ოქროს სავარცხლით ივარცხნის ღამაზ თმებს და წყალში იტყუებს მისი მშვენიებით მოზიბლულ მამაკაცებს⁷.

7. ალს მაქციობის უნარიც შესწევს: მსხვერპლს ახლობლის სახით გამოცხადება ხოლმე⁸.

8. თუ ადამიანი ალს დაიჭერს, თმასა და ფრჩხილებს დააჭრის (ან სავარცხელს მობარავს)⁹ და დაუმალავს, ალი მის ოჯახში დარჩება და ერთგულად ემ-

¹ ქართული ბალზური პოეზია, ტ. I, მითოლოგიური ლექსები, თბ., 1972, გვ. 246; ელ. ვირსალაძე, ქართული სამონადირო ეპოსი, თბ., 1964, გვ. 111—120.

² ი. ჯავახიშვილი, ქართველი ერის ისტორია, I, თბ., 1951, გვ. 97. ჩვენ მიერ 1972 წელს კასპის რაიონის სოფ. კავთისხევში ჩაწერილი მასალების მიხედვით ალი თეთრი ქალია, ღამაზი. ქება თმები აქვს (მთქმელი მარიამ სამნიაშვილი).

³ ელ. ვირსალაძე, დასახ. ნაშრომი, გვ. 116—117. СМОНПК, 1893, 17, II, გვ. 164.

⁴ ელ. ვირსალაძე, დასახ. ნაშრომი, გვ. 114. СМОНПК, 1893, 17, II, გვ. 164.

⁵ ელ. ვირსალაძე, დასახ. ნაშრომი, გვ. 115. მ. სამნიაშვილის თქმით, მის ნათესავ საცოლე კაცს ეშინოდა ალისა: ღამე მოდიოდა და ლოგინში უწევებოდა. მისივე თქმით, ოჯახში, სადაც პატარა ბავშვი ჰყავთ, ღამე არ შეისვლება — ალი ფეხს შეჰყვება და ბავშვს აგანებს.

⁶ მთქმელი ანა დავითის ას. ლორთქიფანიძე, სოფ. გლდანი (გარდაბნის რ-ნი).

⁷ СМОНПК, 1894, 18, III, გვ. 364, СМОНПК, 1893, 17, II, გვ. 168.

⁸ „ჩვენ აღექვას ასდევნებიყო ალი. ზიმაშენი ვარო, ეთქვა. წაიყვანა და ევანტაანთ ძეჟებში გაეჩხირა“ (მთქმელი ანა ლორთქიფანიძე).

⁹ ჩვენ მიერ 1972 წ. თრიალეთის რეზაში ჩაწერილი მასალებით „უყოფიველებს ალისთვის ოქროს სავარცხელი მოეპარათ და ამის გამო ალი შინ ჰყავდათ პურის მცხოვლად“ (მთქმელი ნიკოლა ხეციშვილი).

სახურება, ვიდრე თავის ნივთებს არ იბოვის. თუ იბოვა, სახლ-კარს დაუნგრევს და წავა¹⁰.

9. ალის მავნე გავლენისაგან თავის დასაღწევად ქართველი კაცი „ალის შელოცვას“ მიმართავდა, ან წმინდა გიორგის სახელს ასხენებდა, ანდა ალს ცეცხლსა თუ ნემსს დაანახებდა¹¹.

10. ქართველ მეცნიერთა მიერ გარკვეულია ალის ერთი ფუნქციაც — ნადირთპატრონის ფუნქცია, რითაც იგი ღვთაება დას უკავშირდება. ამან აფიქრებინა მკვლევართ, რომ ალის თავდაპირველი, ოდინდელი ფუნქცია ნადირთპატრონობა იყო, ხოლო მოგვიანებით, დაკარგა რა ღვთაების სახე, ნადირობის კეთილი ქალღმერთი ტყის მავნე სულად იქცა და შეიძინა ყველა ზემოთ ჩამოთვლილი ნიშან-თვისება¹². თვით სახელწოდება „ალი“ მიჩნეულია ზოგადქართულ სახელად იმ ღვთაებისა, რომელსაც სვანები „დალს“ უწოდებენ, ხოლო საქართველოს სხვადასხვა კუთხეში „ტყის ანგელოზს“, „ნადირთ მწყემსს“, „ტყაში მადას“ და სხვა¹³.

რამეთუ „ალ“ სახელი სხვადასხვა ფონეტიკური ვარიანტებით გვხვდება არაქულ და უდურ ენებშიც, პროფ. ელ. ვირსალაძე მას მიიჩნევს ქალი ღვთაების უძველეს, მატრიარქატის დროიდან მომდინარე აღნიშვნად იბერიულ-კავკასიურ ხალხთა ადგილობრივ პანთეონში¹⁴.

მაგრამ თუ გადავხედავთ არა მხოლოდ იბერიულ-კავკასიურ პანთეონს, არამედ ყველა თურქულენოვანი ხალხების და, აგრეთვე, სპარსულ, ტაჯიკურ, ქურთულ, სომხურ დემონოლოგიას, ვნახავთ, რომ მათში „ალ“ სიტყვით ან „ალ“ ელემენტის შემცველი სიტყვით აღნიშნული დემონი ძალიან ჰგავს ქართულ ალს. ეს გარემოება ჩვენ განსხვავებულად წარმოგვიდგენს ალის სახელწოდებისა და მისი სახის გენეზისის საკითხს.

თურქული დემონოლოგიის Al „ალ“, Al karısı „ალ ქარისი“ (ალის ქალი) მდებრობითი სქესის მახინჯი არსებაა. ჭუჭყიანი და გაწეწილი შავი თმები კოჭებამდე სწვდება. მოკლე კიდურები და გრძელი ფრჩხილები აქვს. „ალ“ უკაცრიელ ადგილებსა და ნანგრევებს ეტანება, მაგრამ მისი ძირითადი საცხოვრისი, როგორც ჩანს, წყალია — წყალში ცხოვრობს მისი მრავალრიცხოვანი ოჯახი¹⁵.

ალი განსაკუთრებით ემტერება მელოგინეს — მოველინება მას ბებია ქალის სახით, თავთან დაუჭდება და, როგორც კი დროს იხელთებს, ამოგლეჯს ღვიძლს // ფილტვს, წაიღებს და წყალში უგდებს თავის შვილებს. შეუძლია, ბეწვად იქცეს, დაეცეს მელოგინის პირველ ლუქმას, მოხვდეს ღვიძლში, მოგლიჯოს იგი და წაიღოს. მელოგინე მოკვდება¹⁶.

¹⁰ ქართული ხალხური პოეზია, ტ. I, გვ. 246; СМОНІК, 1894, 19, 11, გვ. 168.

¹¹ ელ. ვირსალაძე, დასახ. ნაშრომი, გვ. 115. СМОНІК, 1894, 18, 111, გვ. 368.

¹² მ. ჩიქოვანი, ქართულთაუბოსი, ტ. I, თბ., 1959, გვ. 242; ელ. ვირსალაძე, დასახ. ნაშრომი, გვ. 113.

¹³ ელ. ვირსალაძე, დასახ. ნაშრომი, გვ. 111.

¹⁴ იქვე, გვ. 112.

¹⁵ Türkiye'de Halk Ağzından Söz Derleme Dergisi, C. 6. «Folklor Sözleri», Ankara, 1952, გვ. 11.

¹⁶ იქვე.

ახლადშობილ ბავშვს თურქები მარტო არ დატოვებენ — ალი ერქმისა და ალი რომელიმე ნათესაეის სახით ხშირად გამოეცხდება ხოლმე საცოლე ვაფებსაც¹⁸.

ალი ღამლამობით საჯინბოს ესტუმრება ხოლმე. ამოარჩევს კარგ არაბულ ცხენს და დილაშივე აქენებს. დილით ფაფარსა და ძუას დაუწნავს და დატოვებს¹⁹.

თუ კაცი მოახერხებს და ალს კაბის კალთაში ნემსს გაუყრის, შეუძლია ერთგულად იმსახუროს იგი მანამ, სანამ ვინმე არ გამოაცლის ნემსს²⁰.

ალის გავლენისაგან თავის დასაღწევად ანატოლიის თურქები მრავალნაირ შელოცვასა და თილისმას მიმართავენ²¹.

ალის მსხვერპლს სპეციალური შემლოცველი ჰყავს, მას Alcu „ალჯი“ (მეაღე) ჰქვია²².

აზერბაიჯანული ал/хал „ალ“, „ჰალ“, „ალ ანასი“ // „ჰალ ანასი“ (ალის დედა, ჰალის დედა) უზარმაზარი ტანის მახინჯი ქალია, ღვიძლს აცლის მელოგინეს, ზედა დააწვება და ახრჩობს ღამით გარეთ გარჩენილ მგზავრს²³.

„ალ“ ჰქვია მელოგინისადმი და, საერთოდ კაცთა მოდგმისადმი, მტრულად განწყობილ დემონს თურქმენულსა²⁴ და უიღურულში²⁵.

თურქულში ალის მიერ გამოწვეულ ავადმყოფობას Albastu-ს ეტყვიან²⁶. „ალ ბასთი“ სიტყვისიტყვით ნიშნავს „ალი დაეცა“. ეს შესიტყვება ზოგიერთ თურქულ ენაში თვით დემონის სახელად ქცეულა.

ყაზახების წარმოდგენით „ალბასთი“ ავი სულია, ღვიძლს აცლის მელოგინეს და წყალში უგდებს თავის შვილებს²⁷.

უზბეკური „ალბასთი“ — ავი სული, ბოროტი დემონი²⁸, თმაგაწეწილი ჭუჭყიანი დედაბერია, მისი შიშით მელოგინე მარტო არ დაიტოვება²⁹.

ჩვენთვის საინტერესო დემონს ყირგიზულში албарсты „ალბარსთი“ ჰქვია. იგი ღვიძლს აცლის მელოგინეს³⁰.

ყირგიზები და ყაზახები არჩევენ შავ და ყვითელ ალბასთებს. შავი ალბასთები უფრო ძლიერები არიან³¹.

¹⁷ Türkiye'de Halk Ağzından Söz Derleme Dergisi, 33. 11.

¹⁸ В. А. Гордлевский, Ал-карысы: Избранные сочинения, т. III, М., 1962, 33. 312.

¹⁹ იქვე.

²⁰ იქვე.

²¹ Türkiye'de Halk Ağzından..., 33. 12.

²² იქვე.

²³ Azərbaycanca-rusça sözlük. 1965. გამორიცხულად არ მიგვაჩნია, რომ უღურ ენაში, რომელიც აზერბაიჯანელის გარემოცვაშია, ალ/ჰალ აზერბაიჯანულიდან შესულიყო.

²⁴ Туркменско-русский словарь, М., 1968, 33. 84.

²⁵ Уйгурско-русский словарь. Сост. Э. Н. Наджип, М., 1968.

²⁶ Türkiye'de Halk Ağzından..., 33. 13.

²⁷ А. Ипан, Tarihte ve Bugün Samanizm, Ankara, 1954, 33. 170.

²⁸ Узбекско-русский словарь, М., 1959.

²⁹ Г. П. Снесарев, Реликты домусульманских верований и обрядов у узбеков Хорезма, М., 1969, 33. 62—63.

³⁰ С. М. Абрамзон, Киргизы и их этнографические и ист. культ. связи, М., 1971, 33. 278.

³¹ А. Ипан, Tarihte ve Bugün Samanizm, 33. 170.



ბაშკირებისათვის „აღბასთი“ ბოროტი დემონია. ემტერება ქალებს, უხვდება ღამის მგზავრებს და გზა-კვალს უბნევს მათ. ცხოვრობს უკაცრიელ შენობებსა და ველებში³².

ვ. რადლოვის სერიის IX ტომის მასალები იცნობს მდედრობითი სქესის დემონს, რომელსაც „აღბის“ (агбис) ჰქვია. იმავე მასალებში ვხვდებით მეორე დემონს „ჩულუს“ (чулус)³³. თუ ამ სახელებს ერთმანეთს შევადარებთ, ადვილი მისახვედრია, რომ ნყს და ნყს ერთი და იგივე ენობრივი ერთეულია (განსხვავებული ხმოვნების ხ-სა და ყ-ს არსებობა ხმოვანთა ჰარმონიის პრინციპით აიხსნება). თუ დასახელებულ ერთეულებს ჩამოვაშორებთ, დაგვრჩება აა და ყყა როგორც ძირითადი ელემენტი დემონის სახელწოდებაში.

აღბის (აღმის) მდედრობითი სქესის ბოროტი დემონია, ცხოვრობს ქვიშაინ და კლდოვან ადგილებში, სტეპებში. ერთნაირად ემტერება ქალსა და კაცს. გასათხოვარ ქალს შეჰყურის ხოლმე მიიმე სენს, რომელსაც კარგი შამანის შელოცვა თუ უშველის³⁴.

შამანი ავადმყოფის მკურნალობას იწყებს სულების მოწოდებით — იგი გონებაში ჩამოთვლის იმ სულებს, რომელთაც შეეძლოთ ავადმყოფობის გამოწვევა. როდესაც ასეთ სულს მიაგნებს, იწყება რიტუალი: შამანი დალოცავს ცეცხლს, შემდეგ მიმართავს ავადმყოფობის გამოწვევე სულს, ცდილობს მონადიროს მისი გული და გამოიტყუოს ავადმყოფის სხეულიდან. თან შემწედ მოუხმობს ქვესკნელისა და ზესკნელის ღმერთებსა და სულებს, აგრეთვე თავის წინაპართ. ვფიქრობთ, ინტერესს მოკლებული არ იქნება, თუ მოვიტანთ აღბისისაგან ვენებულის სარეცელთან შამანის მიერ წარმოთქმულ შელოცვას: „ჰოი, რომელთაც გაქვთ თითები არა უმსხოსი ნეკისა, ჰოი, რომელთაც გაქვთ ღაწვები შეფაკლული, თმები დაწნული, თვალები ლოკოკინის ნიგარის მსგავსი; ტყეების ბინადარნო, მდინარეთა ნაპირებზე შემოჭარული კლდეების ბინადარნო! ჰოი, აღბისებო ჩემო! ჰოი, მეუფენო!“³⁵.

ლ. პ. პოტაპოვმა ყარა ჰოლის თუვეებში აღბასთის ერთი ფუნქციაც შენიშნა — ის ნადირთპატრონი ქალია, ინტიმურ კავშირს აბამს მონადირესთან. აღბასთის რჩეული მონადირე მთელი სეზონის განმავლობაში უზრუნველყოფილია უხვი ნანადირევით. ეს აღბასთი არ განსხვავდება ჩრდილო ალთაის ტომებში შემორჩენილი „მთის პატრონისაგან“ (თეგინ ესზი)³⁶.

როგორც ჩანს, აღბასთის ყარა ჰოლის თუვეებში ადგილობრივი სამონადირეო მეურნეობის ნიადაგზე გასჩენია ნადირთპატრონის ფუნქცია, უფრო სწორად, ჩასზიარება ან ფუნქციის მატარებელ ღვთაებას, თორემ ჩვენთვის ხელმისაწვდომი მასალები არ იცნობს აღ/აღბასთის კავშირს ნადირობასთან³⁷, ხოლო ჩრდილო ალთაის ტომებში, სადაც ჯერ კიდევ ძლიერი იყო „მთის

³² А. Ипан, дахаб. ნაშრომი, გვ. 170.

³³ В. Радлов, Образцы народной литературы тюркских племен, С.-Петербург, 1907, გვ. 16, 31, 67, 165.

³⁴ იქვე, გვ. 31.

³⁵ იქვე.

³⁶ Л. П. Потапов, Материалы по этнографии тувинцев районов Монгул-тайги и Кара Холя. Труды тувинской комплексной археолого-этнографической экспедиции, I, М., 1960, გვ. 235.

³⁷ აღის ეს ფუნქცია იმ თურქულ მასალებში, რომელზედაც ჩვენ ხელი არ მიგვიწვდებოდა, ჩვენი თხოვნით შეამოწმა თურქმა ლიტერატურათმცოდნემ პროფ. ორპან შაიქ გოქაიმ.

მბრძანებლის“ კულტი, ალბასთი დარჩა მელოგინის მტრად³⁸. ამ ფუნქციით ალბასთი ალთაის ტომებში შუა აზიის სხვა ხალხებიდან უნდა იყოს შესული და ადვილად მოსალოდნელია, რომ შესულია ვ. ვ. რადლოვის სერიის IX ტომის მასალების ფიქსირებიდან დღემდე განვლილ პერიოდში, რადგანაც, როგორც აღენიშნეთ, ეს მასალები იცნობს ალბისს, რომელსაც უფრო მეტი ფუნქცია გააჩნია, ვიდრე მელოგინის მტრობაა. ჩვენ არ ვიცით, მთლად გამოდევნა ალბასთიმ ალბისი, თუ მის პარალელურად არსებობდა.

იაკუტური ეპოსის დემონური არსება აბას იგივე ალბის//ალბასთია³⁹, ოღონდ იაკუტური აბასი ბევრად უფრო ძლიერია და ზორცსავე, ვიდრე მისი ანატოლიური თუ შუააზიური ორეულები. აბას მახინჯი და ჭუჭყიანი დედაბერი, შთანთქავს ადამიანთა სულებს და დედამიწაზე აგზავნის ავადმყოფობასა და უამინდობას. აბასის ფუნქციები და მისი ადგილი იაკუტურ ეპოსში გარკვეული აქვს ე. მ. მელეტინსკის თავის მონოგრაფიაში⁴⁰.

სპარსული დემონოლოგიისათვის JT „ალ“ მდებრობითი სქესის ბოროტი სულია, ემტერება მელოგინე ქალს, კოშმარს მოკვდრის დამით მარტო დარჩენილ კაცს⁴¹.

„ალ“ ჰქვია ტაჯიკური ენის ზოგიერთ დიალექტზე ქალ დემონს, რომელიც მელოგინეს ენას აცლის და კლავს. ემტერება ახლადშობილ ბავშვსაც — ხელს დაარტყამს და კლავს. ბავშვს ალის ნათითურები შავად დააჩნდება⁴².

ტაჯიკური არჩევს კაცსა და ქალ ალებს. განსაკუთრებით ძლიერია ქალი „ალ“⁴³. შუააზიის თურქულენოვანი ხალხებიდან ტაჯიკებში შესულა დემონის მეროე სახელწოდება „ალბასთი“. ამ სახელით უფრო ფართოდ არის იგი ცნობილი⁴⁴.

ალსანიშნავია, რომ ტაჯიკურსა და სპარსულ ენებში „ალ“ სიტყვის მნიშვნელობა კიდევ გაფართოებულა და აღნიშნავს მუცლის რაღაც სატკივარსაც, რომელიც მელოგინეს ემართება მშობიარობიდან მეშვიდე დღეს⁴⁵.

ამ შემთხვევაში სახელის გააზრებაში იგივე მოვლენა გვაქვს, რაც თურქულ ენებშია: იქაც „ალბასთი“ ავადმყოფობაცაა და დემონიც.

„ალ“ სიტყვას ტაჯიკურში, სპარსულში და ყველა თურქულ ენაში აბსტრაქტული მნიშვნელობაც აქვს. ნიშნავს სიცრუეს, ცბიერებას, გაიძვერობას⁴⁶.

³⁸ Л. П. Потапов, Материалы по этнографии тувинцев..., 33. 235.

³⁹ А. Ипан, Tarihte ve Bugün Samanizm. 33. 170.

⁴⁰ Е. М. Мелетинский, Происхождение героического эпоса, М., 1963, 33. 247—375.

⁴¹ ცნობა მოკავშირეა აღმოსავლეთმცოდნეობის ინსტიტუტის უკრისმა მეცნიერმა თანამშრომელმა მორთაზა ფათევიმ. იხ. აგრეთვე: Б. В. Миллер, Персидско-русский словарь, М., 1953, 33. 36.

⁴² И. С. Брагинский, Из истории таджикской народной поэзии, М., 1956, 118; М. С. Андреев, Краткие сведения о верованиях в божества-демона Ал-Албасты в Средней Азии: «Таджики долины Хуф». вып. I, 33. 82; მისივე, Материалы по этнографии Ягноба, Душанбе, 1970, 33. 167.

⁴³ И. С. Брагинский, Из истории таджикской народной поэзии, М., 1956, 33. 118.

⁴⁴ М. С. Андреев, Таджики долины Хуф. 33. 82.

⁴⁵ لالت نامہ دھندل თეირანი, 1960; Borhan-e Qate, I. 33. 55. Фарҳағи забони тоғик, I. М., 1969, 33. 910.

⁴⁶ იხ. დასახ. ლექსიკონები.

ალ მდედრობითი სქესის დემონი, — რომელიც ღვიძლს აცლის და კლავს მელოგინეს, — ცნობილია ქურთული დემონოლოგიისთვისაც⁴⁷.

სომხური დემონოლოგიის „ალ“ ბოროტი სულია, რომელიც ვნებს მელოგინეებსა და ახალშობილ ბავშვებს⁴⁸.

ამრიგად, მთელი თურქულენოვანი სამყარო, აგრეთვე სპარსული, ტაჯიკური, სომხური, ქურთული დემონოლოგია იცნობს დემონს ალ, ალ, ალბასთი, ალბის, რომლის სახე და ფუნქციები ძირითად ხაზებში შემდეგნაირად წარმოგვიდგება:

1. იგი მახინჯი გარეგნობის ჭუჭყიანი ქალია.
2. ვნებს მელოგინეს, ახალშობილ ბავშვს, საცოლვე ვაჟებსა და ვასთხოვარ ქალებს. საერთოდ, ემტერება კაცთა მოდგმას.
3. უყვარს საჯინბოში ცხენის ჭენება, შემდეგ მისი ძუისა და ფაფარის დაწვნა.
4. ცხოვრობს წყალში, კლდეში, ქვიშიან და ქვიან ადგილებში, ნანგრევებში.
5. მაქციობის უნარიც შესწევს.
6. ადამიანს შეუძლია ალ დაატყვევოს და იმსახუროს, სანამ ვინმე არ გამოაცლის კალთიდან ნემსს.

აღნიშნული დემონის შესახებ ბევრი თქმულა⁴⁹. დაწერილებით არის შესწავლილი თურქული თუ ტაჯიკური ალები, მაგრამ დემონის წარმომავლობაზე ორი ერთმანეთის საპირისპირო მოსაზრებაა გამოთქმული.

თურქი მეცნიერი აბდულკადირ ინანი თავის მონოგრაფიაში *Tarihte ve Bugün Samanizm*, რომელშიც წარმოადგინა ალ/ალბასთის გავრცელების არეალი „ჩინეთის კედლებიდან ხმელთაშუა ზღვამდე“, წერს, რომ ალ/ალბასთი/ალბის დემონის შესახებ ყველა თურქულენოვან ხალხში ერთი და იგივე შეხედულება არსებობს. რაც იმაზე მეტყველებს, რომ ეს შეხედულებები იმდროინდელია, როცა თურქები ერთად ცხოვრობდნენ შუა აზიაში⁵⁰.

აბდულკადირ ინანი დემონს ცეცხლის კულტს უკავშირებს იქიდან გამომდინარე, რომ *alod* „ალ-ოდ“ კერას ნიშნავს იაკუტურში. მონღოლური „გალ“ — ცეცხლი და სპარსული *ا* „ალევ“ — ცეცხლი ამ სიტყვიდან მომდინარედ მიაჩნია.

ა. ინანი მეზობელ ხალხებში თურქულიდან შესულად თვლის ალ დემონს⁵¹.

ამ მოსაზრებაში ერთი ეჭვს არ იწვევს — ალ დემონი თურქულენოვან ხალხებში, მართლაც მათი ერთად ცხოვრების დროს უნდა გაჩენილიყო და შემდეგ, როცა მოხდა ამ ხალხების დაცილება, თითოეულმა მათგანმა თან წაიღო მისთვის უკვე ცნობილი დემონის სახე, მაგრამ ეს სრულებითაც არ გამო-

⁴⁷ A Kurdish-English Dictionary, by *Taufiq Wahby* and *C. J. Edmonds*, Oxford, 1966, გვ. 2.

⁴⁸ *М. А бер я н*, История древнеармянской литературы, I, Ереван, 1948, გვ. 16.

⁴⁹ სკიითხის ბიბლიოგრაფია იხ.: *Ulla Johansen* Die Alpfrau, Eine Dämonengestalt der Türkischen Völker. Zeitschrift der Deutschen Morgenländischen Gesellschaft, Bd. 109, H. 2, Wiesbaden, 1959, გვ. 303—316.

⁵⁰ *A. İ n a n*, *Tarihte ve Bugün Samanizm*, გვ. 170.

⁵¹ იქვე, 169.

რიცხავს, რომ ალ დემონი თურქულენოვან ხალხებში ირანული სამყაროდან შესულიყო სწორედ მათი ერთად ცხოვრების პერიოდში.

რაც შეეხება დემონის დაკავშირებას ცეცხლის კულტთან, არცთუ ისე ნათლად გვესახება. მით უმეტეს, რომ ალ სიტყვას იაკუტურში სხვა კომპოზიტებშიც ვხვდებით, სადაც იგი „წმინდას“ აღნიშნავს⁵².

მ. ს. ანდრეევის აზრით, „ალ“ დემონი ნაყოფიერების ღვთაებას — „ახიურ ვენერას“ — ანაჰიტას უკავშირდება, ხოლო მისი სახელი, ირანული წარმოშობის სიტყვაა. ალბასთი კი ირანული სიტყვის თურქიზებული ფორმაა⁵³.

ანდრეევის მოსაზრება „ალ“ — ანაჰიტას შესახებ ნაკლებდასაბუთებელია და ამ საკითხის მკვლევართაგან გაუზიარებელი⁵⁴.

რაც შეეხება „ალ“ სიტყვას, მის შესახებაც არ არის აზრთა ერთიანობა. „ალ“ თურქულ და სპარსულ ენებში წითელს ნიშნავს. ამ მნიშვნელობით ქოფრულუს იგი სპარსულში თურქულიდან შესულად მიიჩნია. დოერფერის აზრით კი სიტყვას რთული გზა აქვს გავლილი ძვ. ირანულიდან ძვ. თურქულში, აქედან ისევ ახალ სპარსულში⁵⁵.

მაგრამ თუ რა კავშირია „ალ“ „წითელსა“ და „ალ“ დემონს შორის, ეს საკითხი საგანგებო კვლევას საჭიროებს.

ჩვენთვის ერთია საინტერესო — ალ/ალბასთი/ალბის საერთო ახლო-აღმოსავლური დემონია ძველი და რთული ფუნქციებით⁵⁶. თუ ახლოაღმოსავლურ ალს შევადარებთ ქართულ ალს, ვნახავთ, რომ მათ გარდა სახელებისა, საერთო აქვთ შემდეგი ნიშნები:

1. ორივე ემტერება მელოვინე ქალსა და ახალშობილ ბავშვს, ღამის მგზავრს, საცოლე ვაჟებსა და გასათხოვარ ქალებს;
2. ალი საჯინბოს ხშირი სტუმარია.
3. ორივე წყალთან არის დაკავშირებული;
4. ორივეს შესწევს მაქციობის უნარი;
5. შინ მოყვანილი ალი ორივე შემთხვევაში ადამიანის ერთგული მსახურია.

რაც შეეხება აღმოსავლური ალის გარეგნობას, ის პარალელს პოულობს საქართველოს ზოგიერთ რაიონებში გავრცელებულ შეხედულებასთან, რომლის თანახმად ალი მახინჯი ქალია.

ჩამოთვლილ ნიშან-თვისებათა ერთობა გვაფიქრებინებს, რომ ალი ქართულ დემონოლოგიაში აღმოსავლური სამყაროდან არის მოსული, ისევე, როგორც სხვადასხვა დროს მოვიდნენ ამ სამყაროდან სხვა დემონური პერსონაჟები.

ქართულ წერილობით ძეგლებში ალი პირველად XVI საუკუნეში გვხვდება. „იადიგარ დაუდში“ ვკითხულობთ: „თუ კაცსა ხშირად ალი დააწვებოდეს ხოლმე, იცოდეთ, უსათუოდ უჩუხის სენისა პირველი თავის ადება არის“. იქვე: „ალისა დაწოლასა ქაბუსი ჰქუიანს“⁵⁷.

⁵² Якутско-Русский словарь.

⁵³ М. С. Андреев, Таджики долины Хуф, გვ. 82.

⁵⁴ Г. П. Снесарев, Реликты..., გვ. 63.

⁵⁵ G. Doerfer. Türkischen und Mongolischen elemente im Neupersischen, II, Wiesbaden, 1965, გვ. 94.

⁵⁶ М. С. Андреев, დასახ. ნაშრომი, გვ. 81.

⁵⁷ ი ა დ ი გ ა რ და უ დ შ ი, 424. 17. იქვე, 11.

არა გვეგონია, „იადიგარ დაუდი“ უთარგმნელად დატოვებული აღმოსავლური ტერმინებით⁵⁸ ქართული დემონის მიერ გამოწვეულ ავადმყოფობას აღნიშნავდეს. შეიძლებოდა გვეფიქრა, რომ „ალ“ სიტყვაც ისევეა დატოვებული, როგორც „ქაბუს“ თუ „უჩუხ“, მაგრამ ის ფაქტი, რომ ამ სიტყვით ახსნილია სხვა სიტყვა (ქაბუს) და თვითონ კი ყოველგვარი კომენტარის გარეშეა ნახმარი, გვაფიქრებინებს, რომ ქართველი მკითხველისათვის „ალი“ და „ალის დაწოლა“ საკმაოდ ნაცნობი იყო.

XVII საუკუნის ძეგლებში ალი ქალია. ვნებს მშობიარეს. ცნობილია „ლოცვაი ალისაი, ეშმაკისაი მშობიარესა ზედა“: „მის დიაცისგან დაგვისენ, ქაჯი იყო თუ ალია“⁵⁹.

„კალმასობაში“ ალი საჯინიბოში დამკვიდრებული დემონია. — „ოდესაც საჯინიბოსა შინა დაიმკვიდრებს მაჯლაჯუნა, ანუ ალი, იგი შეიყვარებს ხოლმე ცხენსა“⁶⁰.

„ალი მშობიერის მაცთურია“ სულხან-საბა ორბელიანისთვის⁶¹.

როგორც ვხედავთ, ქართულ წერილობით ძეგლებს შემოუნახავთ ალის ის თვისებები, რომელიც ძირითადად მისი თურქულ-აზერბაიჯანული თუ ტაჯიკურ-სპარსული ორეულებისათვის.

საფიქრებელია, რომ ამ დროისათვის აღს ჩვენში ჯერ კიდევ არ ჰქონდა შექმნილი ის ნიშნები, რომელიც განასხვავებს მას თავისი ახლოაღმოსავლური „წინაპრისაგან“. ქართველი ალი ლამაზია, აქვს გრძელი ქერა თმები და ნადირთბატრონია⁶².

ამ ნიშნებით არის იგი დავალებული ქართული დალისაგან: აღმოსავლური სამყაროს ბოროტ დემონს საქართველოში განვითარებული სამონადირო მეურნეობა და მასთან დაკავშირებული ნადირთბატრონის ინსტიტუტი დახვდა. ამას არ შეეძლო გავლენა არ მოეხდინა ალზე და ტყისა და კლდის მახინჯმა ბინადარმა ქალმა ტყისა და კლდის მპრძანებლის, შშვენიერი ქალის ზოგი ნიშანი შეიძინა⁶³.

ალის მიერ დალის ნიშან-თვისებათა გაზიარებას ვარკვეულად შეუწყობდა ხელს ალ/დალ სახელების აკუსტიკური მსგავსებაც.

აქვე უნდა დავძინოთ, რომ ამ გაზიარებას არცთუ ფართო ხასიათი ჰქონია. ალის სახელთან დაკავშირებულ ბევრ მასალაში მისი კავშირი ნადირთბატრონობასთან საერთოდ არ ჩანს. ჩვენი აზრით, აქ ალის ფუნქცია დავიწყებული და გამჭრალი კი არ არის, არამედ საერთოდ არ გაჩენილა.

⁵⁸ უჩუხი თურქ. uçuk — გულყრის დროს ბაგეზე მომდგარი ქაფი, ქაბუსი — كابوس — კომპარი. ეს მნიშვნელობა აქვს თურქულსა და სპარსულშიც.

⁵⁹ თ ა ნ ი ა შ ე ი ლ ი, ამირან დარეჯანიანი, 2043, 4.

⁶⁰ კალმასობა I, გვ. 253, 32. ქართული წერილობითი ძეგლების მონაცემები აღებულია საქ. სსრ მეცნიერებათა აკადემიის პრეზიდიუმთან არსებული „ვეფხისტყაოსნის“ აკადემიური ტექსტის დამდგენი კომისიის მასალებიდან).

⁶¹ სიტყვის კონა, თბ., 1949, გვ. 13.

⁶² დაწერილებით იხ. ე ლ. ვ ი რ ს ა ლ ა ძ ე, დასახ. ნაშრომი, გვ. 114—120.

⁶³ ქართული ალის შესახებ თურქი მეცნიერის აბდულკადირ ინანისათვის ცნობა მიუწოდება ჯოჯღაჯღის, მაგრამ ეს ცნობა ძირითადად ნ. ლომოურის მოთხრობა „ალს“ ეყრდნობა. ამის გამო ინანი მას დასყენის ვასაკეთებლად არ იყენებს და მხოლოდ სქოლიოში მიუთითებს. იხ.: «Al» Ruhu Hakkında: «Türk Tarih, Arkeologiya ve Etnografya Dergisi, Istanbul, 1933, გვ. 160—167.

პროფ. ელ. ვირსალაძეს თავის მონოგრაფიაში მოაქვს სვანეთში ჩაწერილი „ალის შელოცვის“ ერთი ვარიანტი, რომელიც „დალის შესახებ ადგილობრივ არსებული შეხედულებების ტრანსფორმაციის შედეგს კი არ წარმოადგენს, არამედ ბარის რაიონებიდან მეორადი გზით არის შესული“⁶⁴.

ჩვენთვის საინტერესოა, რომ ამ შელოცვის ალი „ეძებს დაღლილ კაცს, ეძებს დაჭრილ კაცს, ეძებს მელოვინე ქალს“, რითაც აღმოსავლური ალ დემონის ორეულად ჩანს.

ალი ქართულ სინამდვილეში მხოლოდ დალს როდი დაჰკავშირებია. თუ XVIII საუკუნეში ალი იგივე მაჯლაჯუნაა, XIX საუკუნეში ფიქსირებულ მასალებში ალი იგივე ქაჯია, იგივე ჭინკაა, რომელიც დედამიწას ჭინკობის თვეში ესტუმრება და აწვალებს ამ თვეში დაბადებულთ⁶⁵.

ყოველივე იმაზე მეტყველებს, რომ ამ მასალების ფიქსირების დროს უკვე იშლებოდა ზღვარი დემონოლოგიის ცალკეულ პერსონაჟთა შორის და ავი სულის ერთ, აბსტრაქტულ წარმოდგენაში ყველა დემონს თავისი წვლილი შეაქვს, მათ შორის „მშობიარის მაცთურ“ ალსაც.

⁶⁴ ელ. ვირსალაძე, დასახ. ნაშრომი, გვ. 117.

⁶⁵ СМОМПК, 1903, III, გვ. 85. იქვე, XVII, II, გვ. 164., იქვე, 1894, 18, III, გვ. 364.

წარმოდგინა საქართველოს სსრ მეცნიერებათა
აკადემიის აკადემიკოსმა ს. ჯიქიამ

ნათელა ალადაშვილი

ადრეფეოდალური ხანის ქართულ ქანდაკებაში განსაზღვრულ, ერთიან

ჯგუფს ქმნის რელიეფები, რომლებიც დიდ სიახლოვეს ამქლავნებენ როგორც სტილის, ისე იკონოგრაფიის თვალსაზრისით. ესენია ქვემო ქართლის ტერიტორიაზე მდებარე VI ს-ის ნაგებობათა — ქვემო ბოლნისის, ეძანისა და თეთრი წყაროს ეკლესიების კედლებზე მოთავსებული რელიეფები. ქვემო ბოლნისის ანუ ბოლნის-ქაფანაქჩის ეკლესია ჯერ კიდევ 1917 წელს შეისწავლა გ. ჩუბინაშვილმა და განსაზღვრა როგორც საკულტო ნაგებობის თავისებური, ქართულ არქიტექტურაში შემუშავებული ე. წ. სამეკლესიანი ბაზილიკის ტიპი¹. მანვე დაათარიღა იგი VI ს-ის შუა ხანით. თეთრი წყაროს დარბაზული ეკლესიის გამოკვლევა ეკუთვნის ნ. ჩუბინაშვილსა და რ. შმერლინგს, რომელნიც მის აგებას ამავე ეპოქას — VI ს-ის შუა წლებს მიაკუთვნებენ². ეძანის სამეკლესიანი ბაზილიკა არ არის სპეციალურად გამოცემული, მაგრამ ლიტერატურაში წამოყენებულია მისი დათარიღება VI ს-ის შუა ხანით³. დასახელებულ ავტორთა შრომებში ამ ეკლესიების შემამკობელი რელიეფების დახასიათებაცაა მოცემული. სამივე ძეგლის რელიეფები, როგორც ადრინდელი ხანის ქართული სკულპტურის დამახასიათებელი ნიმუშები, შეტანილია ნ. ჩუბინაშვილის გამოკვლევაში V—VII სს. სტელების შესახებ, სადაც ყოველ მათგანს სპეციალური ანოტაცია მიეძღვნა⁴.

ქვემო ბოლნისის სამეკლესიან ბაზილიკაში რელიეფური კომპოზიციებით აქცენტირებული იყო სამხრეთის ეკლესიიდან მთავარ ეკლესიაში შესასვლელი ორივე კარი და, ამრიგად, რელიეფები შენობის შიგნით იყო მოთავსებული. არქიტრავის დიდი ზომის ქვებზე ზედაპირის ოდნავი ჩაღრმავების საშუალებით გამოყოფილია სწორკუთხოვანი არე კომპოზიციებისათვის.

მთავარი შესასვლელის არქიტრაზე გამოსახული იყო „ქრისტეს ამბლემების“ სცენა (ეს რელიეფი (სურ. 1) ამჟამად აღარ არსებობს). საყდარზე მჯდომი ქრისტეს ფიგურა ჩაწერილია წრიულ შარავანდედში (დიდება), რომელსაც ორი სიმეტრიულად მოთავსებული ანგელოზი მიაფრენს. მაცხოვარი ცალი ხელით აკურთხებს, ხოლო მეორე ხელით მუხლზე დაყრდნობილი წიგნი უჭირავს. მისი თავის ორივე მხარეს მოცემულია თითო დისკო; ერთ-ერთი, რომ-

¹ Г. Н. Чубинашвили, Церковь близ селения Болнис-Капанакчи. Христианский Восток, V, выт. III, Петроград, 1917, стр. 217—220, таб. XVIII; გ. ჩუბინაშვილი, ქართულ ხელოვნების ისტორია, ტ. 1, თბ., 1936, გვ. 66—67; Г. Н. Чубинашвили, Вострая история искусства, т. I, Тб., 1970, გვ. 101—107.

² Н. Чубинашвили и Р. Шмерлинг, Храмы в древних селениях Триалети—Олтиси и Тетра Цкаро. ქართული ხელოვნება, 2, თბ., 1948, გვ. 54—64.

³ Н. Чубинашвили, Хандиси (Проблема рельефа на примере одной группы грузинских стел последней четверти V века, VI и первой половины VII века), Тб., 1972, გვ. 78.

⁴ Н. Чубинашвили, Хандиси, გვ. 77, 78.

ლის ზედაპირზეც გაიჩნევა რადიალურად განლაგებული ხაზების ნახატები. უნდა აღნიშნავდეს, ხოლო მეორე, ძლიერ დაზიანებული — ალბათ, მთვარეს. ქვემო ბოლნისის რელიეფზე ქრისტეს ქვემოთ მოცემულია ზოლი, რომელიც სცენის ძირითად, ზედა ნაწილს გამოჰყოფდა, მაგრამ თუ რა იყო ქვედა ნაწილში გამოსახული, მაშინაც კი არ ვაირჩევოდა, როცა არქიტრავი ჯერ კიდევ ადგილზე იყო.

ქვემო ბოლნისის კომპოზიცია გადმოსცემს „ქრისტეს ამალღების“ სცენის ძველქრისტიანულ ხელოვნებაში გავრცელებულ ერთ-ერთ რედაქციას, რომელიც ანგელოზთა მხოლოდ ორი ფიგურით შემოსისაზღვრება და ქრისტეს გამოსხატავს ტახტზე მჯდომარედ, გარემოცულს მანდორლით ე. ი. დიდებით.

ქვემო ბოლნისში მეორე შესასვლელის არქიტრავეზე გამოსახული სცენა საერთო ხაზებში იმეორებს „ამალღების“ კომპოზიციურ სქემას. აქაც ცენტრში ტახტზე მჯდომი ფიგურაა მოცემული, აქეთ-იქიდან კი თითო ჰორიზონტალურად განლაგებული მფრინავი ანგელოზი. ამ შემთხვევაშიაც, ისევე როგორც „ქრისტეს ამალღების“ რელიეფზე, კომპოზიცია წაგრძელებული სწორკუთხედის მოხაზულობასთანაა შეფარდებული. რელიეფი ძლიერაა დაზიანებული, მაგრამ ფიგურის საერთო მოხაზულობისა და სამოსის ნახატის მიხედვით შეიძლება ვივარაუდოთ ღვთისმშობლის გამოსახულება; იგი შარავანდი-თაა გამოსახული, მაგრამ ფიგურის გარშემო არ არის მანდორლა, ხოლო ანგელოზები, როგორც ეს ჩვეულებრივია ამალღების სცენისათვის, ფრენის პოზაში არიან წარმოდგენილი. ღვთისმშობლის თავს ზემოთ მოცემულია მტრედი, რომელსაც ნისკარტით გვირგვინი მოაქვს. ამრიგად, ქვემო ბოლნისში „ქრისტეს ამალღების“ გვერდით მოთავსებულია „ღვთისმშობლის განდიდების“ კომპოზიცია, რომელიც გადაწყვეტილია „ამალღების“ ანალოგიურად.

იმ მოსაზრებას, რომ ქვემო ბოლნისში სწორედ „ღვთისმშობლის განდიდება“ მოცემული, ადასტურებს ამ სცენის მსგავსი გამოსახულება ეძანის ეკლესიის დასავლეთის შესასვლელის ტიმპანზე (სურ 2)⁵. ამ შემთხვევაში რელიეფი ფასადზეა მოთავსებული. აქ კარგად გაიჩნევა ცენტრალური გამოსახულება — საყდარზე მჯდომი ღვთისმშობელი, რომლის მკერდზე, სამოსის ოვალურად განლაგებულ ნაოჭებს შორის ყრმის მხოლოდ თავი და მარჯვენა გამოსახული. ისევე როგორც ქვემო ბოლნისის რელიეფზე, აქაც ფიგურის გარშემო არ არის მოცემული მანდორლა. ორივე მხარეს სიმეტრიულად განლაგებულ მფრინავ ანგელოზებს ეძანში ცალ ხელში გვირგვინი, ხოლო მეორეში საცეცხლური უჭირავთ და, ამრიგად, ხოტბას ასხამენ ღვთისმშობელს. ნ. ჩუბინაშვილმა ქვემო ბოლნისის რელიეფზეც გაარჩია გვირგვინის გამოსახულების ნაშთი და ფიქრობს, რომ ეძანის კომპოზიციის ანალოგიურად უნდა ვივარაუდოთ საცეცხლურის არსებობაც ანგელოზთა ხელში⁶.

ეძანის კომპოზიცია, რომელიც ტიმპანზეა გამოკვეთილი, არ არის ჩარჩოთი შემოფარგლული, მაგრამ მისი საერთო მოხაზულობა, ისევე როგორც ქვემო ბოლნისის რელიეფებისა, წაგრძელებული სწორკუთხედის ფორმას შეესაბამება, ხოლო ფიგურათა მდებარეობაში ვერტიკალურ და ჰორიზონტალურ მიმართულებათა დაპირისპირებაა მოცემული: შუაში მოთავსებული ფრონ-

⁵ ნ. ალდაშვილი, ეძანის ეკლესიის რელიეფი. „მეგლის მეგობარი“, 29, თბ., 1972, გვ. 17—24.

⁶ Н. Чубинашвили, დასახ. ნაშრომი, გვ. 78.



ტალური გამოსახულებით ცენტრალური ვერტიკალია ხაზგასმულია⁷ საც პასუხობს ანგელოზთა თავებისა და მკერდის ვერტიკალური მიმართულება, მაშინ როდესაც მათი სხეულის ქვედა ნაწილი ჰორიზონტალურადაა გაკემული.

ამრიგად, ქვემო ბოლნისში და ეძანში წარმოდგენილია „ღვთისმშობლის განდიდების“ სცენა, რომელიც ფართოდ იყო გავრცელებული ქრისტიანულ ხელოვნებაში, ადრინდელი ხანიდან მოყოლებული — მოზაიკებში, კედლის მხატვრობაში, ხატებზე, მცირე ხელოვნებაში. მაგრამ ჩვეულებრივ ღვთისმშობელს ფეხზე მდგომი ანგელოზები ახლავს თან, ხოლო ქართულ რელიეფებზე მოცემული იკონოგრაფიული ვარიანტი, როდესაც ანგელოზები ფრენის პოზაში არიან გამოსახული, რაც დამახასიათებელია „ამაღლების“ კომპოზიციებისათვის, ძლიერ იშვიათად გვხვდება.

ღვთისმშობლის განდიდების სცენის გამოსახვაზე ამაღლების კომპოზიციური რედაქციით შეიძლება მივუთითოთ ადრინდელი პერიოდის აღმოსავლეთქრისტიანულ ხელოვნებაში, სახელდობრ სირიაში: ბრტყელი რელიეფით შესრულებული კომპოზიციები კანაშირისა და ზებედის ეკლესიების არქიტრაებზე (VI ს.)⁷. შედარებით ახლოს დგას ქვემო ბოლნისის და ეძანის გამოსახულებასთან ზებედის კომპოზიციის ტიპი: საყდარზე მჯდომი ღვთისმშობელი გამოსახულია წრიული დიდების შიგნით, ხოლო აქეთ-იქიდან თითო მფრინავი ანგელოზია, რომელთა სხეულის ქვედა ნაწილი ჰორიზონტალურადაა მიმართული. მაგრამ ეს კომპოზიცია არ წარმოადგენს ქართული რელიეფების პირდაპირ ანალოგიას.

საქართველოში ბურღაძორის სტელის (VI ს.) ზედა ნაწილში, „ქრისტეს ამაღლების“ სცენის გვერდით მოცემულია თავისებური კომპოზიცია, სადაც გამოსახულია ქალის ფიგურა, გარშემორტყმული ოვალური მანდორლით, რომელიც ორ ფეხზე მდგომ ანგელოზს უჭირავს⁸. შეიძლება ვივარაუდოთ, რომ აქ „ღვთისმშობლის განდიდების“ იშვიათ რედაქციასთან გვაქვს საქმე.

გვირგვინი და საცეცხლური, როგორც ანგელოზთა ატრიბუტები, ადრე-ქრისტიანული პერიოდის ნაწარმოებებში ჩვეულებრივ მოცემულია ღვთისმშობელთან და ქრისტესთან დაკავშირებით: სახელდობრ, 586 წლის რაბულას სირიულ ხელნაწერში „ქრისტეს ამაღლების“ მინიატურაზე ორი ანგელოზი გვირგვინებით ხელში ქრისტესაკენ მიისწრაფის, მაშინ როდესაც მეორე წყვილი მანდორლას მიაფრენს. ამრიგად, დაგვირგვინება აქ ამაღლების სცენასთანა დაკავშირებული. სხვა შემთხვევაში გვირგვინი და საცეცხლური ღვთისმშობლის განდიდების ატრიბუტებს წარმოადგენს. რომის წმ. მარია ანტიკვას VI ს-ის ფრესკაზე ანგელოზები ტახტზე მჯდომ ღვთისმშობელს ყრმითურთ გვირგვინებს მიართმევენ, ხოლო ეგვიპტეში ბაიუტის XXVI კაპელის მხატვრობაში (VI—VII სს.) მარიამის გვერდით მდგომ ანგელოზებს დიაკვნის ტანსაცმელი აცვიათ და მათ მსგავსად საცეცხლური და სანაწილე უჭირავთ⁹. ამრიგად, ისინი ხოტბას ასხამენ ღვთისმშობელს.

⁷ H. Butler, *Early Churches in Syria (Fourth to Seventh Centuries)*, Princeton University, 1929, გვ. 245, ილ. 283—284.


⁸ Н. Чубинашвили, *დასახ. ნაშრომი*, გვ. 71—74.

⁹ Н. П. Кондаков, *Иконография Богоматери*, т. I, СПб, 1914, გვ. 187—189, ილ. 105, გვ. 270, ილ. 180—181, გვ. 304—305, ილ. 206—207.

ეძანის ანგელოზთა გამოსახულებებისათვის უახლოეს პარალელს VI ს. ქართული სკულპტურის ნაწარმოებში ვპოულობთ. ეს ხანდისის სტელის გვერდით წახნავე გამოხატული ანგელოზია (სურ. 3) საცეცხლურით ხელში. ანგელოზი სტელის წინა მხარისაკენაა მიმართული, სადაც საყდარზე მჯდომარე ქრისტე და ღვთისმშობელია გამოქანდაკებული¹⁰.

ხანდისის სტელის ღვთისმშობლის გამოსახულებაში მეორდება ეძანის კომპოზიციის იშვიათი იკონოგრაფიული დეტალი; აქაც ღვთისმშობლის ხელები დაფარულია სამოსის დრაპირებით, რომლის ნაკეცებს შორის ჩაღრმავებაში ქრისტეს მხოლოდ თავი და კისერია აღნიშნული. მსგავსი მოტივი გვხვდება VI ს-ის პალესტინის ამპულაზე ანგელოზთა მიერ ღვთისმშობლის განდღების სცენაში და უძველესი ხანის საბეჭდავზე. ნ. კონდაკოვის მიხედვით, ამპულის ოსტატის მიერ გაუაზრებლად და ამის შედეგად შეცდომითაა გადმოცემული იმგვარი გამოსახულების სქემა, სადაც ღვთისმშობელს ყრმა ქრისტე კი არ უჭირავს, არამედ მედალიონი ქრისტე-ემანუილის თავის გამოსახულებით¹¹. უნდა ვიფიქროთ, რომ ქართული რელიეფების პროტოტიპსაც აღნიშნული იკონოგრაფიული რედაქცია წარმოადგენდა.

ქვემო ბოლნისისა და ეძანის რელიეფებთან ახლოს დგას თეთრი წყაროს „ჯვრის ამალღების“ კომპოზიცია, რომელიც მოთავსებულია ჩრდილოეთის პორტიკიდან ეკლესიაში შესასვლელის ზემოთ, არქიტრავეზე. სცენის საერთო



სურ. 5. თეთრი წყარო. ჯვრის ამალღება. VI ს.

სახე ადრექრისტიანულ ხელოვნებაში ჩამოყალიბებულ და ფართოდ გავრცელებულ იკონოგრაფიულ რედაქციას მიყვება: მედალიონი მასში ჩაწერილი თანასწორმკლავებიანი ჯვრით ორ, სიმეტრიულად განლაგებულ მფრინავ ანგელოზს უჭირავს და კომპოზიციაც სწორკუთხოვანი არისათვისაა განკუთვნილი. ამგვარი კომპოზიციური ტიპის მრავალი მაგალითი შეიძლება დავასახელოთ ძველქრისტიანულ ხანაში (IV—VII სს.) ხელოვნების სხვადასხვა დარგის

¹⁰ Н. Чубинашвили, *დასახ. ნაშრომი*.

¹¹ Н. П. Кондаков, *Иконография Богоматери*, т. I, 33, 205—206, *ილ.* 125—126; т. II, *ილ.*, 1915, 23, 325, *ილ.* 180.



ნაწარმოებთა შორის: სარკოფაგების რელიეფები, ფასადების სკულპტურა, ხის კარები, მოზაიკა და სხვა. სპილოს ძვლის ხუთნაწილიან ე. წ. საიმპერატორო დიპტიქონებზე ეს სცენა მოთავსებულია ზემოთა, წაგრძელებული სწორკუთხედის ფორმის ჰორიზონტალურ ფირფიტაზე¹². საქართველოში ადრე-ფეოდალურ ხანაში „ჯვრის ამალეობა“ გამოქანდაკებული იყო ანჩისხატის ბაზილიკაზე, მცხეთის ჯვრის ტაძარზე, საფარის მონასტრის მიძინების ეკლესიის რელიეფზე.

თეთრი წყაროს რელიეფს საფუძვლად უდევს გაერცელებული იკონოგრაფიული ტიპი, მაგრამ კომპოზიციას თავისებურ სახეს ანიჭებს ის, რომ ჯვრის გამოსახულება განსაკუთრებით აქცენტირებულია თავისი ზომით ანგელოზთა პატარა ფიგურებთან შედარებით. ამით ხაზგასმულია, რომ ძირითადია ჯვრის გამოსახულება.

ქვემო ბოლნისის, ეძანის და თეთრი წყაროს (სურ. 1, 2) რელიეფების სიასლოვე მხოლოდ კომპოზიციათა იკონოგრაფიული რედაქციის მსგავსებით არ იფარგლება, არამედ მკაფიოდ ჩანს მათ სტილსა და შესრულების ხასიათში; უფრო მეტიც, სავსებით იდენტურია ქვის ჭრის მანერა.

ოთხივე რელიეფში გამოსახულება სულ მცირეადაა ფონის მიმართ ამალეობული, ზოგიერთ ადგილზე მეტად, ზოგან ნაკლებად, მაგრამ განსხვავება რელიეფის სიმაღლეში იმდენად მცირეა, რომ არც კი შეიმჩნევა და განმსაზღვრელი მნიშვნელობა არა აქვს. ყველაზე უფრო მაღალ ადგილას იგი ნახევარსანტიმეტრს თუ აღწევს. დაბალი რელიეფის მიუხედავად გამოსახულება მკაფიოდ გამოიყოფა ფონისაგან, რადგანაც მისი კონტურები მკვეთრადაა გამოკვეთილი. აღნიშნულია მხოლოდ ფიგურის ზოგადი, გეომეტრიზირებული მოხაზულობა და ძირითადი ნაწილები, რომელთა ერთ სიბრტყეში განლაგების შედეგს წარმოადგენს ფიგურის პოზისა და მდებარეობის პირობითი გადმოცემა. რელიეფში არ არის მოცულობისა და სიღრმის შეგრძნება. რელიეფის ბრტყელი ზედაპირი მთლიანადაა დაფარული პირობითი, დეკორატიული ნახატით, რომელიც ერთნაირად აღნიშნავს როგორც სამოსის ნაკეცებს, ისე ფრთებს. ოსტატები ქვის ჭრის სხვადასხვა ტექნიკურ ხერხს იყენებენ. ძირითადად: ზედაპირის სამკუთხედად ორმხრივ ცერად ჩაკვეთაა მოცემული; ამასთანავე, დამახასიათებელია, რომ ხაზების ნაპირი მკვეთრადაა ხაზგასმული და წიბოს სახით გამოიყოფა. ასეა გამოყვანილი ფრთები, სამოსის ძირითადი ნაწილები. ამის გვერდით გამოყენებულია ზედაპირში მარტივად ჩაჭრილი ხაზები (მაგ. ანგელოზთა სამოსის ქვედა ნაწილი) და ზედაპირის სამკუთხედად ამოღების ხერხი (ზოლები სამოსის ქობაზე — ეძანი; ფრთები — ქვემო ბოლნისი). კოსტიუმის სხვადასხვა ნაწილები გამოიყოფა არა რელიეფის სიმაღლის მონაცვლეობით, არამედ მხოლოდ ნახატის ხაზების განსხვავებული მიმართულებით და ჭრის სხვადასხვა ხერხის შეთავსებით. მკიდროდ განლაგებული სწორი ან მომრგვალებული ხაზების ერთგვაროვანი რიგების რიტმული მონაცვლეობა ზედაპირის დეკორატიული, გრაფიკული სახეებით დანაწევრების შთაბეჭდილებას ქმნის. ამრიგად, რელიეფი ხაზოვან-სიბრტყობრივი ხასიათისაა, რაც განსაკუთრებით ხვდება თვალს ანგელოზთა ფიგურებში, რომელთა სხეულიც ნახატით გაცოცხლებულ ბრტყელ ზედაპირს წარმოადგენს.

¹² ჯვრის ამალეობის სცენის შესახებ იხ.: Г. Н. Чубинашвили, Памятники типа Джвари, Тб., 1948, გვ. 149—153.

ქლიერ ახლოს დგას ერთმანეთთან ფიგურათა საერთო გეომეტრიზირებული მოჩაზულობა, ტანისამოსის ნაოჭებისა და ფრთების ზედაპირის ნახატი; თუმცა იგი ზუსტად არ მეორდება და ვარიაციებს გვიჩვენებს. ანგელოზთა ფიგურებში ყველგან მეორდება თავისებური დეტალი — მკერდზე ხელის გარშემო მომრგვალებულად განლაგებული ნაოჭები. სახეები ქლიერ დაზიანებულია, მაგრამ მაინც შეიძლება აღინიშნოს სახის ტიპის მსგავსება: გრძელი სახე, ფართო ნიკაბით, დიდი ოვალური მოყვანილობის თვალები; დამახასიათებელია ანგელოზთა თმის მოკლე ვარცხნილობა, რომელიც მუზარადის მსგავსად გამოიყოფა თავზე.

რელიეფების მსგავსება იმდენად დიდია, რომ საფუძველს გვაძლევს გამოთქვათ მოსაზრება მათი შესრულების შესახებ ერთი სახელოსნოს ოსტატთა მიერ. წმინდა, დელიკატური, რამდენადმე დანაწევრებული ნახატის ხასიათი, წვრილი, მკიდროდ განლაგებული ნაოჭები ქმნის ასოციაციას მცირე ფორმების სკულპტურასთან და ამიტომ სავარაუდებელია, რომ ნიმუშებს მცირე პლასტიკის ნაწარმოებები წარმოადგენდნენ. როგორც ჩანს ამ პერიოდში ქვაზე ქრის ეს დარგები — მონუმენტური და მცირე სკულპტურა — არ იყო დიფერენცირებული.

ამ ასპექტში განსაკუთრებით საკულისხმოა შემოვანხილული რელიეფების *სიახლოვე მცირე პლასტიკის ნაწარმოებთან* — ხანდისის სტელის რელიეფებთან (სურ. 3), რასაც აღნიშნავს ნ. ჩუბინაშვილი, რომელიც ხანდისის სტელას VI ს-ის II ნახევრით ათარიღებს¹³. იდენტურია შესრულების მანერა, მკიდროდ გავლებული, რიტმული ნახატის ხასიათი. ხანდისის სტელის რელიეფებშიც ქრის იგივე ხერხები გამოყენებული. ცალკეულ გამოსახულებათა მსგავსება მკაფიოდ ჩანს, მაგალითად, ანგელოზთა ფიგურების შედარებისას. მეორდება ფიგურის საერთო მოჩაზულობა, სამოსის ნაოჭების ნახატი. მსგავსია სახის ტიპი, თმის ვარცხნილობა. იგივე ითქმის ღვთისმშობლის, ქრისტეს გამოსახულებებზეც, რომელთა სიახლოვე ჩანს როგორც ფიგურის საერთო მოჩაზულობაში (იხ. მუხლების მომრგვალებული ნახატი), ისე დეტალების ვადმოცემაშიაც; იდენტურია საყდრის ზურგის მოღუნული ე. წ. „ლირისებური“ ფორმა, წრეებით კუთხეებში, მუთაქის ბოლოების კონცენტრიული ნახატი, სწორკუთხოვანი ფესხადგამი.

არქიტექტურულ ნაგებობათა შემამკობელ ზემოთ მოყვანილ რელიეფებში არ გამოიყოფა მონუმენტური სკულპტურის სპეციფიკური ნიშნები, რაც მათი შესრულების ხასიათის მიმართ უკვე აღვნიშნეთ. მონუმენტურობის შთაბეჭდილებას არც კომპოზიციათა საერთო ზომები და მასშტაბი უწყობს ხელს. ეძანისა და ქვემო ბოლნისის ეკლესიების კედლები ამოყვანილია კარგად გამოთლილი ქვის დიდი კვადრებით და მონუმენტურ შთაბეჭდილებას ახდენენ, რაც განსაზღვრულია შენობის საერთო პროპორციებით და კედლის მასივების სიმკაცრით.

რაც შეეხება რელიეფებს, მათი მასშტაბი არაა შეფარდებული შენობის მონუმენტურობასთან. ეძანში რელიეფური კომპოზიცია უზარმაზარ ტიმპანზეა ამოჭრილი, მაგრამ მცირე ადგილი უჭირავს ტიმპანის არის ქვედა ნაწილზე და მის გარშემო ქვის დიდი, შეუვსებელი ზედაპირია დარჩენილი. რათა წარმოვიდგინოთ მასშტაბური შეფარდება მოვიყვანოთ ზომები: ტიმპანის სა-

¹³ Н. Чубинашвили, Хандиси.



ფუძვლის სიგრძე დაახლოებით 1 მ 88 სმ, სიმაღლე — 1 მ 8 სმ; კომპოზიციის სიგრძე — 86 სმ, მაქსიმალური სიმაღლე — 30 სმ. ე. ი. რელიეფის ზომა არაა შეფარდებული არც ტიშანის და არც მთლიანად შენობის ფსაადის მასშტაბთან. კომპოზიცია იკარგება დიდ, გლუვ სიბრტყეებზე. სცენის კონფიგურაცია, რომელიც სწორკუთხოვანი არისათვისაა განკუთვნილი, რაც ტიპური „ამაღლების“ სცენისათვის ადრექრისტიანულ ხელოვნებაში, არ არის დაქვემდებარებული ტიშანის ფორმასთან.

ქვემო ბოლოსის ორივე რელიეფი არქიტრავებზეა ამოჭრილი, მაგრამ კომპოზიცია ამ შემთხვევაშიაც მასიუური, მონოლითური ქვის ბლოკის ზედაპირს მხოლოდ ნაწილობრივ ავსებს მის ცენტრალურ ნაწილში. ამრიგად, გამოსახულების მასშტაბი არ ქმნის მონუმენტურობის შთაბეჭდილებას. ასევე თეთრი წყაროს რელიეფსაც არქიტრავის ზედაპირის მხოლოდ ნაწილი უჭირავს.

აღნიშნული მომენტები გვაფიქრებინებს, რომ პროტოტიპს წარმოადგენდა მცირე ქანდაკების ნაწარმოებები, რომელნიც მოქანდაკეებს გადაქონდათ ნაგებობის კედლებზე მონუმენტურ ფორმებში გადამუშავების გარეშე. ამგვარი მოვლენა ადრეფეოდალური ხანის სხვა ძეგლებზეც აღინიშნება. მაგალითად, შეიძლება მოვიყვანოთ ატენის სიონის დასავლეთ ფსაადზე მოთავსებული სენმურგის რელიეფი (VII ს.), სადაც სასანური ქსოვილის მოტივია ქვაში გამეორებული. მარტივლის ტაძრის რელიეფებიც წარმოშობს ასოციაციას მცირე პლასტიკის ნიმუშებთან.

წინაქრისტიანულ საქართველოში, დღეისათვის ცნობილი მასალის მიხედვით, არ შეიძლება გავადევნოთ თვალი ადგილობრივი მონუმენტური რელიეფური სიუჟეტური სკულპტურის თანამიმდევრულ ტრადიციას, მაშინ როდესაც მრავალრიცხოვანი არქეოლოგიური მონაპოვარი მცირე პლასტიკის ფართო განვითარებას მოწმობს. მეორე მხრივ, ქრისტიანობის გავრცელებას საქართველოში, ბუნებრივია, თან ახლდა ქრისტიანული ხელოვნების ნაწარმოებთა, უპირველეს ყოვლისა ღვთისმსახურებისათვის საჭირო საგნების, ხატების, ევლოგიების და ა. შ. შემოტანა. ცხადია, რომ ეს ძირითადად მცირე ზომის პორტატული ნაწარმოებები იქნებოდა, ე. ი. მცირე ხელოვნების ნაწარმოებები. ამ ფაქტორებით შეიძლება აიხსნას, რომ ადრინდელ ხანაში, ქრისტიანული ტაძრების ფიგურული რელიეფებით შემკობისას, მოქანდაკეები ხშირად მიმართავდნენ მცირე პლასტიკის ნიმუშებს. როგორც ამას ზემოდასახელებული ტაძრების დეკორი მოწმობს, მცირე ხელოვნების ფორმები არ იყო მათ მიერ გადამუშავებული რელიეფების განსხვავებული დანიშნულების შესაბამისად.

მაგრამ უკვე ადრეფეოდალურ ხანაში, VI ს-ის ბოლოს მცხეთის ჯვრის ტაძრის გენიალური ხუროთმოძღვრის შემოქმედებაში გადაწყვეტას პოულობს ფსაადების მონუმენტური სკულპტურის ამოცანა¹⁴. ამ შენობაზე მოთავსებულ მონუმენტური ხასიათის რელიეფებს დამოუკიდებელი მნიშვნელობა აქვს, მაგრამ ამასთანავე სკულპტურა ფსაადის ორგანულ ნაწილს შეადგენს და მისი მასშტაბიც შეფარდებულია არქიტექტურის საერთო პროპორციებთან.

¹⁴ Г. Н. Чубинашвили, Памятники тила Джвари, გვ. 135—156.

როგორც ეს ადრეფეოდალური ხანის ე. ი. V—VII სს. ძეგლების განხილვიდან ჩანს, ამ პერიოდის ქართულ სკულპტურაში განსხვავებულ მხატვრულ მიდგომათა თანაარსებობა აღინიშნება, ერთიანი მიმართულება ჯერ კიდევ არ არის გამომუშავებული.

მრავალრიცხოვანია რელიეფები მკაფიოდ გამოხატული სიბრტყობრივ-ხაზობრივი გადაწყვეტით, სადაც გამოსახვის ძირითად საშუალებას წარმოადგენს ნახატი. ამგვარი მიდგომა გამომქლავნებულია ზემოგანაილულ რელიეფურ კომპოზიციებში, სტელების რელიეფების მრავალ მაგალითში.

მაგრამ ამავე პერიოდში შესრულებულ ისეთ რელიეფებში, როგორცაა მცხეთის ჯვრის და მარტვილის რელიეფები, ატენის სიონის ზოგიერთი რელიეფი, აღინიშნება ფიგურის რეალურ ფორმებთან მიახლოებული გადმოცემა, ფორმათა მოცულობითი გამოყოფა, მათი პლასტიკური მოდელირება, რაც, როგორც აღნიშნავდა გ. ჩუბინაშვილი, ელინისტურ-გვიანანტიკური ხელოვნების სკულპტურული ტრადიციების გაგრძელებისა და გადამუშავების შედეგს წარმოადგენდა¹⁵. განსაკუთრებით ძლიერად ეს მომენტი მცხეთის ჯვრის ტაძრის რელიეფებში (სურ. 4) აისახა, ხოლო ქრონოლოგიურად მომდევნო ნაწარმოებებში, VII ს-ის მანძილზე (ატენის სიონის, მარტვილის, საფარის მიძინების ეკლესიის რელიეფები, ქაჩაგანის ჯვრის, ზედაზნის ფილისა და ქალეთის სანათლაგის რელიეფები) ჩანს სკულპტურული გამოსახვის ტრადიციებიდან ჩამოშორების პროცესი. ამრიგად, წინ წამოიწევა გამოსახულების სიბრტყობრივ-ხაზობრივი გადაწყვეტა, რომელიც შემდგომ პერიოდში ნთლიანად განსაზღვრავს რელიეფების ხასიათს.

ქრისტიანული მსოფლმხედველობის მოთხოვნილებათა შესაბამისად ანტიკური შემკვიდრების გადააზრების პროცესი აღრინდელი ხანის ქრისტიანული ხელოვნების განვითარების დამახასიათებელი მოვლენაა. მაგრამ ელინისტური ტრადიცია დიდ როლს ასრულებს ამავე პერიოდის აღმოსავლეთის არაქრისტიანული ქვეყნების, კერძოდ, სასანური სპარსეთის ხელოვნებაშიც. სხვადასხვა ხალხისა და ქვეყნის ხელოვნებაში, კულტურის სხვადასხვა ცენტრებში ეს პროცესი განსხვავებული ხარისხითა და ფორმებით გამოვლინდა, რასაც ადგილობრივი ტრადიციები და თავისებურებანი განაპირობებდა. სწორედ ამან განსაზღვრა მცხეთის ჯვრის რელიეფების ხასიათი, სადაც გამოსახულების სკულპტურულობა შეხამებულია ადგილობრივ ნიადაგზე გამომუშავებულ და მხატვრულად სრულიად ჩამოყალიბებულ დეკორატიულ მიდგომასთან, რომელიც მქლავნდება, როგორც კომპოზიციური ამოცანის გადაწყვეტაში, ისე ფიგურის ნახატის დეკორატიულ-ხაზობრივ გააზრებაში.

ეს მომენტი რომ უფრო მკაფიოდ გამოჩნდეს შევადაროთ მცხეთის ჯვრის „ჯვრის ამალღების“ კომპოზიციის ანგელოზთა გამოსახულებანი მფრინავ ანგელოზთა ანალოგიურ ფიგურებს ამავე ეპოქის სხვადასხვა წარმოშობის რელიეფებში.

იმ ნამუშევრებში, რომელთა შესრულებას მკვლევარნი კონსტანტინოპოლის სახელოსნოებს მიაწერენ, როგორცაა მაგალითად სახელგანთქმული ბარბერინის დიპტიქონი (VI ს.)¹⁶, ძლიერად იგრძნობა ცოცხალი კავშირი ან-

¹⁵ გ. ჩუბინაშვილი, ქართული ოქრომქედლობა VIII—XVIII საუკუნეებისა, აღბოში, ისტორიული მიმოხილვა და ანოტაციები. თბ., 1957, გვ. 5, 13.

¹⁶ ანგელოზთა ფიგურები დიპტიქონის ზედა, პორფირიტულ ფიგურებზე. W. Vol-



ტიკურ ტრადიციასთან, როგორც ფიგურის საერთო კონცეფციასა, ისე რელიეფის დამუშავებაში. ამაზე მკაფიოდ მეტყველებს ფიგურათა ანტიკური პროპორციები, მათი რთულ პოზაში წარმოდგენა, სხეულის ნაწილების სიღრმეში განლაგება და რაკურსში გამოსახვა, ფორმათა ძლიერი მოდელირება. ტანისამოსის დამუშავებისას შენარჩუნებულია რეალური ქსოვილის შთაბეჭდილება, ფრთების შესრულებაშიაც ჩანს ბუმბულის ფაქტურის გადმოცემა.

უშუალო მეშვეობითი კავშირი ანტიკურ ტრადიციასთან შენარჩუნებულია სპილოს ძვლის იმ ნამუშევრებშიაც, რომლებიც დედაქალაქის სახელოსნოს არ ეკუთვნის, ამასთანავე, რელიეფებში გარკვეულად გამოიყოფა სიღრმის შეგრძნებისა და მოცულობითობის შესუსტება; მაგალითად, მურანოს დიპტიქონი (VI ს.; შესრულების ადგილად ზოგი მეცნიერი მცირე აზიას მიიჩნევს, ზოგი კი — ბიზანტიის იმპერიის რომელიმე აღმოსავლურ ცენტრს)¹⁷, ეჩმიაძინის სახარების ყდად გამოყენებული დიპტიქონის ფირფიტა (VI—VII სს.)¹⁸. ამ უკანასკნელში ანგელოზთა სამოსის გრაფიკული დანაწევრება ზედაპირში ჩაჭრილი, თავისუფლად გავლებული ხაზების ნახატი ხელს უწყობს პლასტიკური ფორმის ნიველირებას; ნახატის მნიშვნელობა წამოიწევა წინ.

შესადარებლად მოვიყვანოთ სასაანური სკულპტურის მაგალითიც, სახელდობრ ფრთოსანი ქალღმერთის ორი ფიგურა, გამოქანდაკებული ტაკ — ი — ბოსტანის დიდი გროტის თაღოვანი შესასვლელის ორივე მხარეს. სამეცნიერო ლიტერატურაში, სწორედ ეს ფიგურებია მოხსენიებული მცხეთის ჯვრის ტიმპანის ანგელოზთა უახლოეს ანალოგიად¹⁹ და იმავე ხანას (VI—VII სს.) განეკუთვნება²⁰. გარკვეულ ასოციაციას ქმნის დიაგონალურად განლაგებული ფიგურების კომპოზიციური გადაწყვეტა, მათი მდებარეობა და საერთო აბრისი, რომლის მოხაზულობას ფრთების მიმართულებაც უსვამს ხაზს, მსუბუქი თავისუფალი ფრენის პოზა, ხოლო რელიეფის ხასიათი და ფორმათა დამუშავება განსხვავებულია. სასაანურ რელიეფში ვაცილებით უფრო მეტად ვლინდება დამოკიდებულება ანტიკურ-ელინისტურ ხელოვნებასთან. ეს პირველ ყოვლისა ფორმათა მოდელირებას და ქსოვილის დრაპირების ბუნებრივ ხასიათს შეეხება.

ანტიკური ნიმუშის თავისებურ ინტერპრეტაციას იძლევა VI ს-ის კოპტური რელიეფის ოსტატი „ქრისტეს ამაღლების“ სცენაში ქვის არქიტრავეზე ბაუიტის მონასტრიდან²¹. ამ რელიეფში ფიგურის მოცულობითობა მხოლოდ საერთო, ზოგად ფორმებშია მოცემული, ხოლო ტანისამოსის გადმოცემაში ზედაპირის ნაზობრივ-დეკორატიული დამუშავება გამოიყოფა, თუმცა ნახატი ძირითადად მომრგვალებულ, ე. ი. გარკვეულ ფარგლებში პლასტიკურად გა-

bach, Frühchristliche Kunst, München, 1958, ტაბ. 219, გვ. 87; A. Grabar, L'âge d'or de Justinien, Paris, 1966, ილ. 319, გვ. 404.

¹⁷ W. Volbach, დასახ. ნაშრომი, ტაბ. 223, გვ. 88.

¹⁸ Декоративное искусство средневековой Армении. Составители альбома Н. Степанян, А. Чакмакчян, Л., 1971, გვ. 17, таб. 20.

¹⁹ Г. Н. Чубинашвили, Памятники типа Джвари, გვ. 152—153. შ. აბრანშვილი, ქართული ხელოვნების ისტორია, თბ., 1971, გვ. 145.

²⁰ E. Herzfeld, Am Tor von Asien, Berlin, 1920, გვ. 72—74, ტაბ. XXIII, XXXVI, XXXVII.

²¹ J. Beckwith, Coptic Sculpture, London, 1963, გვ. 53, ილ. 96.

მოყოფილ მასას მიყვება. პირობით — დეკორატიულადაა დამუშავებული ფრთებიც.

კოპტური რელიეფის ოსტატის მხატვრული პრინციპი ერთგვარად ეხმარება მცხეთის ჯვრის ქართველი მოქანდაკის მხატვრულ მიდგომას რელიეფის გადაწყვეტაში. ორივე შემთხვევაში ფიგურათა პლასტიკურ-მოცულობითი გადმოცემის ტრადიცია აისახა ზოგადი რელიეფური ფორმების გადმოცემაში, ხოლო სამოსის დამუშავება დეკორატიულ-ხაზობრივი ხასიათისაა. რაც შეეხება კომპოზიციის აგებას, ფიგურათა მოხაზულობასა და ფორმებს და ნახატის ხასიათს — ეს მომენტები კოპტური და ქართული სკულპტურის ნაწარმოებში განსხვავებულია. ქართულ რელიეფში ხაზგასმულია გრძელი, პარალელურად მიმდინარე ნაოჭების დენადი ხაზების რიტმული თანხმოვნება, რაც კომპოზიციის საერთო რიტმს ერთვის და განსაზღვრავს დეკორატიულობის ხასიათს.

ძველქრისტიანული ხელოვნების ისტორიაში ცნობილი ფაქტია, რომ იქ, სადაც, ანტიკური ხელოვნების გავლენა ადგილობრივ ხელოვნებაზე ძლიერი იყო წინაქრისტიანულ პერიოდში, ქრისტიანულ ხელოვნებაშიაც ანტიკური ფორმების რემინისცენციები განმსაზღვრელ როლს ასრულებდნენ. საქართველოში იმ პერიოდის ადგილობრივი ხელოვნება, რომელიც უშუალოდ წინ უსწრებდა ქრისტიანობის გავრცელებას, ე. ი. ჩ. წ. აღრიცხვის პირველი საუკუნეების ხელოვნება ჯერ კიდევ მცირედაა შესწავლილი. რამდენადაც შეიძლება ვიმსჯელოთ ადრინდელი ქრისტიანული ხანის რელიეფური სკულპტურის ჩვენამდე მოღწეული ძეგლების მიხედვით, საქართველოში ანტიკური ხელოვნების მხატვრული ტრადიციები არ უნდა ყოფილიყო მყარად ფესვგადგმული; ქართველ ხალხს დიდი ხანია მჭიდრო პოლიტიკური, სეაქრო და კულტურული ურთიერთობა ჰქონდა ანტიკურ-რომაულ სამყაროსთან²², აქ ფართოდ იყო გავრცელებული ანტიკურ-რომაული ხელოვნების პროდუქცია. ამ ტიპის ნაწარმის გარკვეული ნაწილი მკვლევართა აზრით შესაძლებელია ადგილზე მზადდებოდა, მაგრამ ამისდამიუხედავად ქართველი ხალხის ადგილობრივი, ავტოქტონური ხელოვნება თავისი, საკუთარი გზით მიემართებოდა. ამან განსაზღვრა, როგორც ჩანს, ის გარემოება, რომ ქრისტიანობის ადრინდელი ხანის სკულპტურის ნაწარმოებთა უმრავლესობაში გამოხატულია ანტიკურის საპირისპირო ტენდენცია — სიბრტყობრივ-ხაზობრივ-დეკორატიული ტენდენცია, მაშინ როდესაც ანტიკური სკულპტურული ტრადიცია მხოლოდ ერთეულ მაგალითებში აისახა. პირველ რიგში ეს მცხეთის ჯვრის რელიეფებია, სადაც სკულპტურულ ფორმათა თავისებური გადამუშავება მოცემული, ხოლო ქრონოლოგიურად მათგან არც თუ ისე დაშორებულ მარტივის რელიეფებში ძლიერად იგრძნობა მოცულობითობის შესუსტება. ამრიგად, ადრეფეოდალური ხანის ქართულ რელიეფურ სკულპტურაში გარკვეულად ჰარბობს აღმოსავლური ტენდენცია გამოსახულების სიბრტყობრივ-დეკორატიული გამოსახვისა. როგორც ჩანს იგი ამასთანავე ადგილობრივი ტენდენცია იყო.

²² მცხეთა. არქეოლოგიური კვლევა-ძიების შედეგები, ტ. I, ა. აფაქიძე, გ. გობეჯიშვილი, ა. კალანდარიძე, გ. ლომთათიძე, თბ., 1958. საქართველოს არქეოლოგია, თბ., 1959; შ. ამირანაშვილი, ქართული ხელოვნების ისტორია, თბ., 1971; К. Г. Ма-ч а б е л и, Серебряные фиалы из Армазисхеви, Тб., 1970; ვანი 1, არქეოლოგიური გათხრები, 1947—1969, თბ., 1972.

ამ თვალსაზრისით საეკლესიო, რომ მცხეთის ჯვრის სკულპტურულ რელიეფებში და ამავე პერიოდის სიბრტყობრივ რელიეფებში ზედაპირის დეკორატიული ნახატის და ნაოჭების ჭრის ხერხების მსგავსება აღინიშნება (სურ. 1—4). შევადაროთ მცხეთის ჯვრის ანგელოზებს ეძანისა და ხანდისის სტელის ფიგურები: ყველგან რელიეფის ზედაპირის დამუშავების დეკორატიულ ხასიათს განსაზღვრავს ერთმანეთის პარალელურად მიმართული გრძელი ხაზების თანაბარზომიერი რიგების რიტმული მონაცვლეობა, იმისდამოუხედავად, რომ ეძანისა და ხანდისის რელიეფებში ხაზები ბრტყელ ზედაპირზეა გავლებული, ხოლო მცხეთის ჯვრის გამოსახულებაში ნახატი რელიეფურ, ამოხუტულ ფორმებს მიყვება. იდენტურია ნაოჭების ჭრის ხერხი — ორმხრივ სამკუთხედად თანაბრად ცერად ჩაკვეთით, როდესაც ნაპირი წიბოს სახით გამოიყოფა. მცხეთის ჯვრის რელიეფში წიბო ხაზგასმულია დამატებითი ღარის საშუალებით. ეს თავისებური დეტალი მეორდება VI—VII საუკუნეების სხვა ქართულ რელიეფებშიც — ხოთორნიას ეკლესიის კაპიტელები, ქაჩაგანის ჯვარი²³, ზედაზნის ფილა²⁴, ჟალეთის სანათლავე²⁵ და სხვ.

სკულპტურის ზემოდასახელებულ ნაწარმოებებშიაც ხაზობრივ-დეკორატიული გადაწყვეტის იმავე მიდგომის გაგრძელება აღინიშნება, მაგრამ მცხეთის ჯვრის რელიეფებთან შედარებით VII ს-ის რელიეფებში მჭიდროდ განლაგებული ხაზების ნახატმა უფრო გეომეტრიზებული და სქემატური ხასიათი მიიღო (ქაჩაგანის ჯვარი, ჟალეთის სანათლავე).

უნდა აღინიშნოს, რომ რელიეფების მხოლოდ ამ ჯგუფით არ შემოიფარგლება VI—VII ს-ის ქართული სკულპტურა. ეს ერთ-ერთი მიმართულება უნდა ყოფილიყო, რადგანაც დასახელებული ნაწარმოებების გვერდით გეხვდება განსხვავებული ხასიათის რელიეფებიც, როგორც, მაგალითად, მარტვილის ტაძრის რელიეფები.

რელიეფის ჭრის აღნიშნული ტრადიცია, როგორც ჩანს, წინაქრისტიანული ხანის აღმოსავლურ ხელოვნებას უკავშირდება. სახელდობრ, იგი გამოხატულია სირიისა და პალმირის წარმართულ რელიეფებში, როგორცაა, მაგალითად, ჩ. წ. აღრიცხვის I საუკუნის რელიეფი პალმირიდან ქალების პროცესიის გამოხატულებით²⁶, სადაც ფიგურის მომრგვალებული, ზოგადი მასა და ნაწევრებული პარალელური ნაოჭების თანაბარზომიერი, რიტმული რიგებით.

რელიეფის დამუშავების მსგავსი ხაზობრივ-დეკორატიული მიდგომა გაგრძელებას პოულობს ბიზანტიურ ხელოვნებაში, კერძოდ, ბიზანტიური ხელოვნების იმ ნაქაღში, რომელიც ძლიერად გამოხატავდა აღმოსავლურ ტენდენციებს. ანალოგიად ქართული რელიეფებისათვის შეიძლება მოვიყვანოთ VI—VII სს. სარკოფაგის ფრაგმენტი სტამბულის მუზეუმიდან (ქრისტე ტახტზე, წმ. პეტრესთან ერთად)²⁷; რელიეფის ზედაპირი მჭიდროდაა დაფარული პარალელურად მიმართული გრძელი ხაზების გეომეტრიზებული ნახატით და, ამრიგად, ხაზი ესმება სიბრტყის დეკორატიულ დამუშავებას.

²³ Н. Чубинашвили, Рельеф „Вознесения креста“ на каменном кресте из селения Качагани. ქართული ხელოვნება, 6, სურია А, თბ., 1963, გვ. 19, 23.

²⁴ ა. ვოლსკაია, ზედაზნის რელიეფი. ძეგლს მეგობარი, 26, თბ., 1971, გვ. 11—16.

²⁵ Н. Чубинашвили, Хандиси, გვ. 86, таб. 60.

²⁶ А. Grabar, Le premier art chrétien, Paris, 1966, ილ. 46, გვ. 318

²⁷ А. Grabar, L'âge d'or de Justinien, ილ. 261, გვ. 402.



სურ. 1. ქვემო ბოლნისი. ქრისტეს ამალეზა. VI ს.



სურ. 2. ეძანი. ლეთისმუბლის განდიღება. VI ს.
ფოტო ნ. ჩუბინაშვილის



სურ. 3. ხანდისის სტელა. დეტალი. VI ს.
ფოტო ნ. ჩუბინაშვილის



სურ. 4. მცხეთის ჭვარი. ჭვრის ამაღლება. VI ს.

ადრეფეოდალური პერიოდის ქართული სკულპტურის თემატიკურ და სტილურ საკმაოდ მრავალფეროვანია. საქართველოში ადრინდელი ხანის ეკლესიების დეკორში გამოყენებულია ძველ ქრისტიანულ სამყაროში საყოველთაოდ გავრცელებული მოტივები: სიმბოლური შინაარსის კომპოზიციები, როგორც მაგალითად ფარშევანგები ჯვრის ორივე მხარეს — ბოლნისში, ირმები წყაროსთან — ატენის სიონში, ცხოველთა გამოსახულებანი, საღეთო წერილის სცენები, ისტორიულ პირთა გამოსახულებანი, მაგრამ, როგორც ჩანს, განსაკუთრებით პოპულარული იყო ამადლების თემა: „ქრისტეს ამადლება“ და როგორც მისი სიმბოლური ვარიანტი „ჯვრის ამადლება“, აგრეთვე; „ღვთისმშობლის განდიდება“, გადწყვეტილი „ამადლების“ ანალოგიურად და შინაარსის მხრივაც ამ სცენასთან დაკავშირებული.

აღნიშნულ სიუჟეტებს ჩვეულებრივ გამოხატავდნენ ეკლესიის შესასვლელის თავზე, ე. ი. განსაკუთრებით მნიშვნელოვან ადგილზე. სწორედ ამ კომპოზიციების გამოყენება ეკლესიაში შესასვლელის გასაფორმებლად წარმოადგენდა აღმოსავლეთქრისტიანული ხელოვნებისათვის საერთო ტრადიციას, რასაც მოწმობს ამ პერიოდის ძეგლები სხვადასხვა ქვეყნებიდან — სირია, მცირე აზია, ეგვიპტე.

ქვის არქიტრაზე ბაუიტის მონასტრიდან (VI ს-ის II ნახევარი; კოპტების მუზეუმი)²⁸ სცენის მოკლე რედაქციაა მოცემული: გამოსახულება შემოსახვრა სცენის ზედა, ციური ზონის გადმოცემით. ქვემო ბოლნისის რელიეფის მსგავსად, მანდორლით გარშემორტყმულ ტახტზე მჯდომ ქრისტეს ორი ანგელოზი აღამადლებს.

„ქრისტეს ამადლების“ მეორე ვერსია, როდესაც ანგელოზებს მიაქვთ მედალიონი ქრისტეს ბიუსტის გამოსახულებით, ასევე გადმოსცემს „ქრისტეს ამადლების“ შინაარსს, მაგრამ მისი წარმოშობა დაკავშირებულია იმპერატორის ტრიუმფის თემასთან. პროტოტიპს წარმოადგენს ანტიკური ვიქტორიების გამოსახულებანი, რომელთაც უპირავთ მედალიონი ტრიუმფატორის ბიუსტით ე. წ. *imago clipeata*²⁹. მონუმენტურ სკულპტურაში აღნიშნული იკონოგრაფიული ვერსია მოცემულია მცირე აზიაში ზოჯ-კალესის ანუ ალაპან მონასტრის ეკლესიის პორტალზე (V ს.)³⁰, სომხეთში პტგნის ეკლესიის სარკმლის სათაურზე (VI ს-ის დასას. VII ს-ის დასაწ.)³¹, ხოლო საქართველოში — მცხეთის ჯვრის ეკლესიის მცირე შესასვლელის არქიტრაზე.

ამრიგად, საქართველოში ვხვდებით ქრისტეს ამადლების ორივე იკონოგრაფიულ რედაქციას. მაგრამ ზმირად ქრისტეს გამოსახულებას მედალიონში ენაცვლება ჯვარი ე. ი. ქრისტეს სიმბოლური ნიშანი. სახელდობრ, მცხეთის ჯვრის, ანჩისხატის, თეთრი წყაროს რელიეფებში.

მარტვილის ტაძრის VII ს-ის რელიეფში, სადაც მანდორლას ქრისტეს გამოსახულებით ოთხი ანგელოზი აღამადლებს, ქრისტეს ამადლების კიდევ ერთი ვარიანტია მოცემული, ცნობილი პალესტინის ამპულების მიხედვით. თა-

²⁸ J. Beckwith, დასახ. ნაშრომი, გვ. 23—53, ილ. 96.

²⁹ A. Grabar, Cahiers archéologiques, XX, გვ. 24; მისივე, L'empereur dans l'art byzantin, Paris, 1946.

³⁰ O. Wulff, Altchristliche und byzantinische Kunst, I, Berlin, 1914, გვ. 135, ილ. 126; A. Grabar, Cahiers archéologiques, XX, გვ. 23—27.

³¹ Декоративное искусство средневековой Армении, таб. 19, გვ. 16—17.



ვისებური სახე მიიღო ამ სცენამ ზოგორნიას ეკლესიის რელიეფებზე. ზოგორნიასში ორ კაპიტელზე ერთი და იგივე გამოსახულებანი მეორდება. ანგელოზები (მათი რიცხვი აქ ორია) ამ შემთხვევაში ვერტიკალურად არიან მოთავსებული ისე, რომ მათი სხეულის განლაგება მიყვება ქრისტეს ოვალური მანდორლის მოხაზულობას და უფრო ფეხზე დგომის შთაბეჭდილებას ქმნის. მათი ამგვარი განლაგება, როგორც ჩანს, კომპოზიციისათვის განკუთვნილი არის მოხაზულობით იყო განპირობებული, მაგრამ, უნდა აღინიშნოს, რომ ამ ვარიანტის ანალოგიები სხვაგან არსად არ ჩანს.

როგორც მოყვანილი მაგალითები მოწმობს, აღრეფეოდალური ხანის ქართულ ქანდაკებაში გარკვეულად აღინიშნება მრავალფეროვნება ერთი და იმავე თემის, სახელობრ, ამალღება-განდიღების თემის ინტერპრეტაციაში. ამასთანავე, ზუსტ ანალოგიებს ქართული რელიეფებისათვის უმრავლეს შემთხვევაში ვერ ვპოულობთ. ქართველი ოსტატები გამომდინარეობდნენ ძველქრისტიანულ ხელოვნებაში ჩამოყალიბებული იკონოგრაფიული ნიმუშებიდან, მაგრამ ვარიაციები შეჰქონდათ როგორც კომპოზიციის აგებაში, ისე დეტალებში. ამის ბრწყინვალე დადასტურებაა მცხეთის ჯვრის ტაძრის ჯვრის ამალღების რელიეფი, სადაც სწორკუთხა არესათვის განკუთვნილი ტრადიციული კომპოზიცია შემოქმედებითადაა გადამუშავებული ტიმპანის მოხაზულობის შესატყვისად. საგულისხმოა, რომ მცხეთის ჯვრის მოქანდაკის მიერ შექმნილი მალაღმხატვრული კომპოზიცია თვითონვე ხდება ნიმუშად მომდევნო ხანის ოსტატისათვის, იგი გამეორებულია საფარის მონასტრის მიძინების ეკლესიის დასავლეთის მინაშენის „ჯვრის ამალღების“ რელიეფში (VII ს.), მაგრამ ამ შემთხვევაში სარკმლის სათაურის სწორკუთხოვან ქვაზე³².

ზემოთქმული მართო ისეთ მოწინავე და დახელოვნებულ შემოქმედს არ ეხება, როგორც მცხეთის ჯვრის ოსტატია, სხვა შემთხვევაშიაც, კერძოდ ზოგორნიას ეკლესიის და ბურღაძორის სტელის რელიეფებზეც სცენების თავისებური გადაწყვეტაა მოცემული. ზოგიერთი დეტალი, სახელობრ, გვირგვინი და საცეცხლური ეძანის კომპოზიციის მფრინავი ანგელოზების ხელებში ერთად აღებული არ გვხვდება ანალოგიურ სცენებში.

ამრიგად, როგორც ჩანს, ადგილობრივ იქმნებოდა იკონოგრაფიულ და კომპოზიციურ სქემათა ვარიანტები, რაც საფუძველს იძლევა გამოვთქვათ მოსაზრება, რომ აღმოსავლეთის სხვა ქვეყნებთან ერთად, როგორც იყო სირია, პალესტინა და ა. შ., საქართველოსაც შეჰქონდა გარკვეული წვლილი ძველქრისტიანული ხელოვნების იკონოგრაფიის ფორმირებაში.

³² ამ რელიეფის შესახებ იხ: Г. Н. Чубинашвили, Памятники типа Джвари, გვ. 153; Н. Чубинашвили, Хандиси, გვ. 17—20, 77, таб. 48.

პარმენ ზაქარაია

ციხედიდის ნასახლარი

გვიანფეოდალური ქართლ-კახეთის ტერიტორიაზე მრავალი ნაქალაქარ-ნასახლარია. საუკუნეების განმავლობაში მტრების განუწყვეტელმა თარეშმა ქვეყანა გააპარტახა, სანახევროდ უკაცრიელი გახადა. არსებობა შეწყვიტეს ისეთმა დიდმა და პატარა ქალაქებმა, როგორც იყო გრემი, ბაზარი, სამშვილდე, რუსთავი, ალი, მზოგრეთი და მრავალი სხვა. ამ ქალაქების არსებობაზე ცოტა რამ თუ ვიცით, რამდენი სოფელია განადგურებული ისე, რომ ისინი მატინეთა ფურცლებზე არ მოხვედრილან. დადიხართ ქვემო თუ ზემო ქართლის ტერიტორიაზე და გაოცებთ ნასახლართა სიმრავლე, მათი მრავალფეროვნება. ციხედიდის ნასახლარი ერთი ამთვანია, მხოლოდ იგი სხვებისგან იმით გამოირჩევა, რომ მის კედლებს ერთი წარწერა მაინც შემოუნახავს, საიდანაც დასახლების მეპატრონის ვინაობას ვიგებთ.

მტკვრის მარჯვენა მხარეს, არმაზის შემდეგ, სოფ. ძეგვის მისადგომთან მარცხნივ იწყება ვიწრო ხეობა, რომელსაც ციხედიდის ხეობას ეძახიან. მას ჩამოუდის იმავე სახელის მატარებელი წყალი. ამ ვიწრო ხეობაში საურმე გზა ძლივს მიიკლავნება. მოსახლეობა ამჟამად ხეობაში არსადაა. ჩანს, რომ აქ ცხოვრება ათასი წლები გრძელდებოდა.

მტკვრიდან 1—1,5 კილომეტრზე ხეობა ცოტათი იშლება და მისი მარცხენა ნაპირი დასახლებისათვის შედარებით ხელსაყრელია. სწორედ ეს ადგილი შეურჩევიათ საცხოვრებლად დეკანოზიძეებს. ფერდობის საკმაოდ რთული რელიეფი მოხერხებულადაა გამოყენებული და ზედ განლაგებულია საცხოვრებელი და საკულტო ნაგებობები. ისინი ერთმანეთისაგან დაახლოებით ასიოდ მეტრითაა დაცილებული. ზედა ტერასაზე განლაგებული ყოფილა საცხოვრებელი კომპლექსი კოშკით, ქვედა ტერასაზე კი — საკულტო ნაგებობები (სურ. 1). სამწუხაროდ, არც ერთ მათგანს არ მოუღწევია თავდაპირველი სახით. მაგრამ რაც დარჩა, ისიც მეტად საინტერესოა გვიანფეოდალური ერთიანი დასახლების წარმოსადგენად. ანსამბლისადმი ინტერესს აძლიერებს ერთ-ერთ ობიექტზე სამშენებლო წარწერის არსებობა.

ფერდობის ზედა ტერასაზე ამ პატარა ფეოდალს თავისთვის აუგია კოშკი და მის ირგვლივ საცხოვრებელი და სამეურნეო ხასიათის ნაგებობები. კოშკის გარდა ყველა ნაგებობა დანგრეულია და მათი თავდაპირველი სახის წარმოდგენა შეუძლებელია. კოშკი კი დაზიანებულია.

კოშკი კარგი პროპორციების მქონე პირამიდული ნაგებობაა და მშენიერად ზის ლანდშაფტში (სურ. 2). ცხადია, თავდაპირველად, როდესაც იგი სხვა ნაგებობებთან ერთად იყო, გაცილებით უკეთესი სანახავი იქნებოდა.

კოშკი ამჟამად ოთხსართულიანია, მაგრამ ზედა ნაწილი აკლია და უნდა ყოფილიყო კიდევ ერთი სართული, ან საბრძოლო ბანი მაინც. ხის სართულ-



შუა გადახურვა მთლიანად ჩანგრეულია, სხვა მხრივ კედლებს თითქმის არაფერი აკლია (სურ. 3).

კოშკის პირველი სართული იწყება მიწის დონიდან. მისი ერთადერთი კარიც აქვეა აღმოსავლეთის მხარეს (კოშკის ეს მხარე ხევს დაჰყურებს). ეს სართული დამხმარე უნდა ყოფილიყო, დანარჩენი კი საცხოვრებელი და საბრძოლოა. კარიდანვე იწყება კიბე, რომლის სამი საფეხურით ჩავდივართ იატაკამდე. აქ გამართული ყოფილა მარანი საწნახლით. მის იატაკში ახლაცაა დარჩენილი ორი ქვევრი, ხოლო ორმოების მიხედვით თუ ვიანგარიშებთ ათამდე იქნებოდა. კოშკის დასავლეთის მონაკვეთი საწნახლისათვის დაბალი კედლითაა გამოყოფილი. საწნახლის იატაკის ღონეზე ერთგან კერამიკული მილია ჩაყოლებული. დაწურვის შემდეგ ღვინო ამ მილით გამოდიოდა და შემდეგ ხის ღარით ჩაუშვებდნენ ქვევრებში. გვიანფეოდალური ხანის ქართლ-კახეთში ასეთი საწნახელი მრავლადაა, მაგრამ უშუალოდ საცხოვრებელ-თავდაცვით კოშკთან დაკავშირებით შერჩენილია ზემო ხოდაშენსა, ახმეტასა¹ და რუისპირში².

მარნის კედლებში მოთავსებულია ერთი სწორკუთხა ნიში და სამი სათოფე. ამათგან თითო სათოფე გვერდით კედლებშია და ორმაგი კი შემოსასვლელს იცავდა. სართულის მეოთხე კედელი, დასავლეთის მონაკვეთი, ფერდობშია შეჭრილი და სათოფე ვერც გაკეთდებოდა.

კოშკის მეორე სართულის კედლებშიც ცოტაა სათოფეები. ორ-ორი ცალმაგი სათოფეა სამ კედელში, ხოლო მეოთხე, დასავლეთის კედელში ერთი ორმაგი სათოფეა.


მესამე სართული ამ მხრივ უფრო რთულია. მისი დასავლეთის კედლის ცენტრში ბუხარია, შეისრული ფორმის თაღოვანი გადახურვით. მის მარჯვნივ კი ერთი სათოფეა. ხოლო დანარჩენ სამ გვერდზე სამ-სამი სათოფეა ჩამორიგებული. ეს ცალმაგი სათოფეები არათანაბრადაა განაწილებული.

კოშკის მეოთხე სართული სხვებზე მრავალფეროვანია. აქ სათოფეები სამ იარუსადაა განლაგებული. აღმოსავლეთით თითქმის ერთმანეთის ზემოთ ერთი დიდი და ერთიც პატარა სარკმელია. დასავლეთის მხარესაც დიდი სარკმელია, რომელიც კარსა ჰგავს, მაგრამ გარედან შვერილი აივნის ნაშთები არ შემორჩენია და ამიტომაც ჩვენ მხოლოდ სარკმლად ვღებულობთ. საშუალო ზომის თითო სარკმელიც სამხრეთისა და ჩრდილოეთის კედლების ცენტრებშია. რაც შეეხება სათოფეებს — დასავლეთით ორი, სამხრეთით სხვადასხვა ღონეზე ხუთია, აღმოსავლეთით შეიძლება და ამდენივეა ჩრდილოეთით. არის კედლებში მცირე ზომის სწორკუთხა ნიშებიც. ამათ გარდა, დასავლეთით, მარჯვენა კუთხეში საპირფარეოს ნიშაა დარჩენილი. ცხადია, კოშკის მოქმედების დროს იგი წინიდან შემოფარგლული იქნებოდა.

როგორც აღვნიშნეთ, კოშკის ზედა ნაწილი მორღვეულია და მის გადაწყვეტაზე ზუსტად ვერაფერს ვიტყვით. რაც შეეხება სართულშუა გადახურვას, იგი ყველგან ხისა ყოფილა. კოჭების თავების ჩასაწყობი ნიშნების მიხედვით თუ ვიმსჯელებთ, ისინი ყველა სართულზე ჩრდილო-სამხრეთის მიმართულებით ყოფილან დაწყობილნი. სართულების სიმაღლეზე ზოგან 2,5, ზოგან კი — 3 მეტრია.

¹ პ. ზაქარაია, კახეთის საფორტიფიკაციო ნაგებობანი, თბ., 1962, გვ. 175—188.


² ლ. რჩეულიშვილი, გვიან ფეოდალური ხანის კოშკური საცხოვრებლის ერთი სახეობა, „მცენე“, № 2, 1967, გვ. 276—284.




სურ. 1. კობულის ნასახლარი, გენეგმა.




სურ. 2. ციხედიდი, კოშკი ჩრდილო-აღმოსავლეთიდან.




4





3




2



1




1 0 1 2 3 4 5 მ






სურ. 3. ციხელილი, კოშკის გეგმა, განაკვეთი სამხრეთით, აღმოსავლეთის ფასადი და ჩრდილო-აღმოსავლეთის ხედი.

Handwritten text in Georgian script, enclosed in a hand-drawn irregular border. The text is written vertically and appears to be a list or a set of notes. The characters are somewhat stylized and difficult to read precisely, but they consist of several lines of text.

სურ. 4. ცხელი. წარწერა კოქის ჩრდილოეთის ფასაზე.



სურ. 5. ცხელი. ეკლესიის გეგმა, განაკეთი სამხრეთით და აღმოსავლეთის ფასადი.



სურ. 6. კიბედი. სამრეკლოს პირველი და მეორე სართულის გეგმები, განაკეთი დასაველებით და სამხრეთის ფასადი.



კოშკის კედლები მთლიანად ნაგებია ფლეთილი ქვით, მაგრამ შიდა კედლები, რადგან შეღესილი იყო, ამიტომ არ გაუთლიათ. გარედან კი საკმაოდ ბევრია გათლილიც. კედლები კარგადაა ნაგები, მაგრამ მორთულობა არ გააჩნია, ხოლო ჩვენზე ადრე ათიოდე წლით მოსულ კოლეგებს კი სხვა სურათი დახვედრიათ. მათი აღწერით, მთავარ ფსაღზე, კარის მხარეს, ზემოთ უნახავთ კედელში ჩასმული მწვანეთ მოჭიქული ორი ფიალა³. სამწუხაროდ, ეს ფიალები დღეს აღარაა.

კოშკის ჩრდილოეთის ფსაღზე, მიწის დონიდან ოდნავ მაღლა, უფორმო ქვაზე, მხედრული წარწერაა მოთავსებული⁴. ჩვენ აქვე ვიძლევეთ წარწერის მონახაზს, რადგან დამწერლობის საინტერესო ფორმაა გვიანი საუკუნეებისათვის (სურ. 4).

წარწერა ქარაგმების გახსნით ასე იკითხება:

ქ. ჩვ/ენ, დეკანოზიძემ, თვით დეკა

ნოზმა ათ/ანასემ აღვაშენ/ნი/ე/ კოშკი

ესე მოიხ/სე/ნ/ე/ უფალო და ძე მი/სი ზ/ა/ლ და

ზურაბ, მ/ა/თ/ა/ოზა, გორ/ის/ას. ქ/ორონი/კ/ონ/სა ტნიშ

წარწერის შინაარსი გასაგებია, მაგრამ მისი გრამატიკული წყობა გაუმართავია.

წარწერის პირველი და მეორე სტრიქონი ადვილად იკითხება. მესამე სტრიქონი ცოტა გაუმართავია, მაგრამ წაკითხვა მაინც ხერხდება. მეოთხე სტრიქონის მეორე და მესამე სიტყვის გაშიფვრა ქირს. ვიძლევეთ ერთ-ერთ ვარიანტს

რაც შეეხება ქორონიკონს, არც ესაა ჩვეულებრივი ფორმით გადმოცემული. ქვაზე წერია: „ტ ნ ი შ“. პირველი ასო ასეულია ($\tau = 300$), მეორე — ათეული ($\delta = 50$), მესამეც ათეულია ($\iota = 10$) და მეოთხე — ერთეული ($\theta = 8$). პირდაპირი, ჩვეულებრივი ხერხით ეს ქორონიკონი არ წაკითხება. ამიტომ ჩვენ ვუშვებთ ერთადერთ ვარიანტს, რომ ოსტატს 60-ის აღსანიშნავად უნდა დაეწერა „ა“, მან კი დაეწერა „ნ“ და „ი“, რომელთა შეერთებაც გვაძლევს 60-ს. თუ ამ ვარიანტს მივიღებთ, მაშინ ყველაფერი წესრიგში იქნება — ქორონიკონს წავიკითხავთ როგორც 368, რასაც მიმატებული მოქცევის აღმნიშვნელი 1312, მივიღებთ 1680 წელს.

აქედან გამომდინარე. ეს კოშკი დეკანოზ ათანასე დეკანოზის ძეს აუგია 1680 წელს.

სხვა საბუთებში ათანასე დეკანოზიძე არაა მოხსენიებულნი⁵.

რაც შეეხება კოშკის სტილისტიკურ ანალოზს, უნდა აღინიშნოს, რომ კოშკი ტიპურია XVII ს-ის მეორე ნახევრისათვის. ამაზე უპირველეს ყოვლისა მეტყველებს სწორკუთხა გეგმა, ფორმის პირამიდალურობა. დამახასიათებელია ისიც, რომ კოშკი ზემოთკენ მცირედ ვიწროვდება და სართულშუა

³ P. Шмерлинг, В. Долидзе, Т. Барнавели, Окрестности Тбилиси, Архитектурный путеводитель, Тб., 1960, გვ. 38. ციხედიდის ეს პატარა ანსამბლი პირველად ამ ავტორებმა შეიტანეს ლიტერატურაში და მოცემული აქვთ ზხამკელევისათვის საჭირო სათანადო მასალა. †

⁴ ეს წარწერა ბუნებრივად იყო დაფარული და ზემოდასახელებულ ავტორებს ვერ შეუღწნევიათ. იგი პირველად ქვეყნდება.

⁵ საერაუღოა, ეს მხარე — ძეგვი, ნიჩბისი და მათი მიდამოები თუ შიომღვიმის მონასტრის გუთენოდა, ათანასეც შიომღვიმის დეკანოზი ყოფილიყო.



გადახურვა ხისაა. ასევე დამახასიათებელია (რამდენიმე გამონაკლისს გარდა)⁴ სათოფეთა სიმცირე და ცალმაგ ფორმათა სიჭარბეც იმავე ეპოქაზე მიუთითებს⁵. თვით კოშკის აგების ტექნიკა და ფასადების შემოსვაც იმავე პერიოდში ჰპოვებს ანალოგიებს.

ცალკე მდგარი კოშკისათვის დამახასიათებელი არ არის პირველ სართულზე კარი, მაგრამ არ არის გამორიცხული, რომ კოშკს და მის გვერდებზე მდგარ ნაგებობებს საერთო გალავანი ჰქონოდათ. მართალია, ამჟამად გალავნის კვალი არა ჩანს, მაგრამ შესაძლოა ისიც ისევე დანგრეულიყო და ქვები გაეზიდათ, როგორც ეს მოხდა სხვა ნაგებობების მიმართ.

ციხედიდის ნასახლარის საკულტო უბანი, როგორც აღვნიშნეთ, იქვეა ჩრდილოეთით ასიოდე მეტრზე (სურ. 1). აქ ადრე მდგარი სამი ნაგებობიდან ორი ეკლესიაა და ერთი სამრეკლო. ერთი ეკლესია ისეა დაქვევული, რომ გეგმის აღდგენაც კი არ ხერხდება⁷, ხოლო მეორე ეკლესია დგას ნაწილობრივ გადაკეთებული. სამრეკლო კი სანახევროდ დანგრეულია.

უკეთ შერჩენილი ეკლესია წმ. მარიაშის სახელობისაა. იგი საშუალო ზომის ერთნაიანი ნაგებობას წარმოადგენს (სურ. 5). მას შესასვლელი მხოლოდ სამხრეთიდან აქვს (ამჟამად შესასვლელის წინ კარიბჭისმაგვარი ფარდულია მიშენებული. იგი ამ საუკუნის დასაწყისშია გაკეთებული და უბრალოა). შიგნით ეკლესიის დარბაზის კამარა შუაზე საბჯენ თაღს ეყრდნობა. ღრმა აფსიდის კონქით მთავრდება. აფსიდის გვერდებზე თითო მოზრდილი ნიშია. განათებისათვის თითო სარკმელი განლაგებულია აღმოსავლეთით, დასავლეთით და სამხრეთით. ეკლესიის შიდა კედლები ისე სქლადაა შელესილი და შეთეთრებული, რომ არავითარი დეტალი არ ჩანს.

ეკლესიის ფასადები ნაგებია ფლეთილი ქვით, სადაც ურევია ზედაპირმოსწორებული ქვებიც. კარნიში და გადახურვა არ შერჩენილა. ფასადები მორთული, ალბათ, თავდაპირველადაც არ იქნებოდა.

სამრეკლო ეკლესიიდან ჩრდილო-დასავლეთით ოციოდე მეტრზე დგას (სურ. 1). მისგან ამჟამად დარჩენილია მხოლოდ ქვედა სართული, ხოლო ზედა სართული გადანგრეულია⁸ და ნანგრევები იქვე ყრია.

სამრეკლო ორსართულიანი პატარა ნაგებობაა და ისეთია, როგორც შეეფერება ამ ანსამბლს. პირველი სართულის კუბური მასა, ეკლესიის მსგავსად, ნაგებია ფლეთილი ქვით, საკმაოდ წესიერი წყობით (სურ. 6), როგორც ჩვეულებრივ ეს სხვა სამრეკლოებშიც ხდება, აქაც პირველი სართული ჭიშკარს წარმოადგენს. მასში მოწყობილია სწორკუთხა გასასვლელი. მართალია, ახლა არ ჩანს გალავანი, მაგრამ თავდაპირველად იგი ეკლესიასთან ერთად იქნებოდა შემოფარგლული.

სამრეკლოს ფანჩატური ექვს სვეტზე დაყრდნობილი თაღდითაა შემოფარგლული. სვეტები თითო ქვისგანაა გამოთლილი და ზედგვა კაპიტელი და ბაზაც. ქვის მთელს ყველაფერი ეს ისე უფორმოდ აქვს გამოკვეთილი, რომ ნახევარფაბრიკატი გეგონებათ. ოსტატი ვერ ყოფილა თავის სიმძლავრეზე, თო-

⁴ П. Закарая, Древние крепости Грузии, Тб., 1969, გვ. 207—209, სურ. 78.

⁷ კედლებისა და სახურავის ქვები ერთმანეთზე დახეივებული. ამიტომ გაწმენდის შემდეგ გეგმის აღდგენა შესაძლებელი იქნება. ამ ეკლესიის გალავნის ნაშთი თითქმის სიგრძის ერთ მესამედზეა დარჩენილი.

⁸ სამრეკლოს ნახაზზე მეორე სართული აღდგენილია იქვე ნანგრევებში მდებარე ექვსივე სვეტით და ძველი სურათით (სამრეკლოს ფანჩატური დანგრეულა ამ ათიოდე წლის წინათ).

რემ სხვა მხრივ, თუ შეიძლება ითქვას, ყველაფერი რიგზეა. ფანჩატური საერთო გადაწყვეტით თავისი ეპოქის ღვიძლია.

შედარებისათვის შეიძლება მოვიყვანოთ იმავე ეპოქის ორი ძეგლი — თბილისის ანჩისხატის სამრეკლო და ანანურის ანსამბლში შემავალი სამრეკლო. პირველი მათგანი აგებულია 1675 წ.⁹, ხოლო მეორე — 1689 წ.¹⁰ განსახილველი ობიექტი, ციხედიდის სამრეკლო კი აგებულია მათ შორის — 1680 წ.

ანჩისხატის სამრეკლო წარმოადგენს სამსართულიან პირველხარისხოვან ნაგებობას, ანანურის სამრეკლო კი ადრე აგებული ეკლესიის ბანზეა დადგმული. ამიტომ ჩვენ შესადარებლად გამოგვადგება მხოლოდ ზარების დასაკიდად განკუთვნილი ფანჩატურები. ორივე შემთხვევაში ფანჩატურის თაღები რვა სვეტზეა დაყრდნობილი. ციხედიდში კი ფანჩატურის პატარა ზომის გამო სვეტების რაოდენობა ექვსია. თაღების მოხაზულობა ანჩისხატში და ციხედიდში შეისრულია, ხოლო ანანურში — ნახევარწრიული. როგორც ცნობილია, XVII ს-ის მეორე ნახევარში ორივე ფორმა იხმარებოდა. სამივე შემთხვევაში ქვის სვეტები კაპიტულებითა და ბაზისებით მთავრდება, მაგრამ დიდი განსხვავებაა შესრულების ტექნიკაში. ცხადა, ამაში კარგად ჩანს ოსტატების შესაძლებლობანი, მათი შემოქმედებითი ვაჟანება.

ეს პატარა ნასახლარი, ყველა თავისი ნიშნით, დამახასიათებელია გვიანი შუასაუკუნეების აღმოსავლეთ საქართველოსათვის. სამწუხაროდ, ეს ნასახლარი ისტორიულ წყაროებში არ არის მოხსენიებული¹¹. მასზე მხოლოდ ის ვიცით, რასაც გვიყვება კოშკზე არსებული წარწერა და თვით ძეგლები.

⁹ Г. Н. Чубинашвили, Иранские влияния, т. 1, тб., 1970, გვ. 312—314, ტაბ. 139, 140.

¹⁰ პ. ზ ა ქ ა რ ა ი ა, ანანურის ზეოთმოძღვრული ანსამბლი, თბ., 1953, გვ. 104—107, სურ. 67, 68, ტაბ. 32.

¹¹ ისტორიულ წყაროებში ციხედიდი იხსენიება, მაგრამ ესაა ანტიკური და მომდევნო ხანის დასახლება, რომელიც მდებარეობდა უფრო ქვემოთ, ზეობის დასაწყისში. მატინეების ფურცლებზე ზშირად გვხვდება, აგრეთვე, ციხედიდის ზეობა, მაგრამ, კერძოდ, დეკანოზიძეების დასახლებაზე არაფერია თქმული.

წარმოადგინა ს. ჯანაშიას სახ. საქართველოს სახელმწიფო მუზეუმის
 შუა საუკუნეების არქეოლოგიის განყოფილებამ

მარინა მიწიშვილი

მოქიქული კერამიკის განვითარების ძირითადი ეტაპები შუა საუკუნეების საქართველოში

თიხის ჭურჭლის გაჩენა კაცობრიობის ისტორიაში ერთ-ერთი დიდმნიშვნელოვანი ფაქტორი იყო. ამ დროიდან (ნეოლითის ხანა) მოყოლებული იგი აღამიანის პირველმოხმარების საგანი ხდება და თან ახლავს მას კულტურის განვითარების ყველა ეტაპზე. ამიტომ თიხის ჭურჭელი წარმოადგენს მატერიალური კულტურის ერთ-ერთ მეტყველ ძეგლს, რომლის მეშვეობითაც მეცნიერები აღადგენენ ხოლმე ამა თუ იმ ხანის წარმოების ხასიათს, ორგანიზაციას და საერთოდ საზოგადოების განვითარების ეკონომიურ დონეს.

სადა თიხის ჭურჭლის გვერდით გარკვეული დროიდან ჩნდება მოქიქული ჭურჭელი თუ სამკაული. ჭიქურით დაფარული ჭურჭელი წყალგაუმტარია, ჭიმბურად გამძლე და ლამაზია.

მოქიქული ჭურჭლის უძველესი ნიმუშები აღმოჩენილია ეგვიპტეში (V—IV ათასწლეულში)¹, მესოპოტამიაში (IX—VII სს.), ჩინეთში (ძვ. წ. 206 — ახ. წ. 220 წწ.), შუა აზიაში (ანტიკურ ფენებში)² და სხვ.

ამიერკავკასიაში მოქიქული ჭურჭლის უძველესი ნიმუშები აღმოჩენილია აზერბაიჯანსა (ნოვოასტრახანსკაიაზე ახ. წ. I—III სს., მინგეჩაურში ახ. წ. I ს.)³ და საქართველოში (მცხეთა-სამთავროში ძვ. წ. XI—IX სს.)⁴, არმაზისხევში ახ. წ. III ს.⁵, თრიალეთში ახ. წ. I ს.⁶, ურბნისში ახ. წ. IV ს.)⁷, სომხეთში კი მათი არსებობა არსად არაა აღნიშნული.

როგორც ჩანს, საქართველოში აღმოჩენილი მოქიქული ჭურჭლის ადრეული ნიმუშები დროის გარკვეულ შუალედებში ჩნდება. ისინი უმრავლეს შემთხვევაში სამარხებში გვხვდება, მათ რომ ადგილობრივად ამზადდებდნენ ამას ასაბუთებს არმაზისხევში აღმოჩენილი წუნდებული ჭურჭელი.

სადღეისოდ არსებული მასალების მიხედვით ძვ. წ. XI—IX საუკუნეებიდან ვიდრე ახ. წ. IV საუკუნემდე, საქართველოში მოქიქული ჭურჭელი ჩანს მზადდებოდა იშვიათად, როგორც ძვირფასი სამკაულის სწორი ნივთი.

¹ А. Лукас, Материалы и ремесленные производства древнего Египта, М., 1953, гл. 252.

² М. Ахраров, К истории появления поливной керамики в Средней Азии, История материальной культуры Узбекистана, вып. 6, Ташкент, 1965, гл. 147.

³ Н. Наджафова, Художественная керамика Азербайджана, Баку, 1964, гл. 5.

⁴ რ. აბრამიშვილი, სამთავროს სამაროვანზე აღმოჩენილი ბრინჯაოს და რყინის ათვისების ხანის ძეგლის დათარიღებისათვის, სსმმ, ტ. XIX—XXI, 1952, გვ. 135—136.

⁵ ა. აფაქიძე, გ. გობეჯიშვილი, აღ. კალანდაძე, გ. ლომთათიძე, მცხეთა 1, თბ., 1955, გვ. 98—100.

⁶ Б. Куфтин, Археологические раскопки в Трიაleti, Тб., 1941, гл. 52, гл. 20.

⁷ ლ. ქილაშვილი, ნაქლაქარი ურბნისი, თბ., 1964, გვ. 79, სურ. 31.

სულ სხვა ვითარებაა შუა საუკუნეებში, როდესაც მოჭიქული კერამიკის ამიერკავკასიისა და აღმოსავლეთის ქვეყნების მოსახლეობის აუცილებელი საყოფაცხოვრებო საგანი ხდება.

1936 წლიდან ვიდრე დღემდე საქართველოში არქეოლოგიურად შესწავლილ იქნა ფეოდალური ხანის სხვადასხვა ხასიათის მრავალი ძეგლი: ნაქალაქარი, ნასოფლარი, ნაციხარი, ნამოსახლარი, კერამიკული სახელოსნო და სხვ. დასახლებულ ადგილებში მოპოვებული მასალის ერთ-ერთ დიდ ნაწილს მოჭიქული ჭურჭელი წარმოადგენს. მათში ძირითადად გამოიყო ადრე (IX—X)⁸, შუა (XI—XII, XII—XIII, XIII სს. პირველი ნახევარი)⁹ და გვიანშუასაუკუნეების მოჭიქული ჭურჭელი.

IX—X საუკუნეების მოჭიქული ჭურჭელი კარგი ხარისხისაა, უმრავლესობას ჯამები წარმოადგენს. მათ დაბალი, ბორბლისებური ქუსლი და ბრტყელი ძირი აქვთ, ორნამენტი მეტ შემთხვევაში გამოიყვანება ფუნჯით, სხვა სახის ჭურჭელი მცირეა და ზომით პატარა.

IX—X საუკუნეების ჭურჭელი დადასტურებულია ადრეფეოდალური ხანის ქალაქებში — დმანისში, უჯარმაში, რუსთავში, თბილისში და სხვ. ეს ქალაქები შემდეგშიც განაგრძობენ არსებობას, მაგრამ სხვადასხვა მნიშვნელობით.

მოჭიქული ჭურჭელი რომ IX—X საუკუნეებამდე არ მზადდებოდა, ეს კარგად ჩანს ნაქალაქარ ურბნისის გათხრებიდან. ადრეფეოდალური ხანის ქალაქი ურბნისი არსებობას სწყვეტს არაბთა შემოსევის შედეგად, VIII ს-ის პირველ ნახევარში. აქ წარმოებული გათხრების დროს მოჭიქული ჭურჭელი არ აღმოჩენილა¹⁰.

ანალოგიური ვითარება დადასტურებულია შუა აზიის ქალაქ პენჯიკენტში (V—VIII სს. ძეგლი), სადაც მოჭიქული კერამიკის არცერთი ნატეხი არ არის აღმოჩენილი¹¹.

ასევე არა ჩანს მოჭიქული ჭურჭელი დვინის (სომხეთი) V—VIII საუკუნეების მასალებში¹².

ყოველივე ეს იმაზე მიუთითებს, რომ მოჭიქული კერამიკის წარმოება VIII საუკუნემდე არ არსებობდა.

IX—X საუკუნეების მოჭიქული ჭურჭელი აღმოჩენილია — სომხეთში (ზვარტნოცი, დვინი, ანბერდი), აზერბაიჯანში (ორენ-ყალა, განჯა, კაბალა, ბაქო), შუა აზიაში (სამარყანდი, მერვი, სოგდა, აფრასიაბი), ირანში (ქაშანი, რეი), ეგვიპტეში (ფოსტატი, ქაირო), სირიაში (რაკკა), ინდოეთში (ბარაბანაბადი), ბიზანტიაში (კონსტანტინოპოლი) და სხვა.

აღნიშნულ ქვეყნებში არქეოლოგიური თხრით მოპოვებული მოჭიქული ჭურჭელი ზოგადად ერთმანეთის მსგავსის (დამუშავების ხასიათით, საერთო

⁸ მ. მ. ი. შ. ვ. ი. ლ. ი., IX—X საუკუნეების ქართული მოჭიქული კერამიკა, მაინე, 1967, № 2, გვ. 285.

⁹ მ. მ. ი. შ. ვ. ი. ლ. ი., მოჭიქული კერამიკა ძველ საქართველოში (IX—XIII სს.), თბ., 1969, გვ. 21—50.

¹⁰ ლ. ჭ. ი. ლ. ა. შ. ვ. ი. ლ. ი., ნაქალაქარი ურბნისი, თბ., 1964, გვ. 169.

¹¹ Э. В. Са й к о, История технологии керамического ремесла Средней Азии VIII—XII вв., Душанбе, 1966, გვ. 22, 30.

¹² А. К а л а н т а р и н, Материальная культура Двини — VIII в., Автореферат, Ереван, 1966.



სტილით), რაც მათ ერთობლიობას ასაბუთებს, ერთმანეთში მეტ მსგავსებას იჩენს ამიერკავკასიისა და აღმოსავლეთის ქვეყნებში აღმოჩენილი მოჭიქული ჭურჭელი, რომელთაგან მკვეთრად განსხვავებულია (ყეცისა და ორნამენტის მხრივ) დასავლეთისა (ბიზანტიური).

ამრიგად, როგორც ჩანს, მოჭიქული ჭურჭლის ხელოსნური წარმოება ამიერკავკასიაში, აღმოსავლეთისა და დასავლეთის მთელ რიგ ქვეყნებში, თითქმის ყველგან ერთდროულად, IX საუკუნიდან ისახება.

რას უნდა გამოეწვია, ამ ქვეყნებში მოჭიქული კერამიკის ერთდროული აღიარება და გავრცელება.

ვინაიდან ხელოსნური წარმოება დაკავშირებულია ქვეყნის ეკონომიურ და კულტურულ განვითარებასთან, ამიტომ მისი განვითარების საწყისებიც სწორედ აქ უნდა ვეძიოთ:

ცნობილია, რომ VII—VIII საუკუნეებში არაბებს გაბატონებული მდგომარეობა ეკავათ მთელ მახლობელ აღმოსავლეთში, რამაც გარკვეული დროით შეაფერხა მათ მიერ დაპყრობილი ქვეყნების ეკონომიური და კულტურული განვითარება¹³. ბუნებრივია ასეთ ვითარებაში ხელოსნობა ვერ განვითარდებოდა. მაგრამ, მაშინ როცა ბოლო მოეღო არაბთა ბატონობას (IX ს.) და მათ მიერ დაპყრობილი ქვეყნები დამოუკიდებელ სახელმწიფოებად, საამიროებად, სამთავროებად იქცნენ, სწორედ ამ დროს, როგორც ჩანს, იქმნება ყველა პირობა მათი ეკონომიური და კულტურული განვითარებისათვის.

ამიტომ არის, რომ IX—X საუკუნეებში მთელი მახლობელი აღმოსავლეთის მასშტაბით შეინიშნება დიდი ეკონომიური აღმავლობა. ე. ი. IX—X საუკუნეების საქართველოში, სომხეთში, აზერბაიჯანში, ირანში, შუა აზიაში და სხვ. მიმდინარებდა ერთობლივი ისტორიული პროცესი, რამაც საწარმოო ძალთა ახალი განვითარებისათვის ერთნაირი პირობები შექმნა.

ეკონომიურმა აღმავლობამ ხელი შეუწყო ხელოსნობის სხვადასხვა დარგების და სახელდობრ, მეთუნეობის (მოჭიქული კერამიკის) განვითარებასაც. ხოლო მისი ერთდროული (IX—X სს.) გავრცელება სხვადასხვა ქვეყნებში (ირანი, შუა აზია, ამიერკავკასია და სხვ.) იმ მჭიდრო ეკონომიური კავშირის შედეგი იყო, რომელიც აღმოსავლეთის ქვეყნებს შორის ჯერ კიდევ არაბების ბატონობის ხანაში არსებობდა.

ცნობილია, რომ არაბთა მიერ დაპყრობილ ქვეყნებში შეიჭრა მათი რელიგია ისლამი და წმინდა წიგნი ყურანი. ვინაიდან ყურანის ერთ-ერთი სურა კრძალავდა ძვირფასი ლითონის ჭურჭლის ხმარებას, ამიტომ თითქმის ყველა მკვლევარი (ფ. ზარზე, ა. პოპი, ა. კუბე, ე. კვერფელტი და სხვანი) მოჭიქული ჭურჭლის გაჩენას ამ გარემოებას უკავშირებს.

შესაძლებელია ყურანს გარკვეული წვლილი მიუძღვის მოჭიქული ჭურჭლის გაჩენასა და გავრცელებაში, რომელიც ლითონის ჭურჭელს გარეგნულად (თავისი ბზინვარებით) მაინც ემსგავსებოდა. მაგრამ ჩვენი აზრით მოჭიქული ჭურჭლის მასობრივად გაჩენის ერთ-ერთი მთავარი მიზეზი მის ტექნიკურ-გამოყენებით ხასიათში (პრაქტიკული, იაფი, ლამაზი) უნდა ვეძიოთ.

ამრიგად, მოჭიქული კერამიკის წარმოება იწყება IX საუკუნიდან, რაც განპირობებული იყო საქალაქო მეურნეობის აღმავლობითა და საზოგადოების

¹³ ე. გაბაშვილი, ნარკვევები მახლობელი აღმოსავლეთის ისტორიიდან, თბ., 1957, გვ. 57, გვ. 118.



მოთხოვნებით თანამედროვე ლამაზ და პრაქტიკულად გამოსაყენებელ ტურქულზე. ამ დროიდან იგი სწრაფად გავრცელდა და დამკვიდრდა აღმოსავლეთის ხალხთა ყოფაში. აქედან მოყოლებული მოქიქული ტურქლის წარმოება აღმავლობას განიცდის და უკვე XI—XIII საუკუნეებში განვითარების მაღალ საფეხურს აღწევს.

XI—XIII საუკუნეების მოქიქული ტურქელი სრულიად განსხვავებულია IX—X საუკუნეების ტურქლისაგან. კეციტ, ორნამენტის გამოყვანის ხერხით, ჭიქურით. თვით ტურქელთა ფორმებიც განსხვავებულია და მათთვის დამახასიათებელია შედარებით მსხვილმარცვლოვანი თიხა, ტურქელთა ზედაპირის ანგობით დაფარვა, ამოკაწვრის წესით ორნამენტის გამოყვანა. XI—XIII საუკუნეების მოქიქული ტურქელი შედარებით IX—X საუკუნეების ტურქელიან მეტად მრავალფეროვანია: ჯამები, ხელაღები, სასმისები, საწვანები, საყვავილები, ქვაბქოთნები, სამარილები, ჭრაქები, ქილები, კოტოშები და სხვ. თუ წინა ხანებში ტურქლის ერთფერად მოქიქვისას იყენებდნენ მხოლოდ მწვანე ჭიქურს, XI—XIII საუკუნეებში არის რამდენიმე ფერის (მწვანე, ცისფერი, ღვიძლისფერი, ლურჯი) ჭიქუროვანი საღებავი. ყოველგვარი ტურქლისათვის გამოიშთაებელია ორნამენტის გარკვეული სახეები. ზოგი მათგანი კი სრულიად სადაა — ჭრაქები, სამარილებების მეტი ნაწილი, ცილინდრული ქილები, კოტოშები და სხვ.

მოქიქული ტურქლის უმრავლესობას ამჯერადაც ჯამები წარმოადგენს, ყველა ერთი ფორმისა და თითქმის ერთი ზომისაა (საშუალო). თუ IX—X საუკუნეების ჯამებისათვის დამახასიათებელია კარგად გამოყვანილი ბორბლისებური ქუსლი, ბრტყელი ძირი, XI—XIII საუკუნეებში ქუსლის ფორმა მკვეთრად იცვლება, იგი გამოყვანილია, მაღალია (—1 სმ) და ამობურცული ძირი აქვს.

სავარაუდებელია, რომ ამ ხანებში დიდძალი მოქიქული ტურქლის დამზადება გამოიწვია ტურქელთა ფორმების გამარტივებამ, რაც ხელს უწყობდა მათ სწრაფ კეთებას. ხოლო, მასობრივი პროდუქციის დამზადებას უნდა გამოეწვია ის თვისობრივი განსხვავება, რაც არსებობდა IX—X და XI—XIII საუკუნეების მოქიქულ ტურქელს შორის.

XI—XIII საუკუნეების მოქიქული ტურქელი აღმოჩენილია დმანისში, გულარებში, უჯარმაში, რუსთავში, თბილისში და სხვ. ისინი ყველგან დიდი რაოდენობით გვხვდება, მათში გამოიყოფა ერთფერად (XI—XII სს.) და მრავალფერად (XII—XIII სს.) მოქიქული ტურქელი. ისინი სხვადასხვა ორნამენტული სახეებით (მარყუჟები, რგოლები, ოთხქიმიანი და ექვსქიმიანი ვარსკვლავები, ფრინველის, უფრო იშვიათად, ცხოველისა და ადამიანის გამოსახულებანი, მცენარეული და გეომეტრიული) არის შემკული. ეს ორნამენტები გვხვდება ქართული ხელოვნების სხვადასხვა (ხუროთმოძღვრება, ოქრომკვდლობა, ხელნაწერები, მონეტები და სხვ.) ძეგლებზე. ე. ი. მას ხელოვნების ამ დარგებიდან ბუნებრივად გაუკაფავს გზა გამოყენებითი ხელოვნების ისეთ დარგში, როგორც არის მხატვრული კერამიკა. როგორც ჩანს, ქართული კერამიკული ნაწარმი არ ჩამორჩებოდა სხვა უფრო დიდ დარგებს და კვალდაკვალ მისდევდა მათ.

კერამიკული სახელოსნოები ყველა დასახლებული პუნქტის აუცილებელი ატრიბუტი ხდება, დიდ ქალაქებში საგულისხმოა რამდენიმე კერამიკული სა-



ხელოსნოს არსებობაც კი. მოჭიქული ჭურჭლის რაოდენობა და ხარისხი იმდენზეა დამოკიდებული თუ რა საწარმოო ცენტრიდან მომდინარეობს მათი წარმოება. უფრო მნიშვნელოვანია ქალაქი მით უფრო უკეთესა და მეტ ჭურჭელს ამზადებს. ქალაქებისა და ხელოსნობის აღმავლობა ერთდროული და ერთმანეთზე დამოკიდებული პროცესი ჩანს¹⁴.

XI—XIII საუკუნეების კერამიკა ასევე აღმოჩენილია აზერბაიჯანში, სომხეთში, სპარსეთში, შუა აზიაში, რუსეთის ქალაქებში და სხვ. მიუხედავად მათი ზოგადი მსგავსებისა, ისინი მაინც თავისებურია, ვინაიდან ყოველი მათგანი საკუთარი ყოფით იკვებება.

მონღოლთა შემოსევების შედეგად ხელოსნობის ამ დარგის განვითარება ყველგან ერთდროულად, გარკვეული დროით წყდება.

მონღოლთა ბატონობის შემდეგი დროის მოჭიქული კერამიკა აღმოჩენილია სოხუმში (სოხუმისა და ბაგრატის ციხეებზე)¹⁵, ბათუმის ციხეზე, ციხის ძირში¹⁶, თბილისის ციხეზე¹⁷, გრემში¹⁸ და სხვ. აღნიშნული მასალა ჯერ შესწავლის პროცესშია. არც სომხეთსა და აზერბაიჯანში შეუსწავლიათ ისინი ჯერჯერობით. ჩვენ ხელთ არსებული (ბათუმის ციხე, ციხისძირი, თბილისის ციხე, და სხვ.) გვიან შუასაუკუნეების მოჭიქულ კერამიკაში ორი ძირითადი ჯგუფი გამოიყოფა.

პირველ ჯგუფში გაერთიანებულია მოჭიქული ჯამები შემკული: მკვეთრად ამოკაწრული ორნამენტით, ფერადი ნაღვენთებით და ანგობით მოხატულები. ისინი ანალოგიური მასალის მიხედვით XIV საუკუნით თარიღდებიან¹⁹. ეს ის დროა, როცა მონღოლთა ბატონობის დამხობის შემდეგ, ქვეყანა მცირე ხნით (თემურ ლენგის შემოსევამდე) მომძლავრდა. ამასთან დაკავშირებით ხელოსნობის სხვადასხვა დარგმაც იწყო გამოცოცხლება და მათ შორის მოჭიქული ჭურჭლის წარმოებაც აღდგა, რომელიც, როგორც ჩანს, ძველ ხერხებს (ანგობით მოხატვა, ნაღვენთებით შემკობა და სხვ.), ძველ ტრადიციებს აღადგენს. ე. ი. ხდება ძველის აღორძინება.

მეორე ჯგუფში გაერთიანებულია სრულიად განსხვავებული, ახალი ნიშნების მატარებელი მოჭიქული ჭურჭელი. უმრავლესობას ამჯერადაც ჯამები წარმოადგენს. მათთვის დამახასიათებელია ორმხრივ ანგობითა და ჭიქურით დაფარვა. მათ გამოყვანილი ბორბლისებური ქუსლი და ბრტყელი ძირი აქვთ. ორნამენტი გამოიყვანება ფუნჯით. ე. ი. ქრება შემკობის ძველი წესი (ამოკაწრა) და მას ცელის ფუნჯით მოხატვა.

მართალია, IX—X საუკუნეების მოჭიქულ ჭურჭელზე ორნამენტი ფუნჯით გამოჰყავდათ, მაგრამ იქ ვხედავდით აბსტრაქტულ სახეებს, რომლებიც ფერადი ნაღვენთებისაგან იყო შედგენილი. ამჯერად კი სრულიად განსხვავე-

¹⁴ IX—XIII საუკუნეების მოჭიქული კერამიკის შესახებ უფრო დაწვრილებით იხ. მ. მიწიშვილი, მოჭიქული ჭურჭელი ძველ საქართველოში (IX—XIII სს.), 1969, გვ. 31—59.

¹⁵ დაცულია აფხაზეთის სახელმწიფო მუზეუმის ფონდში.

¹⁶ ბათუმის ციხეზე და ციხისძირში მოპოვებული მოჭიქული ჭურჭლის ნაწილი შესასწავლად გადმოგვცა ი. გრემლიშვილმა 1967 წლის ზაფხულში.

¹⁷ მ. მიწიშვილი, თბილისის დედაციხეზე 1966, 1967, 1968 წლებში მოპოვებული მოჭიქული ჭურჭელი, ხელნაწერი.

¹⁸ П. П. Закарая, Л. А. Чилашвили, Раскопки города Грени, Тезисы докладов посвященных итогам арх. исследования в 1968 г. в СССР, М., 1969.

¹⁹ А. А. Якобсон, К изучению позднесредневекового Херсонеса, Херсонесский сборник, 1959, гв. 194, таб. XV; В. Ф. Гайдукевич, Боспорские города, Раскопки Мирмекия, 1935—38 гг., МИА, 25, гв. 138, სურ. 88.



ბული სურათი ჩანს, ფუნჯით გამოჰყავთ ფაქიზი და დახვეწილი მცენარეული სახეები, ისეთივე, როგორსაც ხელოსანი ფიანისის ჭურჭელზე ხედავს.

აღნიშნულ ჯგუფში გაერთიანებული კერამიკა ზოგადად XV—XVIII საუკუნეებს მიეკუთვნება. მათზე გამოსახული ორნამენტის შესწავლამ საშუალება მოგვცა ისინი ვიწრო ქრონოლოგიურ ჩარჩოებში მოგვეთავსებინა. როგორც დავინახეთ, საქართველოში მოქიქული კერამიკის წარმოება IX—X საუკუნიდან ვიდრე XVIII საუკუნეებამდე არსებობს. მაგრამ საინტერესოა ეს წარმოება როგორ ევოლუციას განიცდის ამ დროის განმავლობაში.

ჩვენი ვარაუდით, როგორც უკვე აღვნიშნეთ, მოქიქული კერამიკის წარმოება მაღალ განვითარებას აღწევს XI—XIII საუკუნეებში, ხოლო XV—XVII საუკუნეებში დაქვეითების გზით მიდის.

ხელოსნობის სხვადასხვა დარგებში, სახელდობრ, კერამიკულ წარმოებაში მომხდარი ცვლილებანი პირველ რიგში დაკავშირებულია ქვეყნის ეკონომიურ მდგომარეობასთან. თუ საქართველო IX—XIII საუკუნეებში არ ჩამორჩებოდა მეზობელსა თუ სხვა ქვეყნებს ხელოსნობის განვითარებით, ამჯერად იგი ვანხუა. საქართველოს მეტად რთული საგარეო და საშინაო პირობები აქვს. იგი გამუდმებულ ბრძოლებშია. ეკონომიურად და პოლიტიკურად დაუსტებელია. მას მხოლოდ მცირე პერიოდები აქვს მშვიდობიანი განვითარებისა. და სწორედ ამ დროს შეიძინევა ძველი დარგების აღორძინება და გახალისება. ამავე დროს ჩნდება ახალი სახის ჭურჭელი. ბუნებრივია, ძველზე მოთხოვნილება კლებულობს და მისი წარმოებაც მცირდება.

ეს ახალი სახის ჭურჭელი, რომელიც მასიურად ვრცელდება ყველა ქვეყანაში, არის ფიანისი.

ცნობილია, რომ XV საუკუნიდან შეინიშნება სწრაფევა, კარგი ხარისხისა და ლამაზი ჭურჭლის დამზადებისაკენ, რასაც სტიმულს აძლევს ჩინური „ლურჯი“ ფაიფურის გაჩენა²⁷. ყველა ქვეყნის ხელოსნები ცდილობენ ფაიფურის მსგავსი ჭურჭელი შექმნან. ვინაიდან ფიანისი უფრო ახლოს დგას ფაიფურთან, ამიტომ წინა პლანზე გამოდის ფიანისი. ამ დროს მისი წარმოებით გატაცებული არიან მთელი რიგი ქვეყნები. ამის შესანიშნავ ილუსტრაციას წარმოადგენს სახელმწიფო ერმიტაჟში გამოფენილი სხვადასხვა ქვეყნების (ჩინეთი, ირანი, თურქეთი, სირია, ერაყი, ეგვიპტე, იტალია, შუა აზია და სხვ.) ფიანისი.

ყოველი ქვეყნის ხელოსანი თავისებურ ფიანისის ნაწარმს ქმნის, ჩნდება მინაბაძებიც. ეს ახალი, კარგი ხარისხისა და ლამაზი ჭურჭელი გადის საერთაშორისო სარბიელზე. იგი ყველა ქვეყანაში ჩნდება, რასაც, ალბათ, ხელს უწყობდა მისი იაფობა, სიმრავლე და ქვეყნებს შორის მჭიდრო ეკონომიური და კულტურული კავშირები.

როგორც ჩანს, ჭურჭლის გაბატონებული სახე — ფიანისია. ამიტომ შეთენეები ცდილობენ მოქიქული ჭურჭელი მას მიახლოებონ (გარეგნულად მაინც). ეს არის საფუძველი იმისა, რომ XV—XVIII საუკუნეების მოქიქული ჭურჭელი იცვლის იერს, იძენს ახალ თვისებებს, ნიშნებს. ე. ი. ფიანისის გავლენით იცვლება მოქიქული ჭურჭლის გარეგნული სახე.

მართალია, იგი იცვლის გარეგნულ სახეს, მაგრამ როგორც ჩანს, თანამედროვე საზოგადოების სურვილებს ვერ აკმაყოფილებს, ფიანისის მაგი-

²⁷ Э. К. К в е ф е л ь д т, Керамика ближнего востока, Л., 1947, გვ. 104.

რობას ვერ წევს. ამიტომ მასზე მოთხოვნილება ნაკლებია და საფიქრებელია, რომ ამ გარემოებამ განაპირობა მოჭიქული კერამიკის წარმოების შემცირებაც: ამრიგად, ფაიანსის გავლენით იცვლება მოჭიქული ჭურჭლის გარეგნული სახე და მცირდება მისი წარმოებაც.

როგორც უკვე აღვნიშნეთ IX—X საუკუნეებიდან ვიდრე XVIII საუკუნემდე მოჭიქული კერამიკის წარმოება სხვადასხვა მასშტაბებისაა. სახელდობრ, IX საუკუნიდან ვიდრე XIII საუკუნემდე იგი აღმავალი გზით მიიმართება, რასაც განაპირობებდა ქვეყნის ეკონომიური აღმავლობა და სიძლიერე. XIII საუკუნის მეორე ნახევრიდან (მონღოლთა შემოსევიდან) ვიდრე XVIII საუკუნემდე მოჭიქული კერამიკის წარმოება დაქვეითების გზით მიდის. მცირდება წარმოების რაოდენობა და საწარმოოს მასშტაბები. რასაც აპირობებდა — ქვეყნის ეკონომიური და პოლიტიკური სისუსტე და ახალი, უკეთესი ხარისხის ჭურჭლის (ფაიანსი, ფაიფური) გაჩენა, რომელიც სდევნიდა ბაზრიდან მოჭიქულ ჭურჭელს.

ჩვენს ხელთ არსებული მოჭიქული კერამიკა საშუალებას გვაძლევს შუასაუკუნეების მეთუნეობის ამ დარგის განვითარების ისტორიაში სამი ძირითადი პერიოდი გამოვყოთ:

პირველ პერიოდად უნდა ჩაითვალოს IX—X საუკუნეები, როდესაც მოჭიქული ჭურჭელი თითო-ორჯოა კი არ არის, არამედ მას ვხედავთ, როგორც წარმოების შედეგს. მართალია, ჯერ წარმოება მცირე მასშტაბისაა, მაგრამ ამზადებს ყოველდღიურ მოსახმარის ჭურჭელს.

მეორე პერიოდი XI—XIII საუკუნეებზე მოდის, როცა მოჭიქული კერამიკის წარმოება ფართო ხასიათს ღებულობს. კერამიკული სახელოსნოები თითქმის ყველა დასახლებულ პუნქტის აუცილებელი ნაწილი ზდება.

XIV საუკუნე გარდამავალი ხანაა, როცა გარკვეული დროით ხდება ამ წარმოების აღორძინება.

მესამე პერიოდი XV—XVIII საუკუნეებია, როცა მოჭიქული კერამიკის წარმოების მასშტაბები მცირდება, იგი არსებობს, მაგრამ ინერციით, საერთაშორისო სარბიელიდან მას ფაიანსი სდევნის.

წარმოდგინა საქართველოს სსრ მეცნიერებათა აკადემიის
ივ. ჯავახიშვილის სახ. ისტორიის, არქეოლოგიისა
და ეთნოგრაფიის ინსტიტუტის შუა საუკუნეების
არქეოლოგიის განყოფილებამ

ლევან ზაზუნია

ხის საწნახელი

ყურძნის დაწურვა საქართველოში უმთავრესად მამა-პაპური წესით, ფეხით წარმოებს საგანგებო ჭურჭელში — საწნახელში. საწნახელი ვხვდებოდა ხის, ქვის და ქვიტკირის. ქვიტკირის საწნახელი განსაკუთრებით დამახასიათებელია ქართლ-კახეთისათვის. აქვეა გავრცელებული ხის საწნახელი, რომელიც არც თუ იშვიათად იმერელი ოსტატების მიერაა დამზადებული. დასავლეთ საქართველოში უმთავრესად ხის საწნახელი გამოიყენება, თუმცა აქა-იქ მთლიანი ქვისაგან (მონოლითისაგან) გათლილი საწნახლებიც დასტურდება.

ხის საწნახელი, ჩვეულებრივ, ცაცხვის (უფრო იშვიათად წაბლის, თელის და სხვ.) ხის გულამოდებულ და საგანგებოდ გათლილ მორს წარმოადგენს. საქართველოში იგი ნაირი სახელწოდებითაა ცნობილი: ნავი (ქართლ-კახეთი), საწნახელი (ქართლი, იმერეთი, გურია, რაჭა), ოჭინაზ (სამეგრელო), ხორგო (რაჭა-ლეჩხუმი), ხაპი (რაჭა).

ხის საწნახლის ტიპოლოგიური კლასიფიკაცია, რაც წინამდებარე სტატიაში ქვემოთ იქნება მოტანილი, ემყარება შემდეგ ნიშანთვისებებს: ა. საწნახლის მოყვანილობა, მისი ღრუს თავისებურება ბ. თავ-ბოლოს გამოყვანის თავისებურება და თავის შეკვრის წესი. გ. ტკბილის გამოსასვლელი ჭრილის და ბაქანის (ინდურის) თავისებურება.

მოყვანილობის მიხედვით ერთმანეთისაგან ვასხვავებთ საწნახლის გაკუთხულ, მრგვალ და ნახევრადგაკუთხულ სახეობებს. გაკუთხულ საწნახელს აქვს სწორად ბრტყლად გათლილი, ოდნავ დაქანებული (შიგნით შეწეული) გვერდები, რომლებიც „ძროსთან“ (ფსკერთან) მახვილ კუთხეებს ქმნიან. ამგვარი საწნახელი უფრო ხშირად ერთი მორიდანაა გამოთლილი: თავები, ანუ შუბლები თავისავე ხისა აქვს. თავებს მეტი სიმტკიცისათვის მუხის ან წაბლის უღლებს უკეთებენ. უღელი ხის ჩარჩოა, ზემოდან მოხრილი, გვერდებიდან კი სოლებით გამაგრებული.

მრგვალ საწნახელს გარედან მორის მოყვანილობა აქვს შერჩენილი და მისი ღრუც მომრგვალებულია. ამგვარი საწნახელი უფრო ხშირად „თავგამოყენებულია“ — ბოლოებში ჩასმული აქვს მთლიანი, ანდა 2—3 ნაწილისაგან შედგენილი თავები. იშვიათად ვხვდებით, აგრეთვე, მთლიანი ხისაგან გამოთლილ „თავგამოყენებულ“ მრგვალ საწნახელს.

თავგამოყენებული საწნახლები განსხვავდებიან ერთმანეთისაგან თავის და ბოლოს შეკვრის თავისებურებით. ცნობილია თავის შეკვრის, ანუ, როგორც იმერეთში ამბობენ, „თავის გაფსკვნის“ ორი ძირითადი წესი: თავის შიგნიდან გამოყენებისა და თავის ზემოდან ჩადგმისა. ამ ნიშნის მიხედვით შეიძლება გამოიყოს საწნახლის ორი სახეობა: 1. შიგნიდან თავგამოყენებული; 2. ზემოდან თავჩადგმული¹.

¹ იხ. მ. გ. გეგეშიძე, ხის იარაღ-ჭურჭელი დასავლეთ საქართველოდან, სსმმ, ტ. XIX—B, 1956, გვ. 115—136.

შიგნიდან თავგამოყენებული საწნახელი დამოწმებულია გურიაში, სადაც ის ცნობილია „თავგამოდებული“, აგრეთვე, „როგოგამოყენებული“ საწნახლის სახელით. როგოგამოყენებულ საწნახელს წინა ნაწილი, ე. წ. როგო, შიგნიდან აქვს მორგებული საგანგებოდ გაკეთებულ საფეხურის მაგვარ ამონაჭერზე. როგოს გასამაგრებლად მის ნაპირებს ტუბილში აზელილი ნაცრით ლესავენ. ზოგჯერ მიმართავენ კანაფის მეშვეობით როგოს დამატებით გამაგრების ხერხს. როგოს შუა ადგილას გახვრეტენ და კანაფს გაუყრიან. კანაფის ერთ ბოლოზე მოაბამენ ჩხირს, რომელიც შიგნიდან არის გამოდებული როგოზე, კანაფის მეორე ბოლოზე გამობმულია ჯოხი, რომელაც გარედან ებჯინება საწნახელს².

ზემოდან თავჩადგმული საწნახლის ბოლოები, ჩვეულებრივ, სამი ნაწილისაგანაა შედგენილი. ორი ნაპირის ფიცარია, ნახევარწრისებური ფორმისა, დასავლეთ საქართველოში ფალანგებად წოდებული, მესამე კი — მათ შორის ჩაჭედვითი ვიწრო სოლისებური საქეჩი ანუ „შუნა საფსკრაი“. აღმოსავლეთ საქართველოში სატიხრავ ფიცრებს სართაულები ეწოდება³. შუბლები გარედან ვიწრო ლატანით (ხმალა) მაგრდება. „საფსკრაი“ რომ არ მოიყვას, მჭიდროდ იჯდეს საწნახლის თავსა და ბოლოში, მას კარგად გამოშრალი ხისაგან აკეთებენ. ამისათვის გამოიყენება ცაცხვის ხე (იმერეთი, რაჭა), აგრეთვე წაბლი (სამეგრელო).

გაკუთხული საწნახელი გავრცელებულია ქართლ-კახეთსა და ზემო იმერეთში. მრგვალი საწნახლის ინტენსიური გავრცელების არეალი მოიცავს გურია-სამეგრელოს, რაჭა-ლეჩხუმს და ქვემო იმერეთს. სადემარკაციო ხაზი მათ შორის შუა იმერეთზე გადის. ამასთან აღსანიშნავია, რომ თითოეული ამ ტიპის გავრცელების არეში ალაგ-ალაგ შეინიშნება მეორე ტიპის სპორადული გავრცელება: სახელდობრ: მრგვალი საწნახლისა — უპირატესად იმერეთის მოსაზღვრე შიდა ქართლის დასავლეთ რაიონებში, ხოლო გაკუთხული საწნახლისა — დასავლეთ საქართველოს სამხრეთ ნაწილში (მაიაკოვსკის, ვანის რაიონები, გურია). უფრო ფართო მასშტაბით კი ამ ტიპების თანაარსებობას ადგილი აქვს ამ ძირითად არეალებს შორის მდებარე შუალედ ზოლში (შუა იმერეთი). ეს ზოლი წარმოადგენს ორა მარტო ამ ორი ტიპის შეხვედრის ადგილს, არამედ, აგრეთვე, ნახევრადგაკუთხული ე. წ. „ნაშურიანი“ საწნახლის გავრცელების რაიონსაც. ნაშურიანი საწნახელი ერთგვარი ჰიბრიდული ფორმაა, რომელსაც ირივე ტიპისათვის დამახასიათებელი ნიშნები გააჩნია: მისი კედლის ზედა ნაწილი ბრტყლად არის გათლილი, გაკუთხულია, ქვედა ნაწილი კი მრგვლად არის დატოვებული⁴.

ნახევრადგაკუთხული საწნახელი ჩვეულებრივ მაშინ ითლება, როდესაც სასაწნახლე ხე პატარაა და მისი მოცულობის მაქსიმალურად გამოყენებით არიან დაინტერესებული. იმერელი მთხრობლებისაგან ხშირად გავვიგონია: „ხე პატარა იყო და საწნახელს ნაშური⁵ შეჰყვია, ნაშურიანი გავთაღეთო“. საქ-

2 მ. გ. გ. შ. ი. ძ. დ., დასახ. ნაშრომი, იქვე.

3 ა. ლეკიაშვილი, მეღვინეობა კახეთში, მასალები საქართველოს ეთნოგრაფიისათვის, XI, 1960, გვ. 66.

4 ნაშურიანი საწნახლის აღწერილობას არ შეხვედრივართ ლიტერატურულ წყაროებსა თუ საარქივო მასალებში, არც დიალექტიკურ ლექსიკონებში იმებნება ხსენებული ტერმინი.

5 მთხრობლის განმარტებით, „საწნახლის გვერდი სისწორეში რომ არ არის გამოხული, ცოტა ურჩება გამოყენებამათვის, — ნაშური იმას ქვია“.

მე ის არის, რომ ხის მორის გარედან გათლისას, გაკუთხვისას საწნახლის ღრუს მოცულობა, მისი ტევადობა საგრძნობლად მცირდება. გაკუთხულისაგან სხვაგვებით მრგვალი საწნახელი იძლევა ხის მოცულობის მაქსიმალურად გამოყენების შესაძლებლობას. ამ თვალსაზრისით თუ შევადვსებთ მას, მორში ამოპობილი ჭურჭლისათვის მისი კონსტრუქცია, შეიძლება ითქვას, ოპტიმალურია. მთხრობლები აღნიშნავენ, რომ შედარებით მცირე ზომის ხისაგან შეიძლება გაითალოს მრგვალი საწნახელი, რომელიც საწნახლის ზომის მინიმალურ სტანდარტს პასუხობს, მაგრამ ამავე ზომის ხისაგან ვერ გაითლება გაკუთხული საწნახელი. გაკუთხული საწნახლის ზემოაღნიშნული ნაკლი დაძლეულია, აგრეთვე, ნაშურიან საწნახელში, რომელსაც შენარჩუნებული აქვს მრგვალი საწნახლის არსებითი ნიშანი: მისი ღრუ თითქმის სავსებით მომრგვალებულია, მრგვალსაწნახლისებურია; ზედა ნაწილის გაკუთხვა არ ახდენს არსებით გავლენას მის ტევადობაზე. ამაშია ნაშურიანი საწნახლის უპირატესობა გაკუთხულ საწნახელთან შედარებით.

შეიძლება დავსვათ კითხვა, თუკი მთელი საწნახლის მოცულობის გაზრდითაა დაინტერესებული, რატომ არ უტოვებს იგი ხეს სავსებით მორისებურ ფორმას, როგორც ეს კეთდება სამეცერელოში ან ქვემო იმერეთის რიგ რაიონებში?

ნახევრადგაკუთხული საწნახლის არსებობა ბუნებრივი ჩანს იქ, სადაც გაკუთხვის წესს მისდევენ ან მას რაიმე მიზეზის გამო უპირატესობას ანიჭებენ. მაგალითად, ზემოიმერელ მთხრობელთა შეხედულებით, „შნოვება სწორედ გაკუთხულ საწნახელს აქვს“. მრგვალი საწნახელი, მათივე დახასიათებით, „გვამიანია დიდი, მაგრამ უშნოა“. მთელს, რომელიც ცდილობს მორს ბრტყლად გათლილი იერი მისცეს, რამდენადაც ამის საშუალებას მისი ზომა იძლევა, ცხადია, ერთგვარ სახელმძღვანელო ნიმუშად გაკუთხული საწნახელი აქვს აღებული. ასე რომ არ ყოფილიყო, ის მრგვალ საწნახელს გათლიდა და საწნახლის ტევადობის პრობლემასაც იოლად გადაჭრიდა.

აღსანიშნავია, რომ საქართველოში გავრცელებული საწნახლის ტიპები (მრგვალი და გაკუთხული) გარკვეულ კავშირს ამკლავებენ ღვინის ადგილობრივ ტექნოლოგიასთან. მთხრობლები მიუთითებენ, რომ ეიწროპირიანი, მორის მოყვანილობაზე დატოვებული და შიგნიდან მომრგვალებული საწნახელი კარგადაა მომარჯვებული ღვინის დასადუღებლად. („საწურად გაკუთხული ჯობს, სადულრად კი მრგვალი“). დასავლეთ საქართველოს კუთხეებში (გურია-სამეგრელო, რაჭა-ლეჩხუმი, ქვემო იმერეთი) იგი ასრულებს არა მარტო ყურძნის დასაწური, არამედ, აგრეთვე, ღვინის დასადუღებელი ჭურჭლის დანიშნულებას⁶.

ხის საწნახლის მნიშვნელოვან მახასიათებელს წარმოადგენს ინდურისა და ტბილის გამოსასვლელი ჭრილის თავისებურება. ჩვენ გამოვყოფთ ინდური-სადინარის სამ ვარიანტს: ა. კახურს, ბ. ქართლურ-იმერულს (რაჭულ-ლეჩხუმურს), გ. გურულ-მეგრულს.

ა. კახური ნავის სადინარი წარმოადგენს ხის ან ტყავის მილს. მილი ჩასმულია ხერელში, რომელიც დატანებულია ნავის კედლის ძირში შუა ადგილას.

⁶ ლ. გაბუნია, ღვინის დაცემების ხალხური წესები იმერეთში, საქართველოს ეთნოგრაფიის საკითხები (კრებული), თბ., 1970, გვ. 112; ა. ლეკიაშვილი, საწნახელი, „ძველის შეგობარი“, 1968, № 16, გვ. 54.



თვით ნავს ფსკერზე გაკეთებული აქვს ღარები ტკბილის სადენად. ფიცრის ბაქანი აქვს დაკრული ყურძინიანი გოდრების დასადგმელად⁷. გარდა ბაქნიანი ნავებისა გვხვდება უბაქნო ნავები⁸.

ბ. სხვაგვარად აქვთ მოწყობილი ინდური და ტკბილის სადინარი ხერელი ქართლურ და იმერულ (რაჭულ-ლეჩხუმურ) საწნახლებს: ტკბილის გამოსასვლელი ჰრილი დატანებულია საწნახლის თავის ძირში; ხერელიდან გამოსული ტკბილი გადმოდის საწნახლის წინ წამოშვერილ ბაქანზე — ინდურზე, რომელიც შუაში დაღარულია ტკბილის სადენად.

გ. გურულ და მეგრულ საწნახლებს ინდური და ტკბილის გამოსასვლელი ხერელი ხშირ შემთხვევაში არა აქვთ.

მრგვალი და გაკუთხული საწნახლის ტიპები საქართველოს სხვადასხვა კუთხეში ინდურ-სადინარის სხვადასხვა ვარიანტს უკავშირდება: ვხვდებით გაკუთხულ საწნახელს კახურ ყაიდაზე მოწყობილი ინდურ-სადინარით, ქართლურ-იმერულ ყაიდაზე მოწყობილი ინდურ-სადინარით, უსადინარო გაკუთხულ საწნახელს (გურია); მრგვალ საწნახელს იმერულ ყაიდაზე მოწყობილი ინდურ-სადინარით (ქვემო იმერეთი, რაჭა-ლეჩხუმი); უსადინარო მრგვალ საწნახელს (იმერეთი, რაჭა, სამეგრელო). ამის საფუძველზე შეიძლება დავასკვნათ, რომ არ არსებობს კორელაცია საწნახლის მოყვანილობასა და ინდურ-სადინარის თავისებურებებს შორის. სამაგიეროდ შეიმჩნევა გარკვეული მიმართება ინდურ-სადინარის თავისებურებებსა და ტკბილის ფილტრაციის წესებს შორის. ინდურ-სადინარის თითოეულ ვარიანტს ტკბილის ფილტრაციის განსაზღვრული წესი შეესატყვისება: კახურ ნავეში, რომელსაც სადინარი გვერდზე აქვს დატანებული, ტკბილი ფილტრება საწნახლის სიგრძეზე ჰორიზონტალურად გადებული ლასტის ან საგანგებოდ დახერტილი ფიცრის — ტუპკირის მეშვეობით, რომელზედაც შლიან ჩადუნას, შალაფას ან ცოცხმაგარას⁹. იმერულ და რაჭულ საწნახლებში და ხშირ შემთხვევაში ქართლურ ნავეში, რომელთაც ტკბილის სადინარი ხერელი თავში აქვთ გაკეთებული, ფილტრაცია წარმოებს სადინართან მოთავსებული „ციცხვის“ (ღერწების კონა) დახმარებით; სამეგრელოში, სადაც უსადინარო საწნახლებია გავრცელებული, დამკვიდრებულია ტკბილის ფილტრაციის სრულიად განსხვავებული წესი: საწნახლის ბოლო ნაწილი ნედლი გვიმრით გადაიტხრება დაწურული ტკბილი საწნახლის დაბალ ნაწილში გროვდება (საწნახელი ოდნავ დაქანებით დგას ხის „ძეკვებზე“), საიდანაც ხირკეთი (ყელიანი გოგრისაგან დამზადებული ჭურჭელი) კოკაში გადაასხამენ, იქედან კი ლაგვანში გადაიტანენ.

ხის საწნახლის ტიპოლოგია საბოლოოდ შემდეგ სახეს იღებს: ჩვენ გამოვყოფთ 1. გაკუთხულ საწნახელს მისი სამი ვარიანტული სახესხვაობით: ა. კახური ნავე გვერდზე დატანებული სადინარით. ბ. ქართლურ-ზემოიმერული საწნახელი თავში დატანებული ხერელით. გ. გაკუთხული უსადინარო საწნახელი (ე. წ. ჭანური საწნახელი გურიაში). 2. ნახევრადგაკუთხულ ნაშურიან საწნახელს თავში დატანებული ხერელით. 3. მრგვალ საწნახელს შემდეგი ვარიან-

7 ა. ლეკიაშვილი, მედიცინობა კახეთში, მასალები საქართველოს ეთნოგრაფიისათვის, XI, 1960, გვ. 66; ყ. რუხაძე, ან. ლეკიაშვილი, ი. ჭყონია, სოფელი აყრა, თბ., 1954, გვ. 154.

8 ი. ნანობაშვილი, ვაზის ძველი კულტურა ქიზიყში, თბ., 1963, გვ. 120.

9 ყ. სონღლაშვილი, მედიცინობა კახეთში, მასალები საქართველოს ეთნოგრაფიისათვის, XI, 1960, გვ. 69.

ტული სახესხვაობებით: ა. თავგამოუყენებელი უსადინარო საწნახელი. ბ. თავგამოუყენებელი საწნახელი თავში დატანებული ხვრელით. გ. ზემოდან თავჩადგმული საწნახელი. დ. შიგნიდან თავგამოყენებულ (როგოგამოყენებულ) უსადინარო საწნახელი.

თუ ერთმანეთისაგან გეოგრაფიულად მაქსიმალურად დაშორებულ რეგიონებში, კახეთსა და გურია-სამეგრელოში გავრცელებულ საწნახლის ტიპებს ზემოგანხილული ნიშნების მიხედვით ერთმანეთს შევადარებთ, მათ შორის არსებით სხვაობას აღმოვაჩინებთ. კახური ნავი ხშირად გაკუთხულია, ტკბილის სადინარი ხვრელი გვერდზე აქვს დატანებული და ბაქანიც გვერდზე აქვს მოდგმული. ამასთან, ჩვეულებრივ, მთლიანი მორისაგან ითლება. გურია-სამეგრელოში გავრცელებული საწნახლები მრგვალია, თავგამოყენებელი, ტკბილის გამოსასვლელი ხვრელი და ინდური ხშირად სულაც არა აქვთ. თუ მხოლოდ გურით შემოვიფარგლებით, თავის შეკვრის სპეციფიკურ, მრგვალი საწნახლისათვის დამახასიათებელ წესსაც დავადასტურებთ. (როგოგამოყენებული საწნახელი). ნაწილობრივ განსხვავებულია სხენებულ კუთხეებში დამკვიდრებული საწნახლების ფუნქციაც — ყურძნის დაწურვა კახეთში, დაწურვა და ღვინის დადღეობა გურია-სამეგრელოში.

გავფართოოთ ჩვენ მიერ მოხაზული არეალები, ისე რომ მათ შორის წყალგამყოფი ხაზი შუა იმერეთზე გავიდეს ე. ი. დასავლეთის არეალში შევიყვანოთ რაჭა-ლეჩხუმი და ქვემო იმერეთი. ამ ზოლში აღმოვაჩინებთ მრგვალი საწნახლის სახეობას, რომელსაც ტკბილის სადინარი ხვრელი და ინდური თავში აქვს გაკეთებული, ხოლო აღმოსავლეთით, მის მომიჯნავე არეში (ზემო იმერეთი, ქართლი), გაკუთხული საწნახლის სახეობას, რომელსაც ინდური და ტკბილის გამოსასვლელი ჭრილი ზუსტად ასევე აქვს მოწყობილი.

მაშასადამე, ერთმანეთისაგან მაქსიმალურად დაშორებულ არეებში გვაქვს მრგვალი და გაკუთხული საწნახლის მაქსიმალურად განსხვავებული ვარიანტები, ხოლო მათ შორის მდებარე ვრცელ ტერიტორიაზე ამ ძირითადი ტიპების ისეთი სახესხვაობანი, რომლებიც, ინარჩუნებენ რა ზოგიერთ განმასხვავებელ ნიშანს, საერთო ნიშანთვისებებსაც ამჟღავნებენ. კერძოდ, ერთი მხრივ, მრგვალი საწნახლის იმ ძირითად ტიპს, რომელიც რაჭა-ლეჩხუმსა და ქვემო იმერეთშია გავრცელებული და მეორე მხრივ, გაკუთხული საწნახლის ტიპს, რომელსაც ზემო იმერეთში და ქართლში ვადასტურებთ, მიუხედავად არსებითი სხვაობისა (მოყვანილობა, ფუნქცია) აქვთ საერთო ნიშანი — თავთან გაკეთებული ინდური და თავშივე დატანებული ტკბილის გამოსასვლელი ხვრელი.

* * *

ხის საწნახელი ქართულ წერილობით ძეგლებში პირველად ნიკორწმინდის სიგელში (XI ს.) მოიხსენიება. უფრო ადრეული ხანის ძეგლებში ტერმინი საწნახელი აღნიშნავს როგორც ყურძნის დასაწურ ქურჭელს, ისე ზეთის გამოსალისაგან დამზადებულ საწნახელთან გვაქვს საქმე¹⁰. ბუნებრივია ვიფიქროთ, რომ საქართველოში, მევენახეობა-მეღვინეობის უძველესი ტრადიციების ქვეყანაში, რომელსაც ხე-ტყის მნიშვნელოვანი რესურსები გააჩნდა, ხის საწნა-

¹⁰ იხ. ჯავახიშვილი, მასალები საქართველოს ეკონომიური ისტორიისათვის, წ. 1, თბ., 1964, გვ. 27—28.

ხელი ადრეულ ხანაშივე იქნებოდა გამოყენებული. ამაზე მიუთითებს ისეთი არქეოლოგიური მარნების არსებობა, სადაც ნანახია დიდი ქვევრები, ხოლო ქვის საწნახლები აღმოჩენილი არ არის¹¹.

XIX საუკუნისა და უფრო ადრეული ხანის მონაცემების მიხედვით არამც თუ არ შეიძლება ხის საწნახლის ცალკეული ტიპების გავრცელების არეების თუნდაც მიახლოებით მოხაზვა, არამედ საერთოდ არ მოგვეპოვება საწნახლე-ზის ისეთი აღწერილობა, რომელიც მათი ტიპოლოგიის დადგენის საშუალებას მოგვცემდა.

თუ მივიღებთ, რომ ხის საწნახლის ტიპების გავრცელების აწინდელი სურათი რამდენადმე შეცვლილი სახით უფრო ადრეულ ვითარებას ასახავს, მაშინ მასზე დაყრდნობით შეიძლება წამოვაყენოთ ზოგიერთი ვარაუდი.

ჩვენი აზრით, მრგვალი საწნახელი შეიძლება დასავლეთ საქართველოსათვის, ხოლო გაკუთხული საწნახელი აღმოსავლეთ საქართველოსათვის დამახასიათებელ ელემენტად მივიჩნიოთ. მრგვალი საწნახლის გავრცელება აღმოსავლეთ საქართველოში უნდა იყოს შედარებით გვიანდელი მოვლენა. ამის სასარგებლოდ ლაპარაკობს აღმოსავლეთ საქართველოში მისი გავრცელების თავისებურება: შედარებით უფრო ხშირი — იმერეთის მოსაზღვრე ან მის მახლობელ რაიონებში (ხაშური, ქარელი) და უფრო იშვიათი — დასავლეთ საქართველოდან დაცილებულ რეგიონებში (ქართლის აღმოსავლეთი ნაწილი, კახეთი). შესაძლებელია, გაკუთხული საწნახლის გავრცელების ადრინდელ ერცელ რეგიონს, გარდა აღმოსავლეთ საქართველოსი, წარმოადგენს სამხრეთი საქართველო. უფრო თამამად ეს შეიძლება ვამტკიცოთ მესხეთის შესახებ, სადაც გაკუთხული საწნახელი ზოგ სოფელში ამჟამად არ წარმოადგენს დიდ იშვიათობას. მეტი სიფრთხილით ამგვარი ვარაუდი შეიძლება წამოვაყენოთ საქართველოს აწინდელ საზღვრებს მიღმა მდებარე ძველი ქართული პროვინციების მიმართ. ამის საფუძველს გვაძლევს: 1. გაკუთხული საწნახლის გავრცელება დასავლეთ საქართველოს მთელ სამხრეთ ზოლში (მაიაკოვსკის, ვანის რაიონები, ვურია). ბუნებრივია დაევშვათ, რომ ეს ზოლი კიდევ უფრო სამხრეთით მდებარე ისეთი რეგიონის გაგრძელებას წარმოადგენს, რომელიც ოდესღაც გაკუთხული საწნახლის ინტენსიური გავრცელებით ხასიათდებოდა. 2. ამაზე მიგვანიშნებს, აგრეთვე, ვურიაში დამოწმებული გაკუთხული უსადინარო საწნახლის ადგილობრივი სახელწოდება — ქანური საწნახელი.

11 ა. ბოხოჩაძე, მევენახეობა-მელვინეობა ძველ საქართველოში არქეოლოგიური მასალების მიხედვით, თბ., 1963, გვ. 99.

წარმოადგინა საქართველოს სსრ მეცნიერებათა აკადემიის ივ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის საქართველოს უახლესი ისტორიის განყოფილებამ

ხელოსნური ორგანიზაცია დასავლეთ საქართველოს ქალაქებში

აღმოსავლეთ საქართველოს ქალაქების ხელოსანთა მსგავსად, ქ. ქუთაისშიც ხელოსნები ამქარში ერთიანდებოდნენ. აქ დასტურდება ხელოსნური ორგანიზაციის აღმნიშვნელი სახელწოდება ამქარი // ან ქარი. არ იცნობენ ამქარს, ტერმინსა და შესაბამის ხელოსნურ ორგანიზაციას, ქ. ზუგდიდის ხელოსნები. რაც შეეხება ამქარის სტრუქტურას, ქ. ქუთაისში შემდეგი იერარქიაა დაცული: შეგირდი, ქარგალი, ოსტატი.

ამქარში შესვლა შეეძლო ყველა ხელოსანს ეროვნებისა და სარწმუნოების განურჩევლად. ქუთაისსა და ზუგდიდში შეკრებილი მასალების მიხედვით, ხელოსნების უმრავლესობას ქართველები შეადგენდნენ აღმოსავლეთ საქართველოს ქალაქებისაგან განსხვავებით (სადაც მათი ძირითადი მასა უმთავრესად სომხური ელემენტით იყო წარმოდგენილი) ისიც უნდა აღინიშნოს, რომ ქ. ქუთაისში იმერლებთან ერთად ბევრი იყო აგრეთვე სამეგრელოს სოფლებიდან ჩამოსული ხელოსანი.

როგორც აღმოსავლეთ საქართველოს ქალაქებში, აქაც ხშირია მომიჯნავე ხელოსნური დარგების წარმომადგენელთა ერთ ამქარში გაერთიანების შემთხვევები. მაგ., ღურგლებთან ერთიანდებოდნენ მექილეები, ხარატები, თერძებთან — მექუდეები (ევროპული და აზიური ქუდების მკერავები) და სხვ.

უსტაბაშის თანამდებობა აქაც არჩევითი იყო. ირჩევდნენ მას ორი-სამი წლის ვადით სრულუფლებიანი ხელოსნები. არჩევნები წარმოებდა ხელოსანთა გამგებლობის შენობაში ან სახელოსნოში მამასახლისის თანდასწრებით. იყო შემთხვევები, როდესაც უსტაბაში არჩეულ თანამდებობაზე მთელი სიცოცხლის განმავლობაში რჩებოდა; ეს დამოკიდებული იყო მის უნარსა და გამოცდილებაზე.

უსტაბაშის ძირითად უფლება-მოვალეობას სამართლის წარმოება შეადგენდა. მას ორი მოადგილე-აღსაყალი ჰყავდა¹. ქ. ქუთაისში ცნობილია იგი თბაშის ინსტიტუტი. იგი თბაშში შიკრიკის როლში გამოდიოდა.

ამქრული ორგანიზაციის უმდაბლეს საფეხურზე შეგირდი იღვა. ამ ინსტიტუტის შესახებ ქუთაისსა და ზუგდიდში რაიმე განსაკუთრებული მასალა არ ჩანს. აქაც, შეგირდობის ვადა ხელობის სხვადასხვა დარგში სხვადასხვა იყო; იგი, რასაკვირველია, დამოკიდებული იყო შესასწავლი დარგის სირთულეზე. მაგ., ხარაზებთან შეგირდობის ხანგრძლივობა 2—3 წლით განისაზღვრებოდა, ოქრომკედლებთან კი იგი 9—10 წელს ვარაუდობდა. ასევე განსხვავებული იყო მათი ასაკი ხელობის სხვადასხვა დარგში. ჩვეულებრივ, შეგირდად იღებდნენ 7—8 წლის ბიჭებს, ქვისმთლელებთან კი 15—16 წლის ყმაწვილებს. ხელობის გარკვეული დარგი შეგირდისაგან ცოდნასაც მოითხოვდა. ასე, მაგ., ქვის ოსტატის კონსტანტინე მარგველაშვილის ცნობით, შეგირდს ორი კლასის განათლება უნდა ჰქონოდა, ყოველ შემთხვევაში წერა-კითხვა უნდა სცოდნოდა.

¹ ხელოსნობის შესახებ ქ. ქუთაისში მასალებს ვაგროვებდით 1969 წ. ხოლო ზუგდიდში — 1970 წ.

² შდრ. მეტურეთა ამქრის წესდების სათანადო მუხლი, შ. მესხია, ქართული ამქრული ორგანიზაციების ისტორიიდან, გეოგრაფიის ინსტიტუტის შრომები, ტ. III, თბ., 1949, გვ. 151.

შევირდების უმრავლესობას სოფლიდან ჩამოსული ახალგაზრდობა შეადგენდა. მათი უმეტესობა თავის ოსტატთან ცხოვრობდა, მაგრამ იყო დამოუკიდებლად ცხოვრების შემთხვევებიც. აქვე უნდა აღვნიშნოთ ის გარემოება, რომ აქაც, ქ. ახალციხის მსგავსად, ძალიან ხშირია ხელობის მემკვიდრეობით გადაცემის შემთხვევები. ხელოსანთა უმრავლესობა თავის ოსტატდ მამას ან ბიძას გვისახელებს. მაგრამ შვილების გარდა ოსტატს მუდამ ჰყავდა ერთი ან ორი შევირდი.

შევირდი ხელობის შესწავლის შემდეგ უნდა დალოცილიყო. მათი დალოცვა ხდებოდა წელიწადში ერთხელ ხელოსანთა ტრადიციულ დღესასწაულზე. მას ყოველი ამქარი ცალ-ცალკე იხდიდა. როგორც წესი, ის ადრე გაზაფხულზე იმართებოდა. აღმოსავლეთ საქართველოს ქალაქებში შეკრებილი მასალით სამღვთო აღდგომიდან ამაღლებამდე უნდა მოთავებულიყო. ასე იყო ქ. ქუთაისშიც. თუმცა მთხრობლები მისი მოწყობის ვადად შემოდგომასაც გვისახელებენ.

აღმოსავლეთ საქართველოს ქალაქებში შეკრებილი მასალებით, სამღვთოს ორგანიზაცია წინასწარ წარმოებდა. იგი თბაშის მოვალეობას სწორედ ამქრის წევრებზე გაწერილი „ფსონის“ (თანხის გარკვეული ოდენობის) შეგროვება შეადგენდა. ქ. ქუთაისში მოპოვებული მასალებით, სამღვთოს ხარჯებს ძირითადად გაიღებდა დასალოცი შევირდი, ან მისი შშობლები. ისინი სოფლიდან აგზავნიდნენ ხოლმე დანიშნულ დღეს სურსათ-სანოვავებს. ერთი სიტყვით, დასალოცი ხარჯების მთელი სიძიმე შევირდს უნდა ეტვირთა. სამღვთო აღმოსავლეთ საქართველოს ქალაქებში განსაკუთრებული მონდომებითა და ბრწყინვალეობით ტარდებოდა. სხვადასხვა დარგის ამქრები ერთმანეთს სამღვთოს კარგ ორგანიზებაში ეჯიბრებოდნენ. აქ იჩენდა ხოლმე თავს ხარაზებისა და საერთოდ ეკონომიურად შეძლებული ამქრის უპირატესობა. ქ. ქუთაისში ამგვარ ფაქტს ვერ ვამოწმებთ. მართალია, აქაც დასტურდება ქალაქგარეთ (მწვანეყვავილა, მოწამეთა, „ფერმა“) თუ კერძო მეპატრონეთა ბაღებში მათი ჩატარების შემთხვევები, მაგრამ უფრო ხშირად სამღვთო სახელოსნოშივე ტარდებოდა. შევირდს გამოცდის მიზნით რაიმე ნიმუში უნდა დამზადებინა, რასაც გამოცდილი ხელოსნები ამოწმებდნენ. მასვე თავისი ოსტატისათვის საჩოხე ან საახალუხე უნდა მიერთებინა. „როცა შევირდი ფეხს მოიდგამდა“, გადმოგვეცემენ მთხრობლები, მაშინ მას ოსტატის მეუღლისათვის რაიმე უნდა ეყიდა. ილოცებოდა ერთად რამდენიმე შევირდი. ოსტატი შევირდს სილას სამკერ გააწინდა და ამით ყველაფერი მთავრდებოდა. ხშირად ოსტატი თავის შევირდს ერთ ხელსაწყო იარაღს აჩუქებდა.

შევირდის აყვანის ხელშეკრულება ხელოსანთა გამგებლობაში ფორმდებოდა. ხელობის შესწავლა ფასიანი იყო. სხვადასხვა დარგში ის სხვადასხვა ოდენობით ისაზღვრებოდა. ასე, მაგ., ოქრომჭედელ კონსტანტინე ზაქარიას ძე ცაგარეიშვილის (84 წ.) ცნობით, ხელობის შესწავლა ღირდა ხუთი თუმანი (ოქროთი), მექილე ვასილ ანტონის ძე უბილაევს (75 წ.) ცნობით კი — ოთხი თუმანი.

შევირდი დალოცვის შემდეგ ქარგალი ხდებოდა. შეკრებილი მასალის მიხედვით, ქარგალმა ერთი წელი მაინც უნდა იმუშაოს, რომ მომავრდეს და მერე აქვს სახელოსნოს გახსნის საშუალება, მაშინ იღებს ის სახელოსნო სამართველოში „პატენტის“ უფლებას და ხდება უფლებიანი ხელოსანი. ასეთ ხელოსანს ჰქონდა უსტაბაშის არჩევის უფლება. მამასადამე, მოტანილი მა-

სალის მიხედვით, ქარგალი შეგირდობის შემდეგი საფეხურია. არც ქუთაისში შეგროვებული მასალა იძლევა ცალკე შეგირდისა და ცალკე ქარგლის დალოცვის საფეხურების დადგენის შესაძლებლობას, როგორც ეს დამოწმებული აქვს ლ. ბოჭორიშვილს კახეთის ქალაქების ხელოსნობაში³. აქ, მთხრობლები ქარგალს, მართალია, მოიხსენიებენ როგორც შუალედურ საფეხურს შეგირდობიდან ოსტატობამდე, მაგრამ მათთვის ქარგალი სხვა არაფერია, თუ არა დაქირავებული ხელოსანი; ის, ვინც ხელობა შეისწავლა, მაგრამ დამოუკიდებელი ვერ ხდება მანამ, სანამ ფულს არ დააკრავებს სახელოსნოს გასახსნელად, სანამ სათანადო კვალიფიკაციას არ აიმაღლებს. ხელობა შეისწავლა, ჯამაგირი დაენიშნა და აქედან ხდება იგი უკვე დაქირავებული. ამიტომ, როდესაც ეკითხები მთხრობელს იმის შესახებ, თუ ვინ არის ქარგალი, ის აღნიშნავს, მხოლოდ მისი დაქირავების ფაქტს, მის მეხსიერებაში აღრინდელი საფეხური ქარგლისა წაშლილია უკვე. ოქრომჭედელ კონსტანტინე ბეროს ძე წულესიკირის ცნობით, დალოცვილი შეგირდი იმუშავებდა დიდი ერთი წელიწადი და ვახდებოდა ქარგალი; ეს იყო ქარგლად მუშაობა, მერე ოსტატი ვახდებოდა და გახსნდა სახელოსნოს. 79 წლის კონსტანტინე გიორგის ძე მარგველაშვილის გადმოცემით, შეგირდი მოწაფეს აღნიშნავდა, ხოლო ქარგალი — კარგ მომუშავეს.

საყურადღებოა ის გარემოება, რომ დაქირავებებს ქუთაისსა და ზუგდიდში მოჯამაგირობას, ჯამაგირში ყოფნას უწოდებენ⁴. მაგალითად: „ქარგალი არის ხელოსანი ჯამაგირში (80 წლის არტემ კონსტანტინეს ძე გეგელაშვილი, მექუდი)“; „ქარგალი ის იყო, დაქირავებული რომ იყო, ჩაბრუნდებოდა თავის ხაზეინთან ჯამაგირში. ჩაბრუნდებოდა ჯამაგირის ანგარიშში (80 წლის აკაკი მიხეილის ძე ჯავახაძე, ხარაზი)“; „შეგირდი დაამთავრებდა, ხაზეინი თუ ჩაიბრუნებდა, მასთან მუშაობდა (72 წლის დავით აფრასიონის ძე კიკნაძე, მეუნაგირე)“; „დაამთავრებდა ხელობას და ჯამაგირი ეძლეოდა შეგირდს, მოჯამაგირე იყო (76 წლის ილარიონ ბესარიონის ძე მარგველაშვილი, მქედელი)“; „ქარგალს დამთავრებული აქვს, ის ჯამაგირში მუშაობს (70 წლის სტეფანე იოსების ძე ცირამუა, ხარაზი)“; „ქარგალი მომუშავეა, რომ დამთავრებს, ჯამაგირზე რომ გადავა, ის არის ქარგალი“ (68 წლის ალექსანდრე ანტონის ძე ქობულაძე, ხარაზი); „ქარგალი არის მუშა უფროსი, ბრონობას (მოწაფეობას) რომ დამთავრებს, ჯამაგირში რომ არის“ (58 წლის აკაკი ვარდენის ძე იოვიძე, მეუნაგირე).

რის თქმა შეიძლება ქარგლის ინსტიტუტის შესახებ მოტანილი მასალის საფუძველზე? მართალია, ტერმინი ქარგალი უცნობია დასავლეთ საქართველოს ქალაქების ხელოსნურ ამქარში, მაგრამ ჯამაგირში მყოფი ხელოსანი თავისი ბუნებით ქარგლის იდენტურია. ცნობილია, რომ აღმოსავლეთ საქართველოს ქალაქების ხელოსნურ ამქარშიც შეგირდობის შემდეგ საფეხურზე მყოფ ხელოსანს ენიშნება ჯამაგირი. სწორედ აქედან ეყრება საფუძველი მისი დაქირავების მომენტს. მართალია, დასავლეთ საქართველოს ქალაქების (ქუთაისი, ზუგდიდი) ხელოსნობაში არ მოწმდება ქარგლის ორი სახეობის (1. ქარგალი შუა საფეხური შეგირდობიდან ოსტატობამდე და 2. ქარგა-

³ ლ. ბოჭორიშვილი, მასალები კახეთის ქალაქების ოქრომჭედლობის შესახებ, „მასალები საქართველოს ეთნოგრაფიისათვის“, 1956, VIII, გვ. 158.

⁴ შტრ. მეპურეთა ამქარის წესდების სათანადო მუხლი, იხ. შ. მესხია, დასახ. ნაშრომი, გვ. 151.



საქართველოს
წიგლმწიფის
კავშირის

ლი — დაქირაებული ხელოსანი) არსებობის ფაქტები ერთდროულად, მაგრამ, ჯამაგირში მყოფი ხელოსანი, რომელიც განაგრძობს ცხოვრებას თავის ოსტატთან მის ხარჯზე და ვერ ახერხებს დამოუკიდებლად მუშაობას, თავისი ბუნებით მოგვაგონებს აღმოსავლეთ საქართველოს ხელოსნური ამქრის ქარგალს, შუა საფეხურს შევირდიდან ოსტატამდე. ხელოსნის ამხანაგი კი სხვა არის. ხარაზ აკაკი პეტრეს ძე ნაღარაიას (73 წ.) ვაღმოცემით, „მოჯამაგირეს გადაწყვეტილი ხელფასი ეძლევა, ამხანაგს კი შემოსავლის ნახევარი“. ნიშანდობლივია ის გარემოება, რომ ჯამაგირში მყოფი ძირითადად ყოველთვის ამავე ოსტატის ნაშეგირდელია, ე. ი. ოსტატი გამოზრდიდა მას და თვითონვე ჩაიყვანებდა ჯამაგირში. ხელოსნის ამხანაგის ცნების ქვეშ კი იგულისხმება დამოუკიდებელი ხელოსანი, რომელიც თავის ყოფილ ოსტატთან უკვე გათანაბრებულია და იგი ოსტატის კუთვნილი გასამარჯლოს ოდენა ხელფასს იღებს. ამდენად, დასავლეთ საქართველოს ხელოსნობის მაგალითზე ერთხელ კიდევ შეიძლება ითქვას, რომ ხელოსნის ამხანაგი და ქარგალი იურიდიულად და ეკონომიურად არ არის ერთმანეთის იდენტური⁵. ამ შემთხვევაში აქ იგულისხმება ქარგლის კლასიკური კატეგორია, რომელიც შუა საფეხურს წარმოადგენდა შევირდობიდან ოსტატობამდე, და არა მისი გვიანდელი ფორმა, როდესაც ქარგალი უკვე დაქირაებული ოსტატის სახით წარმოგვიდგება.

მასსადაამე, დასავლეთ საქართველოს ქალაქებში მოპოვებული მასალა არ იძლევა ქარგლის გამოკვეთილი საფეხურის დადგენის შესაძლებლობას. აქ ქარგლობა უკვე დაქირაებას აღნიშნავს მხოლოდ. გამქრალი ამ ინსტიტუტის ადრინდელი მნიშვნელობა. ქუთაისის ხელოსანთა ამქარში არ დასტურდება, აგრეთვე, ხაზინადარის ინსტიტუტის არსებობაც. ჯარიმებისა და სხვა სახის გადასახადებიდან შემოსული თანხა ინახებოდა უსტაბაშთან, რაც შეადგენდა ამქრის ძირითად საბრუნავ თანხას. არ მოწმდება აგრეთვე ბაირახტარის ინსტიტუტისა და შესაბამისად მისი კოსტუმის ცალკე არსებობის შემთხვევები.

ბაირალის — ამქრის დროშის ტარება ევალებოდა ფიზიკურად ძლიერ ხელოსანს.

რაც შეეხება საამქრო დროშას, ის ქუთაისში თითქმის ხელოსანთა ყველა ამქრის გააჩნდა. როგორც ცნობილია, დროშით გამოდიოდა ამქარი სადღესასწაულო თუ სამგლოვიარო ცერემონიების დროს. მთხრობელთა ცნობით, ადგილი ჰქონდა დროშის გაქირაებასაც მიცვალებულთა დასაფლავების დროს, რაც ამქრის საბრუნავი თანხის ერთ-ერთ შემავსებელ წყაროს შეადგენდა. საყურადღებოა ის გარემოება, რომ რამდენიმე დროშა დაცულია ქ. ქუთაისის ნ. ბერძენიშვილის სახელობის ისტორიულ-ეთნოგრაფიული მუზეუმის სათანადო ფონდში. სამი მათგანი (ხარაზების, მეუნაგირებისა და, ვგონებთ, დურგლების) გამოფენაზეა წარმოდგენილი. მათ შესახებ საინვენტარო დავთარში ყოველთვის არ არის აღნიშნული თუ რომელი ამქრის კუთვნილებას შეადგენდა იგი. მოგვყავს ყველა მათგანის აღწერილობა.

საამქრო დროშა (კოლ. № 6426) ტარის თავზე გუმბათით (ქსოვილი). აქვს წარწერა „ყოველგვარი ფესხაკმელების ამქარი“ (გამოფენაზეა წარმოდგენილი).

საამქრო დროშა (კოლ. № 6427) წმიდა გიორგის გამოსახულებით, მეუნაგირების (აბრეშუმის), სიმაღლე 110 სმ., ძლიერ დაზიანებულია (გამოფენაზეა წარმოდგენილი).

⁵ შდრ. შ. მ. ს. ხ. ი. ა, ქარგლის ინსტიტუტის საკითხისათვის გვიანდროდალური ხანის ქართულ ამქარში, საქართველოს სსრ მეცნიერებათა აკადემიის მოამბე, 1948, ტ. 9, № 6, გვ. 383.

საამქრო დროშა (კოლ. № 6428) წმიდა გიორგის გამოსახულებით მუშაობა, სიმაღლე — 110 სმ.

საამქრო დროშა (კოლ. № 6433) მთავარანგელოზისა და წმინდანის გამოსახულებით, სიმაღლე — 110 სმ.

საამქრო დროშა (კოლ. № 6434) ღვთისმშობლის და წმ. გიორგის გამოსახულებით, სიმაღლე — 110 სმ., თავზე დამაგრებული აქვს ჭვარი (გამოფენაზე).

საამქრო დროშა (კოლ. № 6436) იესო ქრისტეს და წმ. გიორგის გამოსახულებით, წარწერით, თავზე დამაგრებული აქვს აღმზიან ხელის მტევანი. ქსოვილი, სიმაღლე — 115 სმ. ეს უნდა იყოს მჭედლების დროშა.

ქ. ქუთაისის ხელოსნებს შორისაც წმინდად იყო დაცული ვადმოცემები ფირის შესახებ. ყველაზე პოპულარულია აქაც ვადმოცემა ელიას თვალის დათხრის თაობაზე. მთხრობელთა ცნობით, ხარაზები ელიაობას უქმობდნენ, ამ დროს იხდიდნენ თავიანთ სამღვთოს.

ასეთია მოკლედ დასავლეთ საქართველოს ქალაქებში შეკრებილი მასალა ხელოსნური ორგანიზაციის — ამქრის შესახებ. მისი შესწავლისა და აღმოსავლეთ საქართველოს ქალაქების ხელოსნობის სათანადო ორგანიზაციებთან შედარების შედეგად ცხადი ხდება, რომ მეტი არქაულობა შემორჩა თელავის, სიღნაღის, გორის და ახალციხის ამქრებს. ეს არქაულობა შეინიშნება უპირატესად შეგირდისა და ოსტატის ურთიერთობის, ქარგლისა და სამღვთოს ორგანიზაციის საკითხებში. ამ მხრივ ქუთაისის ხელოსნობის შესაბამის ინსტიტუტებში უფრო გვიანდელ ფორმებთან გვაქვს საქმე. შეიძლება ეს იმის შედეგიც იყოს, რომ მთხრობელთა მეხსიერებაში კარგადაა შემონახული იმ დროის ამბები, რაც უკავშირდება ქუთაისში ე. წ. ხელოსანთა გამარტივებული გამგებლობის საქმიანობას (1883—1902 წწ.)⁶. ასეა თბილისში ხელოსანთა სამმართველოს დაარსების დროიდან, რომელიც ფაქტიურად ცდილობდა ცალკეულ ამქართა დამოუკიდებლობის მოსპობას. ის, რაც ასახული იყო აღნიშნული ორგანიზაციის კანონმდებლობაში, კარგად იცოდნენ მთხრობლებმა. მაგ., ხელოსანთა გამგებლობის წესდების მიხედვით მოწმობა ეძლეოდა ღირსეულ და სრულწლოვან ხელოსანს, რისთვისაც ის უნდა გამოცდილიყო ცოდნაში და წარმოედგინა თავისივე ნივთი შესამოწმებლად⁷. ზუსტად ასე ვადმოგვეცემენ მთხრობლები ხელოსნის გამოცდისა და მისი დალოცვის შესახებ. აღნიშნული წესდების სხვა მუხლის მიხედვით, ხელოსანთა გამგებლობა უმოწმობო ხელოსანს არ აძლევდა სახელოსნოს გახსნის უფლებას⁸, ე. ი. დაულოცავი ხელოსანი სახელოსნოს ვერ გახსნიდა.

ჩვენ აქ იმის აღნიშვნა გვსურს, რომ შეიძლება ქუთაისისა და თბილისში დაარსებულმა სახელოსნო მმართველობამ უფრო გაამარტივა ის ურთიერთობა, რაც შეგირდსა და ოსტატს შორის არსებობდა. სწორედ შეიძლება ამის მიზეზი იყოს ისიც, რომ 1871 წ. შედგენილ ქუთაისის — „მეპურეთა“ ამქრის წესდებაში არ იხსენიება ოსტატის შუალედური საფეხური — ქარგალი (როგორც უკვე არარსებული და არა საერთოდ არარსებული ინსტიტუტი, როგორც ეს პროფ. შ. მესხიას მიანიჭდა⁹) და მოიხსენიება მისი გვიანდელი ფორ-

⁶ შ. ნიკოლეიშვილი, ქუთაისის ხელოსანთა მმართველობა, „მაინე“, 1964, № 2, გვ. 111—115.

⁷ იქვე, გვ. 111.

⁸ იქვე, გვ. 112.

⁹ III. A. М е с х и а, Города и городской строй феодальной Грузии в XVII—XVIII вв., Тб., 1959, გვ. 375.

მა — მოჯამაგირე. ამ ორგანიზაციის დაარსება ხომ ამქრების ლიკვიდაციას გულისხმობდა, ხოლო აღმოსავლეთ საქართველოს ისეთ ქალაქებში, როგორცაა სიღნაღი, თელავი, გორი, სადაც ასეთი ორგანიზაცია არ არსებობდა, უკეთ შემოინახა ამქრული ორგანიზაციის ტრადიციები, ხელოსნური ურთიერთობა ყოფაში.

მიუხედავად იმისა, რომ სახელოსნო მმართველობა ამქრების დამოუკიდებლობის გაუქმებას და ყველა ხელოსნის ერთ საზოგადოებაში გაერთიანებას გულისხმობდა, ამქრები მაინც განაგრძობდნენ თავიანთ ტრადიციულ საქმიანობას, დამოუკიდებელ ცხოვრებას. ამის დადასტურებაა ქუთაისში შედგენილი მეპურეთა ამქარი 1871 წ. აქ დაარსებულ ხელოსნობის გამარტივებულ გამგებლობის შემდეგაც ამქრის მიერ გაცემულ საბუთს ორი ბეჭედი აქვს დასმული (ხელოსანთა გამგებლობისა და ამქრის)¹⁰. ამდენად, სავსებით მართალია მ. ნიკოლეიშვილი, როცა აკრიტიკებს ქუთაისის სამხედრო გუბერნატორის მტკიცებას ამქრების არ არსებობაზე ხელოსანთა გამგებლობის შექმნამდე. ცალკეულ ხელოსანთა დამოუკიდებელი ცხოვრების მანიშნებელი, მ. ნიკოლეიშვილის აზრით, არის საამქრო დროშების, ცალკე უსტაბაშებისა და ხელოსანთა პირობის წიგნების არსებობა¹¹.

ქუთაისში წარმოდგენილი ამქარი განიხილება არა მარტო როგორც ამ ქალაქისათვის, არამედ მთელი დასავლეთ საქართველოსათვის დამახასიათებელი ხელოსნური ორგანიზაცია, ვინაიდან ქუთაისი წარმოადგენდა არა მარტო იმერეთის, არამედ მთელი დასავლეთი საქართველოს ხელოსნური წარმოების ცენტრს.

მაშასადამე, ამქრული ორგანიზაცია მაინც საერთო ქართული მოვლენა (სხვა საკითხია აღმოსავლეთ და დასავლეთ საქართველოში მისი განვითარების სხვადასხვა დონე) და მისი არსებობა საქართველოში არ შეიძლება მიეწეროს მუსლიმანური აღმოსავლეთის გავლენას, ვინაიდან, როგორც ეს შ. მესხიამ აჩვენა, „ქართულ ამქარს ისეთი საწყისი არ ჰქონია, როგორც ასწავებს მუსლიმანურ აღმოსავლეთში (რელიგიური კავშირები) და ამდენად იგი თავიდანვე უფრო ეკონომიური-პროფესიონალური გაერთიანება იყო, ვიდრე რელიგიურ-მისტიკური. რელიგიური სამოსლის ქვეშ, რომელსაც ქართული ამქრებიც ატარებდნენ (საერთო დღესასწაული „სამღვთო“, ამქართა ფირები და სხვ.) ყოველთვის სამეურნეო-ეკონომიური კავშირი იგულისხმებოდა. ამას სავსებით ადასტურებს, — განაგრძობს ავტორი, — ქუთაისის მეპურეთა „ხელნაწერი“ და ამქრის უსტაბაშთა უპირველეს მოვალეობათა განმსაზღვრელი დოკუმენტები, სადაც ყოველთვის მითითებულია ამქრის, ამქრისათვისა და წევრთა პროფესიონალურ-ეკონომიური მოვალეობა-ინტერესებზე და არაფერია ნათქვამი ამქრის რელიგიური მიზნების შესახებ“¹².

¹⁰ მ. ნიკოლეიშვილი, დასახ. ნაშრომი, გვ. 112.

¹¹ იქვე.

¹² შ. მესხია, ქართული ამქრული ორგანიზაციების ისტორიიდან, გვ. 153.

წარმოადგინა საქართველოს სსრ მეცნიერებათა აკადემიის ივ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის საქართველოს ეთნოგრაფიის განყოფილებამ

ბრიგოლ ფურცელამ

თერგდალეულთა მსოფლმხედველობის საკითხისათვის

ამ წერილით მიზნად დავისახეთ გამოვთქვათ ჩვენი შეხედულება სამეცნიერო ლიტერატურაში არსებულ დავასთან დაკავშირებით — თერგდალეულების დამოკიდებულების შესახებ რუსეთის რევოლუციური დემოკრატების მსოფლმხედველობისადმი.

XIX ს-ის დამდეგიდან საქართველო კარგავს სახელმწიფოებრივ დამოუკიდებლობას. ქართველი ხალხის ცხოვრებაში მომხდარმა ამ რადიკალურმა ცვლილებამ წარმოქმნა ეროვნულ-განმათავისუფლებელი მოძრაობა, რომელიც ს. დოდაშვილისა და სხვა მოღვაწეთა სახელთანაა დაკავშირებული. აქ არ შეგვხვბით ამ მოღვაწეთა დამსახურებას; აღვნიშნავთ მხოლოდ, რომ თერგდალეულთა ბელადმა ილია ჭავჭავაძემ გაზეთ „დროების“ ათი წლისთავზე განაცხადა: „... სამართალი ითხოვს, რომ ყველას თავისი მიეზღოს. თუმცა იმ დროშაზედ, რომელიც უფ. ს. მესხმა მოიხსენა, ეხლანდელთა „დროების“ მოღვაწეთა თავის მიმართულება ზედ წააწერეს, მაგრამ თვით დროშა კი მეგვიდროებით გვაქვს გადმოცემული განსვენებული სოლომონ დოდაევისაგან, გიორგი ერისთავისაგან; საუკუნოდ აყოს ხსენება მათი ჩვენში“¹.

საყოველთაოდ აღიარებულია, რომ რევოლუციურ დემოკრატებს გარკვეული გავლენა ჰქონდათ თერგდალეულებზე. ამ გავლენის შესახებ აკად. ნ. ბერძენიშვილი წერს: „თამამად შეიძლება ითქვას, რომ თერგდალეულნი ეროვნული იდეების შემუშავებაში უფრო დამოუკიდებელნი იყვნენ, ვიდრე სხვაგან. სამართალი მოითხოვს ისიც აღინიშნოს, რომ დასასესხებელი აქაც ჰქონდათ თერგდალეულთ. რუსეთის განმათავისუფლებელთა პატრიოტიზმი წარსულის უშინაარსო სიყვარული, უსაქმო რომანტიზმი კი არ იყო, არამედ ეს იყო განახლებული სამშობლოს სიყვარული, ან უკეთ, ბრძოლით განახლების სიყვარული სამშობლოსი. თერგდალეულთა, კერძოდ, ილიას პატრიოტიზმი ამ მომენტით ჰგავს სოვრემენიეკელთა პატრიოტიზმს, მაგრამ თერგდალეულებს ამ „შემოქმედების რომანტიზმი“ უშუალო წინაპარი აქვე საქართველოში 30—40-იან წლებში მოეძებნება (ნ. ბარათაშვილი)“². ნ. ბარათაშვილზე მითითებით ავტორმა იმ გარემოებას გაუსვა ხაზი, რომ თერგდალეულებზე ადრე ეროვნულ-იანი საკითხი ამ გენიალურ პოეტს ჰქონდა გააზრებული. ამდენად ძირითადი, განმასხვავებელი მომენტი რუსეთისაგან საქართველოსათვის იყო ეროვნული თავისუფლებისათვის ბრძოლა. საქართველოს ამ მდგომარეობის შესახებ ილია წერდა: „ჩვენს ქვეყანას სულ სხვა ტკივილი აქვს, სულ სხვა ფეთერაკი სდევს... ჩვენებური დღევანდელი დღე სულ სხვასა თხოულობს, სულ სხვას დადადებს...“

¹ გაზ. „დროება“, 1876, № 74 (მოტანილია თ. კუკავას ნაშრომიდან „ნარკვევები XIX საუკუნის პირველი ნახევრის ქართული საზოგადოებრივი და ფილოსოფიური აზრის ისტორიიდან“, 1956, გვ. 176).

² ნ. ბერძენიშვილი, ა. კიკვიძე. საზოგადოებრივ-პოლიტიკური მოძრაობა საქართველოში XIX საუკუნეში (ეროვნულ-განმათავისუფლებელი ბრძოლა), ივ. ჭავჭავაძის სახ. ისტორიის ინსტიტუტის შრომები, I, 1955, გვ. 484.



ის „სხვა რამეა“ — ჩვენის დაცემულის ვინაობის აღდგენა, ფეხზედ დაყენება და დაცვა ყოვლის მოსალოდნელის ფათერაკისაგან... სხვა საგანი — ამაზედ უსაქიროესი არა აქვს ეხლანდელს საქართველოს შვილს...“³.

ამის გამო ბუნებრივი იყო, რომ თერგდალეულთა ბელადმა და მისმა თანამებრძოლებმა ახალ პირობებში დასვეს ეროვნული საკითხი და იბრძოდნენ მისი გადაჭრისათვის.

XIX ს-ის 50-იანი წლების გასულსა და 60-იანი წლების დამდეგს საქართველო სოციალ-ეკონომიური განვითარების მხრივ, რუსეთთან შედარებით, დაბალ დონეზე იდგა, რაც უმთავრესად მეფის რუსეთის კოლონიური პოლიტიკის შედეგს წარმოადგენდა. სოფლის მეურნეობაში უპირატესად ისეთი დარგები განვითარდა, რომლებიც ნედლეულს დაუმზადებდა რუსეთის მრეწველობას. ცნობილია, რომ ცარიზმის ხელისუფლებამ რიგი ღონისძიებანი გაატარა სოფლის მეურნეობის განვითარებისათვის საქართველოში... რაც შეეხება მრეწველობის განვითარებას, ხელისუფლება შესაძლებლად თვლიდა მხოლოდ იმ დარგების განვითარებას, რომლებიც არ იქნებოდა საზიანო მეტროპოლიის მრეწველობისათვის. ხოლო დანარჩენი სახის პროდუქციას საქართველოში ძირითადად შინამრეწველები და ხელოსნები ამზადებდნენ, ან ის სხვა ქვეყნებიდან, პირველ რიგში რუსეთიდან შემოჰქონდათ.

რეფორმამდელ ხანაში საქართველოს სოფელში დაიწყო სავაჭრო მიწათმოქმედების განვითარება, რომელშიც მემამულეებთან ერთად ჩაებნენ გლეხთა გარკვეული ჯგუფები (მდიდრები და შეძლებულნი). ეს კი იწვევდა ნატურალური მეურნეობისა და ბატონყმური წყობილების რღვევასა და კაპიტალისტური ურთიერთობის წარმოქმნისათვის ნიადაგის შემზადებას.

სოფლის მეურნეობის გვერდით, რეფორმამდელი ხანის საქართველოში გარკვეული ცვლილებები მოხდა მრეწველობაშიც. შინამრეწველობისა და ხელოსნობის გაბატონებული მდგომარეობის მიუხედავად, განვითარება ჰპოვა კაპიტალიზმის ელემენტებმა, რაც მანუფაქტურულ და ძალზე მცირე რაოდენობის საფაბრიკო-საქარხნო საწარმოთა შექმნაში გამოიხატა.

ამ საკითხზე ახლად გამოქვეყნებულ ერთ-ერთ ნაშრომში ვკითხულობთ: „XIX ს. პირველ ნახევარში საქართველოს სოციალ-ეკონომიური განვითარება მეტად რთულ პირობებში მიმდინარეობდა... ცარიზმი განიხილავდა რა საქართველოს, როგორც კოლონიას, ცდილობდა გადაეჭია იგი ნედლეულის ბაზად და საქონლის გასაღების ბაზრად, ხელს უწყობდა აქ სოფლის მეურნეობის და ნაწილობრივ მრეწველობის განვითარებას და ამდენადვე — საწარმოო ძალთა წინსვლას, მაგრამ, მეორე მხრივ, რუსეთის მრეწველობის ინტერესებიდან გამომდინარე, გარკვეულ ჩარჩოებში აყენებდა საერთოდ ქვეყნის სამრეწველო განვითარებას“⁴.

რუსეთში კი, შედარებით საქართველოსთან, ახალმა საწარმოო ძალებმა უფრო მეტი განვითარება ჰპოვა რეფორმამდელ პერიოდში. ეკონომიურად რუსეთი შედარებით უფრო მაღალ დონეზე იყო.

რეფორმამდელი ხანის საქართველოში გლეხთა მრავალი აჯანყება მოხდა.

³ ილია ჭავჭავაძე, შინაური მიმოხილვა, „ივერია“, 1881, მისი (ნაწერების კრებული, ტ. VI, 1927, გვ. 127—128) — ციტირებულია პაულ ინგოროვას წიგნიდან „ილია ჭავჭავაძე, ნაწევები“, 1957, გვ. 53.

⁴ გ. მარგიაანი, ე. ხოშტარია, „საქართველოში კაპიტალიზმის ჩასახვისა და განვითარების საკითხები ლენინური მომდგრების შუქზე“, კრებული—ქართული ისტორიოგრაფია, 2, 1971, გვ. 38.

ისინი შედარებით ფართო და მრისხანე ხასიათს ატარებდნენ XIX ს-ის 50-იანი წლების მეორე ნახევარსა და 60-იანი წლების დასაწყისში.

XIX ს-ის პირველი პერიოდის გლეხთა აჯანყებანი უმთავრესად ცარიზმის მიერ საქართველოში შემოღებული მძიმე საბეგარო სისტემის წინააღმდეგ იყო მიმართული, თუმცა ზოგჯერ (განსაკუთრებით გურიის 1841 წლის გლეხთა აჯანყება) ბრძოლა ანტიბატონყმურ ხასიათს ღებულობდა.

1856—57 წლებში სამეგრელოში მოხდა გლეხთა ცნობილი აჯანყება, რომელსაც დიდი რეზონანსი მოჰყვა რუსეთში...

1857 წელს სერიოზული მღელვარება მოხდა საბატონო გლეხთა შორის იმერეთში. აჯანყებულმა გლეხებმა უარი განაცხადეს ვალდებულებათა შესრულებაზე მეზატონეთა სასარგებლოდ. მაგრამ ქუთაისის გუბერნატორმა სამხედრო ნაწილებითა და არტილერიით შეძლო გლეხთა მღელვარების ლიკვიდაცია⁵.

ეს აჯანყებანი, ისევე როგორც მომდევნო აჯანყებანი საქართველოს სხვადასხვა კუთხის გლეხებისა, უმთავრესად ბატონყმობის წინააღმდეგ იყო მიმართული და თითოეული მათგანი ხასიათდებოდა მეტ-ნაკლები სიმწვავეითა და გაქანებით.

XIX ს-ის 60-იანი წლების პირველ ნახევარში აღსანიშნავია გურიის 1862 წლის გლეხთა აჯანყება, სამეგრელოს 1863 წლის აჯანყება და აღმოსავლეთ საქართველოს რიგ რაიონებში 1863 წელს მომხდარი აჯანყებანი. დასასრულს, გლეხთა ცალკეული გამოსვლები, რომლებიც მიმართული იყო ბატონყმობისა და ცარიზმის პოლიციური რეჟიმის წინააღმდეგ, მოხდა 1864 წელს თბილისისა და თიანეთის მაზრებში, ასევე სხვაგან.

როგორი ხასიათის იყო რუსეთის გლეხთა მოძრაობა? გლეხთა გამოსვლების საერთო რიცხვი რუსეთში 1826 წლიდან 1854 წლამდე 709-ს შეადგენდა. გლეხთა მოძრაობის გაქანება იმდენად დიდი იყო, რომ თვით შინაგან საქმეთა სამინისტრო თავის ოფიციალურ ანგარიშებში მეფისადმი იძულებული იყო ელიარებინა, რომ საუკუნის მეორე მეოთხედში განუხრელად იზრდებოდა გლეხთა გამოსვლების რაოდენობა⁶.

მოცემული პერიოდის ცალკეულ წლებში გლეხთა მოძრაობა რუსეთში მასობრივ ხასიათს ატარებდა და ვლინდებოდა აშკარა ბრძოლაში ბატონყმობის წინააღმდეგ.

გლეხთა მოძრაობა რუსეთში განსაკუთრებით ძლიერდება ყირიმის ომის წლებში. იგი, მიმართული იყო ბატონყმობის წინააღმდეგ და, იზრდებოდა რა ყოველწლიურად, წარმოადგენდა საფრთხეს თვითმპყრობელურ-ბატონყმური სახელმწიფოს არსებობისათვის⁷.

გლეხთა რევოლუციური ბრძოლა რუსეთში უფრო ფართო და უფრო მრისხანე ხასიათისა იყო, ვიდრე საქართველოში, რასაც აპირობებდა ქვეყნის სოციალ-ეკონომიური განვითარების შედარებით მაღალი დონე. ამასთან ხაზი უნდა გაესვას იმ გარემოებას, რომ რუსეთში ეს ბრძოლა, საქართველოსაგან განსხვავებით, XIX საუკუნის დასაწყისიდანვე ანტიბატონყმურ ხასიათს ატარებდა.

ასეთი იყო ზოგადად ის სოციალ-ეკონომიური ფონი რუსეთისა და საქარ-

⁵ Ш. Ч х з т я, Документы по истории Грузии, 1954, გვ. 13.

⁶ П. А. З а й о н ч к о в с к и й, Отмена крепостного права в России, М., 1954, გვ. 45.

⁷ იქვე, გვ. 52.



თველოში, რომელზედაც აღმოცენდა რუსეთის რევოლუციურ დემოკრატიულ მოძღვრება, ერთი მხრივ, და ქართველი თერგდალეულებისა, მეორე მხრივ.

განვიხილოთ ქართველი თერგდალეულების მოღვაწეობა. ამ შემთხვევაში მართებულად მიგვაჩნია დაეწყოთ რუსეთის რევოლუციურ დემოკრატიული მსოფლმხედველობის დახასიათებით და შემდეგ შევეხოთ ქართველი თერგდალეულების საქმიანობას, რადგან ამ ახალი იდეოლოგიის ძირითად კერას რუსეთი წარმოადგენდა.

5. ჩერნიშევსკი დარწმუნებული იყო რუსეთში გლეხური რევოლუციის აუცილებლობასა და გარდაუვალობაში. ის ჯერ თანამშრომლობდა, ხოლო შემდეგ ხელმძღვანელობდა პეტერბურგის ჟურნ. „სოვრემენის“. ნ. დობროლუბოვიც გლეხთა რევოლუციაზე ოცნებობდა. მათთან ერთად დემოკრატიული იდეების პროპაგანდას ეწეოდა პოეტი ნ. ნეკრასოვი.

ჯერ კიდევ 1860 წელს რეფორმის წინ (1860 წლის ბოლოსა და 1861 წლის დამდეგს) ნ. ჩერნიშევსკიმ დაწერა პროკლამაცია „საბატონო გლეხებს სალამი მათ კეთილმოსურნეთაგან“, რომელიც გლეხებს შეიარაღებული აჯანყებისაკენ მოუწოდებდა. იდგა რა გლეხთა რევოლუციის ნიადაგზე, ნ. ჩერნიშევსკი გლეხებს ნაჯახისაკენ მოუწოდებდა, მას შეგნებული ჰქონდა, რომ მსოლოდ ბრძოლით შეიძლებოდა მოეპოვებინათ მათ ნამდვილი თავისუფლება. მართალია ნ. ჩერნიშევსკის სოციალიზმის თეორია უტოპიური იყო, მაგრამ, მეორე მხრივ, ის რევოლუციური იყო, რასაც დიდი მნიშვნელობა ჰქონდა იმ დროის საზოგადოებრივი მოძრაობის მთავარი ძალის — გლეხობისათვის.

ვ. ი. ლენინი წერდა: „ჩერნიშევსკი იყო სოციალისტ-უტოპისტი, რომელიც ოცნებობდა სოციალიზმში გადასვლაზე ძველი, ნახევრად ფეოდალური, გლეხური თემის საშუალებით, ვერ ხედავდა და არც შეეძლო გასული საუკუნის 60-იან წლებში დაენახა, რომ მხოლოდ კაპიტალიზმისა და პროლეტარიატის განვითარებას შეუძლია შეჰქმნას მატერიალური პირობები და საზოგადოებრივი ძალა სოციალიზმის განსახორციელებლად. მაგრამ ჩერნიშევსკი მარტო სოციალისტ-უტოპისტი როდი იყო. ის იყო აგრეთვე რევოლუციური დემოკრატი, ის რევოლუციურ გავლენას ახდენდა თავისი ეპოქის ყველა პოლიტიკურ მოვლენაზე, ატარებდა — მიუხედავად ცენზურის მრავალგვარი დაბრკოლებისა — გლეხთა რევოლუციის იდეას, ყველა ძველი ხელისუფლების დასამხობად მასების ბრძოლის იდეას. 61 წლის „საგლეხო რეფორმას“, რომელსაც ლიბერალები ჯერ აღამაზებდნენ და შემდეგ კიდევ ადიდებდნენ, მან სი ს ა ძ ა გ ლ ე უწოდა, ვინაიდან ის ნათლად ხედავდა მის ბატონყმურ ხასიათს, ნათლად ხედავდა, რომ ბატონი ლიბერალური განმათავისუფლებელნი გლეხებს პირდაპირ ტყავს აძრობდნენ. 60-იანი წლების ლიბერალებს ჩერნიშევსკიმ „მ ო ლ ა ყ ბ ე ნ ი, მ კ ვ ე ხ ა რ ე ბ ი და ს უ ლ ე ლ ე ბ ი“ უწოდა, ვინაიდან ის ნათლად ხედავდა მათს შიშს რევოლუციის წინაშე, მათს უხასიათობას და ყურმოჭრილ მონობას ძლიერთა წინაშე“⁸.

დაპატიმრების შემდეგ, პეტრეპავლეს ციხეში ნ. ჩერნიშევსკიმ დაწერა ცნობილი ნაწარმოები „უმისამართო წერილები“, რომელიც მას განკუთვნილი ჰქონდა „სოვრემენის“ 1862 წლის № 2-თვის. ეს ნაწარმოები ცენზურამ არ გაუშვა.

⁸ ვ. ი. ლენინი, თხზულებანი, ტ. 17, გვ. 130.

კ. მარქსი სწავლობდა ნ. ჩერნიშევსკის შრომებს, კერძოდ, მის „უმისწრაფო წერილებს“, თარგმნიდა რა ზედმიწევნით ამ ნაშრომს, ხაზს უსვამდა მის შემდეგ ძირითად აზრს: „საქმე არა დამაკმაყოფილებლად იყო შესრულებული; შესრულებული იყო: 1) ბიუროკრატიულად და 2) თავდადასურობისადმი მიკერძობით; მისგან მოითხოვდნენ რაც შეიძლება ნაკლებ მსხვერპლს; ბიუროკრატია ეწეოდა ფორმალისტიკას; იმიტომ შეცვლილი იყო უპირატესად ურთიერთობის ფორმა მეზატონებსა და გლეხებს შორის წინანდელი ურთიერთობის არის რაც შეიძლება ნაკლები ცვლილებით. ამით ფიქრობდენ დაეკმაყოფილებიათ მემამულეები“⁹.

ნ. ჩერნიშევსკის ამ ნაწარმოებიდან ჩვენ მოვიტანთ რამდენიმე ადგილს რათა შუქი მოეფინოს ავტორის კონცეფციას გლეხობის შესახებ. ნ. ჩერნიშევსკი ამბობს: „გლეხთა ბატონყმობისაგან განთავისუფლების საქმეცნოდ გამოცხადების დროს“ ფაქტობრივად დადასტურებული იყო „მისი შენარჩუნება“ და ეს მოხდა უკვე პირველ ნამდვილ სხდომაზე 1859 წლის 5 მარტს (4 მარტს შედგა პირველი, ე. წ. მოსამზადებელი სხდომა), როდესაც თავმჯდომარემ თქვა: „სავალდებულო საბეგარო ვალდებულებანი ვადიან სავალდებულო მდგომარეობის დროსაც (გახაზულია კ. მარქსის მიერ) მაინც შეადგენენ ბატონყმობის სახეს. კომისიის წევრები მაშინვე დაეთანხმნენ ამას და ჟურნალში შეიტანეს, მიიღეს რა მტკიცე სახელმძღვანელოდ“. მოტანილ ადგილს განმარტება არ ესაჭიროება: აქ მოცემულია სწორედ „ბატონყმობის შენარჩუნების“ აზრი.

თავის მეოთხე წერილში, რომელიც 13 თებერვლით არის დათარიღებული, ნ. ჩერნიშევსკი აღნიშნავს, რომ სარედაქციო კომისიებში არ იყო აზრთა თავისუფლება, რასაც ასაბუთებს შემდეგით: „თავმჯდომარის წინადადებაზე კომისიის მაშინდელი 9 წევრიდან არც ერთმა არ გამოთქვა „თავისი აზრი, ყველანი დაეთანხმნენ მას“. ნ. ჩერნიშევსკის შეუძლებლად მიაჩნია, რომ არც ერთ წევრს არ ჰქონოდა თავმჯდომარის მიერ წარმოდგენილ 9 პუნქტზე არავითარი შეხედულება, განსხვავებული მის მიერ მიწოდებულ გადაწყვეტილებათაგან. მაგრამ მდგომარეობა კიდევ უფრო გაუარესდა, რაც ნ. ჩერნიშევსკის თქმით შემდეგში გამოიხატება: თუ 1859 წ. 5 მარტის სხდომაზე თავმჯდომარე ჯერ კიდევ აყენებდა თავის შეხედულებებს, რომლებიც „უსარგებლო არ იქნებოდა მიელოთ მხედველობაში“, ორნახევარი თვის შემდეგ, 20 მაისის სხდომაზე, ის უკვე შემდეგნაირად გამოთქვამდა თავის აზრს: გლეხის მიწის გამოსყიდვა, როგორც უკვე იყო ჩემს მიერ განმარტებული, უზენაესი ნება-სურვილის საფუძველზე უნდა იყოს არა სავალდებულო, არამედ ნებაყოფლობითი, ე. ი. გამოსყიდვა არ შეიძლება ხდებოდეს მემამულის ფორმალური თანხმობის გარეშე — გაყიდოს, ხოლო გლეხისა — იყიდოს ადგილმამული, კარმიდამოს გამოკლებით, რომლის გაყიდვა სავალდებულოა იმ მემამულეთათვის, რომლებიც არ განაცხადებენ თანხმობას მიწის მიწების გაყიდვაზე“¹⁰.

ასეთ მოქმედებას ნ. ჩერნიშევსკი ბიუროკრატიულ მიდგომას უწოდებს „... ასეთი ბიუროკრატიული წესის დროს, — აცხადებს ის, — სრულიად გამოუსადეგარია იმ ადამიანთა ჰკუა, ცოდნა, გამოცდილება, რომლებსაც მინ-

⁹ Архив Маркса и Энгельса, т. XI, 1948.

¹⁰ იქვე, გვ. 188.

დობილი აქვთ საქმე. ეს აღამიანები მოქმედებენ მანქანებით, რომელთაც არ აქვთ თავისი აზრი¹¹.

აქაც საჭიროდ არ მიგვაჩნია განმარტება.

ამრიგად, ნ. ჩერნიშევსკის თვით საგლეხო რეფორმის გატარების პერიოდში სალად ჰქონდა წარმოდგენილი ის გარემოება, რომ თვითმპყრობელობისა და მებატონეთა ხელიდან გამოსულ გლეხთა „გათავისუფლება“ მხოლოდ მათი მოტყუება და კაბალურ მდგომარეობაში ჩავდება იყო.

ასეთია ძირითადად რუსეთის რევოლუციურ-დემოკრატიული ინტელიგენციის შეხედულება გლეხობაზე, საერთოდ, და საგლეხო რეფორმაზე, კერძოდ. მან დასმულ საკითხზე იმ დროის მიხედვით მეტად რადიკალურ-რევოლუციური აზრი განავითარა და საკმაო კვალი დატოვა გლეხთა რევოლუციური ბრძოლის ისტორიაში.

განვიხილოთ ქართველ თერგდალეულთა დამოკიდებულება ეპოქის ძირითადი საკითხის — საგლეხო რეფორმისადმი.

ზემოთ ჩვენ საუბარი გვქონდა თერგდალეულთა მიმართ რუსეთის რევოლუციურ დემოკრატთა გავლენის შესახებ და მიუთითეთ, რომ მათ დიდი, საგრძნობი გავლენა ჰქონდათ თერგდალეულებზე სოციალურ საკითხში, რაც აიხსნებოდა რუსეთთან საქართველოს საზოგადოებრივ-ეკონომიური განვითარების იმ საერთო ნიშნებით და განვითარების მეტ-ნაკლები დონით, რაზედაც იყო საუბარი. ერთ განმსაზღვრელ წყაროს ის იდეური გავლენაც შეადგენდა, რომელიც თერგდალეულებმა რუსეთის უმაღლესი სკოლის კედლებსა და უშუალოდ თვით რევოლუციონერ დემოკრატებთან კავშირის შედეგად განიცადეს. მაგრამ თერგდალეულთა პროგრამის სოციალურ საკითხში ფესვი თვით საქართველოს სინამდვილეში ჰქონდა და მისთვის ამოსავლადაც საქართველოს განვითარების დონე და ხასიათი უნდა მივიჩნიოთ.

როგორც საგლეხო რეფორმის წინ, ისე მისი მომზადებისა და გატარების პერიოდში და შემდეგაც თერგდალეულები გლეხობის დასაცავად გამოდიოდნენ. მაგრამ ამ საერთო ხაზის მიუხედავად თერგდალეულთა შორის არსებობდა განსხვავებაც როგორც ცალკეული საკითხების დასმისა და გადაჭრის, ისე ბრექტიკული საქმიანობის მხრივ.

როგორი იყო ილია ჭავჭავაძის დამოკიდებულება ბატონყმობის საკითხისადმი? ჯერ კიდევ 1858 წელს დაწერილ ლექსში „გუთნის დედა“ ილიამ დახატა ყმა გლეხის ყოვლად უნუგეშო მდგომარეობა... ხოლო პოემაში „აჩრდილი“ (1860 წ.) მან დააყენა ბატონყმური ურთიერთობის მოსპობის აუცილებლობის საკითხი. გლეხთა ბრძოლა ბატონყმობის წინააღმდეგ ილიამ მოგვცა პოემაში „კაკო ყაჩაღი“ (1860 წ.). ასეთივე აზრია გატარებული ილიას მოთხრობაში „გლახის ნაამბობი“ (1862 წ.). ამ ნაწარმოებში მოცემულია წოდებათა შერიგების შეუძლებლობის აზრი.

ილია ჭავჭავაძის გმირები იარაღით უსწორდებიან აუტანელ მებატონეებს, რაც მიუთითებს მწერლის შეურიგებელ დამოკიდებულებაზე ბატონყმური ინსტიტუტისადმი.

ბატონყმობის გაბრწყნილება დაგვიხატა ილიამ „კაცია-აღამიანში“¹¹, რომელშიც წარმოდგენილია გადაგვიარებული მებატონე, პირუტყვულ მოთხოვნილებათა დაკმაყოფილებაში რომ ატარებს თავის დღეებს.

¹¹ Архив Маркса и Энгельса, т. XI, 1948, გვ. 190.

იხილავს რა ილია ჭავჭავაძის ჩვენ მიერ დასახელებულ მხატვრულ ნაწარმოებებს, პროფ. პ. რატინი აღნიშნავს, რომ ილია „მოუწოდებს გლეხებს იარაღით გაუსწორდნენ თავიანთ გულქვა ბატონებს. როგორც რუსეთში ჩერნიშევსკი მოუწოდებდა გლეხობას ნაჯახისაკენ, ისე ჩვენში ილია ჭავჭავაძე მოუწოდებდა ყმა გლეხებს იარაღისაკენ“¹². მაგრამ ავტორმა შემდეგ აღარ განავითარა ეს შედარება ილია ჭავჭავაძისა ჩერნიშევსკისთან. სინამდვილეში სულ სხვაგვარი იყო ის მოწოდება, რომლითაც ჩერნიშევსკი მიმართავდა გლეხებს და ასევე სხვაგვარი იყო ის შეხედულება, რომელიც მან მოგვცა ბატონყმობის დამხობის შესახებ, ვიდრე ილიას, ან რომელიმე სხვა თერგდალეულს ახასიათებს. ნ. ჩერნიშევსკი გლეხობას რევოლუციისაკენ მოუხმობდა, ის გლეხთა რევოლუციის იდეის ავტორად გვევლინება და სხვ. შეხედულებათა ეს სხვაობა აიხსნება რუსეთსა და საქართველოს შორის სოციალ-ეკონომიურ განვითარებასა და გლეხთა ბრძოლაში არსებული განსხვავებით.

ამდენად მართებულად უნდა მივიჩნიოთ აკად. გ. მელიქიშვილის შეხედულება თერგდალეულთა მსოფლმხედველობის შესახებ: „ღრმა განსხვავება, კერძოდ, რომელიც არსებობდა რუსეთისა და საქართველოს სინამდვილეს შორის, ორივე ქვეყნის პროგრესული ძალების წინაშე მდგომი განსხვავებული ამოცანები... ვფიქრობთ, საეჭვოდ ზღის ილია ჭავჭავაძისა და მისი თანამოაზრეების ნ. ჩერნიშევსკისა და ტ. შევჩენკოს ტიპის რევოლუციურ დემოკრატიის აზრს“¹³.

როგორ აფასებდა ილია ჭავჭავაძე ბატონყმობას საქართველოში?

„... წოდებათა შორის უფლების ცილება ეკონომიურის თუ პოლიტიკურისა. ცილება — რომელიც უადრესი მიზეზი იყო დაუქინებელის განხეთქილებისა სხვა ქვეყნებში, ჩვენში არ არსებობდა. ამიტომაც... ჩვენი თავადაზნაურობა არ დაჰშორებია გლეხობას, არ შეუყუეტნია თავი, თავისი საკუთარი ინტერესები არ შემოუხზავს ისე, როგორც სხვაგან... ჩვენში გლეხთა და სხვა წოდებათა შორის კეთილი მიდრეკილება სუფევს. ჩვენს ცხოვრებაში არის იმისთანა ფესვნი, რომელთა ზედაც შეიძლება ამოვიდეს სიკეთე ერთობისა და ყველასათვის სახეიროდ გაიშალოს“ ... „ერთ ბიჯსაც წინ ვერ წავდგამთ ამ ბრძოლაში (ილია გულისხმობს ბრძოლას „ყოველგვარ შევიწროვებასთან“). თუ ყველამ ცალკე გაიწიეთ, ყველამ ცალკე ვიბრძოლეთ. თუ ასეა, ნუთუ ყველა საზოგადოებრივ ძალთა ერთს კვალში ჩაეყენება სანატრელი არ უნდა იყოს ყველასათვის? ნუთუ ყოველი ჩვენგანი არ უნდა ცდილობდეს სრულიად აღმოიფხვრას ჩვენთა წოდებათა შორის განხეთქილების მიზეზნი, რომ ჩვენი ცხოვრება წარმოადგენდეს ერთს დიდებულს დენას შეერთებულის ძალისას? ამიტომაც დიდად სცოდვენ, — ამბობს ილია, — ქვეყანასა და ხალხსაც ნამეტნავად ჩვენში, — ისინი, ვისაც გულში ჩაუღვია, გინდა თუ არა განხეთქილება უნდა იყვესო წოდებათა შორის, რადგანაც ევროპაში ეგ განხეთქილება სუფევსო“¹⁴.

მოტანილი ადგილები აშკარად მიუთითებენ ილიას „წოდებათა შერიგებისა და მშვიდობიანი თანამშრომლობის“ თეორიაზე.

¹² პ. რატინი, ილია ჭავჭავაძე — ფილოსოფიური და სოციალურ-პოლიტიკური შეხედულებანი, 1954, გვ. 145.

¹³ გ. მელიქიშვილი, საქართველოს ისტორიის შესწავლა ოქტომბრის დიდი სოციალისტური რევოლუციის 50 წლისთავზე, (კრებული: „საისტორიო წერილები“, 1968), გვ. 27.

¹⁴ ილია ჭავჭავაძე, ნაწერებხს სრული კრებული, ტ. VIII, გვ. 61.

წოდებათა ბრძოლის ფაქტის უგულვებელყოფა საქართველოში და მათი შერიგების იდეა ილიასათვის წარმოადგენდა მისი უმთავრესი მრწამსის — საქართველოს ეროვნული განთავისუფლების საყრდენს¹⁵.

ამჟამად ამას შეიძლება ის დავძინოთ, რომ თერგდალეულთათვის მთავარ პრობლემას ეროვნული დამოუკიდებლობის მოპოვება წარმოადგენდა, რომელსაც მათ (განსაკუთრებით ილიამ და აკაკიმ) დაუქვემდებარეს სოციალური პრობლემის გადაჭრაც. სწორედ ამით აიხსნება ეს წოდებათა „შერიგების აზრი“, რაც ეწინააღმდეგება ამავე საკითხზე ილიას მიერ მხატვრულ ნაწარმოებებში გატარებულ შეხედულებას.

როგორ შეაფასა ილია ჭავჭავაძემ საგლეხო რეფორმა? ამ საკითხზე თავისი აზრი მან განაუთარა პუბლიცისტურ ნაწარმოებში „ცხოვრება და კანონი“ (1877 წ.). ეხება რა რეფორმის იმ შეფასებას, რომელიც ილიამ მოგვცა, პ. რატინი წერს: „თავდაპირველად იგი (ილია ჭავჭავაძე, — გ. ფ.) მომხრეა უსასყიდლოდ მიეცეს გლეხს ის მიწები, რომლებიც მას სახმარად უჭირავს, მაგრამ, რადგანაც ასეთი აზრის გავრცელებაც არავის სურდა, ილია დასჯერდა გლეხებისათვის აღნიშნული მიწების დროებით სარგებლობაში დატოვებას... რჩებოდა რა თავისი კონცეფციის ერთგული, — განაგრძობს ავტორი, — ილია სრულიადაც არ აყენებდა მიწაზე მემამულური საკუთრების მოსპობის საკითხს... მართალია, თავდაპირველად იგი მოითხოვდა გლეხობისათვის იმ მიწების უსასყიდლოდ გადაცემას, რომელიც მათ სახმარად ეჭირათ, მაგრამ, ვფიქრობთ, რომ ამ ღონისძიების გატარებაც ილიას წარმოდგენილი უნდა ჰქონოდა არა თავდაზნაურთათვის ამ მიწების იძულებით ჩამორთმევის სახით, არამედ ნებაყოფლობით, ან მთავრობის მიერ სათანადო ანაზღაურების გაცემის სახით. ამიტომ შემთხვევით როდია, რომ მან შედარებით იოლად დასთმო თავისი თავდაპირველი პოზიცია და დიდ სიკეთედ მიიჩნია გლეხობისათვის მიწის დროებით სარგებლობაში დატოვება“¹⁶.

სავსებით სწორია ეს შეხედულება და ჩვენც ამავე აზრისა ვართ ილიას პოზიციის შესახებ საგლეხო რეფორმის ძირითადი საკითხის — გლეხობისათვის მიწის გადაცემის პირობათა შესახებ. მაგრამ, რა გამომდინარეობს აქედან? — მხოლოდ ის, რომ ილია ჭავჭავაძე საგლეხო რეფორმის გატარების საკითხში არ იდგა ისეთ ნიადაგზე, როგორზედაც რუსეთის რევოლუციურ დემოკრატები ნ. ჩერნიშევსკის მეთაურობით.

ასეთი იყო ილია ჭავჭავაძის დამოკიდებულება საგლეხო რეფორმისადმი.

ილია ჭავჭავაძის თანამებრძოლთაგან პირველ რიგში განვიხილოთ აკაკი წერეთლის დამოკიდებულება ბატონყმობისა და საგლეხო რეფორმისადმი.

აკაკი წერეთლის შემოქმედების გაცნობა გვარწმუნებს, რომ ის განიცდიდა „სოვრემენიკის“ იდეების გავლენას. ამიტომაც, რომ „აკაკის „იმერული ნაწინა“ და სხვა ლექსები თავისი თემატიკით და განწყობილებით ძალიან უახლოვდებიან ნეკრასოვის პოეზიას“¹⁷.

გლეხობის საკითხში აკაკი წერეთელი დემოკრატიულ პოზიციაზე იდგა, რისთვისაც გარკვეული მნიშვნელობა ჰქონდა მის აღზრდას გლეხის ოჯახში.

¹⁵ გ. ფურცელაძე, ილია ჭავჭავაძის დამოკიდებულება ბატონყმობისა და საგლეხო რეფორმისადმი, ჟურნ. „ცისკარი“, 1964, № 4, გვ. 126.

¹⁶ პ. რატინი, დასახ. ნაშრომი, გვ. 154 (ხაზი ჩვენია, — გ. ფ.).

¹⁷ ლევან ასათიანი, ცხოვრება აკაკი წერეთლისა, თბ., 1952, გვ. 6.

გეხიბატეს რა გლეხთა აუტანელ მდგომარეობას, პოეტი თანაგრძნობითაა მათ-
 დამი განწყობილი.

საგლეხო რეფორმის გამოცხადებას რუსეთში ის გამოეხმაურა ლექსით „მუშური“ (1861 წ. 15 აპრილი), რომელშიც გამოხატა ყმა გლეხთა აუტანელი მდგომარეობა. ამას მოყვა მეორე ლექსი „გლეხის აღსარება“, რომელშიც გა-
 შიშვლებულია მებატონის აღვირახსნილი ძალადობა და გლეხის დამონება, პირველისაგან მომდინარე უსაზღვრო ექსპლუატაცია, ხოლო მეორის აუტან-
 ელი შრომა. როგორც ცნობილია, ამ ლექსმა საშინელი რეაქცია გამოიწვია თავადაზნაურთა წრეებში და თავადმა მიქელაძემ აკაის მოსაკლავად შეუტრა.

ლექსში „იმერული ნანინა“ (დაიბეჭდა „ცისკრის“ 1864 წლის მაისის ნომერში), რომელსაც ქვესათაურად წამძღვარებული აქვს „უძღვნი საბატონო ყმების ახალშობილ შვილებს“ აკაი ასე მიმართავს ამ ახალშობილს: „გაიზრდები გენაცვალე, თავისუფალიო, ბატონი ვერ შეგაწუხებს, ვერ გაგტეხს ვა-
 ლიო“. ასეთი რწმენით უმღერა პოეტმა გლეხთა ახალგაზრდა თაობას ცოტათი ადრე საგლეხო რეფორმამდე. მაგრამ პოეტის ეს მოლოდინი არ გამართლდა საგლეხო რეფორმის მებატონური ხასიათის გამო, რაშიც ის მალე დარწმუნდა. ეს ვარემოება პოეტმა მით გამოხატა, რომ „ჩემ თავგადასავალში“ წერდა: „... ბატონყმობა უნდა გადაუარდნილიყო, ახალი რეფორმები შემოდიოდა და, რასაც ჩვენ ისე შევხაროდით, ისიც თავისთვის კუდს იტოვებდა. სახე-
 ლით ყველაფერი კარგი იყო, მაგრამ სახრავად კი არ ვარგოდა“ (ხაზი ჩვენია, — გ. ფ.). მოტანილი ადგილი იმაზე მიუთითებს, რომ აკაი წერეთელმა საგლეხო რეფორმის მართებული შეფასება მოგვცა — რეფორმა გლეხობისათვის მიუღებელი იყო.

ვიდრე სხვა თერგდალეულებს შევეხებოდეთ, საჭიროა აღინიშნოს, რომ თერგდალეულთა შორის ადგილი ჰქონდა შეხედულებათა სხვაობას. აზრთა ეს სხვაობა ჯერ კიდევ ბატონყმობის დროს ჩაისახა და თავისი გამოხატულება საგლეხო რეფორმის შეფასებაში ჰპოვა. აზრთა სხვაობა თერგდალეულთა შორის უფრო მკვეთრად გამოისახა საგლეხო რეფორმის შემდეგ.

ცნობილია, რომ 1877—1878 წლებში ჩამოყალიბდა თერგდალეულთა ორი მიმდინარეობა: „პირველი ილია ჭავჭავაძის მეთაურობით, რომელიც ე. წ. „საერთო ნიადაგის“ თეორიას ავითარებდა და წოდებრივი (კლასობრივი) ბრძოლის შენელებისაკენ მოუწოდებდა, ხოლო მეორე — „დროების“ გარშემო შემოკრებილ თერგდალეულთა, რომელნიც სამრეწველო კაპიტალიზმის განვითარებას მოითხოვდნენ.

გარდა ამისა, უთანხმოების წყაროს, აგრეთვე, წარმოადგენდა აზრთა სხვაობა თავადაზნაურობის როლის საკითხში. ილია ჭავჭავაძე თვლიდა, რომ ახალი საზოგადოებრივი ვითარების დროსაც თავადაზნაურობა უნდა წარმოადგენდეს ხელმძღვანელ ძალას, ხოლო „დროების“ გარშემო დარაზმული თერგდალეულები ამ წოდებას უკვე დრომოკმულად მიიჩნევდნენ.

თერგდალეულებს შორის ნ. ნიკოლაძე ითვლება ერთ-ერთ გამოჩენილ ქართველ მწერალ-პუბლიცისტად და საზოგადო მოღვაწედ. თერგდალეულები საერთოდ მეტ-ნაკლები ზომით განიცდიდნენ რუსეთის რევოლუციურ დემოკრატიების გავლენას, მაგრამ „მათ შორის ყველაზე უფრო გამოირჩევა რო-

გორც პირადი, ისე იდეური დამოკიდებულების მიხედვით, ნ. ი. ნიკოლაძის ურთიერთობა დიდ რუს განმანათლებლებთან¹⁸.

სტუდენტთა ცნობილ დემონსტრაციაში მონაწილეობის გამო 1861 წლის სექტემბერში, თავის ამხანაგებთან ერთად (გ. წერეთელი, კ. ლორთქიფანიძე და სხვ.), ნიკო ნიკოლაძემ იგემა ცარიზმის რეპრესია (დაპატიმრებული სტუდენტები ჯერ პეტრეპავლეს ციხეში მოათავსეს და შემდეგ კრონშტადტის ყაზარმებში გადაიყვანეს). ციხიდან განთავისუფლების შემდეგ მან გაიცნო ნ. ჩერნიშევსკი, რომელთანაც მჭიდრო კავშირი დაამყარა. 1864 წლის დასაწყისში პარიზში ის გაეცნო ა. გერცენს და „კოლოკოლში“ დაბეჭდა საინტერესო ნაშრომი „გლეხთა განთავისუფლება საქართველოში“ (1865 წ. №№ 198, 199).

ნ. ნიკოლაძემ საგლეხო რეფორმის მეტად მკვეთრი დახასიათება მოგვცა, როდესაც განაცხადა „მეფემ ხალხი მოატყუა“¹⁹, გლეხოთა კიდევ უფრო მძიმე ეკონომიურ მდგომარეობაში მოექცა და სხვ. ნ. ნიკოლაძე შედარებით ვრცლად იხილავს საგლეხო რეფორმის 1864 წლის ადგილობრივ დებულებას და მიუთითებს მის აშკარა მეტატონურ ხასიათზე. კერძოდ, მიწის გამოსყიდვის შესახებ ის შემდეგს წერს: „მთავრობამ მიწის გამოსყიდვა, საერთოდ, და მისი ყოველი პირობა, ცალ-ცალკე, გადასაჭრელად მიანდო... შემამულეთა „ნებაყოფლობით შეთანხმებას“ გლეხებთან!.. უმიწაწყლო, ულუკმაპურო გლეხი, რომელსაც საშუალება არ გააჩნია რამე სამუშაო იშოვოს, უნდა დასთანხმდეს შემამულის ყველა შესაძლებელ და შეუძლებელ პირობას, რომ თავი დააღწიოს თავისი მეურნეობის ნაწარმოებთა მეოთხედი ან მესამედი ნაწილის გადაცემას; ასეთ მდგომარეობას „ნებაყოფლობით შეთანხმებას“ უწოდებენ! — დასკვნის ავტორი²⁰.

ილაშქრებდა რა თავდაზნაურობის წინააღმდეგ, ნ. ნიკოლაძე წერდა: „ახალი თაობის ამოცანას შეადგენდა ისეთი საზოგადოებრივი წყობილების განხორციელება, რომლის დროსაც საზოგადოებრივ ცხოვრებაში მოსპობილი იქნებოდა ყოველგვარი პრივილეგიური კლასები, მამსადამე, მოსპობილი იქნებოდა თავდაზნაურობა“²¹. ამასთან ის გადაჭრით მოითხოვდა მიწის გადაცემას მშრომელი ხალხისათვის²².

ზემოაღნიშნულიდან ის გამომდინარეობს, რომ თერგდალეულთაგან ნ. ნიკოლაძე გვევლინება გლეხობის დიდ ქომაგად, საერთოდ, და საგლეხო რეფორმის ყველაზე მკვეთრ მამხილებლად, კერძოდ.

დავახასიათოთ ნ. ნიკოლაძის ცნობილი თანამებრძოლი გ. წერეთელი.

როგორც აღნიშნული იყო გ. წერეთელსაც დაედო მეფის თვითმპყრობელობის მსჯავრი 1861 წ. სტუდენტთა დემონსტრაციაში მონაწილეობის გამო. ნ. ნიკოლაძის მსგავსად, გ. წერეთელიც უფრო რადიკალურ პოზიციაზე იდგა, ვიდრე თერგდალეულთა პირველი თაობა ილია ჭავჭავაძის მეთაურობით.

ბატონყმობის შესახებ გ. წერეთელი იმ შეხედულების იყო, რომ ის „ან

18 გ. ზაქარიაძე, ნიკო ნიკოლაძის სოციალურ-პოლიტიკური შეხედულებანი, 1955, გვ. 70.

19 ნ. ნიკოლაძე, თხზულებანი, ტ. 1, ს. ხუნდაძის რედაქციით, 1931, გვ. 177.

20 იქვე.

21 გ. ზაქარიაძე, დასახ. ნაშრომი, გვ. 89.

22 იქვე.

სულ უნდა მოისპოს და ან გადაკეთდეს ახალ შემოსულ მოთხოვნებებისა-
მებრ“²³.

საგლებო რეფორმის ანალიზს გ. წერეთელი გლეხობის ინტერესებიდან აწარმოებდა და შედარებით „მეტის“ მოთხოვნის პრინციპით ხელმძღვანელობდა გლეხობის სასარგებლოდ და ამ მხრივ გვერდში ედგა ნ. ნიკოლაძეს. მაგრამ, ამის მიუხედავად, არც მას შეეძლო ამაღლებულიყო რუსეთის რევოლუციურ დემოკრატიული აზროვნებისა და კერძოდ ნ. ჩერნიშევსკის დონემდე. ეს მოვლენა საქართველოს საერთო მდგომარეობისა და განვითარების დონით იყო შეპირობებული, რაზედაც უკვე ითქვა.

საგლებო რეფორმა მან ასე შეაფასა: „ხალხი... ერთი-ორად დაბეგრდა და ამას გარდა მას საკუთრებაც დაეკარგა“²⁴.

თერგდალეულთა „ახალი ახალგაზრდობის“ შემადგენლობაში სერგეი მესხიც შედიოდა. ვიორგი წერეთლის შემდეგ 1869 წლიდან ის გახ. „დროების“ ხელმძღვანელია.

სერგი მესხმა შეიქმნო ისტორიული ქეშმარიტება, რომ მემამულეებსა და გლეხებს შორის წარმოებდა შეურიგებელი კლასობრივი ბრძოლა. ის წერდა: „ბატონსა და ყმებს შუა სუფევდა მუდამ განხეთქილება და უთანხმოება“²⁵. სერგეი მესხი მკაცრად აკრიტიკებდა ქართველ თავადაზნაურობას.

ს. მესხი აღიარებდა, რომ გლეხთა მძიმე მდგომარეობიდან გამოსაყვანად საჭიროა მათ ჰქონდეთ მიწა, ფული და განათლება. მისი ეს დასკვნა გამოძინარეობდა საქართველოში იმ დროს შექმნილი ახალი სოციალ-ეკონომიური ვითარების შეცნობიდან. ს. მესხი თვლიდა, რომ გლეხთა აჯანყებანი ხელს უწყობდნენ ქვეყნის განთავისუფლების საქმეს, მაგრამ ის არ მოუწოდებდა ხალხს აჯანყებისაკენ „რადგან დაუყოვნებლივი აჯანყების გზით მისი ეროვნული და დემოკრატიული იდეალების განხორციელება 70-იან წლებში შეუძლებელი იყო“²⁶.

ს. მესხი ეხება ბატონყმობის ნაშთების საკითხს და აღნიშნავს, რომ „ჩვენი გლეხს უმიწაწყლოდ... ცხოვრება არ შეუძლია“ ... გლეხებმა უნდა მიმართონ ნაბატონევს და ღალა გაიღონ; მათ უმეტესობას, — „სამესამედოდ და ზოგან სანახევროდაც აქვთ მიწები ალებული“²⁷. ამ შემთხვევაში სწორად ახასიათებს ს. მესხი გლეხთა უნუგეშო მდგომარეობას ბატონყმობის გაუქმების შემდეგ, რადგან რუსეთთან შედარებით, ჩვენი გლეხობა გაცილებით უარეს კაბალურ მდგომარეობაში აღმოჩნდა; ამას აპირობებდა საქართველოს მცირე-მიწიანობა და რუსეთის ცარიზმის მხრივ ქართველი თავადაზნაურობისადმი მეტი მზრუნველობის გამოჩენა.

რაც შეეხება გლეხთა რევოლუციის საკითხს, ს. მესხს მიაჩნდა, რომ საქართველოში არ იყო პირობები ხალხის ჩაბმისათვის რევოლუციურ ბრძოლაში. ამრიგად ის ქვეყნის შიგნით არსებული ვითარებიდან გამოდიოდა.

ეროვნულ-განმათავისუფლებელი მოძრაობის ხელმძღვანელთა რიგებს

²³ გ. წერეთელი, თხზულებათა სრული კრებული, ტ. 1, გვ. 31.

²⁴ „დროება“, № 10, 1879 წ.

²⁵ ს. მესხი, ნაწერები, 1903, გვ. 60 (მოტანილია მიხეილ გაფრინდაშვილის წიგნიდან „ქართული განმანათლებლობა“, 1966, გვ. 177).

²⁶ მ. გაფრინდაშვილი, დასახ. ნაშრომი, გვ. 202.

²⁷ იქვე, გვ. 178.

მიეკუთვნება ცნობილი პუბლიცისტი და საბავშვო მწერალი იაკობ გოგებაშვილი²⁸.

იაკობი აქტიურად მონაწილეობდა ეროვნულ-განმათავისუფლებელ მოძრაობაში; კერძოდ, მას (სხვებთან ერთად) დიდი წვლილი მიუძღვის ქართველთა შორის წერა-კითხვის გამავრცელებელი საზოგადოების შექმნისა და ხელმძღვანელობის საქმეში. იაკობ გოგებაშვილიც ორი პრობლემის ირგვლივ რაზმავდა ქართველ ხალხს: ეს პირველ რიგში ეროვნული საკითხია, რომელსაც ის წინა პლანზე აყენებდა. ამასთან იაკობი იბრძოდა გლეხობის მდგომარეობის გაუმჯობესებისათვის და მოითხოვდა ბატონყმობის ნაშთების მოსპობასა და გლეხობის მიწის მესაკუთრედ გადაქცევას.

XIX ს-ის 50—60-იან წლებში რუსეთისა და საქართველოს საზოგადოებრივ-ეკონომიური განვითარებისა და მის ნიადაგზე ვაშლილი საზოგადოებრივი მოძრაობის გათვალისწინება ნათელს ხდის იმ გარემოებას, რომ ამ ორ ქვეყანას შორის, ძირითადად საერთოსთან ერთად, ადგილი ჰქონდა განსხვავებასაც, რამაც განაპირობა დასახელებული პერიოდის იდეოლოგიური მსგავსებავანსხვავებაც რუსეთის რევოლუციურ დემოკრატიებსა და თერგდალეულებს შორის. პირველნი უფრო შორს წავიდნენ და გლეხთა რევოლუციის იდეოლოგიებდ მოგვევლინენ, ხოლო მეორენი, ორი პრობლემის გადაჭრისათვის თავდადებულად მებრძოლნი, საქართველოს სინამდვილის მიერ ნაკარნახევი ამოცანების შეცნობის სიმაღლეზე აღმოჩნდნენ და რუსული ჩერნიშევსკისებური რევოლუციონიზმი მექანიკურად არ გადმოიტანეს.

ამიტომ, ჩვენ ვფიქრობთ, რომ თერგდალეულთა შეფასებისათვის საყურადღებო აზრი მოგვცა ღრმად მოაზროვნე ქართველმა მეცნიერმა აკად. ნ. ბერძენიშვილმა. რომელიც აღნიშნავს შემდეგს: „თერგდალეულთა ბელადმა (ილია ჭავჭავაძემ, — გ. ფ.) დიდი რეალისტი მხატვრის კალმით დახატა ბატონყმური საქართველოს კლასობრივი ურთიერთობის სურათები, პირველმა აღნიშნა და განმარტა „ჩატეხილი ხიდის“ სოციალური ფაქტი და ამ ხიდის ჩატეხის დროც სწორად განსაზღვრა.

მაგრამ თერგდალეულებმა, იმ დროის საქართველოს სპეციფიკურ პირობებში, ვერ დასახეს რევოლუციური გამოსავალი და კლასთა ბრძოლის ნაცვლად „კლასთა შეთანხმების“ ქადაგება თავს იღვეს.

ამის შემდეგ თერგდალეულთ, რა თქმა უნდა, არ შეეძლოთ მდგარიყვნენ რევოლუციონერ-დემოკრატი პოზიციაზე, ე. ი. იმ პოზიციაზე, რომლის ერთადერთი სწორი შემდგომი განვითარება იქნებოდა მარქსიზმი, ანუ რევოლუციური კლასთა ბრძოლის აღიარება საზოგადოებრივი პროგრესის ერთადერთ გზად. ამდენადვე თერგდალეულები ვერ შეჩინენ მარქსიზმის წინამორბედთა პოზიციებს²⁹.

ქართველ თერგდალეულთა მსოფლმხედველობა ისეთივე სპეციფიკური იყო, როგორც მათი დროის საქართველოს სინამდვილე.

²⁸ გ. თავნიშვილი, იაკობ გოგებაშვილი — მონოგრაფია, 1952, გვ. 31.

²⁹ ნ. ბერძენიშვილი, ქართული ისტორიოგრაფიის განვითარების მთავარი ხაზი (თეზისები), თბ., 1964, გვ. 9—10 (ხაზი ჩვენია, — გ. ფ.).

მასალები საქართველოს სოციალურ-ეკონომიური ისტორიისათვის, მზითვის წიგნები*

ქართულ დოკუმენტურ წყაროებს შორის თვალსაჩინო ადგილი უკირავს მზითვის წიგნებს, რომლებშიც ძალზე საინტერესო და მრავალმხრივი მასალა დაცული საქართველოს სოციალურ-ეკონომიური, პოლიტიკური და კულტურის ისტორიისათვის.

ზემოხსენებული სახის დოკუმენტებს, როგორც ძვირფას წყაროს საქართველოს წარსულის შესასწავლად ყურადღება მიაქციეს მ. ბროსემ, მ. ჯანაშვილმა, ექ. თაყაიშვილმა, ივ. ჯავახიშვილმა, ს. კაკაბაძემ, ნ. ბერძენიშვილმა, ი. გრიშაშვილმა, ს. ბარნაველმა და სხვებმა. მათ მიერ სხვადასხვა დროს გამოქვეყნებულია XVII—XIX სს. მზითვის წიგნების ნაწილი, ზოგჯერ სათანადო კომენტარებითაც.

* ტექსტები გამოსაცემად მოამზადა, შესავალი, ლექსიკონი და საძიებლები დაურთო მზია იაშვილმა, თბ., 1974.

¹ M. Brosset, Notice sur un document géorgien du XVII-e s. Mélanges asiatiques tirés du «Bulletin de l'Académie impériale des sciences de St. Petersbourg, tome III (1857, 1859), St. Petersburg, 1859; ივერია, 1889, № 234, 235; საქართველოს სიძველენი, ე. თაყაიშვილის რედაქტორობით, ტ. I, ტფილისი, 1899, გვ. 403—408; ტ. II, 1909, გვ. 432—434; ტ. III, 1910, გვ. 477—491; ივ. ჯავახიშვილი, საქართველოს ეკონომიური ისტორიის ძეგლები XIII—XIX სს, წ. II, გამოსაცემად მომზადდა ივანე ჯავახიშვილის სახელობის კაბინეტში დარეჯან მეგრელაძისა და ნათელა ჯავახიშვილის მიერ, თბილისი, 1974, გვ. 16—25; ს ა რ გ ი ს კ ა კ ა ბ ა ძ ე, ისტორიული საბუთები, მზითვის წიგნი დადიანის ქალის ქართლის დედაფლის მარიაშის, 1634, საისტორიო მოამბე, წიგნი II, ტფილისი, 1925, გვ. 17; მასალები საქართველოს ეკონომიური ისტორიისათვის, წ. III, მასალები შეარჩია და გამოსაცემად მოამზადა ნ. ბერძენიშვილმა, თბილისი 1955, გვ. 225, 339, 360, 396, 416, 444, 470, 484, 513, 520, 529, 530, 535; ი. გ რ ი შ ა შ ვ ი ლ ი, ძველი თბილისის ლიტერატურული ბოჰემა, ონზულებათა კრებული ხუთ ტომად, ტ. III,

მზითვის წიგნებში აუარებელი მასალა დაცული ირანთან, თურქეთთან და რუსეთთან საქართველოს სავაჭრო-ეკონომიური ურთიერთობის შესასწავლად. ამ გარემოებას ქართველმა მკვლევებმა კარგა ხანია მიაქციეს ყურადღება². მაგრამ მზითვის წიგნების მნიშვნელობა მარტო ზემოთქმულით არ ამოწურება: მათში დაცული ცნობების საშუალებით შესაძლებელი ხდება მახლობელი აღმოსავლეთის ქვეყნების ქალაქების ისტორიის შესწავლა. სავსებით სამართლიანად წერს პროფ. ვ. გაბაშვილი: «ქართული დოკუმენტური წყაროების ცნობები კარგ მასალას იძლევა მახლობელი და შუა აღმოსავლეთის ქვეყნების როგორც საქალაქო წყობილებისა და ცხოვრების, ისე სოციალურ-

თბილისი, 1963, გვ. 171—181; ს. ბ ა რ ნ ა ვ ე ლ ი, ელისაბედ ბატონიშვილის მზითვის წიგნი, საქართველოს სახელმწიფო მუზეუმის მოამბე X—B, თბილისი, 1940, გვ. 205—233; ს. ბ ა რ ნ ა ვ ე ლ ი, დადიანის ასულის მარიაშის მზითვის წიგნი, აკად. ს. ჯანაშვილის სახ. საქართველოს სახელმწიფო მუზეუმის მოამბე XXIII—B, თბილისი, 1962.

² ვ. გაბაშვილი, XVI—XVIII სს საქართველოს ქალაქები მახლობელი აღმოსავლეთის სავაჭრო ურთიერთობათა შუქზე, წინარკვევები მახლობელი აღმოსავლეთის ქალაქების ისტორიისა, თბ., 1966, გვ. 193; ე. კ უ ე ო ი, სეფიანთა ირანის ქალაქები და საქალაქო ცხოვრება, თბ., 1966, გვ. 47; დ. კ ა ც ი ტ ა ძ ე, XVII—XVIII საუკუნეთა ქართული დოკუმენტური წყაროები ირან-საქართველოს სავაჭრო-ეკონომიური ურთიერთობის შესახებ (ზოგიდი მიმოხილვა), «მახლობელი აღმოსავლეთის ისტორიის საკითხები», II, თბ., 1972, გვ. 104—131; მ ი ს ი ე ვ ე, თურქეთ-საქართველოს სავაჭრო-ეკონომიური ურთიერთობა XVII—XVIII საუკუნეების ქართული დოკუმენტური წყაროების მიხედვით, ჟურნ. «მაცნე», ფილოსოფიის, ფსიქოლოგიის, ეკონომიკისა და სამართლის სერია, 1973, № 2, გვ. 143—150.



ეკონომიური ისტორიის სხვა მნიშვნელოვანი საკითხების შესასწავლად.

ქართული დოკუმენტური მასალების მიხედვით შეიძლება ვუჩვენოთ, მაგალითად, ირანის როგორც საშინაო ვაჭრობის სტრუქტურა, ისე მისი საერთაშორისო ვაჭრობის ორგანიზაცია (რა თქმა უნდა, საამისო ტერმინოლოგიის ანალიზისა და სათანადო აღმოსავლურ წყაროებთან შედარება-შეჭერების საფუძველზე)³.

როგორც ვხედავთ, მზითვის წიგნების მონაცემები საშუალებას იძლევა საქართველოსა და მახლობელი აღმოსავლეთის ისტორიის მელორიგი საკითხების შესწავლის, ამიტომაცაა, რომ მკვლევრები შეუენელებელ ინტერესს იჩენდნენ და იხეენ მათდამი.

როგორც ზემოთ გვქონდა აღნიშნული, მხოლოდ ნაწილი მზითვის წიგნებისა გამოქვეყნებული იყო სხვადასხვა დროს ქართველ მკვლევართა მიერ, თვით ისეთი მნიშვნელოვანი დოკუმენტი, როგორცაა შანავეზის მზითვის წიგნი (1667 წ.) უკანასკნელ ხანებამდე არ ყოფილა გამოცემული⁴.

ამ ცოტა ხნის წინათ საქართველოს წარსულით დაინტერესებულმა ქართველმა მკითხველმა კარგი საჩუქარი მიიღო: ისტორიკოსმა მზია იაშვილმა გამოსცა მზითვის წიგნების საკმაოდ ვრცელი კრებულ⁵.

წინამდებარე გამოცემაში თავმოყრილია ძირითადად თბილისის სიძველეთსაცავებში დაცული მზითვის წიგნები, რომელთაგან ზოგი აღრეც იყო გამოცემული, ხოლო ზოგი კი პირველად ქვეყნდება. სულ, წინამდებარე პუბლიკაციაში 135 მზითვის წიგნია, რომელთა ქრონოლოგიური ჩარჩოებია 1597—1923 წწ. აქედან, XIX ს-ის 60-იან წლებამდე 94 მზითვის

წიგნი მოდის, 41 — კი XIX ს-ის 60-იანი წლების შემდგომ პერიოდისა და XX ს-ის დასაწყისის განკუთვნიება. თვით გამოცემის განცხადებით წინამდებარე პუბლიკაციასაც სისრულის პრეტენზია არა აქვს. შესაძლოა, რომ კვლავ გამოჩნდეს ამ სახის დოკუმენტები წინამდებარე გამოცემაში მოქცეული მზითვის წიგნები სხვადასხვა დროს და სხვადასხვა სოციალურ ფენას ეკუთვნის (ფეოდალური არისტოკრატია, მოქალაქენი, ვაჭარ-ხელოსნები...), ამდენად მათი შინაარსიც სხვადასხვანაირია.

მზითვის წიგნების შინაარსის საშუალებით შესაძლებელი ხდება მისი გამოცემის ქონებრივი, სოციალური მდგომარეობისა და კულტურის დონის დადგენა... სხვაგვარი საკონკრეტო შანავეზის, ელისაბედ ბატონიშვილის, ქსნის ერისთავის დაივითის ასულის ელენეს, ანუკა ბატონიშვილის მზითვის წიგნებში და სხვა, ვთქვათ, გოგია ზოსრუაშვილის ქალის თალალას⁶ ან მია ბეგოვის⁷ მზითვის წიგნებში.

ფეოდალური არისტოკრატის ქალებისათვის გატანებულ მზითვეში თვალ-მარგალიტისა, ძვირფასი ქსოვილებისა და ტანსაცმლის გვერდით ცენტრალურ ადგილზე გვხვდება სასულიერო და მხატვრული ლიტერატურა (რასაკვირველია, აუცილებლად «ვეფხისტყაოსანი»⁸).

ზავსამით უნდა აღინიშნოს, რომ წინამდებარე გამოცემა ყველაზე სრულია მზითვის წიგნების გამოცემათა შორის. მას თან ახლავს ლექსიკონი და საგნობრივი საძიებელი, რაც მკითხველს უადვილებს წიგნით სარგებლობას.

სარეცემის წიგნი მზია იაშვილის ზანტრძლივი შრომის ნაყოფია. გამოცემელებს მიზნად დაუსახავს მზითვის წიგნების პუბლიკაციის შემდეგ ნარკვევის გამოქვეყნება, სადაც «მოცემული იქნება მზითვის წიგნების ყოველმხრივი შესწავლის ცდა»⁹.

გამომცემლის ეს განზრახვა უდავოდ მისასაღებელია და დაინტერესებული მკითხველი ამ კარგი პუბლიკაციის შემდეგ ასევე კარგ და საინტერესო გამოკვლევას ელის.

წინამდებარე გამოცემას აქვს მცირეოდენი ხარვეზი: გამოტოვებულია აღრეც გამოცემული რამოდენიმე მზითვის წიგნი¹⁰. იმ დროს რა-

⁶ მზითვის წიგნები, გვ. 5.

⁷ იქვე, გვ. 144.

⁸ იქვე, გვ. 173.

⁹ იქვე, გვ. 5.

¹⁰ ითან დროინდელი ქალის მზითვის წიგნი დათარიღებულია 1795 წლის აგვისტოს 15-ით. საქართველოს სიძველენი, I, ტფილისი, 1899, გვ. 403—408; მზითვის სია მიცემული

³ ვ. გ ა ბ ა შ ვ ი ლ ი, მახლობელი აღმოსავლეთის სოციალურ-ეკონომიური ისტორიის დოკუმენტური წყაროები, «მახლობელი აღმოსავლეთის სოციალურ-ეკონომიური ისტორიის ნარკვევები», თბ., 1968, გვ. 24, 25;

⁴ როგორც ჩანს, ივ. ჯავახიშვილის განზრახულა ჰქონდა სხენებული დოკუმენტის გამოქვეყნება. მისი პირი აღმოჩნდა ივ. ჯავახიშვილის არქივში და გამოიცა 1974 წ. ივ. ივ. ჯ ა ვ ა ხ ი შ ვ ი ლ ი, საქართველოს ეკონომიური ისტორიის ძეგლები (XIII—XIX სს), წიგნი II.

⁵ მასალები საქართველოს სოციალურ-ეკონომიური ისტორიისათვის, მზითვის წიგნები, ტექსტები გამოსაცემად მოამზადა, შესავალი, ლექსიკონი და საძიებელი დაურთო მზია იაშვილმა.

დესაც გამოქვეყნებული მზითვის წიგნების ნაწილი შევიდა წინამდებარე გამოცემაში, ვფიქრობთ, რამოდენიმე მზითვის წიგნის გამოტოვება არაა გამართლებული.

ლექსიკონი საკმაოდ გულდასმითაა შედგენილი, მაგრამ არაა მითითებული სიტყვების წარმომავლობა. სასურველი იყო გამოცემელს ეჩვენებინა თუ სადაურია ესა თუ ის ტერმინი.

გამოცემელი წერს: „რიგი სიტყვების ახსნა, მიუხედავად ჩვენი გულმოდგინე ცდებისა და სპეციალისტთა თვაზიანი დახმარებისა, ვერ შევძალეთ, მაგრამ ასეთი სიტყვების გატანა „ლექსიკონში“ მაინც მიზანშეწონილად ვცაინით“.

ჩვენი აზრით, ზოგიერთი განმარტების გარეშე დატოვებული სიტყვის ახსნა შესაძლებელი უნდა იყოს, ზოგიერთი ტერმინის განმარტებას კი სიზუსტე აკლდა.

მოვიტანთ ორიოდ მავალითს: განმარტების გარეშეა დატოვებული „გუჯრათის ჩაქსული“ (გვ. 331).

გუჯრათი ერთ-ერთი პროვინციაა ინდოეთისა, ჩაქსული კი ზოლიანი ქსოვილია¹².

ლექსიკონში და საძიებელში არაა გატანილი „ნახლი“¹³, არც ნახლაბაბი¹⁴.

ნახლი ძვირფასი ქსოვილია. სულხან-საბა ორბელიანის განმარტებით „ნახლი-ნაქსოვი ძვირფასი არის“. დავით ჩუბინაშვილი „ვეფხისტყაოსნის“

ტყაოსნის“, „რუსულანანის“ და „აბდულმეისის“ დამოწმებით ნახლს, როგორც „ზარიან ფარჩას“ ასე განმარტავს¹⁵.

სიზუსტე აკლია ზოგიერთი სიტყვის განმარტებას: „ხათაია“ განმარტებულია როგორც მძიმედ ნაქსოვი ჩინური ფარჩა (გვ. 337) „ხათაია“ თავდაპირველად მართლაც ჩინეთში დამზადებულ მძიმედ ნაქსოვ ფარჩას ეწოდებოდა¹⁶, მაგრამ, როგორც ჩანს, შემდეგ იგი ძვირფასი ქსოვილის საზოგადო სახელწოდებად იქცა. მაგ., ერთ საბუთში გვხვდება „ჩაქსული მძიმე ინდის ხათიის“¹⁷; ჩვენს განკარგულებაშია აგრეთვე სხვა საბუთები, საიდანაც ჩანს, რომ „ხათაიას“ ამზადებდნენ იეზდშიც¹⁸. ერთ საბუთში გვხვდება აგრეთვე „თურქესტან ხათაია“¹⁹.

გამოცემელი წერს: ბადაზშანი — ძვირფასი ლალი (ქალაქ ბადაზშანიდან) გვ. 330.

ბადაზში, ბადაზშანი (ლალის სახელწოდება) დაკავშირებულია არა ქალაქის, არამედ მზარის სახელთან (თუმცა ქალაქი ბადაზშანი არც ბობდა)²⁰. ბადაზშანის, ბადაზშანური ლალის შესახებ ვრცელი განმარტებაა მოცემული აკად. ვ. ბარტოლდის და აკად. ვ. წერეთლის ნაშრომებში²¹.

ჩვენი შენიშვნების მიზანია: გამოცემელმა გაითვალისწინოს იგი გამოკვლევის წერისას და მცირედი ხარვეზიც აიცილოს თავიდან. შენიშვნები ვერ ჩქმალავს სარეცენზიო წიგნის დიდ ღირსებას.

დავით კაციტაძე

სიონის დეკანოზის იოსებ ავალიანის (იგივე ავალოვის) მიერ თავისი ასულის მარიასადმი. მასალები საქართველოს ეკონომიური ისტორიისათვის, III, გვ. 470—473; მზითვის წიგნი, მიცემული ვაზარეულ მაღალოვის მიერ თავისი ასულის სოფიოსადმი (შედგენილია 1833 წლის თებერვლის 1). მასალები საქართველოს ეკონომიური ისტორიისათვის, III, გვ. 513—518; მზითვის სია კენიდა მარიამ თარხან-მოურავისა (შედგენილია 1843 წ. მარტის 28). მასალები საქართველოს ეკონომიური ისტორიისათვის, III, გვ. 520.

¹¹ მზითვის წიგნი, გვ. 330.

¹² მ ა მ ი ს ა ბ ე რ ძ ნ ი შ ვ ი ლ ი, მასალები საქართველოს ეკონომიური ისტორიისათვის, დანართი, I, II, III წიგნების ლექსიკონი და საძიებელი შეადგინა მ ა მ ი ს ა ბ ე რ ძ ნ ი შ ვ ი ლ ი, თბილისი, 1957, გვ. 13, 48.

¹³ გვხვდება შამნავანის მზითვის წიგნში: „ქიდვე ტყავი ალისფერის ნახლის ზარბაზის ერთი“, გვ. 22.

¹⁴ შამნავანის მზითვის წიგნი: „ქიდვე იეზდური ნახლაბაბი თეთრი კაბა ერთი“, გვ. 25.

¹⁵ ს უ ლ ხ ა ნ - ს ა ბ ა ო რ ბ ე ლ ი ა ნ ი, სიტყვის კონა, თბ., 1949, გვ. 481; ი ვ. ჭ ა ვ ა ხ ი შ ვ ი ლ ი, მასალები ქართველი ერის მატერიალური კულტურის ისტორიისათვის, III—IV, თბ., 1962, გვ. 176.

¹⁶ მ ა მ ი ს ა ბ ე რ ძ ნ ი შ ვ ი ლ ი, დასახ. ნაშრომი, გვ. 50.

¹⁷ ულისაბედ ბატონიშვილის მზითვის წიგნი, საქართველოს სახელმწიფო მუზეუმის მოამბე, X—B, თბ., 1940, გვ. 216.

¹⁸ მასალები საქართველოს ეკონომიური ისტორიისათვის, III, გვ. 271.

¹⁹ საქართველოს სიძველენი, II, გვ. 270.

²⁰ В. В. Бартольд, Историко-географический обзор Ирана, сочинения, VII, М., 1971, гв. 51.

²¹ В. В. Бартольд, Бадахшан, сочинения, III, М., 1965, გვ. 343; გ ი ო რ გ ი წ ე რ ე თ ე ლ ი, ბადაზში და ბადაზში ვეფხისტყაოსანში, აღმოსავლური ფილოლოგია, II, თბ., 1972, გვ. 35.



ქართული ემიგრაციული ძეგლები*
(შესწავლის შედეგები და ამოცანები)

ქართული ემიგრაციული ძეგლები წარმოადგენენ უმნიშვნელოვანეს წერილობით წყაროს ქართველოლოგიური საკითხების შესასწავლად. ამ ძეგლებში წარმოდგენილია მასალები ქართული დამწერლობის განვითარების, ქართული ენის, ქართული ხელოვნების, საქართველოს და მისა მეზობელი ხალხების პოლიტიკური და სოციალ-ეკონომიური ისტორიის შესახებ. ამ საკითხების ზოგიერთი უმთავრესი პრობლემის შესასწავლად ძირითადი მონაცემები, ხშირად, მხოლოდ ქართულ ემიგრაციულ ძეგლებშია ასახული. აღნიშნულის გამო, მეცნიერული ქართველოლოგიის ჩამოყალიბებიდანვე (XIX ს-ის 40-იანი წლები), ქართული ემიგრაციული ძეგლების შესწავლას (მათ შერგებას, პუბლიკაციას) განსაკუთრებული ყურადღება ექცეოდა.

ჯერ კიდევ XVIII ს-ის 70-იანი წლების დასაწყისში აკად. ა. გიულდენშტედტმა, რომელმაც რუსეთის მთავრობის დავალებით შემოიარა ამიერკავკასიის სახელმწიფოები და მათ შორის საქართველო, თავისი მოგზაურობის ჩანაწერებში შეიტანა ორ ათეულამდე ქართული წარწერა.

ქართული ემიგრაციული ძეგლები პირველად საგანგებოდ შეკრიბა ფრანგმა მოგზაურმა, გეოგრაფმა და ნატურალისტმა ფრედერიკ დიუბუა დე მონპერემ. დიუბუამ XIX ს-ის 30-იან წლებში დასაწყისში შემოიარა კავკასია და მოგზაურობისას შეკრიბილი მასალები პარიზში გამოსცა ხუთ ტომად. მასალებში გამოქვეყნებულია რამდენიმე ათეული ქართული წარწერა, რომლებიც დიუბუასელი ჩანაწერების მიხედვით გამოსაცემად მოამზადა მ. ბროსემ. ქართული წარწერების ეს პუბლიკაცია განსაკუთრებით ძვირფასია და მნიშვნელოვანი, რადგან რამდენიმე წარწერა (მათ შორის X და XI—XII საუკუნეებისა), დიუბუას მიერ გადმოღებული და გამოცემული, ამჟამად არ არსებობს: ეს წარწერები გა-

ნადგურდა ჯერ კიდევ XIX საუკუნეში. ამ დროიდან დაწყებული დღემდე, არსებული პუბლიკაციების დახმარებით, ჩვენ საშუალება გვაქვს თვალი გავადევნოთ მეტად სავალალო სურათს, თუ როგორ ნადგურდებოდა ზოგჯერ უნებლიედ და ზოგჯერაც შეგნებულად, ადამიანის ჩარევით, ქართული წარწერები, რომელთაგან ბევრი ფასდაუდებელი იყო ქართველოლოგიური საკითხების შესასწავლად.

ქართული ემიგრაციული ძეგლების სისტემატიური შესწავლა პირველად აკად. მ. ბროსემ დაიწყო. 1841—1842 წწ. საქართველოში მოგზაურობის დროს შეკრიბილი წარწერები მან გამოსცა თავის ცნობილ Rapports-ებში (12 Rapport-ი დაიბეჭდა 1849—1851 წწ. სამ წიგნად). მათში გამოქვეყნებულია 400-მდე ქართული წარწერა. მნიშვნელოვანია სამხრეთ-დასავლეთ საქართველოს ზურთთმომკრები ძეგლების ქართული წარწერების პუბლიკაცია, რომელიც მ. ბროსემ განახორციელა ნ. სარგისიანის მიერ მიწოდებულ ამ წარწერათა გრაფიკული გადმონახუების მიხედვით. მ. ბროსე ქართულ ემიგრაციულ ძეგლებს აქვეყნებდა, აგრეთვე, რუსეთის მეცნიერებათა აკადემიის სხვადასხვა პერიოდულ ორგანოებში. მას ქართული წარწერების გამოცემაში დიდ დახმარებას უწევდნენ (გადმოწერილი და ხშირად გაშიფრული ტექსტების, წარწერათა გრაფიკული გადმონახუებისა და აღწერილობათა მიწოდებით) დ. მეღვინეთხუცესის-შვილი, რ. ერისთავი, პ. იოსელიანი, ბართოლომეი, საქართველოს ეგზარქოსი ევგენი და სხვები. მ. ბროსემ პირველმა დაიწყო ქართული წარწერების ტექსტების გამოცემა დედნისეული შრიფტით (ასომთავრული, მხედრული), თარგმანებით (ფრანგულ ენაზე) და კომენტარებით (რომელთა ერთ ნაწილს დღესაც არ დაუკარგავს მნიშვნელობა). საერთოდ, უნდა ითქვას, რომ მ. ბროსემ ქართული ემიგრაციული ძეგლების შესწავლა თავისი დროის აკადემიური პუბლიკაციების დონეზე დააყენა.

* განხილვის წესით.

ცალკეული ქართული ეპიგრაფიული ძეგლები შესწავლილი აქვთ საქართველოს ისტორიის ცნობად შეკვლევაზე XIX საუკუნეში პლ. იოსელიანს და დ. ბაქრაძეს. განსაკუთრებით უნდა აღინიშნოს დ. ბაქრაძის ნაშრომი — „Археологическое путешествие по Гурии и Адчаре“ (СПб., 1878), რომელშიც პირველად არის გამოქვეყნებული გურიისა და აჭარის ქართული წარწერები, ტექსტების დენდინსეული შრიფტით, თარგმანებით რუსულ ენაზე და საყურადღებო კომენტარებით. ზატეზზე მოთავსებული ქართული ჰედური წარწერების ნაწილი გამოქვეყნებულია დ. ბაქრაძის მეორე ნაშრომში — „Опись памятников древности в некторых храмах и монастырях Грузии“ (СПб., 1890). აღწერილობა შედგენილია ნ. კონდაკოვის მიერ; დ. ბაქრაძეს ამ ნაშრომში ვეუთვნის წარწერათა ტექსტების გამოსაცემად მომზადება და მათი თარგმანები რუსულ ენაზე).

საქართველოს ერთ-ერთი ისტორიული პროვინციის — ჭავჭავეთის, ქართული წარწერების მონოგრაფიული გამოცემის ცდას წარმოადგენს ივ. როსტომიშვილის ნაშრომი — „Ахалкалакский уезд в археологическом отношении“ (СМОПЖ. XXV, 1898). მიუხედავად რიგი ნაკლოვანებებისა (კრებული არ არის სრული, არც ერთი წარწერის გრაფიული გადმონახვა არ ასახავს ფაქტიურ მდგომარეობას, ხშირად ტექსტების გაშიფრვა არ არის სრულიყოფილი) ეს ნაშრომი 1959 წლამდე ერთადერთი კრებული იყო (თუ მხედველობაში არ მივიღებთ ჭავჭავეთის რამდენიმე წარწერის ცალკე პუბლიკაციას ზოგიერთი მკვლევრის მიერ), რომელიც რამდენაღვე მძლიერი სახით წარმოგვიდგენდა ქართული ეპიგრაფიული ძეგლების ერთ-ერთ უმნიშვნელოვანეს ჯგუფს — ჭავჭავეთის წარწერებს.

უვირილის ხეობის ხუროთმოძღვრულ ძეგლებზე მოთავსებული წარწერების ერთი ნაწილი და გელათის მონასტრის წარწერები გამოსცა მწერალმა გ. წერეთელმა. ქართული წარწერების პუბლიკაციები (ხშირად მალაზხარისხოვანი ფორტების თანხლებით) წარმოადგენილია მოსკოვის არქეოლოგიური საზოგადოების ორგანოს — „Материалы по археологии Кавказа“ (МАК)-ის სხვადასხვა ტომებში [т. III (1893), т. IV (1894), т. VII (1898), т. X (1904), т. XII (1909)]. ამ პუბლიკაციების ავტორები არიან საზოგადოების თამარდომარე გრაფინია პრ. უეაროვა, აკად. მ. პავლინოვი, მოგვიანებით ექ. თაყაიშვილი და სხვ.

ქართული ეპიგრაფიული ძეგლების შეკრება-გამოცემის და შესწავლის საქმეში განსა-

კუთრებულია აკად. ექ. თაყაიშვილი და მასხრებმა. ექ. თაყაიშვილი ხუროთმოძღვრულ მუზეუმში მისი მისი დაარსებულ სპეციალურ კრებულებსა და სერიებში [„არქეოლოგიური მოგზაურობანი და შენიშვნანი“, 2 წიგნი: წ. I (1907), წ. II (1914);

„Археологические экскурсии, разскания и заметки“, 5 წიგნი: вып. I (1905), вып. II (1905), вып. III (1907), вып. IV (1913), вып. V (1915)]. აგრეთვე, არქეოლოგიურ მოგზაურობათა ანგარიშებში და ცალკეულ სტატიებში, სისტემატიურად აქვეყნებდა ქართულ ეპიგრაფიულ ძეგლებს. მიუხედავად ზოგიერთი არაარსებითი ხასიათის ნაკლოვანებებისა (კრებულები არ არის სრული, მასალის პუბლიკაცია არ არის ერთგვაროვანი), ქართული წარწერების ექ. თაყაიშვილისეული პუბლიკაციები დღემდე წარმოადგენენ მკვლევართათვის დასაყრდენს ქართული ეპიგრაფიის მონაცემების გამოყენებისას.

რაჭის ისტორიული ძეგლების წარწერები გამოსცა გ. ბოჭორიძემ [იხ. „საქართველოს მუზეუმის მოამბე“, ტ. V (1928), ტ. VII (1931—1932), ტ. VIII (1933—1934)]. აღმოსავლეთ საქართველოს წარწერების [დმანისის სიონის (1938), ბოლნისის სიონის (1941), მცხეთის სვეტიცხოვლის (1941), საშვილდის სიონის (1943) და სხვ.] საყურადღებო პუბლიკაციები განახორციელა ლ. მუხსეილიშვილმა.

ქართული ეპიგრაფიული ძეგლების უმოკრეს საცეს წარმოადგენს ს. ჯანაშიას სახ. საქართველოს სახელმწიფო მუზეუმის ქვის ძეგლების ფონდი. ამ ფონდის ქართული ეპიგრაფიული ძეგლების კატალოგი ილ. აბულაძის ხელმძღვანელობითა და რედაქციით შეადგინეს და გამოსცემად მოამზადეს ა. ბაქრაძემ და ს. ბოლქვაძემ („საქართველოს სახ. მუზეუმის ქართული ეპიგრაფიული ძეგლების კატალოგი“, თბ., 1953). კატალოგი წარმოდგენილია 69 ქართული წარწერის პუბლიკაციით.

ცალკეული ქართული ეპიგრაფიული ძეგლები შესწავლეს და გამოსცეს აკად. ივ. ჯავახიშვილი, აკად. კ. კეკელიძე, აკად. გ. ჩუბინაშვილი, აკად. ა. შანიძე. ქართული ეპიგრაფიული ძეგლების ცალკე აღებული ჯგუფის ყოველმხრივი შეაწავლის ნიმუშია აკად. გ. წერეთლის მონოგრაფია „უძველესი ქართული წარწერები პალესტინიდან“ (თბ., 1960).

ქართული ხელოვნების ძეგლების შესწავლისას მათზე არსებული წარწერების შესწავლა და პუბლიკაცია წარმოებდა და წარმოებს გ. ჩუბინაშვილის სახ. ქართული ხელოვნების ის-



ტორის ინსტიტუტის მეცნიერ თანამშრომლებს მიერ (აკად. ვ. ბერიძე, რ. მეფისიასვილი, ვ. ცინცაძე). ამავე ინსტიტუტის თანამშრომელმა თ. ბარნაველმა შეადგინა და გამოცა ქართული ეპიგრაფიული ძეგლების სამი კრებული («ატენის სიონის წარწერები», თბ., 1957; «მანგლისის ტაძრის წარწერები», თბ., 1961; «ახეთის ისტორიული ძეგლების წარწერები», თბ., 1962) და რამდენიმე სპეციალური სტატია ქართული წარწერების პუბლიკაციით.

ჯავახეთის ეპიგრაფიკული ძეგლები სავანებოდ შესწავლა და ამ კუთხის 80-მდე წარწერის კრებული გამოცა ვ. ცისკარიშვილმა («ჯავახეთის ეპიგრაფიკა როგორც საისტორიო წყარო», თბ., 1959).

ქართული წარწერების შეკრებასა და შესწავლა-გამოცემას აწარმოებენ ივ. ჯავახიშვილის სახ. ისტორიის ინსტიტუტის საქართველოს ისტორიული გეოგრაფიის განყოფილების მეცნიერ თანამშრომლები და ხელოვნების სახელმწიფო მუზეუმის მეცნიერ თანამშრომლები. ქართული წარწერების შესწავლა მიმდინარეობს კ. კეკელიძის სახ. ხელნაწერთა ინსტიტუტშიც.

ამრიგად, მასალა, რომელიც ქართული ეპიგრაფიკული ძეგლების შესწავლის 200 წლის მანძილზე დაგროვდა შემდეგი სახისაა:

1. შესწავლილია და გამოცემული ქართული ეპიგრაფიკული ძეგლების უმთავრესი ნაწილი.

2. ქართული ეპიგრაფიკული ძეგლების პუბლიკაციები მოთავსებულია სხვადასხვა ხასიათის და დანიშნულების გამოცემებში (სამეცნიერო, პოპულარულ, ისტორიულ, საენათმეცნიერო, ხელოვნებათმცოდნეობით და სხვ.). ამის გამო, ეს გამოცემები სხვადასხვა სამეცნიერო ლირებისა და ხარისხისაა. ამავე დროს, მათი მნიშვნელოვანი ნაწილი დღეს უკვე ბიბლიოგრაფიულ იმეათობას წარმოადგენს.

3. სხვადასხვა ტექნიკური შესრულებისა და მასშაბადამე, ტიპობრივად არაერთგვაროვანი წარწერები ხშირად ერთად არის გამოცემული.

4. საერთო ნაწილი ამ გამოცემებისა არასპეციალური დანიშნულებისაა, ეპიგრაფიკული ძეგლები მათში წარმოდგენილია როგორც დამხმარე მასალა.

5. საერთოდ, რამდენიმე მიერტიცხოვანი წარწერების შემცველი გამოცემების გამოკლებით, ქართული ეპიგრაფიკული ძეგლების არსებული პუბლიკაციები ვერ აკმაყოფილებენ ისტორიულ და ფილოლოგიურ მეცნიერებათა განვითარების თანამედროვე დონის მოთხოვნებს.

6. ნაკლებად არის შესწავლილი ქართული ეპიგრაფიკის თეორიული საკითხები. ლიტერატურით წარწერის პუბლიკაციისას გამოთქმული ცალკეული შენიშვნების გარდა, არაფერი მოგვემოვება ეპიგრაფიკული ძეგლების მიხედვით ქართული დამწერლობის განვითარების, მისი სახეობების, ცალკეული კალიგრაფიული სკოლების, მტკიცედ განსაზღვრული და ზუსტად შედგენილი პალეოგრაფიული ტაბულების და, აგრეთვე, სხვა თეორიული საკითხების შესახებ. ეს, ცხადია, მეორე რიგის ამოცანაა; მისი დამუშავება შესაძლებელია ეპიგრაფიკული ძეგლების სრული კრებულების შედგენის შემდეგ.

ქართული ეპიგრაფიკული ძეგლების რაოდენობა რამდენიმე ათასს აღწევს. წარწერები ქართული წყაროთმცოდნეობის უმნიშვნელოვანესი შემადგენელი ნაწილია. V—XVIII სს. ქართულ ეპიგრაფიკულ ძეგლებში წარმოდგენილია ქართული ხალხის ისტორიის, მატერიალური და სულიერი კულტურის მრავალი სვეტო და ამ ძეგლების თანამედროვე მოთხოვნისა და შესაბამისად გამართული გამოცემების მომზადება გადაუდებელი ამოცანაა. ამ ამოცანის შესრულება შესაძლებელია სხვადასხვა სამეცნიერო-კვლევითი დაწესებულებების კოორდინირებული მუშაობით, კვალიფიციურ მკვლევართა ჯგუფის მიერ. საქირია ამ საქმის დროულად მოგვარება იმიტომაც, რომ წარწერები, სხვა სახის წერილობითი ძეგლებისაგან განსხვავებით, უფრო მეტად განიცდიან როგორც ბუნებრივი, ასევე ხშირად ხელოვნური ზემოქმედების მავნე გავლენას, ნადგურდებიან და სამუდამოდ იღუპებიან შთამომავლობისათვის. ჩვენ მოგვარებება სამწუხარო ფაქტორი იმისა, თუ როგორ განადგურდა და საბოლოოდ დაიღუპა უძვირფასესი ქართული წარწერები არა თუ XIX სის II ნახ.ში, არამედ ჩვენი საუკუნის 20-იან, 30-იან და 60-იან წლებშიც კი. ამავე დროს, სავანეებოდ უნდა აღინიშნოს, რომ ქართული წარწერების მნიშვნელოვანი ნაწილი ჭერ კიდევ არ არის გამოცემული და უცნობია სამეცნიერო ლიტერატურაში. მართლ დასაჯულთ საქართველოში, რომელიც საქართველოს სხვა კუთხეებთან შედარებით ღარიბია ქართული ეპიგრაფიკული ძეგლებით (განსაკუთრებით ქვაზე შესრულებული წარწერებით), 1970—1972 წლებში აღმოჩნდა 250-ზე მეტი უცნობი ლაბიარული წარწერა, რაც ამ კუთხის ლაბიარული წარწერების საერთო რაოდენობის ნახევარზე მეტს შეადგენს.

ყოველივე ეს კიდევ ერთხელ ვეჩვენებს, თუ რამდენად გადაუდებელი საქმეა ქართული ეპიგრაფიკული ძეგლების ყოველმხრივი შესწავლა, მათი შეკრება და გამოცემა. ჭერ



ქართული ენციკლოპედია

კიდევ ნახევარი საუკუნის წინ აღნიშნავდა აკად. ივ. ჯავახიშვილი, რომ „ქართულ წარწერათა სრული ახალი კრებულის Corpus Inscriptionum Georgianarum-ის გამოცემა აუცილებელია, მაგრამ ასეთ დინამიკურ წესად წინსწარი მუშაობა უნდა უძღოდეს წინ და ამიტომ ესეც მხოლოდ მომავალში შესაძლებელი“ (ივ. ჯავახიშვილი, ქართულ დამწერლობათა-მცოდნეობა ანუ პალეოგრაფია, ტფ. 1926, გვ. 24—25).

* * *

ქართული წარწერების რაოდენობა, როგორც აღინიშნა, რამდენიმე ათასს აღწევს. მათ ქრონოლოგიური ფარგლები მოიცავს V—XVIII სს.; ქართული ეპიგრაფიკული ძეგლები, იმის მიხედვით თუ რა მასალაზე რომელი იარაღითაა შესრულებული, სამი ტიპის დამწერლობის ძეგლებად იყოფიან: 1. ლაზიდარული დამწერლობის ძეგლები (ქვაზე გამოქანდაკებით, ამოკვეთით, ან ამოკაწრვით შესრულებული წარწერები). 2. ჰელური დამწერლობის ძეგლები (ლითონზე გამოჭედვით, ჩაჭედვით) ან ამოკაწრვით შესრულებული წარწერები) და 3. ფრესკული დამწერლობის ძეგლები (ეკლესიების კედლებზე გამოსახული ფრესკების თანხლები, ან სხვა დანიშნულებისა და შინაარსის წარწერები, შესრულებული საღებავით). თითოეულ ამ ტიპს მისთვის დამახასიათებელი პალეოგრაფიული თავისებურებანი გააჩნია. ამიტომ, წარწერათა კრებულების შედგენისას საჭიროა წარწერათა დაჯგუფებას დამწერლობათა ტიპების მიხედვით სავალდებო ყურადღება მიექცეს.

ქართული ეპიგრაფიკული ძეგლების რამდენიმე გამოცემული კრებული, როგორც წესი, შედგენილია გეოგრაფიული პრინციპის მიხედვით (მაგ. კახეთის ისტორიული ძეგლების წარწერები, ჯავახეთის ისტორიული ძეგლების წარწერები...), ან ხუროთმოძღვრული ძეგლების მიხედვით (მაგ. ატენის სიონის წარწერები, მანგლისის ტაძრის წარწერები, გელათის წარწერები...). ამავე დროს, ამ კრებულებში სხვადასხვა ტიპის წარწერები ერთად არის თავმოყრილი.

ქართული ეპიგრაფიკული ძეგლების გამოცემა გეოგრაფიული პრინციპით ქართული ეპიგრაფიკის განვლულ ეტაპს წარმოადგენს. საჭიროა ამ ძეგლების სრული კრებულების გამოცემა გეოგრაფიულ-ქრონოლოგიური პრინციპით.

სერია „ქართული ეპიგრაფიკული ძეგლები“, შეიძლება გამოიცეს ხუთ წიგნად, შემდეგი გეოგრაფიული რაიონებისა და ქრონოლოგიური საზღვრების მიხედვით:

წიგნი I. V—X სს. ქართული ეპიგრაფიკული ძეგლები.

წიგნი II. აღმოსავლეთ საქართველოს ქართული ეპიგრაფიკული ძეგლები (XI—XVIII სს.).

ნაკვეთი 1. ლაზიდარული წარწერები. ნაკვეთი 2. ჰელური წარწერები.

ნაკვეთი 3. ფრესკული წარწერები.

წიგნი III. დასავლეთ საქართველოს ქართული ეპიგრაფიკული ძეგლები (XI—XVIII სს.).

ნაკვეთი 1. ლაზიდარული წარწერები. ნაკვეთი 2. ჰელური წარწერები.

ნაკვეთი 3. ფრესკული წარწერები.

წიგნი IV. სამხრეთ საქართველოს ქართული ეპიგრაფიკული ძეგლები (XI—XVIII სს.).

წიგნი V. საქართველოს გარეთ არსებული ქართული ეპიგრაფიკული ძეგლები (XI—XVIII სს.).

პირველ წიგნში წარწერები განლაგდება ქრონოლოგიური თანმიმდევრობით, ლაზიდარული, ჰელური და ფრესკული დამწერლობით შესრულებული ძეგლების ერთად თავმოყრით. აქ მოთავსდება, როგორც საუბოლო საქართველოში, ისე მის ფარგლებს გარეთ აღმოჩენილი V—X სს. ქართული წარწერები. V—X სს. ქართული ეპიგრაფიკული ძეგლების ერთად თავმოყრა და ერთ კრებულად გამოცემა აუცილებელია, როგორც მათი განსაკუთრებული მნიშვნელობის, ისე მათთვის დამახასიათებელი თავისებურებების გამო.

მეორე და მესამე წიგნების შესაბამის ნაკვეთებში წარწერები განლაგდება ქრონოლოგიური თანმიმდევრობით, დამწერლობის ტიპების მიხედვით. ცალკე ნაკვეთების გამოყოფა გამოწვეულია წარწერათა მრავალრიცხოვნებით. ფრესკული წარწერები შეიძლება თითოეულ ნაკვეთში მოთავსდეს ხუროთმოძღვრული ძეგლების მიხედვით.

მეოთხე წიგნში მოთავსდება საქართველოს სამხრეთი ისტორიული პროვინციების (ტაო, კლარჯეთი, კოლა, არტაანი, ოლთისი) ეპიგრაფიკული ძეგლები (ლაზიდარული, ჰელური, ფრესკული წარწერები).

მეხუთე წიგნში მოთავსდება ასევე ყველა ტიპის ქართული ეპიგრაფიკული ძეგლები ჩრდ. კავკასიიდან, სომხეთიდან, აზერბაიჯანიდან, მხსლობელი აღმოსავლეთის ქვეყნებიდან, რუსეთიდან, ბულგარეთიდან და შუა საუკუნეების საქართველოს საზღვარგარეთული კულტურის ცენტრებიდან.

წარწერათა დასახელებული კრებულები, აქ წარმოდგენილი კუთხობრივ-ქრონოლოგიური და ტიპობრივი დანაწილებით, შეიძლება გა-



მოიცეს ნუმერაციის გარეშეც, საერთო სახელწოდებით „ქართული წარწერების კორპუსი“. ასეთ შემთხვევაში, წინასწარი ვარაუდით, კორპუსში შევა წარწერათა დაახლოებით 25 კრებული.

„ქართული ეპიგრაფიკული ძეგლების“ სეროის ნაკვეთებიდან გამოსაცემად მომზადებულია:

1. დასავლეთ საქართველოს ლაბიდარული წარწერები (შესამე წიგნის პირველი ნაკვეთი. მომზადდა ხელნაწერთა ინსტიტუტში, ვ. სილოგავა).

2. გამოსაცემად მზადდება V—X სს. ქართული ეპიგრაფიკული ძეგლები (წიგნი I. ხელნაწერთა ინსტიტუტი, ვ. სილოგავა; თბილისის სახელმწიფო უნივერსიტეტის საქართველოს ისტორიის კათედრა, ნ. შოშიაშვილი).

* * *

„ქართული ეპიგრაფიკული ძეგლების“ ნაკვეთებიდან დასავლეთ საქართველოს ლაბიდარული წარწერების კრებული მომზადებულია შემდეგი პრინციპების მიხედვით:

კრებულში წარწერათა ტექსტები წარმოდგენილია ორი შრიფტით: დედნისეული შრიფტით (ასომთავრული, ნუსხური, მხედრული) და მათი თანამედროვე მხედრული ტრანსკრიპციით. დედნისეული შრიფტით დაბეჭდილ ტექსტებში დატულია სტრიქონების დედნისეული განლაგება, განკვეთილობისა და ქარავმის ნიშნების იმ სახითვე წარმოდგენით, როგორც ეს წარწერაშია. წარწერათა ტექსტების მხედრული ტრანსკრიპციით გამოცემისას დატულია ის ნორმები, რომლებიც დღეს არის მიღებული ძველი ქართული ტექსტების გამოცემისას თანამედროვე პუნქტუაციით. როგორც დედნისეული, ისე თანამედროვე შრიფტით დაბეჭდილ წარწერათა ტექსტებს თან ერთვის კითხვასწავობანი ყველა ადრინდელ გამოცემებთან. ასეთი სახით მომზადებულ წარწერათა ტექსტებს წინ უძღვის:

1. რიგითი ნომერი, რომელიც წარწერას მიკუთვნებული აქვს წინამდებარე კრებულში.
2. თარიღი; თუ თარიღი წარწერის ტექსტში არ არის წარმოდგენილი და დადგენილია გამოცემის მიერ, ის ჩასმულია კუთხივან კავებში.
3. წარწერის ადგილმდებარეობა. აღნიშნულია წარწერის ისტორიული ადგილმდებარეობა, ე. ი. ის სადაც წარწერა იყო მოთავსებული თავდაპირველად.
4. სახელწოდება (სამშენებლო; თუ მემორიალურია — ვის სახელზე არის შესრულებული; თუ საბუთს წარმოადგენს ტექსტში აღ-

ნიშნული სახელწოდებით — უკვე შექმნილი რილი“).

5. წარწერისა და იმ საგნის (ძირითადად ჭების ფილის, იშვიათად ხის საგნის) აღწერილობა, რომელზედაც წარწერაა მოთავსებული. წარწერის აღწერილობაში აღნიშნულია:

- ა. დამწერლობა, რომლითაც წარწერაა შესრულებული (ასომთავრული, ნუსხური, მხედრული, ნუსხურნარევი ასომთავრული ან პირიქით, ასომთავრულნარევი ნუსხური).
- ბ. წარწერის შესრულების ტექნიკური სახეობა (ამოკვეთილი, რელიეფური, გრაფიტო).
- გ. სტრიქონთა რაოდენობა.
- დ. წარწერის ზუსტი და დაწვრილებითი ადგილმდებარეობა ხუროთმოძღვრულ ძეგლზე.
- ე. წარწერის დაცულობა, ანუ შემონახვის ხარისხი.

ვ. დაწერილობის სახეობა, რომლითაც წარწერაა შესრულებული (კიდურწიარსული, კიდურწერტილოვანი, კიდურყვავილოვანი).

- ზ. ასოების სიმამლე.
- თ. განკვეთილობის ნიშანი.
- ი. კარავმის ნიშანი.

ფილის აღწერილობაში აღნიშნულია:

- ა. ჭების ჭიში, თუ მისი განსაზღვრა შესაძლებელია.
- ბ. ფილის ადგილმდებარეობა (მღრ. 5,დ).
- გ. ფილის დაცულობა.
- დ. ფილის ზომები.
- ე. ფილის იმ ფართობის ზომა, რომელიც წარწერის ტექსტს უჭირავს, თუ ეს ფართობი მნიშვნელოვნად განსხვავდება ფილის საერთო ზომისაგან.

ვ. ფილაზე წარმოდგენილი გამოსახულების აღწერა, თუ წარწერა ამ გამოსახულების ახლავს (ჯვარი — ზომების აღნიშვნით; წმიდანი; სხვადასხვა სიუეტური კომპოზიცია — ჯვრის ამაღლება, ხარება, ვედრება და სხვა).

6. წარწერის შენახვის თანამედროვე ადგილი, თუ ის ამჟამად თავდაპირველ ადგილას არ მდებარეობს.

7. წარწერის დათარიღება. წარწერის ტექსტში აღნიშნული თარიღი ვადმოტანილია ისეთივე სახით (დასაბამითვან, ქრონიკონით, ჭრისტესითი წელთაღრიცხვით), როგორითაც ტექსტშია წარმოდგენილი და გვერდით მიწერილი აქვს მისი მნიშვნელობა წელთაღრიცხვის თანამედროვე სისტემაზე გადაოყვანისას. თუ წარწერის ტექსტში თარიღი არ არის აღნიშნული, ის დათარიღებულია:

- ა. წარწერაში ასახული რეალიების (ისტორიული ფაქტი — ცნობილი და დადგენილი სხვა წყაროებითაც; ისტორიული პირი — მეფე, დედაფალი, კათალიკოსი, სახელმწიფო მოხელე) მიხედვით. ასეთი დათარიღებისას წარ-

მოდგენილია გამომცემლის განკარგულებაში არსებული ყველა სახის არგუმენტი.

ბ. პალეოგრაფიული ნიშნების მიხედვით. წარწერათა პალეოგრაფიული ნიშნების მიხედვით დათარიღებისას დასაყრდენს წარმოადგენს X—XVIII სს. ქართული ლამიადართული დამწერლობის შესწავლის თანამედროვე შედეგები. განმეორებათა თაიდან აცილებების მიზნით, თითოეულ წარწერასთან, მისი პალეოგრაფიული ნიშნების მიხედვით დათარიღებისას, არ არის დასახელებული ის კონკრეტული პალეოგრაფიული ნიშნები, რომლებიც ასეთი სახის დათარიღების საშუალებას იძლევიან. თუ წარწერის ლეგენდში არ არის საგანგებო მსჯელობა მისი თარიღის შესახებ, იგულისხმება, რომ წარწერა დათარიღებულია პალეოგრაფიული ნიშნების მიხედვით.

გ. ბიბლიოგრაფია. ბიბლიოგრაფიაში ქრონოლოგიური თანმიმდევრობით აღნიშნულია წარწერის ტექსტის ყველა არსებული გამოცემა, როგორც ორიგინალის ენაზე, ასევე მათშია თუ ტექსტი მხოლოდ თარგმანის სახით არის გამოცემული. გამოცემები დასახელებულია შემოკლებულად, ხოლო მათი სრული სახელწოდება წარმოდგენილია კრებულისადმი დართულ ბიბლიოგრაფიულ სიაში. გამოცემების შემოკლებულად აღნიშვნისას აუცილებელია გამოცემლის გვარის დასახელება, რადგან ტექსტებისათვის დართულ გამოცემათა კითხვასხვაობებში ლიტერებად გამოყენებულია ის ქართული ასოები, რომელზედაც იწყება წარწერის გამომცემლის გვარი. ეს ლიტერები მიითთებულია გამოცემებთან, მრგვალ კავებში. თუ ერთსადამივე ავტორს წარწერა გამოცემული აქვს რამდენიმეჯერ და ამ გამოცემებში განსხვავებული წაკითხვებია წარმოდგენილი, მისი გვარის ლიტერის ზედა მარჯვენა კუთხეში შესაბამისად დასმულია 1,2,3. წარწერის ტექსტის დედნისეული ჩვენება აღნიშნულია ლიტერით ვრწ (წარწერაშია).

დასახელებულ სამეცნიერო-საცნობარო აპარატს მოსდევს წარწერათა ტექსტები. ტექსტის გამოცემისას გამოყენებულია შემდეგი ტექნიკური ნიშნები:

- ა. ქარავემები გახსნილია მრგვალ კავებში — ().
- ბ. დაზიანებული ადგილები ჩასმულია ნახევარკუთხოვან კავებში — [], იმის მიხედვით, თუ ასოს რომელი (ზედა, ქვედა, ან ორივე ერთად) ნაწილია დაზიანებული.
- გ. ტექსტის ნაკლული და გამომცემლის მიერ აღდგენილი ადგილები მოთავსებულია კუთხოვან კავებში — [].

დ. გამომცემლის მიერ დამატებული სიტყვები — ტეხილ კავებში < >.

ე. წარწერის შემსრულებლის მიერ შეცდომით ამოკეთილი ზედმეტი სიტყვა, ან ასო-კლასილ კავებში [].

ვ. | — ერთი შეველი ხაზი აღნიშნავს სტრიქონის დასასრულს და მასთან დასმულია მომდევნო სტრიქონის რიგითი ნომერი. ნომრები დასმულია იმ შემთხვევაში, თუ წარწერაში სტრიქონთა რაოდენობა 5-ზე მეტია. თუ წარწერა ძირითადად შეველად არის შესრულებული, ისე რომ თითოეულ სტრიქონში ერთი, ან ორი-სამი ასო, ასეთ შემთხვევაში, შეველი ხაზები დასმულია მომდევნო სტრიქონის ნომრის აღნიშვნის გარეშე, ვიუხედავად მათი რაოდენობისა.

ზ. || — ორი შეველი ხაზი დასმულია წარწერის ტექსტში მაშინ, თუ სტრიქონი გადადის ერთი ფილიდან მეორეზე, ან ტექსტი გრძელდება ერთი ფილიდან მეორეზე.

შ. დედნისეული შრიფტით დაბეჭდილ ტექსტში და ზოგჯერ მხედრული ტრანსკრიპციით წარმოდგენილ ტექსტში (სადაც ის აღდგენილი არ არის) წერტილებით აღნიშნულია ნაკლული ასოების რაოდენობა, ისე, რომ ყოველი წერტილი თითო ასოს შეესაბამება.

თ. იმ შემთხვევაში, როდესაც ნაკლული ასოების ზუსტი რაოდენობის, ან ნაკლული ტექსტის სიდიდის დადგენა შეუძლებელია, ტექსტში დასმულია კუთხოვან კავებში მოთავსებული კითხვის ნიშანი [?].

ი. საექვო, ან გაუგებარი წაკითხვისას სიტყვის, ან ასოების ჯგუფს დასმული აქვს კითხვის ნიშანი მრგვალ კავებში (?).

გამოცემათა კითხვასხვაობების აღნიშვნისას გამოყენებულია შემდეგი პირობითი ნიშნები:

- + გამოცემაში ტექსტს დამატებული აქვს.
- გამოცემაში ტექსტს აკლია.
-] ნაკლულ გამოცემაში ტექსტი შეცვლილია.

ზომები აღნიშნულია სანტიმეტრებში.

ბოლოს, წარწერათა ტექსტებს ერთვის თარგმანი რუსულ ენაზე. თარგმნილი ტექსტის წინ აღნიშნულია:

- ა. თარიღი.
- ბ. აღვლმდებარეობა.
- გ. სახელწოდება.

კრებულისადმი დართულ ტაბულებზე წარმოდგენილია წარწერების ფოტოსურათები და გრაფიკული მონახაზები.

8. ლომთათიძის ხსოვნისადმი მიძღვნილი სამეცნიერო სესია

1974 წ. 26—27 ნოემბერს შედგა აკად. ი. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის სამეცნიერო სესია, მიძღვნილი ცნობილი არქეოლოგიისა და საზოგადო მოღვაწის ვიორჯი ლომთათიძის ხსოვნისადმი, მისი დაბადებიდან 60 წლისთავის შესრულებასთან დაკავშირებით.

სესია გახსნა აკად. ი. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის დირექტორმა, საქართველოს სსრ მეცნიერებათა აკადემიის აკადემიკოსმა ვიორჯი მელიქიშვილმა. მან მოკლედ აღნიშნა გ. ლომთათიძის ღვაწლი და დამსახურება ისტორიკოსის, ჩვენს ქვეყნისა და საბჭოთა მეცნიერების წინაშე.

მოკლე მოგონებებით გამოვიდნენ: გეოლოგი ე. ჯავრიშვილი, ხელოვნებათმცოდნე აკადემიკოსი ვ. ბერიძე, საქართველოს მეცნიერებათა აკადემიის წევრ-კორესპონდენტი, არქეოლოგი ა. აფაქიძე და ისტორიკოსი პროფ. მ. დუმბაძე, უფრ. მეცნ. თანამშრომელი, არქეოლოგი რ. ამიშვილი.

მოხსენება გ. ლომთათიძის ცხოვრებისა და მოღვაწეობის შესახებ წაიკითხა ისტორიულ მეცნ. დოქტორმა ა. კალანდაძემ. მოხსენებაში გაშუქებული იყო გ. ლომთათიძის ცხოვრებისა და მოღვაწეობის ძირითადი მომენტები. განსაკუთრებული ყურადღება დაეთმო გ. ლომთათიძის მოღვაწეობის პირველ პერიოდს, როცა იგი დაინტერესებული იყო საქართველოსა და კავკასიის ბრინჯაოსა და რკინის ხანის ძეგლებით. მცხეთის სიძველეების შესწავლით. მოკლედ იყო დახასიათებული ამ პერიოდის ნაშრომები და გაშუქებული იყო მათი მნიშვნელობა. საველე და სამეცნიერო-კვლევითი მუშაობის მეორე, მნიშვნელოვან პერიოდს გ. ლომთათიძის მოღვაწეობაში წარმოადგენდა ფეოდალური ხანის საქართველოს მრავალრიცხოვანი და დღე მასშტაბის ძეგლების შესწავლა-პუბლიკაცია და შემეცნიერო-კვლევითი მუშაობა. ამ მხრივ მან კიდევ უფრო ღრმა კვალი გააღო საქართველოს არქეოლოგიაში. ვეროვნად იყო აღნიშნული გ. ლომთათიძის დამსახურება საქართველოს ანტიკური ძეგლების გამოვლინებისა და შესწავლის დარგში.

ამავე სხდომაზე უფრ. მეცნ. თანამშრ. ნ. უგრელიძემ წაიკითხა მოხსენება გ. ლომთათიძის იმ დამსახურების შესახებ, რომელიც მას მიუძღვის კუხეთის რუსთავის და მისი ნაციხარის გათხრებისა და შესწავლის საქმეში. მოხსენებელმა მოკლედ გააშუქა გ. ლომთათიძის მუშაობის შედეგები და რუსთავის ნაციხარის გათხრების დღევანდელი მდგომარეობა. გ. ლომთათიძის დაწვებულ საქმეს დღეს აქ აგრძელებს შუა საუკუნეების არქეოლოგიის განყოფილების ექსპედიცია. სწორედ ამ მუშაობის განახლებას ცდილობდა გ. ლომთათიძე თავის სიცოცხლის უკანასკნელ წლებში.

სალამოს ამავე სხდომაზე დამსწრე საზოგადოებას უჩვენეს არმაზისხევის, რუსთავის და სხვა არქეოლოგიური ექსპედიციების მუშაობის დოკუმენტური კინოფილმები, რომლებშიც ასახული იყო გ. ლომთათიძის საველე მუშაობის ცალკეული ეპიზოდები.

27 ნოემბერს, მეორე სხდომაზე წაიკითხა იყო 6 მოხსენება: პროფ. ო. ლორთქიფანიძისა — „პალეოურბანისტული კვლევის მიზანი, მეთოდი და პერსპექტივა“. მოხსენებელმა აღნიშნა, რომ ურბანიზაციას აქვს თავისი სპეციფიკური კანონები, რომელთა გამოვლენა და შესწავლა პალეოურბანისტული კვლევის უმთავრესი მიზანია. პალეოურბანისტული ცივილიზაციის ფართოდ შესწავლა საქართველოს ძველი ისტორიის ერთ-ერთი უმთავრესი ამოცანაა, რადგან საქართველოს ძველი ქალაქების შესწავლის დარგში ვერ კიდევ გადაუჭრელი არსებითი ხასიათის პრობლემები. რამდენადც ქალაქი არის ისტორიული კატეგორია, იგი უნდა განვითარდეს როგორც სისტემურ-სტრუქტურული წარმონაქმნი და, ამიტომ ქალაქის შესწავლის მეთოდურ სტრუქტურულ-სისტემურ ანალიზის პრინციპზე უნდა იყოს დაფუძნებული. პალეოურბანისტული კვლევის დარგში განსაკუთრებული მნიშვნელობა აქვს ძველი ქალაქების არქეოლოგიურ შესწავლას.

პროფ. ტ. ჩუბინაშვილმა თავის მოხსენებაში „გ. ლომთათიძის არქეოლოგიური კვლევის ადრეული ეტაპი“, უტარაღლება გაამსჯელა გ. ლომთათიძის მიერ ჩატარებულ ამ დიდ მუშაობაზე, რომელიც მან განაზოცილა მცხე-

თა-სამთავრული ადრეული კულტურის (ძვ. წ. II ათასწლეულის I ნახევრის ბოლო VIII ს-ის) შესწავლისათვის. ამ საკითხზე დაწერილმა მისინა მონოგრაფიულმა ნაშრომმა ახალი შუქი მოჰფინა საქართველოსა და, საერთოდ, ამიერკავკასიის უძველესი ისტორიის ბევრ რთულსა და მნიშვნელოვან საკითხს.

შფრ. მეცნ. თანამშრ. რ. რამიშვილის მოხსენება — „ფეოდალური ხანის საქართველოს ისტორიის პერიოდიზაციის ზოვიერთი საკითხი ახალი არქეოლოგიური მასალების შუქზე“, შეეხებოდა უკანასკნელ წლებში საქართველოში ჩატარებულ არქეოლოგიური გათხრების შედეგად აღმოჩენილ ახალ ძეგლებს; ამათგან მკვეთრად გამოიყოფა II—IV სს. ორიგინალურ ძეგლთა ერთი ჯგუფი, რომელიც, ძირითადად, განლაგებულია მეურნეობრივად დაწინაურებულ რეგიონებში და უძვირფასეს მასალებს შეიცავს ჩვენი ქვეყნის ეკონომიურ, სოციალური და კულტურული დახასიათებისათვის. ჩვენი წელთაღრიცხვის პირველი საუკუნეებისათვის თვალში საცემია კლასობრივ ნიადაგზე აღმოცენებული მკვეთრი ქონებრივი უთანასწორობა.

მომხსენებლის აზრით, ადრეფეოდალური ურთიერთობანი ჩასახული უნდა იყოს ჩვენს წელთაღრიცხვამდე I — ჩვენი წელთაღრიცხვის II საუკუნეში (ადრეარამაზნული ქვეპერიოდი) ვაკილებით ადრე. ვანის, სტეფანწმინდის, ახალგორის, წინწყაროს, ყანჩაეთის მდიდრული კომპლექსები, სხვა მონაცემებთან ერთად, ამ მოსაზრების მატერიალურ საბუთად შეიძლება იყოს მიჩნეული.

აკად. ვ. ბერიძის მოხსენება შეეხებოდა გვიანფეოდალური ხანის ხიდებს საქართველოში; მომხსენებელმა აღნიშნა, რომ ამ ხანის ხიდების დათარიღებისათვის დიდი მნიშვნელობა აქვს ხიდების ხუროთმოძღვრული ფორმების კვაფიოდ გამოხატულ სპეციფიკას. დას. საქართველოს ხიდებისაგან განსხვავებით, აღმ. საქართველოში შეინიშნება ხიდების მშენებლობაში ირანული დეკორატიული ფორმებისა და ხუროთმოძღვრული დეტალების შემოჭრა. მომხსენებელმა განიხილა იმდროინდელი ხიდები, აღნიშნა მათი დამახასიათებელი ნიშნები

და ამ საფუძველზე, აგრეთვე წერილობით წყაროებზე დაყრდნობით, მოგვცა მათი დათარიღება.


გ. ცეციტიშვილის მოხსენება შეეხებოდა ს. გომიჯვარში (კასპის რაიონი) დღემდე შერჩენილ სასახლის კომპლექსს, რომელიც აშენებულია ვახტანგ V შაჰნავაზის შვილის — ლევან ბატონიშვილის მიერ, რასაც კარვად ადასტურებს ამ კომპლექსში შემავალი ეკლესიის წარწერა.

დასასრულ, პროფ. ვ. ჯაფარიძემ წაიკითხა მოხსენება „ადრეფეოდალური ხანის არქეოლოგიური ძეგლები ქვემო ქართლიდან (დმანისის არქეოლოგ. ექსპედიციის მასალების მიხედვით)“. მომხსენებელმა აღნიშნა, რომ ისტორიული ქვემო ქართლის ტერიტორიის იმ ნაწილში, რომელიც დღევანდელი დმანისის და ბოლნისის რაიონებს უჭირავთ, დაუღლია ქართული მცირე ხელოვნებისა და ეპიგრაფიკის მეტად მნიშვნელოვანი უძველესი ძეგლები — ქვის სტელები, რომლებიც არ არის სითანდოდ შესწავლილი და გამოუმუყურებელი. მან დამსწრე საზოგადოებას დააპოზიტივეთით უჩვენა დმანისის არქეოლოგ. ექსპედიციის მიერ მიყვლეული სხვადასხვაგვარი სტელების ფრაგმენტები, შემკული დიდი ოსტატობით შესრულებული არქაული ჩუქურთმებით და უძველესი ასომთავრული წარწერებით. მომხსენებელმა მოკლედ დაახასიათა აღნიშნული ძეგლები, მოიტანა პარალელები იმ ანალოგიური მასალებიდან, რომლებიც სანდოთ არის დათარიღებული, გაამახვილა ყურადღება სტელების წარწერებზე, სტელების დანიშნულებაზე და დაასაბუთა მათი დათარიღება. განხილული მასალები მიგვითითებენ ძველი ქართული ხელოვნებისა და დამწერლობის ამ ორიგინალური ძეგლების გავრცელებაზე ადრექრისტიანულ საქართველოში და წარმოადგენენ უტყუარ საბუთს ადრეფეოდალური საქართველოს მაღალი კულტურისა.

სამეცნიერო სესიასთან დაკავშირებით გამოიცა მოხსენებათა თეზისები ქართულ და რუსულ ენებზე.

პახტანავ ჯაფარიძე

შალვა ამირანაშვილი



ქართულმა საბჭოთა მეცნიერებამ აუნაწღ-
 ურებელი დანაკლისი განიცადა. გარდაიცვალა
 თვალსაჩინო მეცნიერი და საზოგადო მოღვაწე,
 სკკპ წევრი, ქართული საბჭოთა ხელოვნებათ-
 მცოდნეობის ერთ-ერთი ფუძემდებელი, სსრ
 კავშირის მეცნიერებათა აკადემიის წევრ-კო-
 რესპონდენტი, საქართველოს სსრ მეცნიერე-
 ბათა აკადემიის ნამდვილი წევრი, მეცნიერე-
 ბის დამსახურებული მოღვაწე, საქართველოს
 სსრ ზელოვნების სახელმწიფო მუზეუმის დი-
 რექტორი, თბილისის სახელმწიფო უნივერსი-
 ტეტის ხელოვნებათმცოდნეობის კათედრის
 გამგე, პროფესორი შალვა იახონისძე ამირანა-
 შვილი.

მთელი თავისი ცხოვრება, ნიჭი და ენერჯია
 შალვა ამირანაშვილმა მეცნიერების უანგარო
 სამსახურს მიუძღვნა. მრავალმხრივმა და ფარ-
 თო დიპლომატიის მკვლევარმა სამეცნიერო მოღ-
 ვაწეობის ხუთი ათეული წლის მანძილზე ფა-
 დაუდებელი ღვაწლი დახლო ქართულ საბჭო-
 თა ხელოვნებათმცოდნეობას. შ. ამირანაშვილი
 თანამედროვე მეცნიერების მოთხოვნათა დი-
 ნეზე, მარქსისტულ-ლენინური მეთოდოლო-
 გიის საფუძველზე განიხილავდა ხელოვნების
 ისტორიას, როგორც ხალხის სოციალურ-პო-
 ლიტკური ისტორიის განუყოფელ ნაწილს, მე-
 ზობელი ხალხებისა და ქვეყნების კულტურას.

თან ურთიერთობასა და მხიარობაში. მას დიდი დამსახურება მიუძღვის ხელოვნებათმცოდნეობის თვალსაზრისით წინაფეოდალური ხანის მხატვრული კულტურის ძეგლების შესწავლის საქმეში, რითაც მნიშვნელოვნად გააფართოვა ქართული ხელოვნების ისტორიის ქრონოლოგია. მისი მეცნიერული ინტერესების სფერო მოიცავდა აგრეთვე რუსეთის, დასავლეთ ევროპისა და ახლო აღმოსავლეთის ხალხთა ხელოვნების ისტორიის მნიშვნელოვან საკითხებს.

შ. ამირანაშვილი დაიბადა 1899 წელს ქ. ონში. 1917 წელს დაამთავრა ფოთის კლასიკური გიმნაზია და ახლად დარსებულ თბილისის უნივერსიტეტში ჩაირიცხა, სადაც შეუდგა ქართული სახვითი ხელოვნების თითქმის ყველა დარგის საფუძვლიან შესწავლას გამოჩენილი მეცნიერების ივ. ჭავჭავაძის, ე. თაყაიშვილის, გ. ჩუბინაშვილის ბელმძღვანელობით. სტუდენტობის პერიოდშივე დაიწყო ძველი ქართული ფრესკების კვლევა და 1929 წელს გამოაქვეყნა მონოგრაფიული ნაშრომი უბისის კედლის მხატვრობის შესახებ, რომელიც საფუძვლად დაედო მის სადოქტორო დისერტაციას. ძველი ქართული ხელოვნების ამ მნიშვნელოვანი დარგის საეტაპო ძეგლების ხანგრძლივი კვლევის შედეგები შეგაშადა მის ნაშრომში „ქართული კედლის მხატვრობის ისტორია“. მაღალი მეცნიერული ღირებულებისაა მისი გამოკვლევები ქართული ოქრომქედლობის, დასურათებული ხელნაწერების, ტიხრული მინანქრის შესახებ, რომლებშიც მხატვრულ-ისტორიული თვალსაზრისით არის შესწავლილი მათი განვითარების ეტაპები ქართული კულტურის გენეზისის საერთო ფონზე.

მრავალი წლის დაუცბრომელი მეცნიერული კვლევა-ძიების შედეგია შ. ამირანაშვილის კაპიტალური ნაშრომი „ქართული ხელოვნების ისტორია“, რომელიც დღემდე რჩება ერთადერთ გამოკვლევად, სადაც საქართველოს ხელოვნების ისტორია წარმოდგინილია პაღეოლოგიის ხანიდან მოკიდებული ვიღარე შოკეე საუკუნემდე. ამ ნაშრომში შ. ამირანაშვილმა პირველად მოგვცა ქართული კულტურის განვითარების მთლიანი სურათი და ნათლყო მისი სადავო კავშირი აღმოსავლეთისა და და-

სავლეთის უძველეს ცივილიზაციებთან, რამაც გარკვეულად შეუწყო ხელი აღნიშნული პრობლემისადმი ინტერესის გაზრდას მსოფლიოს სამეცნიერო წრეებში. ამის ერთ-ერთი დადასტურებაა შ. ამირანაშვილის სამეცნიერო შრომების არაერთგზის გამოცემა საფრანგეთში, იტალიაში, ამერიკის შეერთებულ შტატებში, პოლონეთსა და ჩეხოსლოვაკიაში.

მეცნიერის უკანასკნელი ნაშრომები მიეძღვნა ძველი ქართული ხელოვნების შესანიშნავ ძეგლებს — ხახულის კარედსა და მხატვარ დამიანეს შემოქმედებას.

შ. ამირანაშვილი შეუწელებელი ინტერესითა და პატივობით მონაწილეობდა რესპუბლიკის სამხატვრო-შემოქმედებით ცხოვრებაში. მისი წერილები, რეცენზიები თუ საჭარო გამოსვლები თანამედროვე საბჭოთა ხელოვნებისადმი დიდი სიყვარულითა და მზრუნველობით იყო გამსჭვალული.

შ. ამირანაშვილი მეცნიერულ მუშაობას შესანიშნავად უთავსებდა პედაგოგიურ და საზოგადოებრივ საქმიანობას. იგი წლების მანძილზე ხელმძღვანელობდა სამხატვრო აკადემიისა და სახელმწიფო უნივერსიტეტის ხელოვნებათმცოდნეობის კათედრებს და უდიდესი გულისხმიერებით ეკიდებოდა ახლგაზრდა კადრების აღზრდის საქმეს.

შ. ამირანაშვილი 1939 წლიდან სიცოცხლის უკანასკნელ დღემდე სათავეში ედგა ქართული კულტურის საგანმრთლებელ ხელოვნების სახელმწიფო მუზეუმს, რომლის საგამოფენო დარბაზებს ამშვენებს მისი მეცადინეობით მიკვლეული და დაცული ხელოვნების არაერთი ბრწყინვალე ნიმუში. შემოთხვევითი არ არის, რომ 1945 წელს სსრ კავშირის მთავრობის დავალებით იგი მიავლინეს პარიზს, მენშევიკების მიერ 1921 წელს გატანილი ეროვნული განძის სამშობლოში დასაბრუნებლად. ეს დავალება მან პირნათლად შეასრულა. გამოჩენილი მეცნიერი არაერთი არქეოლოგიური ექსპედიციის მოთავე და ხელმძღვანელი იყო. მას დიდი წვლილი მიუძღვის იმ ძეგლების გამოვლენასა და შესწავლაში, რომლებსაც ათასეული წლების მანძილზე იხსნებდა საქართველოს მიწა. შ. ამირანაშვილის დიდმა სამეცნიერო დამსახურებამ საყოველთაო აღიარება პოვა. იგი არჩეული იყო სსრ კავშირის

მეცნიერებათა აკადემიის წევრ-კორესპონდენტად, საქართველოს სსრ მეცნიერებათა აკადემიის ნამდვილ წევრად, მუზეუმთა საერთაშორისო საბჭოს ნამდვილ წევრად, საფრანგეთის სააზრო საზოგადოების წევრად, საბჭოთა კავშირ-ირანის მეგობრობის საზოგადოების საქართველოს განყოფილების თავმჯდომარედ, საქართველოს სსრ საზოგადოება „ცოდნის“ გამგეობის წევრად, საქართველოს კულტურის ძეგლთა დაცვის საზოგადოების პრეზიდიუმის წევრად და სხვ.

ქართველმა ხალხმა შ. ამირანაშვილს დიდი ნდობა გამოუცხადა — იგი არჩეული იყო სა-

ქართველოს სსრ მეექვსე და მეშვიდე მოწვევის უმაღლესი საბჭოს დეპუტატად.

კომუნისტურმა პარტიამ და საბჭოთა მთავრობამ ღირსეულად დააფასეს შ. ამირანაშვილის ღვაწლი სამშობლოსა და მეცნიერების წინაშე. იგი დაჯილდოებული იყო ლენინის, ორი შრომის წითელი დროშის და საპატიო ნიშნის ორდენებით და მედლებით.

შ. ამირანაშვილი იმ აღამიანთა რიცხვს ეკუთვნის, რომლებსაც ხალხი არასოდეს არ ივიწყებს და თაობებთან ერთად საუკუნეების მანძილზე ცოცხლობენ, როგორც ერის კულტურისათვის თავდადებული მოღვაწენი.

პ. გილაშვილი, ა. ინაური, შ. კიკნაძე, პ. მელნიკოვი, ზ. პატარძიძე, ჯ. პატიაშვილი, ვ. სირაძე, ე. შევერდნაძე, ბ. ძოწენიძე, ბ. ჯაბახიშვილი, თ. მოსაშვილი, შ. შარჭარაშვილი, ი. ჩიქაძე, შ. შარტაძე, ნ. მუსხელიშვილი, ი. ვეკუა, ე. სეხნიაშვილი, ნ. ჩიქაძეშვილი, ი. თაბთაშიშვილი, ი. აბაშიძე, ბ. ლოგუშანიძე, თ. ფარაძე, ა. ფრანგიშვილი, დ. ჭიტიაშვილი, ა. შანიძე, დ. ჩხიკვიშვილი, ბ. ჯიბლაძე.